

第一輯（上册）

# 内蒙古史志資料选編

ᠠᠨᠢᠮᠤᠭᠤ ᠰᠢᠵᠢ ᠰᠢᠵᠢ ᠰᠢᠵᠢ ᠰᠢᠵᠢ ᠰᠢᠵᠢ

内蒙古地方志编纂委员会总编室编印



# 内蒙古史志资料选编

## 第一辑

### 上册

#### 目 录

- 内蒙古各部历史沿革..... ( 1 )
- 内蒙古各部地理..... ( 65 )
- 内蒙古各部王公世系..... ( 106 )
- 省疆域沿革..... ( 195 )
- 《蒙古鉴》选录..... ( 351 )

# 內蒙古各部历史沿革

## 藩部一

科尔沁	扎赉特	杜尔伯特
郭尔罗斯	喀喇沁	土默特

清起东夏，始定内盟。康熙、乾隆两戡准部。自松花、黑龙江，迤邐而西，绝大漠，亘金山，疆丁零、鲜卑之域，南尽昆仑、析支、渠搜，三危既宅，至於黑水，皆为藩部。撫馭宾貢，愛越汉、唐。屏翰之重，所以宠之；甥舅之联，所以戚之；銳刘之卫，所以怀之；教政之修，所以宣之。世更十二，载越廿纪，虔奉约束，聿共盟会，奥矣昌矣。若夫元之駸垣，自为风气；明之蕃卫，虚有名字，盖未可以同年而語。带礪之盛，具见世表。兹綜事实，列之为传。揆文奋武，悅近来远，疏附御侮，可得大凡。末造顛頽，乃彰畔涣。盛衰得失，斯可鉴已。

科尔沁部，在喜峰口外，至京师千二百八十里。东西距八百七十里，南北距二千有百里。东扎赉特，西扎鲁特，南盛京边墙，北黑龙江。

元太祖削平西北諸国，建王、駞馬等世守之，为今内外扎萨克蒙古所自出。

科尔沁始祖曰哈布图哈萨尔，元太祖弟，今科尔沁六扎萨克，及扎赉特、杜尔伯特、郭尔罗斯、阿噜科尔沁、四子部落、茂明安、乌喇特、阿拉善、青海和碩特，皆其裔。哈

布图哈萨尔十四传至奎蒙克塔斯哈喇，有子二：长博弟达喇，号卓尔郭勒诺颜，次诺捫达喇，号噶勒济库诺颜。

博弟达喇子九：长齐齐克，号巴图尔诺颜，为土谢图汗奥巴、扎萨克图郡王布达齐二旗祖；次纳穆赛，号都喇勒诺颜，为达尔汉亲王满珠习礼、冰图郡王洪果尔、贝勒栋果尔三旗祖；次乌巴什，号鄂特欢诺颜，见郭尔罗斯传；次乌延岱科托果尔；次托多巴图尔喀喇；次拜新；次额勒济格卓哩克图，裔不著；次爱纳噶，号车臣诺颜，见杜尔伯特传；次阿敏，号巴噶诺颜，见扎赉特传。诺捫达喇子一，曰哲格尔德，为扎萨克镇国公喇嘛什希一旗祖。

蒙古强部有三：曰察哈尔；曰喀尔喀；曰卫拉特，即厄鲁特。明洪熙间，科尔沁为卫拉特所破，避居嫩江，以同族有阿噜科尔沁，号嫩江科尔沁以自别。扎赉特、杜尔伯特，郭尔罗斯三部与同牧，服属于察哈尔。

太祖癸巳年，科尔沁台吉齐齐克子翁果岱，纳穆赛子莽古斯、明安等，随叶赫部台吉布斋，糾哈达、乌拉、辉发、錫伯、卦尔察、珠舍里、纳殷诸部来侵，攻赫济格城不下，陈兵古呀山。上亲御之，至扎喀路，谕诸将曰：“彼虽众，皆乌合。我以逸待劳，伤其一二台吉，众自溃。”命巴图鲁额亦都率百骑挑战，叶赫诸部兵罢攻城来御，逆击之。明安马蹶，裸而遁，追至哈达部柴河寨南，俘获甚众。戊申，征乌拉部，围宜罕阿林城，翁果岱复助乌拉台吉布占泰，我师击败之。于是莽古斯，明安、翁果岱先后遣使乞好。

天命九年，翁果岱子奥巴率族来归。寻为察哈尔所侵，我援之，解围去。天聪二年，会大军征察哈尔。三年，从征

明，克遼化州，围北京。五年，围大凌河，降其将祖大寿。六年，从略大同、宣府边。八年，复从征明。

十年春，大軍平察哈尔，获元传国玉玺。奥巴子土谢图济农巴达礼偕台吉乌克善、滿珠习礼、布达齐、洪果尔、喇嘛什希、栋果尔，及扎赉特，杜尔伯特、郭尔罗斯、喀喇沁、土默特、敖汉、奈曼、巴林、扎噶特、阿噜科尔沁、翁牛特諸部长米贺捷。以上功德隆，宜正位号，遣朝鮮国王书，示推戴意。四月，合疏上尊号，改元崇德。礼成，叙功，诏科尔沁部设扎薩克五：曰巴达礼，曰滿珠习礼，曰布达齐，曰洪果尔，曰喇嘛什希，分領其众，賜亲王、郡王、镇国公等号。十月，命大学士希福等赴其部，鞫罪犯，頒法律，禁奸盜，編佐領。二年，从征喀木尼堪部及朝鮮。三年，征喀尔喀。四年春，征索伦。秋，围明杏山、高桥。八年，随饒餘貝勒阿巴泰、护軍統領阿尔津征明及黑龙江諸部。

順治元年，偕扎赉特、杜尔伯特、郭尔罗斯兵随睿亲王多尔袞入山海关，走流賊李自成，追至望都。二年，随豫亲王多鐸定江南。三年，复随剿苏尼特叛人腾机思，敗喀尔喀土谢图汗、车臣汗援兵。七年，科尔沁复设扎薩克一，以栋果尔子彰吉伦領之，由貝勒晋郡王爵。十三年，上以科尔沁及扎赉特、杜尔伯特、郭尔罗斯、喀喇沁、土默特、敖汉、奈曼、巴林、扎噶特、阿噜科尔沁、翁牛特、乌珠穆沁、浩齐特、苏尼特、阿巴噶、四子部落、乌喇特、喀尔喀左翼、鄂尔多斯諸扎薩克归誠久，賜敕曰：“尔等秉資忠直，当太祖、太宗开創之初，誠心归附，职效屏藩。太祖、太宗嘉尔勋

勞，崇封爵号，赏赉有加。朝覲貢獻，时令陛见，饮食教誨，为数甚多。凡有怀欲吐，俱得陈奏，心意和諧，如同父子。朕荷祖宗鸿庥，统一寰宇。恐于懿行有违，成宪未洽，恒用忧惕。亲政以来，六年于兹，未得与尔等一见，虽因万几少暇，而怀尔之忱，时切朕念。每思尔等效力有年，功績卓著，虽在庶寐，未之有斁。诚以尔等相见既疏，恐有壅蔽，不能上通，故特遣官赉敕赐币，以谕朕意。嗣后有所欲請，随时奏聞，朕无不体恤而行。朕方思致天下于太平，尔等心怀忠荃，毋忘两朝恩宠。朕世世为天子，尔等亦世世为王，享富貴于无穷，垂芳名于不朽，不亦休乎！”

康熙十三年，征所部兵討逆藩吳三桂。十四年，剿察哈尔叛人布尔尼。先是科尔沁内附，莽古斯以女归太宗文皇帝，是为孝端文皇后。孙乌克善等复以女弟来归，是为孝庄文皇后。曾孙綽尔济复以女归世祖章皇帝，是为孝惠章皇后。科尔沁以列朝外戚，荷国恩独厚，列内扎薩克二十四部首。有大征伐，必以兵从，如亲征噶尔丹，及剿策妄阿喇布坦、罗布藏丹津、噶尔丹策凌、达瓦齐諸役、扎薩克等效力戎行，莫不懋著勳勞。土谢图亲王、达尔汉亲王、卓哩克图亲王、扎薩克图郡王四爵俸币视他部独增，非惟礼崇姻戚，抑以其功冠焉。所部六旗，分左右翼。土谢图亲王掌右翼，附扎賚特部一旗、杜尔伯特部一旗；达尔汉亲王掌左翼，附郭尔罗斯部二旗，統盟于哲里木。右翼中旗駐巴顏和翔，左翼中旗駐伊克唐噶哩克坡，右翼前旗駐席喇布尔哈苏，右翼后旗駐額木图坡。左翼前旗駐伊岳克里泊，左翼后旗駐双和尔山。爵十有七：扎薩克和碩土谢图亲王一，附多罗贝勒

一，扎萨克和碩达尔汉亲王一；附卓哩克图亲王一，多罗郡王二，一由亲王降袭；多罗贝勒一；固山贝子一；辅国公四，一由贝子降袭；扎萨克多罗扎萨克图郡王一；扎萨克多罗冰图郡王一；扎萨克多罗郡王一，由贝勒晋袭；附辅国公一，由贝子降袭；扎萨克镇国公一。左翼中旗扎萨克达尔汉亲王满珠习礼之玄孙色布腾巴勒珠尔，乾隆十一年三月尚固伦和敬公主。二十年，准噶尔之平，以功加双俸，寻以阿睦尔撒纳叛事，夺爵。二十三年，复封和碩亲王。三十七年，与征金川，又以附富德劾阿桂，夺爵。四十年，复之。

四传至棍楚克林沁，袭镇国公，官至御前大臣，卒。其后左翼中旗辅国公二，左翼后旗辅国公一，均停袭。左翼后旗扎萨克多罗郡王僧格林沁，以军功晋博多勒噶台和碩亲王。同治二年，予世袭罔替。四年，以剿念匪阵亡，自有传。其旗增多罗贝勒一，辅国公二，皆以僧格林沁功。

僧格林沁子伯彦訥謨祜，初封辅国公。同治三年，晋贝勒。四年七月，袭博多勒噶台亲王，为御前大臣。十一月，命与左翼中旗扎萨克达尔汉亲王索特那木朋苏克等选马队剿奉天马贼。五年二月，大破马贼于郑家屯。三月，命捕吉林余匪。六月，条陈奉天善后事宜，诏如所请行。匪平，回京。光绪初，德宗典学，命在毓庆宫行走，授兼镶黄旗领侍卫内大臣。十七年，卒。

自道光季年海防事起，洎咸丰三年粤逆北犯，八年海防又急，皆调东三盟兵协同防剿，科尔沁部为之冠，予爵职、给荫袭者，皆甲诸部。僧格林沁之亡，始撤哲里木盟兵旋所部。

初，科尔沁諸旗以距奉天近，皆招佃內地民人开垦。乾隆四十九年，盛京將軍永瑋等奏：“宾图王旗界内所留民人近铁岭者。达尔汉王旗所留民人近开原者，即交铁岭县、开原县治之”。嘉庆十一年十月，盛京將軍富俊等以左翼后旗昌图额勒克地方招垦閑荒，经历四载，人民四万有奇。請增置理事通判治之。达尔汉王旗界内所留人民，亦交通判就近并治，时諸旗扎萨克、王、公等多招民人垦荒，积欠抗租，则又請驱逐。廷议非之，严定招垦之禁，已佃者不得逐，未垦者不得招。道光元年，左翼中旗扎萨克达尔汉亲王布彦温都尔瑚竟以垦事延不就鞫，夺扎萨克。然私放私垦者仍日有所增，流民游匪于焉麋集。同治中，以昌图匪乱，通判秩輕，升为理事同治。光緒二年，署盛京將軍崇厚奏设官撫治，以清盜源、遂升昌图同知为府，以原垦达尔汉王旗之梨树城、八面城地置奉化、怀德二县隶之。七年，又设康平县于康家屯，隶之。二十八年，盛京將軍增祺奏设辽源州于苏家屯，隶之。皆治左翼三旗垦民。

是年，右翼前旗扎萨克图郡王乌泰以放荒事屢被劾，命礼部尙书裕德会增祺勘治。四月，复奏言：“乌泰已放荒界南北长三百余里，东西宽一百余里，外来客民有一千二百六十余户。乌泰不諳放荒章程，以致嗜利之徒，任意垦占，转相私售。实已暗增数千余户。新开荒地又增长三百余里，宽一百余里。梅楞齐莫特、色楞等复袒护荒户，阻台吉壮丁在新放荒地游牧。协理台吉巴图济尔噶勒遂以斂財聚众，不恤旗艰，控之理藩院。经传集乌泰等亲自宣导。均各悔悟，愿湔洗前愆，驱除谗慝、和同办理旗务。請将乌泰、巴图济尔噶

勒哲革，仍准留任，勒限三年，限滿经理得宜，由閩旗呈請开复，否則永远革任；齐莫特、色楞等均分別屏黜，不准干預旗务。并为定額荒招垦章程，荒价則一半报效国家，一半归之蒙旗。升科則每响以中錢二百四十为筹餉设官等经费，以四百二十作蒙古生计，自王府至台吉、壮丁、喇嘛，各有得数。仍酌留余荒，讲求牧养。”均报可。十月，增祺又奏勘明是旗洮尔河南北已垦未垦之地，约有一千余万亩，派员设局丈放。三十年，以其地置洮南府，並置靖安、开通二县隶之。三十一年，盛京將軍赵尔巽以右翼后镇国公旗垦地置安广县，而法庫門旧为左翼中达尔汉王諸旗招垦地。亦置同知治之。三十四年，东三省总督徐世昌以右翼中旗和碩土谢图亲王垦地置醴泉等县。于是科尔沁六旗垦地几遍，郡旗亦最多，諸扎萨克王公等得租丰溢，而化沙砾为膏沃，地方亦日臻富庶。

諸扎萨克王公等世次皆见表，惟右翼和碩土谢国亲王色旺諾尔布桑宝以庚子之变，中外多故，殞于非命。裕德等勘奏，謂为属员逼勒而死，因請治逼勒者如律。寻增祺奏以族子业喜海順承袭，传爵如故。

凡蒙旗，扎萨克为一旗之长，制如一品，与都统等。其輔曰协理台吉。属曰管旗章京，付章京，参領、佐領。蒙語管旗章京曰梅楞，参領曰扎兰，佐領曰苏木。苏木实分治土地人民。其佐領之額，右翼中旗二十二，左翼中旗四十六，右翼前旗、后旗均十六，左翼前旗、后旗均三。凡哲里木盟重大事件，科尔沁六旗以近奉天，故由盛京將軍专奏。郭尔罗斯前旗一旗以近吉林，郭尔罗斯后旗、扎賚特、杜尔伯特

三旗以近黑龙江，故各由其省将军专奏。

**扎赉特部**，元太祖弟哈布图哈萨尔十五传至博第达喇，有子九，阿敏其季也。与兄齐齐克、纳穆赛等邻牧，号所部曰扎赉特。天命九年，阿敏子蒙袞偕科尔沁台吉奥巴遣使乞好，优诏答之，遂率属来归。顺治五年，授蒙袞子色棱扎萨克，以与科尔沁同祖。附之，隶哲里木盟。旗一，驻图卜钟察罕坡。其爵为扎萨克多罗贝勒，由固山贝子晋袭。

光緒二十五年，黑龙江将军恩泽等奏：“以户部咨，黑龙江副都统寿山条奏，請放蒙古各族荒地，派员赴扎赉特旗剴切劝商，愿将属界南接郭尔罗斯前旗、东滨嫩江之四家子、二龙梭口等处，指出开放，南北约长三百余里，东西宽百余里或三四十里，设局勘办。并謂若大东以至大西，使沿边各蒙旗均能招民垦荒，则强富可期，即可无北鄙之惊。”下所司议行。先是哲里木盟諸旗皆以禁垦甲令过严，无敢明言招垦者，至是始接踵开放云。三十一年，以垦地置大赉厅治之。是部有佐领十六。

**杜尔伯特部**，在喜峰口外，至京师二千五十里。东西距百七十里，南北距二百四十里。东及北皆黑龙江，西扎赉特。南郭尔罗斯、北界索伦藩部。蒙古称杜尔伯特部者二，同名异族。一姓鲜噶斯，为卫拉特台吉孛罕裔，旗十有四，驻牧乌兰古木，称外扎萨克。别有传。一姓博尔济吉特，为元太祖弟哈布图哈萨尔裔，即今驻喜峰口外之内扎萨克也。

哈布图哈萨尔十六传至爱纳噶，始以名其部。天命九年，爱纳噶子阿都齐偕科尔沁台吉奥巴遣使乞好，优诏达之，遂率属来归。顺治五年，授阿都齐子色棱扎萨克，以与

科尔沁同祖，附之，隶哲里木盟。旗一，驻多克多尔坡。其爵为扎萨克固山贝子。

同治二年，杜尔伯特贝子貢噶綽克坦咨黑龙江將軍，請將交界重立封堆。尋勘明：“巴勒該岡以北黑龙江界內，有杜尔伯特蒙人等屯居四处。牌莫多以南杜尔伯特界內，有黑龙江省屬人等居屯八处。旧界所占均系旷地，应准各就其所。以安生计。蒙古越占巴勒該岡地，应将南榆树改为新界。省屬人等越占牌莫多地。应将四六山改为新界。共立界堆十七。”奏入，詔如议。四年，貢噶綽克坦复咨以新立界堆將蒙古田地草厂归入省界。有碍蒙古生计。詔派副都統克蒙額与哲里木盟長及杜尔伯特會勘，划还塔尔欢屯以东第十、第十一封堆之西蒙古坟塋房基。平毀二十顆树封堆之南蒙界旗屯房屋，又增立界堆十有九，并以牌莫多以南官屯旧占蒙屯较巴勒該岡以北蒙屯的旧有屯多地十三里，拔二十顆树封堆之南省屬空閑地如数补之。七年六月奏結，請飭貝子貢噶綽克坦严約屬人照界永远遵守，报可。十年，以是旗私招民人垦荒，严申禁令，革其协理台吉。光緒二十五年，將軍恩澤以招垦蒙地，关边圍富强大計，复奏派員商劝放垦。时东三省铁路之約既成，是部当铁路之冲，交涉煩多，商民萃集。三十二年，因以所部垦地置安达厅治之，隶黑龙江。是部一旗，有佐領二十五。

**郭尔罗斯部**，在喜峯口外，至京師千八百九十七里。东西距四百五十里。南北距六百六十里。南盛京边牆，东吉林府，西及北科尔沁。

元太祖遺弟哈布图哈萨尔征郭尔罗斯部，十六传至乌巴

什，即以为所部号。子莽果仍之。

天命九年，莽果子布木巴偕科尔沁台吉奥巴遣使乞好，优诏答之，遂率属来归。会察哈尔林丹汗掠科尔沁，遣军由郭尔罗斯境往援，至农安塔。林丹汗遁，不敢复犯科尔沁及郭尔罗斯诸部。嗣设扎萨克二：曰布木巴，爵镇国公；曰固穆，为布木巴从弟，爵辅国公。以与科尔沁同祖，附之。隶哲里木盟。旗二：前旗驻固尔班察汗，后旗驻榛子岭。爵三：扎萨克辅国公一，扎萨克台吉一，附镇国公一。

是部布木巴一旗为前旗，近吉林。嘉庆五年吉林将军秀林奏以郭尔罗斯垦地置长春理事通判，并请分征其租，上以非体斥之。十传至喀尔玛什迪，由光绪九年削扎萨克，公爵如故。以其族等台吉巴雅斯呼朗代为扎萨克。光绪十三年，复升长春厅为府。于是旗界内辽黄龙府旧地置农安县，隶之。三十四年，又以垦地增广，分置长岭县。宣统二年，分长春府地置德惠县。旋又定国家与蒙古分收民租例。是旗置郡县凡四，皆隶吉林。

固穆一旗为后旗，近黑龙江，亦当东三省铁路之冲。光绪三年，以垦地置肇州厅，隶黑龙江。后又分置肇东经历。是部二旗，垦地分隶吉林、黑龙江二省。前旗有佐领二十三。后旗有佐领三十四。

喀喇沁部，在喜峰口外，至京师七百六十里。东西距五百里，南北距四百五十里。东土默特及敖汉、西察哈尔正蓝旗牧厂，南盛京边墙，北翁牛特。

元时有扎尔楚泰者，生济拉玛，佐元太祖有功。七传至和通，有众六千户、游牧额沁河，号所部曰喀喇沁。子格呼

博罗特继之。

生子二：长格噶勒泰宰桑，为扎萨克杜棱貝勒固噜思奇布及扎萨克一等塔布囊格噶尔二旗祖；次图噜巴图尔，为扎萨克镇国公色棱一旗祖。格噶勒泰宰桑子四：长恩克，次准图，次鄂穆克图，均居喀喇沁。天聪二年二月，恩克曾孙苏布地以察哈尔林丹汗虐其部，偕弟万丹伟征等乞内附、表奏：“察哈尔汗不道，喀喇沁被虐，因偕土默特、鄂尔多斯、阿巴噶、喀尔喀诸部兵，赴土默特之赵城，击察哈尔兵四万。还，值赴明清赏兵三千，复殄之。察哈尔根本动摇，事机可乘。皇帝儻兴师进剿，喀喇沁当先诸部至”。谕遣使面议。七月，遣喇嘛偕五百三十八人来朝，命貝勒阿济格、碩托迎宴，刑白马鸟牛誓。九月，上亲征察哈尔、苏布地等迎会于赫洛郭勒，赐赉甚厚。三年正月，敕所部遵国宪。六月，苏布地及图噜巴图尔孙色棱等率属来归，诏还旧牧。十月，上行明，以塔布囊布尔哈图为导，入遵化，驻兵罗文峪。四年，布尔哈图为明兵所围，击败之，擒副将丁启明及游击一、都司二。诏嘉其功，赐庄田仆从及金币。六月，由都尔汗从征察哈尔，林丹汗遁，以所收察哈尔粮贮辽河守之。复分兵随貝勒阿济格略明大同、官府边。八年正月，偕巴林、阿噜科尔沁、阿巴噶诸部兵收抚察哈尔流民。五月，从征明大同，至朔州。九年正月，诏编所部佐领，以苏布地子固噜思奇布掌右翼，色棱掌左翼。五月，选兵从征明，败之于辽河源。

崇德元年，诏授布尔哈图一等子，赐号岱达尔汉塔布囊。二年，遣大臣阿什达尔汉等赴其所部理庶狱。三年九月，随

大軍自密云入明边，敗其兵六千，十月，从征前屯卫及宁远。七年，从围蓟州，过北京，下山东。

順治元年，从入山海关，击流賊李自成。六年，从征喀尔喀。康熙十三年，大軍剿逆藩耿精忠等，所部塔布囊霍济格尔偕土默特塔布囊善达等，以兵赴兗州。十七年，上諭曰：“塔布囊霍济格尔等前自兗州赴浙江，听康亲王杰书调度。各统所属官兵征剿逆賊，深入閩省，同大兵平定逆藩耿精忠。行间效力，身先士卒，冲锋陷陣，奋勇用命，深为可嘉。宜降恩纶，即行议叙，以励后效。”二十年，上駐蹕和尔和，諭曰：“塔布囊霍济格尔出征时最著勤勞，今已溘逝。朕至此地，遣散秩大臣鄂齐等携茶酒往奠”。二十五年，叙平浙江，福建功，賜参領巴雅尔等十人世职。

二十九年，从征噶尔丹，敗之于乌兰布通。四十四年，诏增设一旗，以塔布囊格呼尔領之。五十四年，征所部兵千赴推河防御策妄阿喇布坦，寻命侍郎觉和托等携帑万两賜之，雍正九年，从征噶尔丹策凌。所部初设二旗，右翼駐錫伯河北，左翼駐巴顏珠尔克，后增一旗，駐左右翼界内。爵六：亲王品级扎萨克多罗杜棱郡王一，由貝勒晋襲；附镇国公一，由貝勒降襲；辅国公一；扎萨克多罗貝勒一，由貝子晋襲；扎萨克固山貝子一，由镇国公晋襲；扎萨克公品级一等塔布囊一。

乾隆四十一年，以所部垦地设平泉州。嘉庆八年，降爵。貝子丹巴多尔济以获逆犯陈德功，予貝勒，官至領侍卫内大臣、御前大臣，卒。光緒二十三年，扎萨克一等台吉塔布囊巴塔瑪鄂特萨尔以事革，复以貝勒熙凌阿襲。存爵

五。

是部招民垦地最在先。乾隆十四年。始定不許容留民人多垦地亩之禁。道光十九年，复定喀喇沁、土默特种地民人不得以所种地亩折算蒙古除貸銀錢例。光緒十七年，敖汉部金丹道匪之变，是部同时被扰。事平，特頒帑賑恤之。二十九年，热河都统錫良以左翼旗招华商承办全旗五金各矿，中旗同道隆銀行立有合同，开八里罕等地金矿，与定章应声明华、洋股本若干，及只准指定一处不准兼指数处者不符，詔飭外务部妥议办法。下所司议申定章约束之。

是部右翼旗有佐領四十四，中旗有佐領三十八，左翼旗有佐領四十，与土默特二旗统盟于卓索图。嘉庆中，设热河都统后，是盟与昭乌达盟重大事件，皆由都统专奏。道光末，筹直求海防，咸丰初，剿粵匪，皆征是盟之兵，与哲里木、昭乌达号东三盟兵，颇著功績云。

**土默特部**，在喜峰口外，至京师千里。东西距四百六十里，南北距三百有十里。东养息牧牧场，西喀喇沁，南盛京边墙，北喀尔喀左翼及敖汉。土默特分左右翼，异性同牧。主左翼者为元臣济拉瑪裔。自济拉瑪十三传至善巴，与喀喇沁为近族。主右翼者为元太祖裔。自元太祖十九传至鄂木布楚琥尔，生子固穆，与归化城土默特为近族。

天聰三年，善巴、鄂木布楚琥尔各率属来归。八年六月，选兵从征明，頒示軍律。七月，由独石口入明边，会大軍于保安州，分兵隶都统武訥格，略察哈尔边。九年，诏编所部佐領，设扎萨克三：曰善巴、曰賡格尔、曰鄂木布楚琥尔。賡格尔者，善巴族也。崇德二年，以罪削扎萨克，善巴

領其眾。自是土默特分左右翼，命善巴及鄂木布楚琥爾掌之。是年遣大臣阿什达尔漢等赴其部理庶獄。六年，從圍明錦州，敗總督洪承疇援兵。八年，隨饒余貝勒阿巴泰征明。

順治元年，從入山海关，擊流賊李自成。三年，隨剿蘇尼特部叛人騰机思。康熙元年，喀爾喀台吉巴爾冰圖來歸，詔附土默特牧。十三年，大軍剿逆藩耿精忠等，詔所部塔布囊善達偕喀喇沁塔布囊霍濟格爾以兵赴兗州听調。十七年，調赴浙江，隨康親王杰書進剿。閩地悉定、諭優叙。五十五年，詔選兵千隨公傅爾丹屯鄂爾坤。五十九年，以旱欠收，賜帑賑之。雍正三年，塔布囊沙津達賚隨大軍防禦准噶爾。七年，封鎮國公。九年，大將軍傅爾丹擊准噶爾于和通呼爾哈諾爾，沙津達賚陣逃，削爵；而土默特部將之隨參贊內大臣馬蘭泰者，敗賊西爾哈昭，斬獲甚眾，稍雪耻焉。

所部二旗，左翼駐海他哈山，右翼駐巴顏和朔，隸卓索圖盟。爵三：扎薩克多羅达尔漢貝勒一，由鎮國公晉襲；附喀爾喀貝勒一；扎薩克固山貝子一。

乾隆四十一年，以部墾地置朝陽縣。同治九年，以右翼旗箭丁等屢控扎薩克貝子索特那木色登科派太重，於是管旗章京阿阿尙等以因公派錢不能體恤，均革。熱河都統庫克吉泰因奏變通土默特比丁章程，申明交納丁錢旧章，箭丁子女不許妄行役使及隨侍陪嫁，八枝箭丁仍歸土默特管束。光緒十七年，敖漢部全丹道匪之變，是部同時被擾。事平，賑恤之。左翼有佐領八十，右翼有佐領九十，于諸旗為特多焉。

## 藩部二

敖汉	奈曼	巴林	扎鲁特
阿鲁科尔沁	翁牛特		克什克腾
喀尔喀左翼	乌珠穆沁		浩齐特
苏尼特	阿巴噶		阿巴哈纳尔

敖汉部，在喜峰口外，至京师千有十里。东西距百六十里，南北距二百八十里。东奈曼，西喀喇沁，南土默特，北翁牛特。

内扎萨克二十四部，自科尔沁、扎鲁特。杜尔伯特、郭尔罗斯、喀喇沁、土默特左翼、阿鲁科尔沁、翁牛特、阿巴噶、阿巴哈纳尔、四子部落、茂明安、乌喇特外，皆元太祖十五世孙达延车臣汗之裔。达延车臣汗子十一：长图鲁博罗特，其嗣为敖汉、奈曼、乌珠穆沁、浩齐特、苏尼特五部；第三子巴尔苏博罗特，其嗣为土默特右翼一旗及鄂尔多斯部；第五子阿尔楚博罗特，其嗣为巴林、扎鲁特二部；第六子鄂齐尔博罗特，其嗣为克什克腾部；第十一子格噶森扎扎鲁尔琿台吉，其嗣为喀尔喀左翼、喀尔喀右翼二部；余皆不著。图鲁博罗特子二：长博第阿喇克，详乌珠穆沁传；次纳密克，生貝瑪土谢图。子二：长岱青杜楞，号所部曰敖汉；次额森布徵諾颜，详奈曼传。

岱青杜楞子索諾木杜梭及塞臣卓哩克图，初皆服属于察哈尔。以林丹汗不道，天聪元年，偕奈曼部长衮楚克率属来归，诏索諾木杜梭居开原，塞臣卓哩克图还旧牧。二年，偕奈曼、巴林、扎嚕特諸台吉剿察哈尔，谕勿妄杀降，严讯哨。后索諾木杜梭以私猎哈达、叶赫山罪，议夺开原地。塞臣卓哩克图卒，子旺第继为部长。八年冬，遣大臣赴碩翁科尔定諸藩牧，以扎哈苏台、囊嘉台为放汉界。崇德元年、诏编所部佐領，设扎萨克，以旺第領之，爵多罗郡王。

順治元年，从入山海关，击流贼李自成。康熙十三年，請选兵随剿逆藩吴三桂，诏还牧听调。十四年，随大軍剿察哈尔叛人布尔尼。十五年，征兵赴河南，寻调荆州。赴三年，凱旋。二十八年秋，诏发喜峰口仓粟賑所属貧户。三十七年冬，遣官往教之耕，谕曰：“朕巡幸所经，见敖汉及奈曼諸部田土甚嘉，百谷可种。如种谷多获，则兴安岭左右无地可耕之人，就近買糶，不須入边市米矣。其向因种谷之地不可牧馬，未曾垦耕者，命酌留草茂之处为牧地，自两不相妨。且敖汉、奈曼蒙古以捕鱼为业者众，教之以引水灌田，彼亦易从。凡有利益于蒙古者，与王、台吉等相商而行。”雍正五年，以所部災，賜帑賑之。九年，随大軍剿噶尔丹策凌。

所部一旗，驻固尔班图尔噶山，与奈曼、翁牛特、巴林、扎嚕特、喀尔喀左翼、阿魯科尔沁諸部統盟于昭乌达。爵五：扎萨克多罗郡王一；附多罗郡王一；附固山貝子二，一由貝勒降袭；镇国公一，由貝子降袭。

是旗垦事最在先。嘉庆以后，屢申严禁。光緒十七年，

金丹盜匪楊悅春等糾眾為亂。十月，攻貝子德克沁府踞之，戕德克沁，四出紛擾，喀喇沁、土默特、翁牛特、奈曼諸部皆被兵。劫漢人為匪，遇蒙人則殺，占官署，毀教堂，蹂躪甚慘。命直隸提督叶志超等剿之，至十二月始平。詔賑恤之，凡赦漢等五部八旗，為銀十七萬兩有奇，全濟民、蒙三十萬口有奇。李鴻章會都統奎斌奏：“蒙古、客民結怨已深，一在佃種之交租，一在商賈之積欠。應更定新章，佃種蒙地者，由地方官征收，蒙古王公派員領取；商民領取蒙古資本貿易，或彼此賒欠致有虧折，亦應送地方官持平論斷，毋稍偏倚。”此赦漢諸部蒙古、客民結隙根本所在，故鴻章等欲更張救之。二十四年，扎薩克郡王達木林達爾達克以充昭烏達盟長擾累屬下，違例科派，奪盟長及扎薩克。三十一年，扎薩克郡王勒恩扎勒諾爾贊復被護衛刺死。三十三年，都統廷杰以置嗣未定，請理藩院慎擇親賢，速為承襲。宣統元年，以族人棍布札布襲。二年，分置左、右二旗，以原有扎薩克者為左旗，別授郡王色凌端魯布為右旗扎薩克。左旗有佐領三十五，右旗有佐領二十。

**奈曼部**，在喜峰外，至京師千有百一十里。東西距九十五里，南北距二百二十里。東喀爾喀左翼，西赦漢，南土默特、北翁牛特

元太祖嘗偕弟哈布圖哈爾平奈曼部，三傳至額森傳征諾顏，即以為所部號。子袞楚克嗣，稱巴圖魯台吉，服屬於察哈爾。以林丹汗不道，天聰元年，偕從子鄂齊爾等率屬來歸，詔還歸牧。鄂齊爾以率巡徼，斬察哈爾兵百，獲牲畜百餘獻，賜號和碩齊，費甲一。八年，遣大臣赴碩翁科爾定諸

藩牧，以巴克阿尔和硕、巴噶什鲁苏台为奈曼界。崇德元年，授扎萨克，爵多罗达尔汉郡王。先是，所部阿邦和硕齐从大軍剿茂明安部逃贼有功。至是以宣谕朝鮮，衮楚克遣属岱部齐资书从。遇明皮島兵，狙击之，斩贼二，被創还，悉蒙奖赉。五年，遣属扎丹随大軍征索伦，凱旋，得优賜。七年，复遣属善丹、萨尔图随征明，由黃崖口入边，下薊州，趋山东，攻克兗州。八年，善丹来献俘，賜宴。

順治元年，从入山海关，击流賊李自成。康熙十四年，察哈尔布尔尼叛，扎萨克郡王扎木三应之，徙察罕郭勒，与布尔尼贼臺联声援，且遣党煽諸扎萨克。诏撫远大將軍信郡王鄂扎率师討，至达祿，布尔尼败遁，为科尔沁額駙沙津阵斩。扎木三蹙縛乞罪，特旨貸死。更优奖不附逆諸台吉，鄂齐尔由一等台吉袭扎萨克郡王爵，乌勒木济由二等台吉晋貝子，格呼尔由二等台吉晋辅国公，乌尔图纳素图由三等台吉晋一等台吉，鄂齐尔长子額尔德尼授三等台吉。二十年，诏发喜峰口仓粟賑所属貧户。雍正五年，所部歉收，賜帑賑子。九年，随大軍剿噶尔丹策凌。初，奈曼与敖汉逢国家典祀及征伐事，先后偕来、位秩如一。独扎木三怀二，遂不齿于敖汉。迨鄂齐尔重膺賜封，奉职惟謹，而荷恩亦如故焉。

所部一旗，驻彰武台，其爵为扎萨克多罗达尔汉郡王。道光二十七年，以寿安固伦公主指配奈曼扎萨克郡王阿完都洼第扎布之子德木楚克扎布，授固伦額駙。旋袭爵职。同治四年，卒，追賜亲王銜。光緒十七年，金丹道匪之变，是部亦被扰。事平，賑恤之。有佐領五十。

**巴林部**，在古北口外，至京師九百六十里。东西距二百

五十一里，南北距二百三十三里。东阿嚕科尔沁，西克什克騰，南翁牛特，北乌珠穆沁。

元太祖十六世孙阿尔楚博罗特生和尔朔齐哈萨尔。子苏巴海，称达尔汉诺颜，号所部曰巴林。子巴噶巴图尔嗣。有子三：长额布格岱洪巴图嚕，次和托果尔昂哈，次色特尔。初皆服属于喀尔喀。

天命四年，额布格岱洪巴图魯偕喀尔喀部长遣使乞盟，允之。十一年春，以背盟私与明和，大军往討，阵斩台吉囊塔克。冬，討扎嚕特，诏分軍入部境以张兵势，焚原驱哨而还。会察哈尔林丹汗掠其諸部，台吉皆奔依科尔沁。天聰二年，色特尔率子色布弼及额布格岱洪巴图魯子色梭、和托果尔昂哈子滿珠习礼等，自科尔沁来归，优赉撫辑之。三年，从征明，由养息穆河入大安口，克遵化。四年，攻昌黎，与扎嚕特兵围城北。六年，从略大同、宣府边。八年五月，会兵扎木哈克征察哈尔，赐宰桑布兑山津雕鞍良馬，遂由独石口征明朔州，克堡入。十月，遣大臣赴硕翁科尔定諸藩牧，以扈拉瑚琥、呼布里都、克哞叶哈达、瑚济尔阿达克为巴林界。崇德元年，选兵从征明。三年，自墙子岭入明边，树云梯攻城，台吉阿玉什孛索尔古先登，克之。四年，围錦州。六年，围松山。七年，献俘，赉将弁币。

順治元年，从入山海关，击流贼李自成。五年，诏编所部佐領，以滿珠习礼掌左翼，爵固山貝子；色布騰掌右翼，爵多罗郡王；各授扎萨克。康熙二十三年，上幸塞外，驻蹕乌拉岱；两翼扎萨克率諸台吉来朝，赐冠服、弓矢、銀币有差。二十八年，诏发古北口仓粟賑所属貧户。二十九年，命

額駙阿喇布坦率兩翼兵四百，赴胡芦郭勒偵噶勒丹。是役也，色布騰子格噶爾圖、納木扎，孫納木達克、桑哩達、烏爾袞，暨族台吉沙克塔爾等皆從。格噶爾圖尤沖鋒奮擊，師旋，得優賚。三十四年，以噶勒丹掠喀爾喀至巴顏烏蘭，詔檄敖漢、奈曼兵赴阿喇布坦軍，並命納木達克、烏爾袞等防烏珠穆沁汛。是年所部歉收，詔發坡賴屯米賑之。三十八年，命護軍統領鄂克濟哈、學士蘇赫納往會扎薩克等，將現貯巴林米千石散賑。若人眾米寡，再運坡賴米賑給。雍正九年，隨大軍剿噶勒丹策凌。二等台吉玲瞻追賊察巴罕河，護駝馬；又擊之于塔爾勒圖、固爾班什勒諸處。叙功，晉授一等台吉。

所部二旗：右翼駐托鉢山，左翼駐阿察圖拖羅海。爵四：親王品級扎薩克多羅郡王一，扎薩克固山貝子一，附固山貝子二。光緒十七年，金丹道匪之變，賊渠李國珍擾至是部那林溝地，叶志超遣軍擊平之。三十三年，以是部墾地置林西縣，隸赤峰直隸州。左翼有佐領十六，右翼有佐領二十六。

扎魯特部，在喜峰口外，至京師千五百一十里。東西距百二十五里，南北距四百六十里。東科爾沁，西界阿魯科爾沁，南喀爾喀左翼，北烏珠穆沁。

元太祖十八世孫烏巴什稱偉徵諾顏，號所部曰扎魯特。子二：長巴顏達爾伊勒登，次都喇勒諾顏。巴顏達爾伊勒登子五：長忠圖，傳子內齊，相繼稱汗；次賚根，次忠燾；次果弼爾圖，次昂安。都喇勒諾顏子二：長色本，次瑪尼。初皆服屬於喀爾喀。

太祖高皇帝甲寅年，內齊以其妹歸我貝勒莽古爾泰；忠

嫩及从弟额尔济格亦来締媿。天命四年秋，大軍征明铁岭，从。色本偕从兄巴克等随喀尔喀台吉宰赛以兵万余助明，为我軍阵擒。冬，内齐、额尔济格、额腾、鄂尔斋图、多尔济桑、阿尔斋列登图偕喀尔卓哩克图洪巴图鲁等遣使乞盟，許之，遣大臣往莅盟。其宰桑扣肯属有来奔者，上以盟不可渝，拒弗纳。旋释色本、巴克归。八年，巴克来朝，命释其质子鄂齐尔桑与俱归。而忠喇、昂安等屢以兵掠我使资往科尔沁之服物及馬牛。上遣軍征之，斩昂安，俘其众。忠嫩子桑图以孥被擒，来朝乞哀，诏归令完聚。未几，所部諸台吉复背盟，袭我使固什于汉察喇及辽河畔，掠财物。十一年，命大貝勒代善率师往討，斩鄂尔斋图，擒巴克等凡十四台吉。归还，仍诏释归。寻为察哈尔林丹汗所掠，往依科尔沁。

天聰二年，内齐，色本等先后率属来归。台吉喀巴海杀察哈尔台吉噶尔图，以俘七百献，賜号伟徵。三年，奉敕定随征軍令。以越界驻牧自议罪，内齐、色本、瑪尼及果弼尔图、巴雅尔图、岱青，請各罰駝十、馬百，诏寬之，各罰馬一。是年冬，随征明，入龙井关，克遵化，围其都。明兵屯城东，蒙古諸部不俟整队，驟进失利，惟色本及瑪尼败敌，得优资。五年春，诏议台吉岱青罪。先是大貝勒代善陣擒岱青子善都，往奔科尔沁。越二年归，诏留贍养。嗣从大軍征明，貝勒莽古尔泰与明兵战都城东，岱青、善都遁走。又誣許貝勒阿济格纵属杀人。至是，论罪应斩，上特宥之，夺所属人户分给莽古尔泰、阿济格。六年，内齐、色本、瑪尼，喀巴海等从征察哈尔，諭奖其实心效力。寻随貝勒阿济格略明大同、宣府边。八年，由独石口进攻朔州，是年冬，遣大

五赴碩翁科尔定諸藩牧，以諾綽噶尔多布图烏魯木为扎嚕特界。崇德二年，由朝鮮进征瓦尔喀。三年，随征喀尔喀扎萨克图汉。五年春，从征索伦，赐台吉桑古尔及阿玉什、琥赖、阿尔苏瑚、岳博果等蟒服、貂裘、甲胄、弓矢。冬，以台吉肯哲赫追擒茂明安逃人功，赐号达尔汉。

順治元年，从入山海关，击流贼李自成。五年，诏编所部佐領。时内齐、色本卒，以内齐子尙嘉布掌左翼，色本子桑噶尔掌右翼，各授扎萨克貝勒。康熙十四年，察哈尔布尔尼叛，且阴煽諸部。二等台吉根翼什希布以不附逆，封镇国公。后停袭。二十九年，随大軍征噶尔丹，二等台吉科克晋、四等台吉袞楚克色尔济额尔德尼陣歿，俱增一等台吉，赐号达尔汉。雍正元年，所部歉收，诏发帑賑之。十一年，选兵随剿噶尔丹策凌，隶敖汉台吉罗卜藏軍。

所部二旗，左翼驻齐齐灵花拖罗海山北，右翼驻图尔山南。爵四：扎萨克多罗貝勒一，扎萨克多罗达尔汉貝勒一，附镇国公一，辅国公一。是部产碱，初禁开取。光緒二十一年，都统松寿以部议主开，奏定纳课章程，由各旗选派公正蒙员试办。三十三年，都统廷杰奏，以是部及阿嚕科尔沁垦地置开魯县，隶赤峰直隶州。是部左右翼旗各有佐領十六。

阿嚕科尔沁部，在古北口外，至京师千三百四十里。东西距百三十里，南北距四百二十里。东扎嚕特、西巴林、南喀尔喀左翼、北烏珠穆沁。

元太祖弟哈布图哈萨尔十三传至图美尼雅哈齐。子三：长奎蒙克塔斯哈喇，游牧嫩江，号嫩科尔沁；次巴袞诺顏；次布尔海，游牧呼伦貝尔。巴袞诺顏子三：长昆都伦岱青，号

所部曰阿嚕科尔沁，以别于嫩科尔沁。子达赉，称德珙尔、福为部长；次哈貝，子巴图尔，裔不著；次诺颜泰，子四，号四子部落。布尔海裔号乌喇特，詳各部传。

阿嚕科尔沁与四子部落、乌喇特、茂明安、翁牛特、阿巴噶、阿巴哈纳尔及喀尔喀内外扎萨克统号阿嚕蒙古，初皆服属于察哈尔。以林丹汗不道，天聰四年，达赉及子穆彰率属来归，命諸貝勒郊迎五里，赐宴。八年，遣大臣赴硕翁科尔定諸游牧，以两白旗外塔拉布拉克逊島为其部界。崇德元年，宣諭朝鮮，其部德戶拜达尔赉书从。遇明皮島兵，狙击敗之。还，得优赉。先是阿嚕科尔沁设两旗，达赉、穆彰各領一。至是始並两旗为一，以穆彰領之。嗣从征朝鮮、瓦尔密、索伦、喀尔喀，及明济南、錦州、松山、薊州。

順治元年，从入山海关，击流贼李自成。叙功授扎萨克，爵固山貝子。康熙二十七年，噶尔丹侵喀尔喀，諭所部兵防苏尼特汛。二十八年，部众乏食，賜粟賑之。二十九年，二等台吉柁紐特从征噶尔丹，见賊勢熾，慷慨謂众曰：“我等受恩深，若稍退，何面目见圣颜乎？”率兵三百趋前战，皆效。三十年，贈一等台吉，世袭达尔汉号。是冬，理藩院议给所部貧户米谷。諭曰：“赏给米谷，应调蒙古駝馬运送。时值隆冬，输挽殊艰，恐領米之人不能运到，必致沿边私累，不如量米给銀，到彼甚易，貧人得沾实惠。”三十五年，上亲征噶尔丹，偵賊沿克嚕伦河至額哲特图哈布齐尔地，諭严防汛界。

四十三年，遣大臣往讯盜案，宣諭扎萨克戡所部，务令无盜。四十八年，固山額駙巴特玛妻县君以属人不遵令，請

献户口，谕暂遣官理，后不为例。雍正五年，赐所部贫户银。九年，从大军剿噶尔丹策凌。十三年，遣官赈银赈饥。

所部一旗，驻牧珲图山东，隶昭乌达盟。其爵为扎萨克多罗贝勒，由固山贝子晋袭。是部亦产碱。光绪三十一年，定蒙员自办纳课章程。是部一旗，有佐领五十。

翁牛特部，在古北口外至京师七百六十里。东西距三百里，南北距百六十里。东阿鲁科尔沁，西承德府，南喀喇沁及敖汉，北巴林及克什克腾。

元太祖弟諤楚因，称乌真诺颜。其裔蒙克察罕诺颜。有子二：长巴颜岱洪果尔诺颜，号所部曰翁牛特，次巴泰车臣诺颜，别号喀喇齐哩克部，皆称阿鲁蒙古。巴颜岱洪果尔诺颜再传至图兰，号杜棱汗。子七：长逊杜棱，次阿巴噶图珲台吉，次栋岱青，次班第伟徵，次达拉海诺木齐，次萨扬墨尔根，次本巴楚琥尔泰车臣诺颜。三传至努绥，子二：长噶尔玛，次诺密泰岱青。皆初服属于察哈尔。以林丹汗不道，天聪六年，逊杜棱、栋岱青及喀喇齐哩克台吉噶尔玛率属来归。是年，上亲征察哈尔，各选兵从。林丹汗遁，复从贝勒阿济格赴大同、宣府，收察哈尔部众之窜入明边者。师旋，优赉遣归。自是其部称翁牛特，以喀喇齐哩克附之，不复冠阿鲁旧称。

七年春，栋岱青、噶尔玛来朝，班第伟徵等相继献驼马。冬，逊杜棱复率众来朝。八年，遣大臣赴硕翁科尔定诸藩牧，以扈拉瑚、琥呼布里都为翁牛特部界。是冬，班第伟徵达拉海诺木齐以越界游牧罪，议罚驼百、马千，诏从宽，罚十之一。复以罚奈曼部驼马命分给逊杜棱、栋岱青。崇德元

年，诏编新部佐领，以逊杜棱掌右翼，爵多罗杜棱郡王，栋岱青掌左翼，子多罗达尔汉岱青，各授扎萨克。三年，喀尔喀扎萨克图汗拥众逼归化城，上亲征之，栋岱青，班第伟徵，达拉海诺木齐等以兵会征，扎萨克图汗遁，乃还。四年，栋岱青率宰桑乌巴什，和尼齐等从大军征明。六年，围锦州、松山，设伏高桥大路及桑阿尔斋堡，遇杏山逃卒，追击之，斩获甚众。七年，叙功，赐栋岱青、噶尔玛、和尼齐等布币有差。复追议松山掘壕时，宰桑乌巴什以诵经故不亲督兵，及暮又失守望罪，论死，诏宥之。达拉海诺木齐及绰克图巴木布等复从贝勒阿巴泰征明。八年，来献俘、赐宴。

顺治元年，从入山海关，击流贼李自成，复追叙部将噶勒嘛从征明功，赐号达尔汉。康熙十五年，以剿逆藩吴三桂，诏选兵赴河南驻防。十六年，调荆州。十八年，撤还。二十二年，以其部多盗，渝撫众及弭盗法。二十六年，上阅兵芦沟桥，命其部来朝人从观。二十七年，选兵赴苏尼特汛防御噶尔丹。三十四年，所部乏食、遣官往赈。三十五年，上亲征噶尔丹，诏征兵五百，运中路军糈给器糒。三十六年，朔漠平。复运粮兵银。五十六年，理藩院奏翁牛特及克什克腾诸扎萨克请令公勘地址有越界伐木者论罪，从之。雍正五年，赐银赈所属贫户。九年，随大军剿噶尔丹策凌。乾隆二十年，从征达瓦齐。

所部二旗，左翼驻英什尔哈齐特呼朗，左翼驻扎喇峰西。爵四，扎莎克多罗杜棱郡王一，附固山贝子一，镇国公一，扎萨克多罗达尔汉岱青贝勒一。光緒十七年，金丹道匪之变，贼渠李国珍等扰是部，焚王府，踞乌丹城，即元全宁

路治，实热河北路门户。叶志超遣副将潘万才等率军先克之，徐遂迎刃而解。是部二旗，蹂躏均重。事平，赈恤之。左翼有佐领二十，右翼有佐领三十八。

克什克腾部，在古北口外，至京师八百有十里。东西距三百三十四里，南北距三百五十七里。东翁牛特及巴林，西浩齐特及察哈尔正蓝旗牧厂，南翁牛特，北乌珠穆沁。

元太祖十六世孙鄂齐尔博罗特，再传至沙喇勒达，称墨尔根诺颜，号所部曰克什克腾。子达尔玛，有子三：长索诺木，次巴本，次图垒。服属于察哈尔。天聪八年，索诺木率属来归。崇德六年，台吉沙哩、博罗和、云敦等奉命赴董家、喜峰诸口侦明兵，俘斩甚众。顺治九年，诏编所部佐领，以索诺木领之，授扎萨克。康熙二十六年，上阅兵芦沟桥，命其部来朝人从观。二十七年，噶尔丹侵喀尔喀，诏选兵防苏尼特汛。二十九年，四等台吉穆伦噶尔弼以侦击噶尔丹功，晋一等台吉。三十五年，上亲征噶尔丹，凯旋，以其部设站兵无误驿务，赏银币。雍正五年，赐银赈其属贫户。

所部一旗，驻牧吉拉巴斯峰，隶昭乌达盟。其爵为扎萨克一等台吉。是部垦事最早。嘉庆中，设白岔巡检治之。同治中，回匪东窺热河，设戍其地。

又经棚当直隶多伦诺尔厅东北，商民萃处，号称蕃盛。光绪十七年，金丹道匪之变，是部曾以兵协剿乌丹城等处之匪，得捷。有佐领十。

喀尔喀左翼部，在喜峰口外，至京师千二百有十里。东西距百二十五里，南北距二百三十里。东科尔沁，西奈曼、南土默特，北扎鲁特及翁牛特。

元太祖十六世孙格埒森扎扎赛尔拜台吉居杭爱山，始号喀尔喀。有子七，部族繁衍，分东、西、中三路，以三汗掌之。其长子阿什海达尔汉诺颜。生子二：长巴颜达喇，为西路扎萨克图汗祖，次图捫达喇岱青，子硕垒乌巴什拜台吉。生子三：长俄木布额尔德尼，次杭图岱，次衮布伊勒登，皆为喀尔喀西路台吉，隶扎萨克图汗。

康熙三年，衮布伊勒登以其汗侄舒克为同族罗卜藏台吉额琳沁所戕，部众溃，穷无依，乃越瀚海来归。先是喀尔喀中路土谢图汗下台吉本塔尔携众内附，封扎萨克亲王爵，驻牧张家口外。至是诏衮布伊勒登扎萨克多罗贝勒赐牧喜峰口外察罕和硕图，以所居地分东西，故本塔尔称喀尔喀右翼，衮布伊勒登称喀尔喀左翼。盖自国初以来，喀尔喀相继归诚，名凡三：曰旧喀尔喀，归诚最早，继编入蒙古八旗；曰内喀尔喀，即今隶内扎萨克之喀尔喀左右翼二部；曰外喀尔喀，其归诚较后，即今隶外扎萨克之喀尔喀土谢图汗、车臣汗、扎萨克图汗、赛因诺颜四部。二十九年，以额鲁特台吉噶尔丹侵喀尔喀土谢图汗、车臣汗、扎萨克图汗，所居皆被掠，先后乞降。诏衮布伊勒登备兵要汛，偵御噶尔丹。三十五年，上由克鲁伦河亲征，谕其部选兵赴乌勒禅听调。噶尔丹败遁，撤兵还。雍正元年，所属款收、赐帑赈之。九年，大军剿噶尔丹策凌，选兵赴归化城驻防。寻以护外扎萨克游牧，移驻克鲁伦河，乾隆初撤之。

所部一旗，驻察罕和硕图。其爵为扎萨克多罗贝勒，有佐领一。是部与敖汉、奈曼、巴林、翁牛特、扎鲁特、喀尔喀左翼、阿鲁科尔沁七部十一旗，统盟于卓索图。道光末筹海

防，咸丰中剿粤匪，皆征其兵。至同治初，科尔沁亲王僧格林沁阵亡，乃撤归。清代蒙古留京王公，以是盟与哲里木、卓索图为多，大都额附子孙。锡林郭勒、乌兰察布、伊克昭三盟则鲜见焉。

**珠乌穆沁部**，在古北口外，至京师千一百六十三里。东西距三百六十里，南北距四百二十五里。东索伦，西浩齐特，南巴林，北瀚海。

元太祖十六世孙图鲁博罗特由杭爱山徙牧瀚海南，子博第喇克继之。有子三，分牧而处。长库登汗，详浩齐特部传。次库克齐图墨尔根台吉，详苏尼特部传。次翁衮都喇尔，号其部曰乌珠穆沁。子五：长绰克图，号巴图尔诺颜；次巴雅，号赛音冰图诺颜，次纳延泰，号伊勒登诺颜；次彭锦，号达尔汉诺颜。皆早卒。次多尔济，号车臣济农，与察哈尔同族，为所属。以林丹汗不道，多尔济借绰克图子色棱徙牧瀚海北，依喀尔喀。

天聪九年，大军收服察哈尔，多尔济借喀尔喀部车臣汗硕垒、浩齐特部策棱伊登土谢图、苏尼特部叟塞巴图鲁济农、阿巴噶部都思噶尔扎萨克巴图尔济农等表贡方物。崇德元年，命旧自察哈尔来归之伟宰桑等赉救往谕，遂偕其使纳木渾津等至。自是贡物不绝。二年八月，台吉伊什喀布，乌喇垓增格、阿津、铿特克等来贡，赉冠服、甲胄、弓矢、布币。十一月，多尔济，色棱各率属由克鲁伦来归。三年，喀尔喀扎萨克图汗拥众逼归化城，上统师亲征，多尔济、色棱以兵会侦，扎萨克图汗遁，乃还。赐贡马台吉巴甘冠服、鞶带。五年，赐来朝台吉固穆，塔布囊阿哈图等蟒服、彩币。六

年，诏授多尔济扎萨克和硕车臣亲王。顺治三年，诏授色棱扎萨克多罗额尔德尼贝勒。以多尔济掌左翼，色棱掌右翼。是年大军剿苏尼特部腾机思，至喀尔喀，以多尔济属达喇海向导功，赐号达尔汉。

康熙二十年，以所部牧邻喀尔喀，因互窃驼马，王大臣等遵旨议边汛形胜处各屯兵百许，按旗设哨，嗣后扎萨克能抚众戢盗者予叙，否则论罪。二十七年，噶尔丹侵喀尔喀，遣大臣赴乌珠穆沁宣谕扎萨克等防汛。三十年，阿巴噶台吉奔塔尔首乌珠穆沁台吉车根等叛附噶尔丹，誣言扎萨克王素达尼妻。命大臣往勘，得车根等私给噶尔丹驼马，又令部校阿尔塔等往通信状，罪应死。素达尼妻预知，应削封号、夺所属人户。素达尼已故，应除爵。议上，诏治车根等罪，免夺人户。素达尼未预谋，免除爵，袭如初。三十一年，素达尼弟协理台吉乌达喇希妻以乌达喇希诬车根等从逆状，乞予叙。理藩院议乌达喇希故，应赠辅国公，令子袭布扎慎袭，从之。后停袭。三十四年，噶尔丹复侵喀尔喀，诏所部选兵驻汛。三十五年，侦噶尔丹至额哲特图，哈卜济尔赴乌尔坤听调。是年，上亲征噶尔丹还，赐坐塘诸弁兵银。五十五年，选兵随大军防御策妄阿喇布坦。雍正九年，议剿噶尔丹策凌，诏征乌珠穆沁西各扎萨克兵三千驻乌喇特汛防四十九旗游牧，复谕乌珠穆沁别以兵驻克鲁伦河。十年，移驻达哩刚爱。十三年，撤还。乾隆十二年，诏嘉两翼扎萨克，值所属灾，贍贫户二万余，王贝勒以下各赐俸半年，无俸台吉俱赐币有差。

所部二旗：右翼驻巴克苏尔哈台山，左翼驻魁苏陀罗海，

与浩齐特、苏尼特、阿巴噶、阿巴哈纳尔諸部統盟于錫林郭勒。爵四：扎萨克和硕车臣亲王一，附镇国公一、辅国公一、扎萨克多罗额尔德尼贝勒一。左旗扎萨克贝勒色楞传至达克丹都克雅扎布。咸丰十年，以报效軍需駝馬，予郡王銜。是部左翼有固尔班泊，产盐，由巴林桥烏丹城运售内地，西出围场，分销承德、丰、滦各属，东出建平，分销建昌、朝阳各属；远者更可销至奉天突泉諸县，西南可由多伦至山西丰镇、宁远諸厅。光緒三十二年，都统廷杰奏定试办蒙盐章程。宣統二年，度支部尚书载泽奏定山西蒙盐办法，謂东路以烏珠穆沁蒙盐为主，以苏尼特部盐附之。左翼有佐領二十一，右翼有佐領九。

浩齐特部，在独石口外，至京师千八百一十五里。东西距百七十里，南北距三百七十五里。东及北烏珠穆沁，西阿巴噶，南克什克騰。

元太祖十六世孙因噶博罗特，再传至庫登汗，号其部曰浩齐特。庫登汗孙德格类，号额尔德尼珙台吉。子五：长奇塔特扎干杜棱土谢图，次巴斯琿土谢图，次策凌伊勒登土谢图，次奇塔特昆杜棱额尔德尼车臣楚琥尔，次茂海墨尔根。与察哈尔同族，为所属。以林丹汗不道，徙收瀚海北，依喀尔喀。

天聰八年，所部台吉額琳臣及塔布囊巴特瑪班第图噜齐、宰桑僧格布延彻臣烏巴什等，携戶口駝馬自喀尔喀内附，遣使迎宴，赉甲冑、雕鞍、蟒服、銀币。額琳臣属有先附者五十三戶，仍命轄之。九年，大軍收服察哈尔，策凌伊勒登土谢图偕烏珠穆沁諸部长表貢方物。崇德元年，巴斯琿土

谢图借苏尼特部来贡。二年，奇塔特昆杜梭额尔德尼车臣楚琥尔子博罗特率属来归。顺治三年，诏授扎萨克多罗额尔德尼贝勒，后晋封郡王。八年，奇塔特扎干杜梭土谢图子噶尔玛色旺携众至。十年，诏授扎萨克多罗郡王，以博罗特掌左翼，噶尔玛色旺掌右翼。

康熙二十七年，诏发拜察储粟赈其部贫户，复命给银。三十四年，噶尔丹侵喀尔喀，诏两翼扎萨克选兵驻界偵御之。三十五年，上亲征噶尔丹，牧马郭和苏台，谕借苏尼特、阿巴哈纳尔部长董牧务。凯旋，两翼扎萨克率台吉等欢迎道左，谕奖餉秣得宜，并优资监牧及修道凿井诸弁兵。五十四年，所部欠收，以唐三营储粟赈之，并遣官往教之渔。雍正九年，大军剿噶尔丹策凌，诏选兵分驻克噜伦河。十年，移驻达哩刚爱。十三年，撤回。

所部二旗：左翼驻特古哩克呼都克喇钦，右翼驻烏默赫塞理，隶錫林郭勒盟。爵二：扎萨克多罗额尔德尼郡王一，扎萨克多罗郡王一。是部左右翼有佐领各五。

**苏尼特部**，在张家口外，至京师九百六十里。东西距四百六里，南北距五百八十里。东阿巴噶，西四子部落，南察哈尔正蓝旗牧厂、北瀚海。

元太祖十六世孙图鲁博罗特，再传至庫克齐图墨尔根台吉，号其部曰苏尼特。庫克齐图墨尔根台吉子四：长布延琿台吉，子綽尔袞，居苏尼特西路；次布尔海楚琥尔，子塔巴海达尔汉和硕齐，居苏尼特东路。初皆服属于察哈尔。以林丹汗不道，徙牧瀚海北，依喀尔喀。

天聰九年，綽尔袞子叟塞偕喀尔喀车臣汗硕垒遣使贡方

物。崇德二年，塔巴海达尔汉和硕齐子腾机思、腾机特、莽古岱、哈尔呼喇偕台吉、伟征等，各遣使来朝，赐朝鲜贡物。三年，台吉务善伊勒登、多尔济喀喇巴图鲁、色棱、达尔玛等从征喀尔喀扎萨克图汗，值遁，仍还。四年春，台吉超察海、噶尔楚、珙古特、卓特巴、什达喇、莽古思、额尔济、巴图赖、额思赫尔、僧格等来朝，赉冠服、甲胄、弓矢。冬，腾机思、叟塞各率属自喀尔喀来归，入觐，献驼马。五年正月，赐叟塞、腾机思、腾机特、莽古岱、哈尔呼喇及台吉布达什希布、阿玉什、噶尔玛色棱、额尔克、辰宝、茂海、伊勒毕斯等甲胄、银币。十月，台吉乌班岱、栋果尔、鄂尔齐、博希、沙津等来贡马，赉冠服、鞍辔。六年，授腾机思扎萨克多罗郡王。七年，授叟塞扎萨克多罗杜棱郡王。以腾机思掌左翼，叟塞掌右翼。

顺治三年，腾机思以车臣汗硕垒诱叛，率弟腾机特及台吉乌班岱、多尔济斯喀等逃喀尔喀。上遣师偕外藩军由克噜伦追剿至阔特克山及图拉汉，腾机思、腾机特遁，获其孥。乌班岱、多尔济斯喀为四子部落军阵斩。师旋，以乌班岱从子托济弗从叛，且随剿，赐所俘。五年，腾机思及腾机特悔罪乞降，诏宥死，仍袭爵如初。康熙十年，所部欠收，诏发宣化府及归化城赈粟储之，复酌给马牛羊。二十年，遣官察给两翼灾户银米。

二十七年，噶尔丹侵喀尔喀，诏选兵二千防汛。二十九年，噶尔丹袭喀尔喀昆都伦博硕克图袭布，诏所部王以下愿效力者，赴军听用。寻噶尔丹入乌珠穆沁界，谕还驻本旗要汛。三十五年，上亲征噶尔丹，诏选兵赴乌勒辉听调，以

牧馬郭和苏台，偕浩齐特、阿巴噶、阿巴哈纳尔諸部长董牧务。凱旋，諭獎飼牧得宜，並优賚監牧及修道凿井諸弁兵。以右翼扎萨克属旺舒克、左翼扎萨克属博罗扎布向导功，賜号达尔汉。复詔郡王萨穆扎之第三子多尔济思喀布贝勒、博木布之长子素岱会师图拉河，緝噶尔丹。寻分右翼兵赴珠勒輝克尔阿济尔罕、左翼兵赴伊察扎罕，以不见贼踪，撤还。五十四年，災，詔发张家口儲粟并帑十万，自台吉下六万四千九百余丁编贖之。

雍正元年，右翼二等台吉进达克以追捕叛賊遇害，晋贈一等台吉，命視公爵致祭。子三：长噶尔瑪逊多布，封輔国公；次噶尔瑪策布騰；次恭格垂穆丕勒。以随捕賊功，各晋台吉秩有差。噶尔瑪逊多布爵后停襲。二年，所部災，賜銀賑之。九年，調兵屯克魯倫河，防禦噶尔丹策凌。十年，有奏商都达布逊诺尔牧厂应移苏尼特汛者，上飭止之，令各居其牧。十二年，所部兵駐防达哩剛愛。十三年，撤还。乾隆十二年，以災告飢，遣官往賑。

所部二旗：左翼駐和林圖察伯台剛，右翼駐薩敏西勒山，隸錫林郭勒盟。爵四：扎萨克多罗郡王一；附多罗贝勒一；扎萨克多罗杜棱郡王一；附輔国公一，由贝勒降襲。洎五十六年，以是部連年被旱，又特賑之。道光十三年，右翼郡王与喀尔喀亲王爭界，詔察哈尔都統凱音布往勘。寻以喀尔喀災，緩之。其地当漠南北之冲，历代由漠南出兵漠北者，多出其途。光緒末，于苏尼特右翼王府东北七十里置電報局，曰滂江，以通烏得叨林之電。是部亦产盐，西南行銷山西丰宁諸厅。左翼有佐領二十，右翼有佐領十三。

阿巴噶部，在张家口外，至京师千里。东西距二百里，南北距二百有十里。东阿巴哈纳尔，西苏尼特，南察哈尔正蓝旗牧厂，北瀚海。

元太祖弟布格博勒格图，十七传至巴雅思瑚布尔古特。子二：长塔尔尼库同，号所部曰阿巴噶。塔尔尼库同子二：长素僧克伟征，子额尔德尼图捫，号扎萨克图诺颜，次揚古岱卓哩克图，子多尔济，号额齐格诺颜。初称阿鲁蒙古，服属于察哈尔。以林丹汗不道，徙牧瀚海北克噜伦河界，依喀尔喀车臣汗硕垒。

天聪二年，借喀喇沁、土默特、鄂尔多斯諸部长击察哈尔众四万于土默特之赵城。复约喀尔喀借喀喇沁乞师问察哈尔罪。六年，台吉奇塔特楚琥尔携众五百内附。九年，大軍收服察哈尔，额尔德尼图捫孙都思噶尔等附车臣汗硕垒表貢方物。崇德四年，额齐格诺颜多尔济自喀尔喀来归。时有同名多尔济者，号达尔汉诺颜，率众皆至。六年，诏授额齐格诺颜多尔济为扎萨克多罗卓哩克图郡王。順治八年，都思噶尔自喀尔喀来归，诏授扎萨克多罗郡王。以多尔济掌左翼，都思噶尔掌右翼，遣官定牧地。康熙六年，阿巴哈纳尔部乞降，以阿巴噶牧地賜之。遣官视浩齐特、苏尼特界外水草丰美地，指给阿巴噶移牧。二十九年，噶尔丹侵喀尔喀，诏所部王以下愿效力者，赴軍听用。复諭借阿巴哈纳尔供軍糈，兼防新降喀尔喀掠諸内扎萨克牧产。三十一年，以台吉班第额尔德尼岱青、根敦、巴雅尔、纳木塔尔、扎木素、齐达什等导乌梁海众内附，均授二等台吉。三十五年，上亲征噶尔丹，牧馬郭和苏台，諭借浩齐特、苏尼特、阿巴哈纳尔諸部

长董牧务。凯旋，谕奖飼牧得宜，并优資監牧及修道凿井諸弁兵。复以所部达济桑阿向导功，賜号达尔汉。三十六年，王、贝子、台吉等朝政，請备馬从軍，慰令各归所部。时有二等台吉图把扎布色臣楚琥尔者，年八十八，谕嘉其奋志报效，优賚之。五十四年，以災欠收，詔发唐三营儲粟賑之，复賜无产台吉牧牲。雍正二年，遣官資銀賑所部貧戶。九年，大軍剿噶尔丹策棱，征兵驻达哩刚爱。十三年，撤还。乾隆十一年，旱災，賑之。五十四年，扎萨克卓里克图郡王喇特纳什第以事夺扎萨克，予其弟巴勒丹僧格一等台吉扎萨克。

所部二旗，左翼科布尔赛里，右翼巴颜额伦。爵五：扎萨克多罗郡王一，扎萨克一等台吉一，附多罗卓里克图郡王一，固山达尔汉贝子一，辅国达尔汉公一，由贝子降袭。右翼扎萨克巴勒丹僧格三传至杜噶尔布木。咸丰七年，以报效軍需，予镇国公銜。是部左右翼有佐領各十一。

阿巴哈纳尔部，在张家口外，至京师千五十里。东西距百八十里，南北距四百三十六里。东浩齐特，西阿巴噶，南察哈尔正蓝旗牧厂，北瀚海。

元太祖弟布格博勒格图，十八传至诺密特默克图，号所部曰阿巴哈纳尔。再传至多尔济伊勒登。子二：长色棱墨尔根，次栋伊思喇布。初称阿噜蒙古，依喀尔喀车臣汗硕垒。驻牧克噜伦河界，其地在瀚海北。

崇德七年，有和硕泰者，台吉达喇务巴三察属也，携孥内附。嗣托克托伊达魯噶、达赖等至，皆优养之。康熙元年，台吉阿喇纳、噶尔玛，宰桑固英等越瀚海南牧綽诺陀罗海近

内汛。三年，色棱墨尔根复如之。守臣以聞，上知为喀尔喀所  
胁，宥罪遣归。因諭喀尔喀以噶尔拜、瀚海为牧界，继此有  
越者留勿遣。四年，喀尔喀复遣諭，令阿巴哈纳尔諾台吉牧  
瀚海南。栋伊思喇布弗之从。寻偕台吉阿喇纳、噶尔玛等率众  
来归，诏授扎萨克固山贝子。阿喇纳、噶尔玛以各携丁七百  
余，均授一等台吉。五年，色棱墨尔根亦来归。六年，诏授  
扎萨克多罗贝勒，遣官指示阿巴噶部移牧他所，以旧牧地给  
阿巴哈纳尔。色棱墨尔根掌左翼，栋伊思喇布掌右翼。二十七  
年，噶尔丹侵喀尔喀，哲卜尊丹巴呼图克图奔赴内汛，所部  
班第岱青、车凌岱青奉诏督兵二百往护，复选兵千三百由瀚  
海偵噶尔丹。先是色棱墨尔根、栋伊思喇布来归，阿巴哈纳尔  
諾台吉有留居喀尔喀者，至是随哲卜尊丹巴呼图克图、额尔  
德尼台吉纳木扎勒等至，曰根敦额尔克，曰阿海乌巴什，曰  
伊克岱青，曰额尔克乌巴什，挈属户千余，诏纳之。二十九  
年，噶尔丹复侵喀尔喀，至乌勒扎河，所部选兵四千，从大  
軍迎击。复以所部索诺木伊鲁尔图向导功，赐号达尔汉。五十  
四年，以灾欠收，诏发唐三营储粟賑之，复赐无产台吉牲牧。  
雍正二年，遣官资銀賑所部貧户。九年，大軍剿噶尔丹策凌，  
撤兵驻达里刚爱。十三年，撤还。

所部二旗：右翼驻昌图山、左翼驻乌勒扈陀罗海。爵二：  
扎萨克多罗贝勒一，扎萨克固山贝子一。扎萨克贝子栋伊思喇  
布十传至东林多尔济。宣統元年，以报效軍需，賜郡王銜，世  
袭贝勒。左翼有佐領九，右翼有佐領七。

是部与乌珠穆沁、浩齐特、苏尼特、阿巴噶四部合为十  
旗，统盟于錫林郭勒。于内扎萨克东四盟距京稍远，风气独守

旧，迨清季无招垦之事。察哈尔都统行文令办新政，其盟复文颇不逊。咸丰中，尝征其兵备防，旋以不得力，撤之。同治中，以回匪东窜，征其盟驼只济军。

（摘自《清史稿》卷五百十九列传三百六）

### 藩部三

四子部落

喀尔喀右翼

鄂尔多斯

额济纳

茂明安

乌喇特

阿拉善

**四子部落**，在张家口外，至京师九百六十里。东西距二百三十五里，南北距二百四十里。东及北苏尼特，西归化城土默特，南察哈尔镶红旗牧厂。

元太祖弟哈布图哈萨尔十五世孙诺延泰与其兄昆都伦岱青游牧呼伦贝尔，均称阿噜蒙古。昆都伦岱青裔詳阿鲁科尔沁部传。诺延泰子四：长僧格，号墨尔根和硕齐；次索诺木，号达尔汉台吉；次鄂木布，号布库台吉；次伊尔扎木，号墨尔根台吉。四子分牧而处，后遂为其部称。

天聪四年，阿噜諸部长内附，伊尔扎木来献驼馬貂皮、赐宴，命坐大贝勒岱善右以优异之。五年，僧格从征明大凌河，败锦州援兵，献俘百余。赐酒劳饮，给陣获甲仗。六年，僧格从征察哈尔。七年，索诺木、鄂木布、伊尔扎木相继献驼馬，贡甲冑、雕鞍、鞵带及币。八年，鄂木布、伊尔扎木复献驼馬，命諸贝勒以次宴之。寻遣大臣赴硕翁科尔定諸藩牧，以都木达都腾格里克、鄂多尔台为其部牧界。九年夏，伊尔扎木随大軍收察哈尔汗子额哲，尽降其众。冬，献驼馬、貂皮。崇德元年，宣谕朝鮮，其部伊尔逊德贡书从，遇

明皮烏兵，击斩二人，还，得优賚。是年，授鄂木布扎薩克，俾统四子部落。三年，伊尔扎木从征明山东。四年，从征松山。师旋，以前遣兵不及额，又弗朝正，议夺所属人户。诏从宽罰牲畜。五年，来朝，賚甲冑、弓矢、彩币。六年，上亲征明，围松山、其部将都尔拜随大軍设伏高桥及桑阿尔斋堡，迫杏山逃卒，获之。

順治元年，从入山海关，击流贼李自成。六年四月，追叙所属昂安导鄂木布等来归功，予世职。康熙十年，所部欠收，诏以宣府及归化城儲粟賑之。十三年，调兵协剿陝西叛贼王辅臣，諭嘉其聞命即赴。十四年，由宁夏进剿、寻分防太原、大同。十五年，调赴河南，听江西大軍檄剿逆藩吴三桂。十七年，以厄魯特額尔德尼和碩齐等掠烏喇特牧，諭严防汛。

二十一年，诏发大同、宣府儲粟賑所属貧户，复以察哈尔牧产贍之。二十九年，选兵赴图拉河偵噶尔丹。会噶尔丹由喀尔喀河迫袭昆都伦博碩克图衮布，诏移兵驻归化城，寻撤回。二十四年，諭备兵听西路軍调。三十五年，随大將軍費揚古败噶尔丹于昭莫多，复簡兵百与茂明安兵百防喀尔喀亲王善巴汛。三十六年，朔漠平，賜从征及坐塘监牧諸弁兵銀。

雍正九年，从剿噶尔丹策凌。乾隆十一年，賑是部災。十八年，议剿达瓦齐，诏駒驼馬送軍。

所部一旗，驻乌兰額尔济坡。其爵为扎薩克多罗达尔汉卓哩克图郡王。同治中，以回匪东窜，命副都統杜嘎尔軍择驻其地，以当漠南北之冲。征驼馬备防戍襄台差，皆较他部为亟。光緒十一年，察哈尔都統紹祺以勘土默特、达拉特爭界

事经其部，奏：“四子王旗帮台驼马，自同治年间藉词西北军兴，差役繁重，潜自回旗，至今十余年之久，屡催罔应。所属部落，问私垦者十已七八。请下理藩院严催。”诏从之。二十六年、拳、教相仇，是部酿祸颇巨。事定，议给教堂赔款银十一万两。二十九年，置山西武川厅同知，以是部及茂明安、喀尔喀右翼寄居人民村落隶之。自回匪平，山西大同镇练军驻其地，设防卡。其后绥远城将军督办垦务，貽谷属奏请飭认垦。三十一年，是部呈因债作抵之忽济尔图地一段，请由官局放垦。三十二年，呈所部之察罕依噜格勒图地段认垦。有佐领二十。是部与茂明安、喀尔喀右翼、乌喇特同盟于乌兰察布。绥远城将军节制乌兰察布、伊克昭二盟，故重大事件皆由将军专奏焉。

**茂明安部**，在张家口外，至京师千二百四十里。东西距百里，南北距九十里。东喀尔喀右翼，西乌喇特、南归化城土默特，北瀚海。

元太祖弟哈布图哈萨尔十三世孙鄂尔图兼布延图子錫喇奇塔特，号土谢图汗。有子三：长多尔济，次固穆巴图鲁，次桑阿尔济洪果尔，游牧呼伦贝尔，均称阿噜蒙古。多尔济号布颜图汗。子车根，嗣为茂明安部长。天聪七年。偕固伦巴图鲁及台吉达尔玛岱袞、乌巴什等携户千余来归，献驼马。八年，台吉扎固海杜凌、乌巴海、达尔汉巴图鲁、瑚棱、都喇勒、巴特玛、额尔忻岱青、阿布泰继至，均赐宴，赉甲胄、雕鞍、银币。九年，乌巴海、达尔汉巴图鲁、都喇勒叛逃喀尔喀、遣兵由鄂诺河往剿，至阿古库克特勒、斩叛属千余，追至喀木尼哈，尽俘以还。崇德三年，巴特玛、瑚

梭等从征喀尔喀扎萨克图汗，偵遁，乃还。嗣征明山东，及苏尼特、喀尔喀，皆以兵从。

康熙三年，授车根长子僧格扎萨克，俾統其众。十三年，调兵剿陕西叛镇王辅臣。十四年，驻防大同。十五年，调赴河南，听江西大軍檄剿逆藩吴三桂。十九年，以厄鲁特罗卜藏丹台吉等掠其部牧产，遣官谕厄鲁特察归所掠。二十七年，噶尔丹侵喀尔喀，谕严防汛。二十九年，噶尔丹袭喀尔喀昆都伦博硕克图衮布。谕乌勒扎河、诏选兵驻归化城。三十五年，从西路大軍击噶尔丹。三十六年，朔漠平，赐从征弁兵銀。五十四年，所部欠收，以呼坦和朔儲粟賑之。雍正九年，从剿噶尔丹策凌，分兵赴固尔班賽堪驻防。十年，移驻伯格爾。十三年，撤还。

所部一旗，驻牧彻特塞哩，隶乌兰察布盟。爵二：扎萨克一等台吉一，附多罗贝勒一。道光十二年，与土默特爭界，命松筠往勘。八月，复奏茂明安及达尔汉贝勒等所爭土默特游牧，有乾隆年间原案、原图，并所设封堆鄂博，向該台吉等逐加指示，心俱輸服。令按旧定界址各守游牧，毋相侵越。同治中，回匪东窜，是部被扰。九年十二月，绥远城將軍定安奏获茂明安等旗肆掠馬賊巴噶安尔等，誅之。十年，茂明安扎萨克綽克巴达尔琥等，以违誤台站议处。是年，肃州回匪东窜乌拉特境，定安遣侍卫成山统吉林馬队驻是部。光緒末，绥远城將軍貽谷督垦，劝谕报地。三十三年，呈交水壕、帳房塔两处地段认垦。实则是部租给商民垦地頗多，境内汉民村落亦众。有佐領四。

**喀尔喀右翼部**，在张家口外，至京師千一百三十里。东

西距百二十里，南北距百三十里。东四子部落，西茂明安，南归化城土默特，北瀚海。

元太祖十六世孙格呀森扎扎赉尔珲台吉，有子七，号喀尔喀七旗，分东、西、中三路，以三汗掌之。其第三子诺诺和伟征诺颜，有子二：长阿巴泰，号鄂齐赖赛因汗，为中路土谢图汗祖；次阿布琥，号墨尔根诺颜。子三：长昂噶海，袭父墨尔根号；次喇琥里，号达赖诺颜，生本塔尔、巴什希、色尔济、扎木素、额璘沁；次图豪肯，号昆都伦诺楞，子车额都朗，生衮布，皆为喀尔喀中路台吉，隶土谢图汗。

顺治十年二月，本塔尔以与土谢图汗衮布隙，偕弟巴什希、扎木素、额璘沁及衮布，率户千余来归。色尔济独留喀尔喀，其孙札塔尔后来归，授扎萨克台吉。见土谢图汗部传。三月，诏封本塔尔为扎萨克和硕达尔汉亲王，统其众，赐牧塔噜浑河，与内扎萨克诸部列，是为喀尔喀右翼。其称左翼者，为贝勒衮布伊勒登，亦自喀尔喀来归，受封在本塔尔后，互见其传。

康熙二十五年，喀尔喀扎萨克图汗沙喇与土谢图汗察珲多尔济拘衅，遣大臣莅盟于库伦伯勒齐尔，由归化城赉粮往，诏所部扎萨克选驼助运。二十七年，选兵驻边偵噶尔丹。二十九年，调赴图拉河，酌留兵之半驻归化城。三十一年，诏发杀虎口仓粟赈其属贫户。三十五年五月，从大将军费扬古由西路败喀尔丹于昭莫多，凯旋，诏留军营余米给部众。十月，发军前马磨者留其地饲牧。三十六年，费扬古檄所部兵会大军于喀尔喀郡王善巴界。师旋，赉从征兵银。五十四年三月，因久雪伤牧产，诏发呼坦和朔储粟赈之。雍正九年，大

軍剿噶尔丹策凌，诏简兵驻归化城。十年，复随鄂尔多斯郡王扎木扬驻乌喇特西界。十三年，撤还。乾隆四年，遣大臣察阅各调兵，颁赏有差。

所部一旗，驻牧塔鲁浑河。爵四：扎萨克多罗达尔汉贝勒一，由亲王降袭；附固山卓哩克图贝子一，由郡王降袭；固山贝子一；镇国公一。道光十二年，与土默特争界，经筈往勘，仍如旧界定之。同治十一年，肃州回匪东窜乌喇特，杜嘎尔遣侍卫永德率兵进驻是部之和林果尔一带堵截之。四月，杜嘎尔进军剿窜赛盟阿尔必特公等旗之匪，飭是部与四子部落委员雇觅民驼趣应军需。光绪末，议兴西盟垦务。是部报卓克苏拉塔一带地段认垦。有佐领四。

乌喇特部，在归化城西，至京师千五百二十里。东西距二百十五里，南北距三百里。东茂明安及归化城土默特，西及南鄂尔多斯，北喀尔喀右翼。

元太祖第哈布图哈萨尔十五世孙布尔海，游牧呼伦贝儿，号所部曰乌喇特。子五：长赖噶，次布扬武，次阿尔萨琳，次布噜图，次巴尔赛。后分乌喇特为三，赖噶孙鄂木布，巴尔赛次子哈尼斯青台吉之孙色棱，及第五子哈尼泰冰图台吉之子图巴，分领其众，统号阿噜蒙古。

天聪七年，率属来归，贡驼马。八年，从大军征明，由喀喇鄂博入得胜堡，略大同，克堡三、台一。师旋，以奈曼、翁牛特部追令罪各回驼马，诏分给所部，嗣征朝鲜、喀尔喀及明锦州、松山、蓟州，皆以兵从。顺治五年，叙功，时鄂木布。色棱已卒，以图巴掌中旗，鄂木布子誇班掌前旗，色棱子巴克巴海掌后旗，各授扎萨克，封镇国公，辅国

公爵有差。

康熙二十六年，上阅兵芦沟桥，命其部来朝人从观。二十七年，噶尔丹侵喀尔喀，谕严防汛。二十九年，噶尔丹袭喀尔喀昆都伦博硕克图衮布，逾乌勒扎河，命选兵驻归化城。三十年，以自厄鲁特来归之巴图尔额尔克济农和噶理叛逃，诏备兵五百偵剿。三十一年，和噶理降，撤所备兵归。三十五年，从西路大軍败噶尔丹于昭莫多。三十六年，朔漠平，上由宁夏凯旋。四等台吉南春迎覲贺捷，称旨，晋授一等台吉，並优赉从征及坐塘、监牧、凿井諸弁兵。三十八年，以其属有貧为盜者，谕扎萨克教养之。五十四年，所部欠收，以呼坦和朔儲粟賑之。雍正九年，大軍剿噶尔丹策凌，谕选兵防游牧，乾隆十九年，议剿达瓦齐，诏购驼馬送軍。

所部三旗，驻牧哈达玛尔。爵三：扎萨克镇国公二，辅国公一。是部垦事最先。乾隆三十年，即将沿河牧地私租民人耕种。五十七年，以积欠商人二万两，允佃种五年之限。道光十二年，扎萨克镇国公巴图鄂齐尔充烏兰察布盟盟长，以茂明安等旗爭地不报归化城副都统，輒向理藩院越诉，夺盟长。咸丰三年，绥远城將軍盛坝奏：“烏拉特三公旗生齿日繁，渐形勞苦。除欠民人債物、及备办軍台差事借貸銀錢，无力偿还，陆续私租地亩数十处，每处宽长百十里或数十里。酌拟变通，分別应禁应开。”下所司议行。

同治七年，回匪东窜，扰后套，山西大同鎮总兵馬升督兵往昆都仑、沟台梁一带防剿。九年，將軍定安奏：“烏拉特河北后套夙称产粮之区，而粮所由产，皆出于内地民人私种蒙古游牧之地。现金順，张曜、老湘、卓胜各营軍粮无不

购买于屯。拟請將三公旗游牧垦出地亩，无论应开应禁，均暫准种耕，責令按亩收租，留备各项差使之用。所产粮石供各路軍需。”时回匪陷磴口，扰及是部后套一带。二月，諭定安遣宋庆一軍赴余太一带剿除北路寇匪。寻鄂尔多斯貝子烏尔那逊督队击退。六月，諭定安等劝烏拉特居民赶兴耕作，以裕足食之源。十二月，諭金順防范烏拉特三旗地方游穴回匪。十年三月，回匪复自赛音诺顏之阿米尔毕特公旗扰是部中公旗洪庫勒塔拉地方。六月，匪又扰中公旗之什巴克台。杜嘎尔奏：“吉額、洪額等軍大敗之于布特地方，金运昌遣提督王凤鳴剿前窟洪庫勒塔拉之匪于奔巴庙、察洪噶尔庙，皆殄之。其后肅州回匪平，烏拉特始息警。自征回軍兴，西路文报及軍需駝馬，皆由是部设台分段接替、至阿拉善而止。西陲肅清，始复旧制。”

二十三年，山西巡撫胡聘之請开烏拉特三湖灣地方屯垦。既得俞旨，理藩院以蒙盟呈有碍游牧，格其议。二十九年，护山西巡抚赵尔巽、吴廷斌先后奏置五原厅同知，以是暨鄂尔多斯之达拉特、杭錦两旗寄居民人村落隶之。时兵部侍郎貽谷督垦，派员劝报地。三十五年，奏烏拉特前旗以达拉特旗东之什拉胡魯素、紅門兔等地段，后旗以黄河西岸之紅洞灣地段，中旗以黄河西岸熟地莫多、噶魯泰两段报垦，並修坝工，扩渠道，防冲突，暢引灌，仍以民多官少，防范难周，蒙人时有爭渠阻垦情事入告。是部中旗有佐领十六，前旗十二，后旗六。

**鄂尔多斯部**，在河套内，至京師千一百里。东归化城土默特，西阿拉善，南陝西长城，北烏喇特。东西北三面皆距

河，袤延二千余里。

元太祖十六世孙巴尔苏博罗特始居河套，为鄂尔多斯济农。子衮弼里克图墨尔根继之。有子九，分牧而处，今鄂尔多斯七扎萨克皆其裔。长诺颜达喇袭济农号、为扎萨克郡王额璘臣一旗祖；次巴雅斯呼朗诺颜，为扎萨克贝勒善丹一旗祖；次伟达尔玛诺颜，为扎萨克贝子沙克扎、镇国公小扎木素二旗祖；次诺捫塔喇尼华台吉，为扎萨克贝子额琳沁一旗祖；次玻揚呼里都噶尔岱青，为扎萨克台吉定咱喇什一旗祖；次巴雅喇伟征诺颜，为扎萨克贝子色棱一旗祖；次巴特玛萨木巴斡；次纳穆达喇达尔汉诺颜；次翁拉罕伊勒登台吉；皆为济农，属察哈尔。

林丹汗虐，其部济农额璘臣与喀喇沁，阿巴噶諸部长敗察哈尔兵四万于土默特之赵城。天聪九年，大軍收林丹汗子额哲于黄河西托里图地，未至，额璘臣私要额哲盟，分其众以行。我軍追及之，索所获，额璘臣惧，献察哈尔户千余。自是所部内附，頒授条约。

順治元年，选兵随英亲王阿济格赴陕西剿流贼李自成。二年，师旋，得优赉。六年，台吉大扎木素及多尔济叛劫我使图鲁錫。敕曰：“聞尔等背叛，即欲加兵。但念受朕恩有年，且生灵堪惜，故不忍遽用干戈，尔能悔过来朝，即宥罪恩养。倘持險不即归順，当发兵穷尔踪跡，必不容尔偷生。”时额璘臣偕同族固噜岱青善丹，小扎木素、沙克扎、额琳沁、色棱等，携自额济内阿喇克鄂拉徙牧博罗陀海。上嘉其不助逆，诏封郡王、贝勒、贝子、镇国公有差，各授扎萨克，凡六旗。七年，大扎木素降，诏宥其罪。諭多尔济

降。不从。九年，遣兵擒斩多尔济于阿拉善。

康熙十三年冬，调所部兵三千五百会剿陕西叛镇王辅臣。十四年，复神木、定边、花马池各城堡，叙功，晋扎萨克等爵，台吉各加一级。二十七年，噶尔丹侵喀尔喀，奉诏简兵二千防汛。三十五年，上亲征噶尔丹，至所部界，扎萨克等率属渡河朝御营，献马。上手谕皇太子曰：“朕至鄂尔多斯地方，见其人皆有礼貌，不失旧时蒙古规模。各旗俱和睦如一体，无盗贼，驼马牛羊不必防守。生计周全，牲畜蕃盛，较他蒙古殷富。围猎娴熟，难免复多。所献马皆极驯，取马不用套竿，随手执之。水土食物皆等相宜。”三十六年，允扎萨克等请设站阿都海，军奏及粮运俱由其地行。时扎萨克等率兵扈蹕，颁赉白金。是年冬，理藩院劾运米迟误罪。诏宽免。五十一年，谕曰：“鄂尔多斯饥饉洊臻，户口流散，可速遣官察核，务令各遂生业。”五十二年，诏定其部牧界。先是郡王松喇布请暂牧察罕托辉，尚书穆和伦等往勘，议于柳整、刚柳整、房整、西敦四台外，暂令驻牧。至是宁夏总兵范时捷奏：“察罕托辉系版图内地，蒙古游牧与民樵采混杂，不便。请令仍以黄河为界。”遣官勘，议从时捷所请。五十四年，诏简兵二千从大军防御策妄阿喇布坦，五十五年，所部欠收，遣官往赈，凡七千九百余户，三万一千余丁。雍正元年，复命赈恤。十年，以调赴固尔班赛堪兵三千，不堪用者五百，又中途逃归四百余，为将军达尔济所劾，论王、貝勒、貝子等罪，各降爵。寻以次予复。

乾隆元年，诏增设一旗，以一等台吉定咱喇什领之，授扎萨克。是年，允陕西榆林、神木等处民边种鄂尔多斯余闲

套地完租。四十九年，陝甘總督福京安奏：“黃河改向西流，原在河西民人反在河東。鄂爾多斯蒙古貪利，濫以現行黃河為界，謂民人占據新部游牧地方。”命侍郎賽音博爾克圖往勘，仍以前黃河舊流之地為界，訂椿立碑。

所部七旗，自為一盟，曰伊克昭。與哲里木、卓索圖、昭烏達、錫林郭勒、烏蘭察布五盟同列內扎薩克。左翼前旗，一名准格爾旗，駐扎勒谷。左翼中旗，一名郡王旗，駐敖西喜峰。左翼後旗，一名達拉特旗，駐巴爾哈遜湖。右翼前旗，一名烏申旗，駐巴哈池。右翼中旗，一名鄂托克旗，駐西喇布哩都池。右翼後旗，一名杭錦旗，駐鄂爾吉虎泊。後增一旗，曰左翼前末旗，一名扎薩克旗。爵八：扎薩克多羅郡王一；附輔國公一；扎薩克多羅貝勒一；扎薩克固山貝子四，一由鎮國公晉襲；扎薩克一等台吉一。

是部墾事最早。乾隆以後，是部招墾民人近陝西者，分隸陝西神木，定邊兩理事同知，及神木、府谷、懷遠、靖邊、定邊等縣。近山西者，分隸薩拉齊，托克托城、清水河三廳，偏關、河曲等縣。而因地滋爭之案亦時有。道光八年，達拉特旗之才吉、波羅塔拉地方，以抵還債項，奏准租給商種五年。十四年，綏遠城將軍彥德奏：“達拉特旗台吉人等招民私墾驛站草地，致越界侵種，其旗游牧地方貝子親往驅逐。民人恃眾、砍傷二等台吉薩音吉雅等。”詔山西巡撫鄂順安派員捕治之。其後相沿奉部文而承種者有之，由台吉私放者有之，由各廟喇嘛公放者有之。開墾頗多，產糧亦盛。

同治初元，回匪役興，辦團練，購糧儲，皆取濟于此。是年

调鄂尔多斯兵赴甘协剿。六年，回匪屡入境，皆为貝子扎那格尔第兵所败。七年正月，陕西宁条梁之陷，匪遂大入游牧，南自伊克沙巴尔，北至固尔根柴达木，焚掠殆遍。要地如古城，答拉寨、十里长滩诸处皆不守。蒙兵不能战，屡请撤退。四月，绥远城将军德勒克多尔济奏飭扎那格尔第简精壮蒙兵五百，合准格尔旗壮丁及察哈尔马队各五百，均归统带，择驻神木要隘，相机迎剿。别以达拉特旗兵五百驻适中草地。朝旨飭宁夏副都统金顺一军援之。六月，金顺深入蒙地，遇匪于野狐井、门家梁、王家沟，皆捷。嵩武军统领提督张曜一军亦赴援，屡挫之，古城、十里长滩之匪皆遁。张曜又败匪于达拉特旗，进驻古城。而窜杭锦、乌审、郡王等旗之匪，亦为绥远城将军所遣达尔济一军所败。是为鄂部七旗初次肃清。绥远城将军定安遂奏撤伊克昭盟兵一千九百回本游牧防守，仍留前挑兵五百，令扎那格尔第统带探贼进剿。十二月，阿拉善之磴口不守，回匪又大入，昭盐海子，缠金一带皆被扰。时匪自磴口水路进扑，副都统杜嘎尔派参领成山等合乌尔图那逊兵分往缠金及阿拉善旗乌兰木头地方剿之，匪皆败遁。六月，张曜自古城进剿，屡败匪于察罕诺尔，沙金托海，追至贺兰山，达尔济，扎那格尔第两军击殄杭锦，达拉特，郡王诸旗之匪。朝旨又增遣宋庆一军西援。八月，败扰郡王旗之匪于东岭，击退扰乌审、鄂托克等旗之匪，进至哈拉寨。金顺军磴口，张曜军宁夏，沿途自舍太至三道河，石咀山皆驻官军。宋庆是冬追剿逆于准格尔，昭盐海子诸处，悉殄之。九年，金积回匪以官军攻急，自石咀北犯，冀梗我运道。于是沙金托海以西匪骑出没，而准格尔、

杭錦、鄂托克諸旗復擾。宋庆、达尔济諸軍復進剿，迭捷。七月，烏审旗管帶官赤樓多尔济以剿匪陣亡于霍里木廟，然各旗亦屢挫來擾之匪。梅楞章京扎棟巴等以剿挫陝西懷遠邊外之匪，予優獎。是部再告奠定。至金積蕩平，而警報始息。歷次陣亡蒙旗官兵及出力者，均時予恤獎。其纏金諸地，則山西仍置防戍。

光緒二年，邊外馬賊肆擾，是部达拉特，杭錦等旗地戶商人蹂躪特重，渠廢田荒，迄不可復。十年，伊克昭盟長貝子扎納濟爾迪呈：“准格爾旗以頻年荒欠，請開垦空閑牧場一段，東西八十里，南北十五里，收租散賑，接濟劣蒙。”下理藩院議行。以招種民人分隸山西河曲、陝西府谷。時歸化城土默特與达拉特旗以黃河改道爭界，署山西巡撫奎斌，大理寺少卿郭勒敏布以綏遠城將軍斷分之案偏袒土默特，奏劾。命察哈爾都統紹祺往勘，援乾隆五十一年黃河舊漕為斷之諭，以南之地四成歸达拉特，以北之地六成歸土默特。尋經勘定，北自烏拉特界，南至准格爾界，达拉特應分地周六百四十八里。十二年，伊犁領隊大臣長庚奏纏金等處宜開屯田。山西巡撫剛毅復奏：“纏金即才吉地，在河北外套伊克昭盟之达拉特，杭錦兩旗牧界。河自改行南道，蒙古始招商租種分佃，修成渠道。西則纏金，計共五渠，東則后套，計共三渠，紆回約二百里，中間支渠曲折蜿蜒，不可枚數。后遭馬賊之擾，不特纏金，牛壩商號不過數家，即后套左右亦只二百餘家。达拉特旗昔歲收租銀十萬，近所收租錢不及三千串。閱伍至薩拉齊之包頭，而與伊克昭盟長貝子扎那吉爾迪筭商，謂當明示各旗，斷不使該旗牧界日久歸于民人。”因

上议屯三端：曰分段、曰修渠、曰设官。下所司议，格。二十六年拳匪之案，鄂尔多斯七旗，如达拉特、鄂托克、乌审、准格尔各旗，酿祸均重。事定，议有赔款。达拉特一旗至三十七万两。教堂欲得银，蒙旗欲抵地，久未结。

二十八年，命兵部侍郎貽谷办晋边垦务，咨调乌、伊两盟长詣归化商訂、迄未至，而呈理藩院請免开办。廷旨下院严飭盟长迅与貽谷等会商，不得推諉。于是貽谷等先以贖还达拉特旗教案熟地二千顷给銀十七万两者，为垦务入手之策。二十九年，达拉特、杭錦两旗始派员就议报垦，郡王、鄂托克、乌审、准格尔、扎萨克五旗亦相继报地，而杭錦旗貝子阿尔宾巴雅尔时充盟长，仍請缓办，坚拒出具交地印文。三十年，貽谷以抗不遵办，掣动全局劾之，以副盟长乌审旗貝子察克都尔色楞代署。三月，套匪滋事，山西练軍平之。九月，察克都尔色楞等以乌审、扎萨克两旗公中之地，北起阿拜素、西至巴盖补拉克一段，归官报垦，祝皇太后七旬万寿。予察克都尔色楞郡王銜，沙克都尔扎布镇国公銜。三十一年二月，阿尔宾巴雅尔复呈跪过情形，报出杭錦旗中巴噶地一段。貽谷奏乌、伊两盟地皆封建，与察哈尔之比于郡县不同，定押荒岁租皆一半归官，一半归蒙，别提修渠费。旨下所司知之。七月，貽谷奏：“杭錦、达拉特两旗地户将原有各渠报效归功，因改长胜渠名长济，鍾金渠名永济，挑浚深通，老郭等渠以次及之、计可溉田万顷。后套地必附渠，渠日加多，即地日广。就现在应收之款，悉归工作，回环无滞，务竟其功。請各旗押荒地租各款应归公者，均暫援提成，各渠工大修之费。”九月，准格尔旗协理台吉丹丕尔不悦

于垦，糾众抗拒，攻劫局所，貽谷遣兵捕治之。三十二年，貽谷奏定郡王等五旗旱地押荒岁租。陝西巡抚恩寿会奏以郡王、扎萨克两旗垦地置东胜厅，隶山西归绥道。三十三年，貽谷蒙遣，复阿尔宾巴雅尔盟长。信勤、瑞良等相继为垦务大臣。

是部垦事进行未废。佐领即左翼中旗十七，右翼中旗八十四，左右翼前旗各四十二，左翼后旗四十，右翼后旗三十六，左翼前末旗十三。

**阿拉善厄鲁特部**，至京师五千里。东鄂尔多斯，西额济纳，南宁夏、凉州、甘州，北逾瀚海接赛音诺颜、扎萨克图盟。袤延七百余里，即贺兰山地驻牧蒙古。

系出元太祖弟哈布图哈萨尔，与和硕特同族。和硕特旧为四额鲁特之一，故称额鲁特部。哈布图哈萨尔十九传至图鲁拜琥，号顺实汗。有子巴延阿布该阿玉什，兄拜巴噶斯初育以为子、后自生子二：长鄂齐尔图，次阿巴赖。游牧西河套，称西套厄鲁特。巴延阿布该阿玉什号达赖乌巴什。子十六，居西套者，曰和罗里，曰墨尔根，曰额尔克，曰都喇勒，曰喀什哈，曰陀音，曰土谢图罗卜藏，曰博第，曰多尔济扎布，曰诺尔布扎木素，曰爱博果特，曰鄂木布。和罗里号巴图尔额尔克济农，以来归授扎萨克，赐牧阿拉善，諸昆弟子姓隶之。其居青海者，曰扎布，曰阿南达，曰伊特格勒，曰巴特巴。扎布授扎萨克，领其族。见青海厄鲁特部传。鄂齐尔图号车臣汗，子三：长额尔德尼，子噶勒丹多尔济；次噶尔第巴，子罗卜藏袞布阿拉喇布坦；次伊拉古克三班第达呼图克图。后皆絕嗣。阿巴赖裔为准格尔所掠，故不显著。

順治四年，鄂齊爾圖遣使貢駝馬。六年，阿巴賴繼至。七年，鄂齊爾圖使至，以喀爾喀煽蘇尼特部長騰機思叛、妄稱：“力能鋤逆，當相機為之。否則亦必修貢如初，不敢稍萌異志”。諭絕喀爾喀，勿私通好。嗣因額爾德尼、噶爾第巴、伊拉古克三班第達呼圖克圖及所部台吉、宰桑等朝貢，至者相接。

准格爾台吉噶爾丹游牧阿爾台，号博碩克圖汗，親為厄魯特長。鄂齊爾圖妻以孫女阿努，尋與諱。康熙十六年，噶爾丹以兵襲西套，戕鄂齊爾圖，破其部。鄂齊爾圖妻曰多爾濟喇布坦，與喀爾喀墨爾根汗額列克妻，皆土爾扈特汗阿玉奇女兒也。額列克孫察輝多爾濟号土謝圖濟汗，偵噶爾丹侵鄂齊爾圖兵援之不及，多爾濟喇布坦奔土爾扈特。噶爾丹遣使獻俘，諭曰：“噶爾齊圖汗與噶爾丹向俱納貢。今噶爾丹侵殺鄂齊爾圖，獻所獲弓矢等物，朕不忍納也。其却之！”西套厄魯特既潰，或奔依達賴喇嘛，或被噶爾丹掠去。和囉理率族屬避居大草灘，廬幕万余，守汛者遺之去，仍逐水草，徙戀處邊外。

有楚琥爾烏巴什者，噶爾丹叔父也。子五：長巴哈班第，次阿南達，次羅卜藏呼圖克圖，次萃章，次羅卜藏額琳沁。噶爾丹以私憾襲殺巴哈班第，執楚琥爾烏巴什及羅卜藏額琳沁等禁之。巴哈班第子罕都為和囉理甥，時年十有三。其屬額爾德尼和碩齊携之逃，以兵四百掠烏喇特戶畜，竄就和囉理，居額濟納河。喀爾喀台吉畢瑪里吉哩誦偵以告，會青海墨爾根台吉等察獻額爾德尼和碩齊所掠，遣使詰知為準格爾屬，諭噶爾丹捕額爾德尼和碩齊治罪，並收和囉理歸牧，或非

所属当以告。二十二年，噶尔丹奏和啰理等归，达赖喇嘛已遣使召请，以丑年四月为限。是年盖岁在亥。二十三年，罕都偕额尔德尼和硕齐遣使贡，请宥掠乌喇特罪，而和啰理戚属尝掠茂明安诸部牧产，前以服罪故宥之。至是谕曰：“和啰理既免罪、额尔德尼和硕齐等著一体赦。所贡准上纳。”

先是罗卜藏袞布阿喇布坦避噶尔丹，走居古特。以达赖喇嘛言，表请赐居龙头山，辖西套遗众。命兵部督捕理亭官拉都琥往勘。奏言：“龙头山，蒙古谓之阿拉克鄂拉，乃甘州城北东大山，山脉绵延边境。山口即边关，建夏口城，距湟川堡五里；山尽为宁远堡，距龙头山里许，有昌宁湖界之。内地兵民耕牧已久，不宜令新附蒙古居。”上可其奏。

罗卜藏袞布阿喇布坦徙牧布隆吉尔，主谢图汗琿多尔济以女妻之。事闻，谕廷臣曰：“前鄂齐尔图汗为噶尔丹所戕，其孙罗卜藏袞布阿喇布坦往求达赖喇嘛指授所居之地，达赖喇嘛令驻牧阿拉克鄂拉，因以为请。鄂尔齐图汗从子和啰理前沿边驻牧晋符，被噶尔丹收取之，令罗卜藏袞布阿喇布坦与喀尔喀互为犄角。噶尔丹欲以兵向和啰理等，则恐喀尔喀憾之，欲以兵向喀尔喀，则恐和啰理等袭之。此必非噶尔丹所能收取也。”二十四年，和啰理请赐敕印给部众。廷臣以游牧未定，议不允。谕曰：“和啰理等以避乱，故离其旧牧，来至边境，劫掠茂明安、乌喇特诸部，本应即行殄灭。朕俯念鄂齐尔图汗世奉职责，恪恭奔走，兼之彼亦迫于饥困，是以宥其罪戾。又罗卜藏袞布阿喇布坦系鄂尔齐图汗孙，为和啰理从子，应令聚合一处。其遣官往谕朕旨，度可居地归并安置，封授名号，给赐金印玺书，以示朕兴灭继绝

至意。”理藩院尙书阿喇尼遵旨往諭。和硕理奏：“皇上令臣等察处，乃殊恩。达赖喇嘛亦謂罗卜藏袞布阿喇布坦居有隆吉尔，地隘草恶，不若与臣同处。臣等欲环居阿喇克山阴，遏寇盗，靖边疆。令部众从此地而北，当喀尔喀台吉毕玛里吉哩諾牧地，由噶尔拜瀚海、額济納河、姑喇奈河、雅布賴山、巴顏努魯、喀尔古、布尔古特、洪果尔鄂隆以内，东倚喀尔喀丹津喇嘛牧，西极高河居之，”。

奏至，遣使諭达赖喇嘛曰：“噶尔丹灭鄂齐尔图汗时，和硕理及罗卜藏袞布阿喇布坦等紛紛离散，来至边境，又以生计穷迫，突行劫掠。朕宥其罪，不即发兵剿灭。和硕理等亦戴朕恩，屢請收印，依朕为命。朕前諭噶尔丹收取，彼约以丑年四月为期，今逾期已数月矣，伊等骨肉分离，故处失所，朕心殊为惻然？鄂齐尔图汗于尔喇嘛为护法久矣，何忍漠视其子孙宗族至于空国？今朕欲将伊等归并安置，尔喇嘛其速与朕使偕往议！”

二十五年，达赖喇嘛奏已遣使、上遣拉都琥往安劄。拉都琥偕达赖喇嘛使约和硕理至东大山北，語之曰：“尔所謂噶尔拜瀚海地，听尔游牧。外自宁夏所属玉泉营西罗萨喀喇山嘴，后至贺兰山阴一带布尔哈苏台口，又自宁夏所属倭波岭山口北努澤努魯山后甘州所属镇番寨口，北沿陶兰泰、萨喇、椿济、雷琿、希理等地，西南至額济納河，俱以距边六十里为界，画地識之。”定议：蒙古杀边民论死，盗牲畜、夺食物者鞭之；私入边游牧者，台吉、宰桑各罰牲畜有差，所属犯科一次，罰济农牲畜以五九。时罕都及額尔德尼和碩齐請与和硕理同牧。罗卜藏袞布阿喇布坦偵其女兒阿努携兵千

赴藏，道嘉峪关外，俱袭已，备之，以故未即徙。拉都琥奏至，诏以所定地域及罚例檄甘肃守臣知之。盖自是和啰理属始定牧阿拉善。

二十七年，噶尔丹侵喀尔喀，和啰理欲往援，察珲多尔济乞师于朝。时谕噶尔丹罢兵。使已就道，诏不允和啰理请。而罗卜藏衮布阿喇布坦自率兵援喀尔喀，遇我使于道，宣谕之，亦撤归布隆吉尔。察珲多尔济寻为噶尔丹所败，上复遣使谕噶尔丹，将行，命之曰：“噶尔丹若问和啰理事，尔等宜述丑年之约，並言达赖喇嘛向虽遣使定议，令和啰理与罗卜藏衮布阿喇布坦归並安置，迄今尚未同居。和啰理虽居游牧边地，亦未编设旗队。前喀尔喀与额鲁特交恶，和罗理曾请兵讨尔。朕仍谕遣之曰：‘朕欲使尔等安处游牧而已，岂肯给尔兵耶？’其以是告之，令罢兵。”噶尔丹不从。

二十八年，以罗卜藏衮布阿喇布坦卒，赐祭。其妻及宰桑等请召噶尔丹多尔济辖部众，允之。时噶尔丹多尔济游牧准格尔界，谕曰：“罗卜藏衮布阿喇布坦属内附，所遣部众恐致流亡。噶尔丹多尔济尚幼，召之恐未即至。著和啰理前往布隆吉尔，暂为约束人民。俟噶尔丹多尔济至，仍归本地。务期共相扶掖，勿侵据所部。”噶尔丹多尔济以所部饥，告不克即徙。诏授诺颜号，遣侍读学士达琥谕恤所部贫民。其母扎木苏携噶尔丹多尔济至，诏辖罗卜藏衮布阿喇布坦众，附阿拉善牧。

有拜达者，罕都属也，偕额尔德尼和硕齐诱其主奔和啰理，私以厄鲁特兵千掠边番。守汛者责之，为所戕，且抗官军。甘肃提督孙思克以兵屯边，将剿之。罕都惧，乃降诏宥

罪，仍驻牧阿拉善。其叔父罗卜藏额琳沁寻自准噶尔至，奏为噶尔丹所禁十余年，以准噶尔与喀尔喀战，乘间脱，挈孥属千余至，乞与兄子罕都同居，允之。

三十年，和罗理以不遵旨徙牧归化城，惧大兵讨，叛遁。额尔丹多尔济、罗卜藏额琳沁罕都等从之，分道窜。将军尼雅汉等招降噶尔丹多尔济属纳木喀班尔等五十余户、和罗理女弟之夫克奇及从者二十一人以闻，诏安置归化城。时和罗理弟博第游牧中卫边外，距阿拉善三百余里，闻其兄叛遁，欲往会侦。副将军陈祚昌等屯昌宁湖，遣子索诺木至罕，诡称假道詣南山，否则请牧焉昌宁湖。祚昌知为缓军计，令孥属至归化城。不从，击之，斩五百余级，博第仅以身免，走伊巴赖，遇和罗理属台吉齐奇克假粮马，窜额济纳河。三十一年，和罗理悔罪，降，命仍牧阿拉善。罗卜藏额琳沁、罕都、齐奇克等从和罗理降。寻复叛走。提督孙思克以兵追至库勒图，斩四十余级。齐奇克就擒，诏宥死，附和罗理牧。罗卜藏额琳沁、罕都逸，遇自青海来归之喀尔喀台吉阿海岱青班第，掠其资，复窜哈密。罗卜藏衮布阿喇布坦有女弟曰阿海，始与策妄阿喇布坦议婚，噶尔丹夺之。策妄阿喇布坦怒，噶尔丹徙额琳哈毕尔噶。上闻之，遣员外郎马迪赉敕谕令绝噶尔丹。道哈密，罗卜藏额琳沁、罕都等偕噶尔丹属图克齐什哈、哈尔海达颜额尔克以兵劫之，由大草滩毁边垣遁，为青海台吉额尔德尼纳木扎勒所击，走死。三十三年，和罗理第博第率属百余降，乞仍与兄同牧，许之，命辑所属溃散者。未几，齐奇克复叛遁。和罗理遣所部莽奈什哈等以兵追讨梅尔格山，谕之降，不从，

击斩之。

三十五年，所部兵随西路大军败噶尔丹于昭莫多，副都统阿南达奉命设哨，以和啰理属布尔噶齐达尔军宰桑玛赖额尔克哈什哈、齐劳额尔根萨里呼纳沁齐伦琿塔汉占哈什哈、布达哩杜喇勒和硕齐等，分屯额布格特、阿木格特、昆都伦、额济纳及布隆吉尔之博罗格济敖齐、喀喇莽奈诸地。时噶尔丹多尔济窜徙嘉峪关外。有哨卒拜格者，其属也。阿南达召至，遣归说噶尔丹多尔济曰：“上待汝恩甚厚，将抚育之，顾叛逃可乎？和啰理奔牧时，汝不能辑属，故从往，上灼知汝情，念汝祖鄂齐尔图汗，将玉成汝，汝其思之！”噶尔丹多尔济遣告曰：“上念臣祖兄，令臣与和啰理接壤居。臣无知，从和啰理叛遁，今悔罪欲死。臣幼、臣母一妇人，未能达。乞以情代奏”阿南达欲坚内附志，遣使归，约如期会肃州，谕设哨援哈密，复檄哈密伯克额贝都拉曰：“噶尔丹王汝地，汝即召噶尔丹多尔济援，勿复疑。”噶尔丹多尔济遣宰桑阿约等贡降表，表至肃州。会上视师宁夏，阿南达驰疏至，诏优恤所部众。未几，唐古特部第巴焯青海诸台吉盟察罕托罗海，缮军械助之。噶尔丹多尔济以兵往，辞不赴，遣使俄济通问策妄阿喇布坦，自携兵百会阿南达于布隆吉尔。阿南达值噶尔丹死，其从子丹济拉窜瀚海，遣噶尔丹多尔济属特台吉罗卜藏等驰赴噶斯，而自偕噶尔丹多尔济以兵继之。至色尔森，值俄济归，以丹济拉将自郭蛮喇嘛所往附策妄阿喇布坦告。因撤噶斯兵，遣噶尔丹多尔济仍赴布隆设哨，其属阿勒达尔哈什哈、恭格等煽之叛，至西欣驿劫驼马，奉母扎木苏由吉尔喀喇乌苏遁。阿南达遣兵四百追

之，不及，招降其属茂海、乌纳思巴图尔、阿喇木扎木巴、阿喇木把及拜特台吉罗卜藏等，遣归阿拉善。罗卜藏后徙牧喀尔喀，即附扎萨克图汗部之厄鲁特扎萨克也。是年，和罗理以所部数叛，请视四十九旗例编佐领。廷臣议徙乌喇特界，谕曰：“若将和罗理移牧近地，则沿边别部蒙古甚多，岂可尽徙？且治蒙古贵得其道，不系地之远近。若停徙，仍游牧阿拉善地。”诏和罗理为多罗贝勒，给扎萨克印。复以噶尔丹多尔济密赴准格尔，救策妄阿喇布坦曰：“噶尔丹多尔济上届来降，安置耕种。今忽留其属人，齐众私逆，其中必有不得已之情，务即察明具奏。朕于噶尔丹多尔济略无责备之意，且降旨收集其遗众。倘往汝地，汝可善为抚恤。如欲内附，即行遣归。”时噶尔丹多尔济阳附策妄阿喇布坦，阴从之。策妄阿喇布坦将侵哈萨克，噶尔丹多尔济谕以兵从，中途逢库车，为回众所杀。母扎木苏携属九言尔奔青海部，一母活台吉以附。诏安置什巴尔台，隶察哈尔。

四十二年，和罗理子阿宝尚郡王，授和硕额駙，赐第京师。四十八年，袭贝勒。五十四年，以参赞往会西安将军广保等，驻巴里坤，袭准尔格于伊勒布尔和硕、阿克塔斯、乌鲁木齐诸地，皆捷。五十九年，参赞平逆将军延信军败准格尔，有克河、齐诺郭勒、绰玛喇诸捷，护达赖喇嘛入藏。年癸完，奉谕遣归游牧，未几，来朝，上悯其劳，诏封多罗郡王。

雍正二年，大军定青海，王大臣等议阿拉善为宁夏边外要地，青海顾实汗诸子裔旧皆游牧山后，今或徙山前，随敕阿拉善扎萨克郡王阿宝飭青海众归牧山后，允之。阿宝奏：“臣祖顾实汗归诚内附，百年于兹，受天朝恩甚厚。前青海

昆弟阻兵构乱，上千天討，臣当束身受誅。重荷恩宥，令安游牧，感激莫报。乞赐青海旷地，令臣鈐諸部，不复萌异志。”诏以青海贝子丹忠所遺博罗充克克牧地给之，并諭抚远大將軍年羹尧遣员齎餉助徙牧。博罗充克克者，即汉书地理志所称潢水也。七年，阿宝以博罗充克克牧地隘，擅請徙乌兰穆伦及額济訥河界，议罪削爵。寻命复之。诏仍归阿拉善牧，不复居青海。阿宝子袞布，八年，以所部兵赴巴里坤防准格尔援樊廷，贼遁。九年，录其劳，封辅国公。十年，晋贝子。

乾隆六年，降袭爵之索诺木多尔济为镇国公。二十一年，二等台吉达瓦车凌从大軍剿厄鲁特窜党，遇伏于博罗齐，奋击之，陣歿。诏议恤，入祀昭忠祠。先是阿宝属达玛琳从靖边大將軍傅尔丹击准格尔于和通呼尔哈诺尔，为所掠。至是携孥及属布庫勒等四十余户詣都统雅尔哈善軍，請回阿拉善旧牧。诏如所請，徙众仍置伊犁。

所部一旗。爵三：曰札萨克和碩亲王，由贝勒晋袭；附镇国公二，一由贝子降袭，一由辅国公晋袭。阿宝次子罗卜藏多尔济初袭贝勒。乾隆二十一年，诏以兵赴北路。二十二年，以俘逆贼巴雅尔功，晋郡王，授参贊大臣。二十三年，以剿俘己叛宰桑恩克图功，予双眼花翎。二十四年，以台吉达瓦、佐領布岱等剿玛哈沁及逆回布拉呢敦功，优赏之。三十年，晋罗卜藏多尔济亲王。三十七年十一月，以甘肃民人私挖阿拉善旗哈布塔哈拉山金沙，命勒尔謹捕治之。四十六年，大軍剿萨拉尔逆回于华林寺，四十九年，又剿逆回于石峰堡邸居。是部皆以兵从，均有功。五十一年，允阿

拉善盐由水路运至山西临县碛口。五十六年，是部盐入银八千两。罗卜藏多尔济子旺沁班巴尔袭亲王。后尝一为宁夏将军，以祖庇属人争勘地界，罢之。

嘉庆四年，陕甘总督长麟奏徵是部征教匪兵归其部。五年，甘肃按察使姜开阳疏言：“中卫边外有大小盐池，今为阿拉善王所轄。其盐洁白坚好，内地之民皆喜食之。大约甘肃全省食阿拉善者十分之六，陕西一省亦居其三。闻阿拉善王但于两池置官收税，不论蒙古、汉人，听其转运，故于民甚便。私贩甚多，骆驼牛骡什佰成群，持棍格斗，吏役不敢呵止。今拟合沿边各州县于各隘口盐所从入之处，设局收税，亦计所驮多少为税之轻重。彼所收者池税，我所收者过税，既无碍于阿拉善王，又易私贩为官贩，两便之道。”十一年，阿拉善王因回民私贩陋法，献其池归官办，置运判于碛口。每年予阿拉善王银八千两，池属宁夏道专管。十七年，改归商办，酌定口岸，示以限制，改碛口大使为皇甫川大使，专司稽察。吉盐水贩止准运至皇甫川，以盐池敕还阿拉善王，停其课岁，而以吉盐八万七千余引配于潞引，由潞商包纳吉课。咸丰四年七月，亲王呈捐输开采哈勒津库察地方银矿。定甘肃收阿拉善盐商税济军餉。同治初年，回匪滋事，屡征是部兵协剿。三年，阿拉善亲王贡桑珠尔默特以匪扰宁夏，呈理藩院乞援。时西路多警，是部设台递送，南自甘、凉，西自额济纳土尔扈特，军报至乌拉特以达归化。四年四月，都兴阿军大破回匪于平罗、宝丰，是旗协理台吉阿布哩亦败扑入磨石之匪。谕嘉奖贡桑珠尔默特，仍飭严防各口，兼办驼运。七年，贡桑珠尔默特采买米麦济穆图善中铺

之軍，解耕牛一百余只酌借貧民，俾時耕種。四月奏入，上復嘉獎之。十二月，回匪由平羅窺是部，大肆劫掠，至磴口踞之，攻圍王府，殺傷官兵。貢桑珠爾默特復咨穆圖善乞援。八年，定安派蒙員烏爾固那遜往是部烏蘭木頭地方剿陸路回匪。四月，屢敗回匪于下永和姜、上永和姜。磴口踞匪還窺陝境。是月董馬原回匪窺是部境，圍定遠營城，燬家產、府第、寺廟。鄂爾多斯與額濟納河土爾扈特文報路斷，貢桑珠爾默特督蒙古官兵嬰城固守。七月九日，提督張曜遣部將楊春祥等率兵解定遠城之圍，匪退廣宗寺，又敗之，越山遁。次日，楊春祥等進軍賀蘭山。八月，金順進軍磴口。遂次平羅。九月，張曜抵寧夏，沿途之沙金托海、三道河、磴口，石嘴山等處皆駐官軍。九年十一月，回匪復窺阿拉善南界之紅井一帶，貢桑珠爾默特派副佐領鄂肯會官軍副將郝永剛等敗之。匪窺永磴口，掠阿拉善，復設台站十一處。十年五月，金順奏：“寧夏山后阿拉善旗有西來窺賊劫掠。現等于南北要冲磴口、橫城等處派隊扼扎。”十一年，賽盟阿爾米罕特旗窺來回匪至沙爾雜一帶，張曜以阿拉善王請兵剿辦，令孫金彪分扎柳林湖一帶，兼顧蒙地。是年八月，陝甘總督左宗棠奏准蒙鹽仍只從一條山、五卡寺至皋蘭、靖遠、冬城，經安定、會寧、靜西、秦州，轉運漢南一帶銷售，每百斤收稅銀、厘銀各八分。十三年四月，袁保恆奏：“寧夏采運，須取道阿拉善額濟納蒙古草地，以達巴里坤。而額濟納牧地近年被匪蹂躪最深，無可藉資，必以阿拉善駝只為主。當飭阿拉善協理台吉派員來寧商辦。臣與管旗章京瑪呢阿爾得那籌擬，按程設立三十四台，專司帶領道路。另雇蒙

驼一千五百，民驼五百，各以五百任运一段，班转递运，每次可运官斛八百石，限四十月运至巴里坤，间二十日由宁夏发运一次。”谕左宗棠酌度情形，派员赴宁夏接办。光緒四年七月，以关内外肃清，裁阿拉善所设台站。

二十六年，拳匪滋事，阿拉善亦出教案。二十七年三月，予各省官员上年保教不力惩处，阿拉善亲王貢桑珠尔默特传旨申飭。其后是部三道河一带教堂租种地亩益多，引河为渠，开田万顷，日以富饶。宣統二年，督办盐政大臣载泽奏：“山西行销蒙盐，西路以阿拉善为主，以鄂尔多斯辅之。有矿，有林木，幅员广阔。其北毗連套盟南境各旗，南邻甘肃镇番等九县，为漠南蒙古大部落。自为一部，不设盟，受宁夏將軍节制。”有佐領八。

额济纳，旧土尔扈特部，在阿拉善旗之西。东古尔萨，南甘肃毛日县丞地，北阿济山，东南合黎山，南与东北、西北皆大戈壁，当甘肃省甘州府及肃州边外。

系出翁罕六世孙，曰玛哈齐蒙古。有子二：长子貝崇鄂尔勒克，有曾孙曰书库尔岱奇。第四子曰纳木第凌，生纳扎尔玛穆特，为土尔扈特阿玉奇汗族弟。阿玉奇罕游牧额勒济河。康熙四年，诏封纳扎尔玛木特之子阿喇布珠尔为固山貝子，赐牧色尔腾。先是阿喇布珠尔尝假道准噶尔謁达赖喇嘛，既而阿玉奇与准噶尔策妄阿喇布坦修怨，阿喇布珠尔自唐古特还，以准噶尔道梗，留嘉峪关外，遣使至京师。上憫其无归，故有是命。五十五年，阿喇布珠尔奏請从軍效力，诏以五百骑噶斯。旋卒，子丹衷袭。

雍正七月，来朝，晋貝勒。九年，以色尔腾牧通噶斯之

察罕齐老图，惧准噶尔掠，乞内徙。陕甘总督查郎阿令携戚属游牧阿拉克山、阿勒坦特卜什等处。寻定牧额济纳河。乾隆四十八年，予世袭罔替。

同治中，回匪滋事，陷肃州。是部与连境，蹂躏特重。时西路文报梗，是部设台站，递至阿拉善以达归化。九年以后，肃州回匪累出扰是部境以北，窜赛、扎两盟，犯乌里雅苏台、科布多。福济、定安、张廷岳先后奏：“贼匪皆来自土尔扈特贝勒游牧，请飭左宗棠拨军防剿。”十二年，是部贝勒达什车凌以防堵回匪阵亡。光緒五年，大学士陕甘总督左宗棠为请恤。十二月，赠郡王衔、予恤银一千一百两。三十年，延祉等迎护达赖喇嘛往西宁，经是部。地杂戈壁，较诸部为瘠苦，北接扎盟南境。各旗有佐领一，不设盟长，受陕甘总督节制。

（摘自《清史稿》卷五百二十  
列传三百七 藩部三）

## 内蒙古各部地理

内蒙古：古雍、冀、幽、并、营五州北境。（周，益狄、山戎。秦、汉，匈奴尽有其地。汉末，乌桓、鲜卑荐居。元魏，蠕蠕及库莫奚为大。隋、唐属突厥，后入回纥，薛延陀。辽、金建都邑城郭同内地。元，故蒙古，起西北有天下。明、阿裕实哩达喇遁归朔漠，复改号，遣踵曼衍，北陲多故。）清兴，蒙古科尔沁部首内附。既灭察哈尔，诸部踵降，正其疆界，悉遵约束。有大征伐，并帅师以从。定鼎后，祿爵世及，岁时朝贡，置理藩院统之。部落二十有五，旗五十有一，并同内八旗。乾隆间，改归化城土默特入山西，仍有部落二十四，旗四十九，（其贡道：由山海关者，科尔沁、郭尔罗斯、杜尔伯特，扎赉特四部，旗十；由喜峰口者，阿噜科尔沁、札噜特、土默特、喀喇沁、喀尔喀左翼、奈曼、翁牛特、敖汉八部，旗十三；由独石口者，阿巴噶左翼、阿巴哈纳尔左翼、浩齐特、乌珠穆沁、巴林、克什克腾六部，旗九；由张家口者，阿巴噶右翼、阿巴哈纳尔右翼、苏尼特、四子部落、喀尔喀右翼、茂明安六部，旗七；由杀虎口者，归化城土默特、乌喇特、鄂尔多斯三部，旗十二。是为内札萨克蒙古。）袤延万余里。东界吉林、黑龙江，西界厄鲁特，南界盛京、直隶、山西、陕西、甘肃，（五省并以长城为限。）北外蒙古。面积百四十八万一千七百六十方里。北极三十七度三十分至四十七度十五分。经线

京师偏东九度至偏西九度三十分。

**科尔沁部六旗：**（在喜峰口东北八百七十里。西南距京师一千二百八十里。秦、汉、辽东郡北境。后汉为扶余、鲜卑地。隋、唐为契丹、靺鞨地。辽为上京东境、东京北境。金分属上京、北京及咸平路。元，开元路北境。明置三卫，自黄泥洼逾铁岭至开原曰福余卫，以元后乌梁海酋领为都指挥，后自立国号曰科尔沁。）清初以接壤联姻。其后台吉奥巴为察哈尔所侵，率先来降，太祖赐以土谢图汗之号，后封亲王四、郡王三、貝勒三、貝子一、镇国公一、辅国公五，掌旗世袭。所部广八百七十里，袤二千一百里。东界札赉特，西界札鲁特，南界盛京边墙，北界索伦。（貢道由山海关。）

**科尔沁右翼中旗：**（札萨克驻巴音和硕南，曰塔克禅，在喜峰口东北一千二百里。西南距京师一千六百十里。本靺鞨地。辽为黄龙府北境。金属上京路。元废。牧地当哈古勒河、阿鲁坤都伦河合流之北岸。东界那哈太山，南界察罕莽哈，西界塔勒布拉克，北界巴音和硕。广一百五十里，袤四百五十里。北极高四十六度七十分。京师偏东四度三十分。其山：东曰乌兰峰、那哈太山。南，阿达金察汉陀罗海坡、汉惠图坡。西，鲜卑山土名蒙格。北，温山、蒙名哈祿纳。东南，巴朗济喇坡。西南，乌尔图崗。其水：西北，郭特尔河，上承哈尔古勒河，自札鲁特东南流入界，迳科尔沁左翼中旗。南，阿鲁坤都伦河、鄂布尔坤都伦河，并自札鲁特东来合流注之。又东南，迳右翼中旗南、左翼中旗北，屈曲流，至翁衮山东南，汇为察罕泊。北：阿尔达河，源出温

山，逕榆木山，东南流入右翼前旗；海拉苏台河，一名榆河，源出兴安山，逕火山，东南流，皆与贵勒尔河会。鹤午河源出伊克呼巴海山，逕磨尔托山，东南流入右翼前旗，入榆河。

科尔沁左翼中旗（札萨克驻西辽河之北伊克唐噶里克坡，在喜峰口东北一千六十五里。西南距京师一千四百七十五里。本契丹地。辽为黄龙府北境。金属上京路。元废。牧地当吉林赫尔苏边门外昌图厅界，跨东西二辽河。东界鄂拉达干，南界小陀果勒济山，西界唐海，北界博罗霍吉尔山。广一百八十里，袤五百五十里。北极高四十三度四十分。京师偏东六度四十分。其山：东南曰伊克图虎尔几山，一名牛头山、巴汉图虎尔几山、巴汉哈尔巴尔山。西北，巴颜朔龙山、吉尔巴尔山一名水精山、巴汉查克朵尔山一名小房山。北，五峰山蒙名他奔拖罗海、伊克察克朵尔山一名大房山。东北，大石山蒙名葛伦齐老、太保山蒙名图斯哈尔图。西南，吉里岡。东南：辽河自永吉州入，逕额尔金山，西北流，入左翼后旗，又西南会潢河入边。潢河自札鲁特左翼入，逕噶尔岡东南来注之。卓索河源出边内，西北流入左翼后旗，今尹儿哈台河，入辽河。西北：和尔河，一名合河，自札鲁特左翼入，东逕右翼中旗、前旗、后旗地，入因沁插汉池。阿祿昆都伦河自札鲁特左翼入，逕葛勒图温都尔山，东流，会额伯尔昆都伦河，入右翼中旗，西北经魁屯山，东南流，会于合河。西北：中天河蒙名都穆达图腾葛里，东天河蒙名准腾葛里，源均出吉尔巴尔山，东南流，会几伯图泉，入修噶喇克插汉池，几伯图泉、他拉泉从之。）

科尔沁左翼后旗(札萨克驻双和尔山，在喜峰口东北一千四百里。西南距京师一千四百五十里。本契丹地。辽置凤州。金废。牧地当法库边门北，东西二辽河于此合流。东界硕勒和硕，南界柳条边，西界伊柯鄂尔多，北界格尔莽噶。广二百里，袤一百五十里。北极高四十二度。京师偏东六度二十分。其山：东，得石山。西南曰巴汉巴虎山。东北，得石拖罗海山。东，奚王岭，土名蒙古尔拖罗海。东南：羊城冻，蒙名尹兀哈台，源出边内，流入境，北流，会卓索河，入边河。)

科尔沁右翼前旗(札萨克驻锡喇布尔哈苏，在喜峰口东北一千三百五十里。西南距京师一千七百六十里。本鞑靼地。金置肇州，隶会宁府。海陵改属济州。承安三年升镇。元，辽王乃颜分地。牧地当索岳尔济山南，洮儿河、归喇里河于是合流注嫩江。东界岳索图济喇，南界达什伊哈克，西界那哈太山，北界索岳尔济山。广一百二十里，袤三百八十里。北极高四十六度。京师偏东五度三十分。其山：西北曰喀喇阿儿尔汉山、魁勒库山。北神山、火山。东北，羊山蒙名衣马图、骆驼山蒙名特门。南，插汉碧老岱坡。西：洮儿河，源出西北兴安山，东南流，合贵勒尔河，又东北折，迤右翼后旗南，又东迤札赉特南，汇为纳蓝墩蓝池，入嫩江。北：贵勒尔河，自右翼鹤五河东北流，今榆河，为贵勒尔河，迤魁勒库山，东南流，会阿尔达尔入洮儿河。骆驼河，蒙名特门河，源于葛尔济隆山，东流，会戮儿河，东入嫩江。)

科尔沁右翼后旗(札萨克驻额木图坡，在喜峰口东北一

千四百五十里。西南距京师一千八百六十里。本靺鞨地。辽置衍州安广军。金，州废。元为乃颜分地。牧地跨洮儿河，即陀喇河。东界查巴尔太山，南界拜格台陀博，西界博达尔罕山，北界庆哈山。广一百二十里，袤三百七十里。北极高四十六度。京师偏东五度三十分。其山：东北曰西伯图山、纳儿山。北，朱尔噶岱山、卓索台山。西南，鼎满乌里塔坡。东南：因沁插汉池。）

**科尔沁左翼前旗：**札萨克驻伊克岳里泊，在喜峰口东北八百七十里。西南距京师一千二百八十里。本契丹地。辽置长青州。金降为县，隶泰州。元废。牧地当法库边门外养息牧牧场东。东界霍雅斯，南界柳条边，西界伊拉木图，北界阿木塔克。广一百里，袤一百二十里。北极高四十三度。京师偏东六度四十分。东南：龙门山蒙名阿会图。东南：布敦山、宽山、朔龙峰。南：鸭子河，蒙名冲古尔，其地有二泉，并名冲古尔，西南流入养息牧河。东南有巴汉岳里泊。

**扎赉特部一旗：**（附科尔沁右翼。札萨克驻图卜新察汗坡，在喜峰口东北一千六百里。西南距京师二千十里。本契丹地。辽，长青州。金，泰州北境。元为辽王分地。明为科尔沁所据，后分与其弟阿敏，是为扎赉特。）天命中，台吉蒙衮米降，后封貝勒，世袭掌旗。牧地在齐齐哈尔城西。东界嫩江，南界钟奇，西界乌兰陀博，北界鄂鲁起达巴哈山。广六十里，袤四百里。北极高四十六度三十分。京师偏东七度四十五分。（贡道由山海关。东北：阿敏山，盖以所部之祖名其山也。西北：赤房山蒙名乌兰格尔、鹞寨山蒙名岳乐。北：朵云山、塞肯山。西南：阿扬噶尔坡。东：嫩江，自黑龙江

入，又南入郭尔罗斯前旗。北：綽尔河，源出西北兴安山，东南流，至旗西，分数歧，又东南折入嫩江。西北：佗新河，自右翼后旗入，逕托额贵山，东南流，会綽尔河。西南：洮儿河，自右翼后旗入，东南流，汇为日月池，同入嫩江。）以上统盟于哲里木。（盟地在科尔沁右翼中旗境内。）

**杜尔伯特部一旗：**（附科尔沁右翼。札萨克驻多克多尔坡，在喜峰口东北一千六百四十里。西南距京师二千五十里。本契丹地。辽，长春州。金，泰州北境。元，辽王分地。明为科尔沁所据，后分与弟爱纳噶，是为杜尔伯特。）天聪中，台吉阿都齐来降，后封其子赛冷贝子，世袭掌旗。牧地当嫩江东岸，齐齐哈尔城东南。东界哈他伯齐坡，南界阿苏台札噶，西界嫩江，北界布台格尔池、乌柯尔鄂克达。广一百七十里，袤二百四十里。北极高四十七度十五分。京师偏东七度十分。（贡道由山海关。东：富峪蒙名为巴雅那。东南：哈他伯齐坡。西南：和儿蒙克坡。东北：阿拉克阿儿尔汉坡。北：叠翠崖蒙名磨菜图。西：嫩江，自黑龙江境南流入，西与札赉特分界，又南入郭尔罗斯后旗。东：乌叶尔河，源出黑龙江境，西南入，逕党纳坡，又南入郭尔罗斯后旗。）

**郭尔罗斯部二旗：**（附科尔沁左翼。在喜峰口东北。本契丹地。辽置泰州昌德军，属上京。金大定中废，移州于长春县，以故地为金安县，隶之。元为辽王分地。明为科尔沁所据，后分与其弟乌巴什，是为郭尔罗斯。）天聪七年，台吉古木及布木巴来降，后封古木弟桑阿尔赛辅国公，世袭掌前旗。布木巴镇国公，世袭掌后旗。其所部东界盛京永吉州，南界盛京边墙，西及北界科尔沁。（贡道由山海关。）

**郭尔罗斯前旗**(札萨克驻固尔班察汉，在喜峰口东北一千四百八十七里。西南距京师一千八百九十七里。牧地当嫩江与松花江合流之西岸，在吉林伊通边门外长春厅之西。东界乌拉河，南界柳条边，西界博果图，北界拜格台和硕。广二百三十里，袤四百里。北极高四十五度三十分。京师偏东八度十分。其山：西南曰巴颜朱尔克山，一名牛心山。东南，衣馬图峰。北，他奔拖罗海坡。东北，巴吉岱坡。西，巴颜布他冈。东：混同江，土名吉林江，自奉天永吉州西北入，东北流，会嫩江。又东折入后旗地，东北流，会黑龙江，东入海。南：一秃河，源出奉天永吉州境，北流出边，迳龙安城，又东北流，会伊尔们河，入混同江。东南：伊尔们河，源出永吉州境，北流出边，受南来之乌苏土乌海河，会一秃河，入混同江。)

**郭尔罗斯后旗**(札萨克驻榛子岭，在喜峰口东北一千五百七十里。西南至京师一千九百八十里。牧地当混同江北岸，嫩江东岸。东界阿勒克巴鲁，南界嫩江，西界嫩江，北界鸟鲁勒图。广二百二十里，袤二百六十里。北极高四十六度十分。京师偏东八度二十分。其山：东曰常峽坡。东南：阿祿布克色坡、阿拉克碧老坡。西北：拜拉喇齐坡。东北：布拉克台坡。西：乌叶尔河，自杜尔伯特入，分流为西訥河，西南流，同入嫩江。嫩江分流为牛川，蒙名乌康尔，东南流，会乌叶尔河)。

**喀喇沁部二旗**，新增一旗曰中旗：(在喜峰口东北。秦、汉，辽西郡境。唐，饶乐都督府，后入契丹。辽置中京大定府。金，北京。元，大宁路。明洪武中，封子权宁王。永

乐初，尽以大宁地赐朵颜、泰宁、福余三卫。朵颜时阴附鞑靼为边患，后为察哈尔所灭，以其地予其塔布囊，是为喀喇沁。）天聪七年，部长苏布地率昆弟寒冷等来降，后封苏布地之子古鲁思起布为贝子，主右翼，寒冷为镇国公，主左翼，並世袭。康熙中，增设一旗，授喀宁阿一等塔布囊，加公衔，袭封。所部东界土默特及敖汉，西界察哈尔正蓝旗牧场，南界盛京边墙外，北界翁牛特。广五百里，袤四百五十里。（貢道由喜峰口。）

**喀喇沁右翼**（札萨克 驻錫伯 河北，在喜峰口北三百九十里。西南距京师八百里。牧地在围场东，跨老哈河。东界鄂博噶图，南界霍落苏泰，西界察罕鄂博，北界霍尔哈岭。广三百里，袤二百八十里。北极高四十一度五十分。京师偏东二度四十分。其山：东曰和尔坤都伦喀喇山、乌尔图纳苏图波罗山、伊玛岱山、七金山蒙名和尔博勒津、大红螺山蒙名巴颜乌兰。东南，大斧山蒙名喀喇和那、柞山蒙名巴图插汉、大青山蒙名巴颜喀喇。南，和尔和克阿惠山、常吉尔岱山、拉克拉哈尔山。西南，昆都伦喀喇山。西，昆都尔图山。北：鄂通台和罗图山、綽和罗漠林岭。南：老河，蒙名老哈，源出明安山，东北流，会諸小水，逕敖汉北、翁牛特左翼南，又经奈曼、喀尔喀二部，纳奇札带河，北流与潢河会。南，虎查河、和尔和克河、上神水河、呼鲁苏台河、巴尔汉河、纳林昆都伦河，东，落馬河，同入老河。西：木睿喀喇克沁河，源出卯金插汉拖罗海山，西北流，会布墩河，又西流，会宜孙河，南入滦河。淘金图河，西南流，会乌喇林河，亦南入滦河。东南：土河，蒙名土尔根，源出西默特山，东南流入土默特右翼。

西：卯金温泉有二，一出卯金河东，西流会卯金河，一出卯金河西，东南流，亦会卯金河。卯金河源出卯金岭，西南流，会热河。赛因阿拉善温泉，即热河之源也。）

**喀喇沁左翼**（札萨克驻牛心山，在喜峰口东北三百五十里。西南距京师七百六十里。牧地当傲木伦河源。东界乌兰哈达图和硕，南界宁远边墙，西界乌里苏太梁，北界唐奇鼐陀罗海。广二百三里，袤一百七十里。北极高四十一度十分。京师偏东三度四十分。其山：东北曰蛾伦和歌诺忒山。东，柏树山蒙名迈拉苏台喀喇。东南，阿布察山、噶海图博罗山。南，翁噶尔图山、拖和喀喇山、他奔拖罗海图山。西南，桦山蒙名韦苏图、桦子岭、贵石岭。西，佗苏图喀喇山。西北，察尔契山、库葛会山。西北：青龙河，蒙名顾沁河，源出长吉尔岱山，西南流，会汤图河，逕额伦碧老岭入边城，逕永平府，北入滦河。南：额类河，源出额类岭，南流会宽河，至奉天宁远州西入边，为黑水河，入六州河。北：大凌河蒙名敖木伦河，源出尾苏图山，东流，至西喇哈达图山东北，折入土默特右翼，又东南入边。西：和尔图河，源出陀苏图喀喇山，东流，会敖木伦河。森几河、赛因台河、石塔河、神水河、清水河皆从之。）

**喀喇沁中旗**（在左右翼二旗界内。札萨克驻珠布格朗图巴颜哈喇山。牧地跨老哈河源。东与北若西皆右翼，南左翼，东界博勒多克山，北界岳罗梁，西界尔霍果克。北极高四十一度三十分。京师偏东二度。其山：东曰博勒多克山。山南拉克篤尔山。

**土默特部二旗**，左翼附一旗：（在喜峰口东北。古孤竹

国。汉，辽西郡治柳城县地。燕，慕容皝建都，改龙城县。元魏为营州治。隋复置柳城县。唐为营州都督府治。辽置兴中府。元，大宁路兴中州。明以内附部长为三卫，自锦、义历广宁至辽河曰泰宁卫，后为蒙古土默特所据。）天聪三年，台吉鄂木布、塔布囊善巴来降，后封善巴貝勒，主左翼，鄂木布貝子，主右翼，世袭。所部东界养息牧牧场，西界喀喇沁右翼，南界盛京边墙，北界喀尔喀左翼及敖汉。广四百六十里，袤三百一十里。（貢道由喜峰口。乾隆中停貢。）

**土默特左翼**（札萨克驻哈特哈山，在喜峰口东北八百二十里。西南距京师一千二百三十里。牧地当錫呀图库伦喇嘛游牧之南，养息牧牧场之西。东界岳洋河，南界什巴古图山，西界巴噶塔布桑，北界当道斯河。广一百六十里。袤一百三十里。北极高四十二度十分。京师偏东四度三十分。其山：南，达离山蒙名刻特俄尔多和硕。西，膜衣达摩山、青金山蒙名博罗蒙魁。北，淘金图山、伊克翁山、巴汉翁山。北：庫昆河，或作呼渾河，自喀尔喀左翼入，会乌訥苏台河、阿哈里河，入养息牧河。西北：漫羊河，蒙名衣馬图河，源出弥勒山，西南流，逕青山，又南会馬鞍河，入边，迳义州东北为細河，会清河入大凌河。）

**土默特右翼**（札萨克驻巴颜和硕，亦名大华山，在喜峰口东北五百九十里。西南距京师一千里。牧地在九关台、新台边门外，跨鄂木伦河。东界納呀逊山，南界魏平山，西界鄂朋图山，北界什喇陀罗海。广二百九十里，袤一百八十里。北极高四十一度四十分。京师偏东四度二十分。其山：东曰衣达摩山、五凤山、蓮花山。东南，喀喇七灵图山。南，

神应山蒙名苏巴尔噶图。西南，七祿克台山、卓常吉尔山。西，釜山蒙名喀喇拖和多、青山蒙名博罗和邵、凤凰山蒙名兆馨喀喇。西北，布祿尔喀喇山。北，回贺尔山。东北，赤山蒙名五蓝。西：大凌河，自喀喇沁左翼入，东流，迳古兴中城，南折，东南流，纳柳河，入边。土尔根河，一自喀喇沁右翼东流入，一自奈曼南流入，均南流入大凌河。北：卓索河，源出回贺尔山。老寨河、土河，柞河，东北楊河，皆南流入土尔根河。西：小凌河，蒙名明安河，源出明安喀喇山，东北流，会木屯河、哈柳图河，入边，会乌磬河入海。）

**土默特左翼附旗**（初，喀尔喀台吉巴勒布冰图，康熙元年自杭爱山率属来归，诏附左翼扎萨克达尔汉貝勒卓哩克图牧。四年，封多罗貝勒。牧地在錫哷图库伦喇嘛游牧之西。东界霍济勒河，南界庫昆河，西界布图昆地，北界爱篤罕山。）以上统盟于卓索图。（盟地在土默特右翼境内。）

**敖汉部一旗**：（札萨克驻固班图勒噶山，在喜峰口东北六百里。西南距京师一千一十里。本古鮮旱地。隋，契丹地。唐属营州都督府。辽、金为兴中府北境。元为辽王分地。明为喀尔喀所据，后分与其弟，号曰敖汉，役属于察哈尔。）天聰元年，貝勒塞臣卓礼克图举部来降，后封郡王，世袭。牧地跨老哈河。东界奈曼，南界土默特，西界喀喇沁，北界翁牛特。广一百六十里，袤二百八十里。北极高四十三度十五分。京师偏东四度。（貢道喜峰口。其山：东，哈达图拖罗海山。东南，白石山蒙名插汉齐老台、富泉山。南，二天山蒙名騰格里，小蟠羊山蒙名巴汉衣馬图。西南，韦布尔汉山、庫尔奇勒山。西，森儿拖罗海山、寒山蒙名齐巴

嶺。西北，巴雅海山。北，寬山蒙名鄂達博羅，兆虎圖插漢拖羅海山。東北，庫爾奇勒峰、梨谷蒙名阿里馬圖。其水：北，老河，蒙名老哈，自喀喇沁右翼入，東北流，逕噶察喀喇山，又東入翁牛特。西南，落馬河，蒙名百爾格，自喀喇沁右翼入，東北流，入老河。南，杜母達納林河，原出天山，北流入七老台池。南，衣馬圖泉，下流入沙池。東北，昆都倫喀喇烏素泉，南流入老河。

**奈曼部一旗：**（札薩克駐章武台，在喜峰口東北七百里。西南距京師一千一百十里。古鮮卑地。隋，契丹地。唐屬營州都督府。遼、金為興中府北境。明為喀爾喀所據，分與親弟，名曰奈曼。）天聰元年，酋長袞楚克巴圖魯為察哈爾所侵，來降，後封郡王，世襲。牧地當潢河、老哈河合流之南岸。東界科爾沁，南界土默特，西界敖漢，北界翁牛特。廣九十五里，袤二百二十里。北極高四十三度十五分。京師偏東五度。（貢道由喜峰口。其山：南曰馬尼喀喇山、五鳳山蒙名他奔拖羅海。西，呼原博塔蘇爾海岡。東南，大黑山蒙名巴顏喀喇。東北，哈納岡。北：潢河自敖漢入，合老哈河，東北流，入喀爾喀左翼。南：圖爾根河，亦名土河，源出塔本陀羅海山，南入土默特右翼。西：固爾班和爾圖泉，東南流，會圖爾根河。）

**巴林部二旗：**（在古北口東北七百二十里。南距京師九百六十里。遼，上京臨潢府。金，大定後，並屬北京路。元屬廣寧路，為魯王分地。明初為廣寧衛，後屬烏梁海北境、後為順義王諒達五子巴林台吉所據，役屬於察哈爾。）天命十一年，以巴林叛盟，征之，戮其貝勒。天聰二年，為察哈爾所

破，貝勒塞特哩、台吉滿朱习礼来归，改封塞特哩之子塞布腾郡王，主右翼，滿朱习礼为貝子，主左翼，袭封。右翼、左翼同游牧地，当黄河北岸。东界阿鲁科尔沁，南界翁牛特左翼，西界克什克腾，北界乌珠穆沁。广二百五十里。袤二百三十三里。北极高四十三度三十六分。京师偏东二度十四分。（貢道由独石口。其山：东有鄂拜山、石鸡山蒙名伊豁图。南，巴尔达木哈喇山、勃突山蒙名巴尔当。辽五代祖勃突生于此山，因以名焉。西，碧柳图山、清金山。东南，特墨车户山。东北，僧机图。南：潢河，自克什克腾入，东流，会黑河，入翁牛特左翼。黑河即古庆州黑水。东北：布雅熊河，源出僧机图山，东南流，会乌尔图綽农河，东入阿鲁科尔沁，注于达布苏图池。有哈尔达苏台河，西自克什克腾来注之，东南流入潢河。）

巴林左翼，（札萨克驻阿察图陀罗海。）

巴林右翼（札萨克驻托盔山。）

**扎鲁特部二旗：**（在喜峰口东北。汉，辽东郡北境。唐属营州都督府。辽，上京道地。金属北京路。元属上都路。明为蒙古札鲁特所据，后属喀尔喀。）清初与札鲁特内齐汗结亲。后貝勒色本引兵助明，太祖击擒之，旋释归。天聪二年，色本等为察哈尔所侵，与内齐举部来降，封内齐貝勒，主左翼，色本貝勒，主右翼，世袭。左、右同游牧地，当哈古勒河、阿鲁昆都伦河之源。东界科尔沁，南界喀尔喀左翼，西界阿鲁科尔沁，北界乌珠穆沁。广一百二十五里，袤四百六十里。北极高四十五度三十分。京师偏东三度。（貢道由喜峰口。）

**扎魯特左翼**（扎萨克驻齐齐哈尔灵花陀罗海山北，在喜峰口东北一千一百里。西南距京师一千五百一十里。牧地当哈古勒河、阿鲁坤都伦河之源，达布苏图河于此流入于沙。其山：北曰野鹄山蒙名巴颜喀喇、巴噶查克朵尔山。东北，屈劣山蒙名布敦花拖罗海。西南，噶海冈、车尔百湖冈。西，独石冈。东南，贵勒苏台。其水：南，潢河自阿鲁科尔沁入，迳车尔百湖冈，东流，入科尔沁，蒙名西拉木伦河，即辽河之西源也。北，沙河、阿祿昆都仑河，东流入科尔沁。额百里昆都仑河，源出愁思岭，东流，亦入科尔沁。）

**扎魯特右翼**（扎萨克驻图尔山南，在喜峰口东北一千二百里。西南距京师一千六百四十里。牧地同。其山：南曰嵬石山蒙名扎拉克。西南，托儿山。西，小白云山蒙名巴哈插汉拖罗海山。西北，色尔奔山，几祿克山、大青羊山蒙名伊克特黑。北，花山、蛇山、小青羊山蒙名巴汉特黑。其水：西北曰魁屯河，一名阴凉河，源出贺尔戈图五蓝山，东南流，会天河。北，阿里雅河，源出大赤峰，西流迳花山，入阿鲁科尔沁。他鲁河源出大青羊山，南流，合阿里雅河。）

**翁牛特部二旗**：（在古北口东北。唐，饒乐都督府地。辽置饒州匡义军节度，属上京道。金，北京路地。元为鲁王分地。明初以乌梁海置卫为外藩，后自称翁牛特，本隶属于阿鲁科尔沁。）天聪七年，济农索音、貝勒东率所部来降，后封索音郡王，主右翼，东貝勒，主左翼，并袭封。所部东界阿鲁科尔沁，南界喀喇沁及敖汉，西界热河禁地，北界巴林及克什克腾。广三百里，袤一百六十里。北极高四十三度十分。京师偏东二度五十分。（貢道由喜峰口。）

**翁牛特左翼**（扎萨克驻札喇峰西绰克温都尔，在古北口东北六百八十里。西南距京师九百二十里。牧地介潢河、老哈河之间。东界阿噜科尔沁，南界敖汉，西界克什克腾，北界巴林。广三百里，袤九十里。北极高四十三度十分。京师偏东二度五十分。其山：东曰小华山蒙名巴哈哈尔占，大松山蒙名伊克纳喇苏台。南，兆呼图插汉拖罗海山。西，勃突山蒙名布墩、吐頹山蒙名巴尔哈岱。西北，古尔板土尔哈山。东南：阿尔齐土插汉冈。东北，兔驪山。其水：北曰潢河，自克什克腾入，东流迳巴林，又东流入境，又东北流，老河自敖汉来会，迳扎鲁特南、喀尔喀北，入科尔沁。）

**翁牛特右翼**（扎萨克驻哈齐特呼朗，在古北口外五百二十里。西南距京师七百六十里。牧地在热河围场东北，老哈河南岸。东界敖汉，南界喀喇沁右翼，西界围场，北界克什克腾。广二百四十里，袤一百里。北极高四十三度十分。京师偏东二度五十分。其山：东曰乌兰布通山，夏屋山蒙名伊克布庫图尔。东南，花和博图山、阿尔浑查克插汉拖罗海山、寒山蒙名齐布哈。南，古尔板拖罗海山、遮盖山蒙名阿惠喀喇。西南，巴伦桑噶苏台山、大黑山、額类苏图山。西，徒古尔喀喇山，博多克图山。西北，巴颜布尔噶苏台山、黄山蒙名洪戈尔峨博。北，馬鞍山蒙名西喇得伯僧，海他汉山。其水：南曰錫伯河，自喀喇沁北流入境，东北流，会獐河入老河。獐河，蒙名西尔哈，亦自喀喇沁流入境，东北流，迳巴颜喀喇山，东北会英金河，又东迳五蓝峰北入老河，西北，乌拉岱河，源出楊木岭，南流，经博多克图山，折东北流，会獐河。西，巴伦撒拉河，源出葛尔齐老东北，东南流，迳

巴尔图山，折东北流，会乌拉岱河。西，车尔伯呼河，源出奴克都呼尔山，东南流，会獐河。英金河，源出蝦蟆岭，东南流，亦会獐河，又东入老河。奴古台河，珠尔河、拜拉河，皆与英金河会。北，卓索河，源出海他汉山，东流会獐河，入老河。

**阿噜科尔沁部一旗：**扎萨克驻辉图尔山东托果木台，在古北口东北千一百里。西南距京师一千三百四十里。辽，临潢府地。金，大定府北境。元为辽王分地。明初与乌梁海地置卫为外藩，后自号阿噜科尔沁。天聪六年，部长达赖为察哈尔所侵，率其子穆章来降；后封穆章貝勒，世袭，掌旗。牧地哈奇尔河、敖木伦河于此合流为达布苏图河。东界巴颜塔拉，南界翁牛特左翼什喇木兰，西界苏布山，北界乌兰岭。广三百三十里，袤四百二十里。北极高四十度三十分。京师偏东三度五十分。（貢道由喜峰口。其山：东北曰輝图山。东，伊克陀惠山。东南，峨博图山。南，庫格图山，連山蒙名賀尔博拖罗海。西北，枣山蒙名齐巴哈图。西南，巴汉阿拍扎哈山、伊克阿拍扎哈山。西，珍珠山蒙名苏布，乐游山蒙名得訥格尔。南：潢河，蒙名西喇木伦河，自巴林入，迳他木虎噶察冈，入扎鲁特。西南：乌尔图绰农河，自巴林入，迳刻勒峰，东南流，会哈喜尔河。又西北有和戈图绰农河，源出西喇温都尔山，南流，会乌尔图绰农河，入哈喜尔河。哈喜尔河源出萨碧尔汉山，南流迳庫格图山，折而东流入扎鲁特。东北：阿里雅河，自扎鲁特右翼入，西南流，会哈喜尔河。西北：枯尔图河，源出白石山，西流入巴林，会乌尔图绰农河。尹札汉河，北流入乌珠穆

沁。 )

**克什克騰部一旗：**( 扎萨克驻吉拉巴斯峰，在古北口东北五百七十里。南距京师八百十里。辽，上京道地。金属北京路。元属上都路及应昌路地。明为蒙古所据。 )天聰八年，灭察哈尔，克什克騰索诺木戴青来归，授掌旗一等台吉，世袭。牧地在围场北，当潢河之源。东界毕勒固图和岭，南界布图坤，西界克勒特格伊场，北界乌苏池。广三百三十四里，袤三百五十七里。北极高四十三度。京师偏东一度。( 貢道由独石口。其山：东曰蜘蛛山蒙名阿尔扎，高淀山蒙名音納哈喀喇。东南，宁楚浑杜尔宾山。西南，恩都尔花山。西，乌素图杜尔宾山、大黑山蒙名巴颜喀喇。西北，巴汉衣色里山、博尔多克山。北，黄山蒙名巴颜洪戈尔、木叶山蒙名几几恩都尔。东北，馬尾山蒙名叟几，西：潢河，大辽水西一源也，蒙名西喇木伦，源出百尔赫賀尔洪，东北流，会諸水，迳旗北，又东流入巴林。又东，迳阿嚕科尔沁南、翁牛特北，又东北流，会老河，迳扎鲁特南、喀尔喀北，折东南流，迳科尔沁左翼，又南会大辽水，入边城，是为辽河。西：萨里克河，源出乌素图杜尔宾山，东北流，入潢河。西北：衣尔都黑河，源出乌素图杜尔宾山，西流，会伊黑庫窰图河，东北流，入潢河。西北：格类河，源出兴安山东，南流，会穆名河入潢河。东北：釜河蒙名陀惠，源出岳碧尔山，北流入黑河。西南：高凉河，蒙名拜查，源出拜查泊，东北流，入潢河。东北：阿尔达图河，源出兴安山，西北流入乌珠穆沁，北流会葫芦谷尔河。西北：捕鱼儿海，蒙名达尔，公姑、野猪等四河流入其中，周数十里。

**喀尔喀左翼部一旗：**（扎萨克驻察罕和硕图，在喜峰口东北八百四十里。西南距京师一千二百五十里。古鲜卑地。唐属营州都督府。辽，上京道南境。金属北京路。明为喀尔喀所据，后属于西路扎萨克图汗。元太祖十六世孙格埒森札居杭爱山，始号喀尔喀，其孙巴延达喇为西路扎萨克图汗之祖，即今外蒙古四部之一。）清初酋长古木布伊尔登与扎萨克图汗米降，后封貝勒，世袭，主左翼。牧地当养息牧河源。东界科尔沁，南界土默特左翼，西界奈曼，北界扎鲁特。广一百二十五里，袤二百三十里。北极高四十三度四十二分。京师偏东五度二十七分。（貢道由喜峰口。其山：东曰喀海拖罗海山。南，达禄拖罗海山、巴汉哈伯他海山。西南，五灰山蒙名乌尼苏台、大黑山蒙名巴颜喀喇，青山蒙名博罗惠博罗温都尔，与奈曼东南接界。东南，他木虎冈。北：潢河，自翁牛特流入，又东流入科尔沁。西北：老河，蒙名老哈，自奈曼入，东北流，会潢河。东南：养息牧河，源出旗南，东北流，迳喀海拖罗海山，又东南，会庫昆河，迳养息牧牧厂，东流入彰武台边门，西至广宁，又东南流入辽河。南：庫昆河，源出五灰山，东流入土默特。）以上统盟于昭乌达。（盟地在翁牛特左翼境内。）

**乌珠穆沁部二旗：**（在古北口东北。辽，上京道北境。金属北京路。元属上都路。明为蒙古所据，自号乌珠穆沁，察哈尔汗族也。林丹汗暴虐，貝勒多尔济偕塞楞往依喀尔喀。）天聪八年来归，封多尔济亲王，主右翼，塞楞貝勒，主左翼，並世袭。其地东界索伦，西界浩齐特，南界巴林，北界瀚海。广三百六十里，袤四百二十五里。（貢道由独石

口。 )

**乌珠穆沁右翼**（扎萨克驻巴克苏尔哈台山，在古北口东北九百二十三里。南距京师一千一百六十三里。牧地有音扎哈河流入于沙，有胡芦古尔河，渚于阿达克诺尔。东界左翼，南界巴林，西界浩齐特左翼，北界车臣汉中右旗。广三百六十里，袤二百一十里。北极高四十四度四十五分。京师偏东一度十分。其山：东曰瑞鹿山蒙名布虎图。西，大小黄鹰山，黑山蒙名喀喇图。西北，双山蒙名贺岳尔俄得，乌里雅台山。东北，赛音恩都尔山。水则东南：贺尔洪河，源出噶木尔站，西流入芦水。秃河一名葫芦古尔，源出克什克腾东北，名阿尔达图河，西北流入右翼，为葫芦古尔河，又北流入阿达可池。 )

**乌珠穆沁左翼**（扎萨克驻鄂尔虎河之侧奎苏陀罗海，在古北口东北一千一百六十里。南距京师一千四百里。牧地当索岳尔济山之西。有鄂尔虎河，绕其游牧，汇于和里图诺尔，东界霍尼雅尔哈赖图，南界库列图，西界达赖苏图，北界额里引什里。广二百五十六里，袤二百一十五里。北极高四十六度二十分。京师偏东二度二十分。其山：东南曰哈尔站五蓝峰。北，色尔蚌峰。水则东北：色野尔齐河，源出哈老图泊，西南入芦水。东南：音扎哈河，自阿鲁科尔沁入，西北亦入芦水。 )

**阿巴哈纳尔部二旗**：（在张家口东北。汉，上谷郡北境。晋属元魏。隋、唐为突厥地。辽为上京道西境。金为北京路西北境。元属上都路。明为蒙古所据，号所部曰阿巴哈纳尔，本役属于喀尔喀车臣汗。 )崇德间，台吉塞冷，董夷思

拉布来降，后封董夷思拉布貝子，主左翼，賽冷貝勒，主右翼，并袭封。所部东界浩齐特，西界阿巴噶右翼，南界正蓝旗察哈尔，北界瀚海。广百八十里，袤四百三十六里。（貢道：右翼由张家口，左翼由独石口。）

**阿巴哈纳尔右翼**（扎萨克驻永安山，在张家口东北六百四十里。东南距京师一千五十里。牧地有达里冈爱诺尔。东界希尔当山，南界博罗温都尔冈，西界哈喇堂，北界华陀罗海山。广六十里，袤三百一十里。北极高四十三度三十分。京师偏东二十分。其山：南曰巴尔达木山。东，特尔墨山。北，哈纳峰、僧机图山。西，賀尔贺山。东南，大熊山蒙名巴赖都尔。东北，床山蒙名席勒。西北，双山蒙名和岳尔察罕陀罗海山。其水：南曰韭河，蒙名郭和苏台，自正蓝旗察哈尔入，迳博罗冈，西北入阿巴噶。南，息鸡淀，蒙名哈雅。东，苇淀，蒙名呼魯苏台布禄都。西南，褒勒泊。西北，褒布禄都泊。北，噶都尔庫泉、和几葛尔泉。）

**阿巴哈纳尔左翼**（扎萨克驻乌尔呼拖罗海山，在独石口东北五百八十里。东南距京师一千一百里。牧地同上。东与北皆界浩齐特，南界阿巴噶，西界右翼旗。广一百二十里，袤三百一十八里。北极高四十三度五十三分。京师偏东二十八分。其山：西曰色尔腾洪戈尔山，一名黄山。西北，布尔汉山、触宝山，覆舟山蒙名呼里翁戈春。其水：北有黑勒泊。西北，达蓝图里泉。）

**浩齐牧部二旗**：（在独石口东北。辽，上京道西境。金属北京路。元属上都路。明为蒙古所据。察哈尔汉族也。林丹汗暴虐，其貝勒博罗特、台吉噶尔玛色旺往依喀尔喀。）天聰

八年来降，以博罗特主左翼，噶尔玛色旺主右翼，並郡王，袭封。所部东北界乌珠穆沁，南界克什克腾，西界阿巴噶。广一百七十里，袤三百七十五里（貢道由独石口。）

**浩齐特右翼**（札萨克驻特古力克呼图克湖钦，在独石口东北六百九十里。东南距京师一千一百九十里。牧地当錫林河下游，北瀦为达母鄂谟。东界布尔勒吉山，南界札哈苏台池，西界布尔色克陀罗海，北界哈魯勒陀罗海。广七十五里，袤三百七十五里。北极高四十四度。京师偏东三分。其山，右翼主山：东南，古尔板賀老图山、古尔板俄得山。东，伊尔伯都山。南，布当图山。北，胡呂山蒙名阿拉忒，西北，阿拍达兰图山。水则东：白泆蒙名柴达木。东南：大渔泆。南：松子泉蒙名和尔多。东北：察得尔泉。西北：昆都仑泉，布哈泉。）

**浩齐特左翼**（札萨克驻乌默黑塞里，在独石口东北六百八十五里。东南距京师一千一百八十五里。牧地滨大小吉里河。东界额尔起納克登，南界小吉里河源，北界奇塔特哈覃陀罗海，西界玛齐布勒克乌兰哈达。广九十五里，袤三百一十里。北极高四十四度五分。京师偏东四分。其山：东南曰萨尔巴山。西北，野狐山蒙名乌納格忒。北，苏门峰。西北，五蓝峰。水则东南：天鵝泆、庫魯尔图泉。北，冲戈尔泊。西南，阿禄布里都泊。西北，賀老图泉。）

**阿巴噶部二旗**：（在张家口东北。汉，上谷郡北境、晋为拓跋氏地。隋唐为突厥地。辽，上京道西境。金属北京路。元属上都路，明为蒙古所据，号所部曰阿巴噶。本役属于察哈尔。林丹汗暴虐，济农都思噶尔、貝勒多尔济往依喀尔

喀。 )天聰九年来降，后以多尔济主右翼，都思噶尔主左翼，並封郡王，世袭。所部东界阿巴哈納尔，西界苏尼特，南界正蓝旗察哈尔，北界瀚海。广二百里，袤三百十里。(右翼貢道由张家口。左翼貢道由独石口。 )

**阿巴噶左翼**(札萨克驻巴颜额伦，在独石口东北五百五十里。南距京师一千七十里。牧地环錫林河。东界巴尔启台之哈喇鄂博噶图，南界乌苏图土鲁格池，西界什尔登山，北界哈布塔噶陀罗海。广一百二十里，袤一百八十里。北极高四十三度五十分。其山：东南曰哈尔塔尔山、喀喇得伯僧山，邵龙山。西南，武历山蒙名哲尔吉伦、察里尔图山。南，哈斯胡雅斯坡。其水：东南，阴凉河，蒙名魁屯，源出卓索图站，流入旗界。东南，键垒斗勒泊。北金河泊。西南，西喇布里都泊。 )

**阿巴噶右翼**(札萨克驻科布尔泉，在张家口东北五百九十里。南距京师一千里。牧地有庫尔察罕诺尔，为固尔班乌斯克河所蓄。东界哈毕喇噶泉，南界伊柯什噶，西界庫庫勒，北界华陀博。广八十里，袤三百一十里。北极高四十三度三十分。京师偏西二十分。其山：东南曰色几庫山。南，朱尔哈台拖罗海山。西北，馬尼图拖罗海山、白石山蒙名插汉七老图。北，阿拍济哈山、霸特山蒙名克色克拖罗海、羴羊山蒙名特克拖罗海。其水：东南，韭河，蒙名郭和苏台，自阿巴哈納尔入，迳色几庫山，西流入白海子。南，噶尔图泊。东南，浑图泊。西南，呼尔泊、鶯鶯泺蒙名昂吉尔图。东，朱尔克額勒苏图泉。北，赤泉。东北，哈碧尔汉泉。 )

**苏尼特部二旗**：(在张家口北。汉，上谷，代二郡北

境。后汉，乌桓，鲜卑地。隋、唐为突厥地。辽置抚州。金因之，属西京路。元为兴和路地。明为苏尼特所据，察哈尔汗族也。天聪九年，其济农叟塞、貝勒滕吉思来朝，后封叟塞郡王，主右翼，滕吉思弟滕吉泰郡王，主左翼，袭封。东界阿巴噶右翼，西界四子部落，南界察哈尔正蓝旗牧厂，北界瀚海。广四百六里，袤五百八十里。（貢道由张家口。）

**苏尼特右翼**（札萨克驻萨敏錫勒山，在张家口北五百五十里。东南距京师九百六十里。牧地在瀚海北。东界额尔苏霍吉尔，南界乌科尔齐老，西界特莫格图，北界吉鲁格。广二百四十六里，袤二百八十里。北极高四十三度二分。京师偏西二度一分。其山：南曰布尔色克山、福山蒙名克什克、和尔和山。西南，乌克尔朱尔克山、俄尔绰克山。西，德林山。东北，巴轮明安拖罗海山，崑名山蒙名札喇。东南，努伦坡。其水：西南曰长水，蒙名乌尔图，源出和尔和山。东南，占木土盐泊。南，西喇布禄泊、滚泊。电局在西苏尼特王府东北七十里。）

**苏尼特左翼**（札萨克驻和林图察伯台冈，在张家口北五百七十里。东南距京师九百八十里。牧地当固尔班乌斯克河。东界庫庫勒山，南界察罕池，西界色柯尔山，北界阿尔噶里山。广一百六十里，袤三百里。北极高四十三度三分。京师偏东一度二分。其山：东南曰巴颜特克山一名鞑靼山。西北，喀尔他和邵山。北，博锥拖罗海山、拜音拖罗海山一名祥古山。其水：东南曰努克黑忒水，一名兔园水，自察哈尔正蓝旗入，迳福山北流入呼尔泊。西，古尔板馬潭泊。东南，呼尔泊。西南，黑山泺。）以上统盟于錫林郭勒。（盟

地在阿巴噶左翼、阿巴哈納尔左翼两旗界内。)

**四子部落一旗：**( 札萨克驻乌兰额尔济波，在张家口西北五百五十里。东南距京师九百六十里。汉，雁门、定襄二郡北境。晋为拓跋氏地。唐为振武军地。辽为丰州地，属西京道。金属西京路。元属大同路。明为阿禄喀尔喀所据，分与四子，号四子部。)天聪八年，貝勒鄂木布来朝，后叙功封郡王，袭封。牧地有錫喇察汉诺尔，錫喇木伦河流之。东北界苏尼特，西界归化城土默特，南界镶红旗察哈尔。广二百三十五里，袤二百四十里。北极高四十二度四十一分。京师偏西四度二十二分。( 貢道由张家口。其山：东曰博济苏克山。东南，阴山。南，白尔白狼山一名新妇山、尔多斯山。西南，納札海山、阿禄苏门峰。西北，独牛山蒙名乌克尔图禄。东北，阳山蒙名北兰。西，富峪蒙名巴颜鄂坡苏。西北：黄水河，蒙名西喇木伦，自喀尔喀右翼入，东北流，出喀伦边。西：希巴尔台泉、雅孙哈柏济尔泉。南：噶尔哈图泉。西南：德本得泉，青城泉蒙名博罗虎济尔。西北：白石泉蒙名插汉齐老。)

**茂明安部一旗：**( 札萨克驻彻特塞里，在张家口西北八百里。东南距京师二千二百四十里。汉，五原郡地。元魏，怀朔镇地。唐，振武军地。辽，东胜州地，属西京道。金因之。元属大同路。明初设卫戍守，蒙古据之，号曰茂明安。)天聪八年，举部来降。康熙三年，授僧格掌旗一等台吉，袭封、牧地当爱布哈河源。东界喀尔喀，西界乌喇特，南界归化城土默特，北界瀚海。广百里，袤一百九十里。北极高四十一度十五分。京师偏西六度九分。( 貢道

由张家口。其山：东曰伊克哈达图山。东南，和岳尔白尔克山、插汉峨博山。西南，哈拉海图山，官山。西，羴羊山蒙名喀喇特克。西北，齐齐哈尔插汉七老山。东北，古尔板喀喇山，郭岳惠插汉七老山。南：昆都伦阿，源出和岳尔白尔克山，西流，迳官山，入乌喇特。东北：布禄尔托海河，源出伊克哈达图山，北流，会爱毕哈河。爱毕哈河源出刻勒峰，东流，（古尔板喀喇山，入喀尔喀。南：拜星图泉，源出哈拉海图山，西南流，会昆都伦河。）

**乌喇特部三旗：**（三扎萨克同驻哈达玛尔，在归化城西三百六十里。东南距京师一千五百二十里。汉，五原郡。元魏，怀朔镇。唐，中西受降城地。辽置云内州，属西京道。金因之。元为大同路。明为瓦喇所据。）天聪七年，瓦喇台吉鄂板达尔汉来朝，率图巴额尔赫及塞冷伊尔登二旗归附。顺治五年，叙从征功，以图巴掌中旗，鄂木布子鄂班掌前旗，色梭子巴克巴海掌后旗，同封镇国公，授扎萨克，世袭。前、中、后三旗同牧地，当河套北岸噶扎尔山南。东界茂明安，南界鄂尔多斯左翼前旗，西界鄂尔多斯右翼后旗，北界喀尔喀右翼。广二百一十五里，袤三百里。北极高四十度五十二分。京师偏西六度三十分。（贡道由杀虎口。其山：东曰昆都伦山一名居延山、狼山蒙名綽农拖罗海山。西，木纳山。北河套山、雪山蒙名叉苏台。东北，敖西喜山、白石山蒙名插汉七老图。西北，大青山蒙名漠喀喇、乌兰拜星山一名赤城山。西南，席勒山一名床山。东南，漠惠图坡。南：黄河，自鄂尔多斯西北境入，东流迳旗南，又东折南入归化城土默特。西北：柳河，蒙名布尔哈图，源出阳山东平地，西

南流，会敖泉入黄河。哈柳图河，源出席勒山北，南流会席勒河，逕馬神山，又西南折入黄河。北：东哈柳图河，源出麦垛山，西南逕东西德尔山南、拜星图北，为席汉河，又西南入黄河。乌尔图河，源出雪山，西南流入黄河。惟山河，源出帷山，西南会黑河。黑河，蒙名喀喇木伦，自茂明安所属地流入，西南流，逕帷山入黄河。齐齐哈尔哈纳河，自茂明安入，西南流，逕白石山，亦会黑河。苏尔哲河，源出雪山，西流会舍忒河。舍忒河源出敖西喜山，西流逕大青山入黄河。东：昆都伦河，东南五达河从之。

喀尔喀右翼部一旗：（札萨克驻塔尔浑河。在张家口西北七百里。东南距京师一千一百三十里。汉，定襄，云中二郡北境。唐，振武军地。辽，丰州地，属西京道。金因之。元属大同路。明为喀尔喀所据，台吉本塔尔，喀尔喀土谢图汗亲属，世为台吉。）顺治中，与土谢图汗有隙，来归，封亲王，主右翼。牧地在爱布哈、塔尔浑河合流处。东界四子部落，西界茂明安，南界归化城，北界瀚海。广百二十里，袤一百三十里。北极高四十一度四十四分。京师偏西五度五十五分。（贡道由张家口。其山：东曰拜音拖罗海山、西神山。西南，哈达图山、鬲岭蒙名毛德尔。北，白云山蒙名插汉和邵。东北，插汉峨博山，摩里图峨博冈。东南，乌兰峨博山、翁公峨博冈。西，西巴尔图峨博冈。东南：黄水河，自归化城土默特入境，逕翁公峨博冈，东北流，入四子部落。西北：爱毕哈河。自茂明安逕白云山、喀喇峨博冈间，东流，出喀伦边。）以上统盟于乌兰察布。（盟地在四子部落境内，归化城南百二十里。有五蓝叉拍山，即

此。)

**鄂尔多斯新旧六旗**，又增设一旗，共七旗：(在绥远西二百八十五里河套内。东南距京师一千一百里。秦，新秦中。汉，朔方郡地。晋，前后赵、前后秦、赫连夏地。元魏为夏州北境。隋于其地东置胜州、西置丰州，后改榆林、五原二郡。唐置州，复改郡。五代、宋、金属西夏。元立西夏、中兴等路。后废，其地东属东胜、云内二州，延安、宁夏等路。明初置东胜等州，立屯戍，耕牧其中。嘉靖中，套西吉纳部落击破和实居此，是为鄂尔多斯。)天聪九年，额林臣来归，赐济农之号。顺治六年，封郡王等爵有差，七旗皆授扎萨克，自为一盟于伊克昭。东界归化城土默特，西界喀尔喀，南界陕西长城，北界乌喇特。东、西、北三面距河，自山西偏头关至陕西宁夏街，延长二千余里。(贡道由杀虎口。乾隆元年参。)

**鄂尔多斯左翼中旗**(正中近东。扎萨克驻敖西喜峰，在扎拉谷西一百六十里，本隋、唐胜州地。牧地有纳玛带泊，喀锡拉河出旗界东北流灌焉。东至袞额尔吉庙，接左翼前旗，南至神木县边城，西主察罕额尔吉，接右翼前旗，北至喀喇泉，接右翼后旗。广一百一十五里，袤三百二十里。北极高三十九度三十分。京师偏西七度。其水：东曰紫河，蒙名五蓝木伦，源出台石坡西平地，西南流入陕西边境。东，袞额尔吉河，源出袞额尔吉坡南平地，西南流，会哈楚尔河。哈楚尔河源出喀楚尔坡西平地，西南流，会紫河，入神木，为屈野河。)

**鄂尔多斯左翼前旗**(套内东南。古榆林塞。扎萨克驻扎

拉谷，在湖滩河朔西百四十五里。明，榆林左卫地。牧地当偏关西。左倚黄河，东界湖滩河朔，南界清水河，西界左翼中旗，北界左翼后旗。广二百四十五里，袤二百一十里。北极高三十九度四十分。京师偏西五度四十分。东南：和岳尔喀喇拖罗海山一名夹山、黑山蒙名喀喇和邵。北：巴汉得石峰。西北：得石峰。东北：昆兑河，源出平地，东南流入黄河。东南：小昆兑河，亦东南流入黄河。东：布林河，源出查木，塔尔齐尔河，源出噶克插冒顿；哈岱河，源出贺尔博金坡南平地，均东南流入黄河。芹河，蒙名伊克西喇尔几台，源出杜尔伯特拜坡东平地。南流入边城，为陕西府谷县清水川。小芹河，源出得勒苏台坡南平地。克丑河，源出噶克插冒顿东平地，南西河，源出科尔口，俱东入芹河。西南：獐河，蒙名西尔哈，源出常乐堡，合葫芦海南流入红石峡。）

鄂尔多斯左翼后旗(套内东北。扎萨克驻巴尔哈逊湖，在黄河帽带津西百四十里。隋、唐，胜州、榆林郡治。牧地当山西五原厅南，萨拉齐厅西。东界萨拉齐，南界左翼前旗，西界左翼中旗，北界乌喇特。广二百八十里，袤一百五十里。北极高四十度四十分。京师偏西八度。东南：退诺克拖罗海山，山西为拜图拖罗海山。南：伊克翁公冈、巴汉翁公冈。东南：插汉拖罗海冈。西北：车根本伦河，源出撒尔奇喇地，东流入黄河。乌尔巴奇河，源出平地，黑河蒙名伊克土尔根。源出虎虎冒顿地；西：兔毛河，蒙名陶赖昆兑，源出敖柴达木，柳河，蒙名布尔哈苏台，源出插汉拖罗海冈，喀赖河，源出朱尔汉虎都克，西都喇虎河，源出吴烈泉，东坎台河，源出布木巴泉，均北流入黄河。

**鄂尔多斯右翼中旗**(正西近南。扎萨克驻錫拉布里多诺尔，在鄂尔吉虎泊西南二百六十里。汉朔方郡南境。牧地当宁夏东北腾格里泊。东北皆界右翼后旗，南界右翼前旗，西界赛音诺颜左翼后旗。广三百二十里，袤四百八十里。北极高三十九度四十分。京师偏西九度。南：苏海阿祿山、贺修图山。西：色尔腾山。西北：黄草山蒙名庫勒尔齐、鄂蓝喀喇陀罗海山、色尔蚌喀喇山。西南：庫葛尔黑河，源出庫葛尔黑泉，南流入边，又西折出边，入黄河。西北：伊克托苏图河，源出布海扎刺克地，西流会黄河。西：巴汉托苏图河，源出巴惠泉，西北流，会依克托苏图河。入黄河。)

**鄂尔多斯右翼前旗**(套内西南。扎萨克驻巴哈诺尔，在敖西喜峰西九十里。隋、唐、夏、胜二州地。牧地当陕西怀远西北大盐冻。东界左翼中旗，南界怀远，西界右翼中旗，北界右翼后旗。广一百八十里，袤二百七十里。北极高三十八度二十分。京师偏西九度。其山：南曰恩多尔拜山、崧灵山一名錦屏山。东南，总材山蒙名磨多图。西南，巴音山。东南：上稍儿河，源出鯨布里都，南流入边城。南：席伯尔河。源出蟒喀图虎尔虎地，南流会西克丑河入边城，为榆林之榆溪。阿尔塞河，源出恩多尔拜山南平地，西南流，会席伯尔河。西南：金河蒙名西喇乌素，源出磨虎喇虎地，南流会哈柳图河，东南流，合細河、金河二水，入榆林边，至波罗营，会西来之额图浑，为无定河。細河，蒙名纳林河，源出托里泉，南流亦会哈柳图河。石窟川河，蒙名额图浑，源出贺修图山北平地，东南流，合数小水，入怀远边，为恍忽都河，又折而东北，至波罗营，会海克图河，为无定河。

东：忒默图插汉池，一名大盐冻。西南：乌楞池，一名红盐池。南：长盐池，蒙名达布苏图。）

**鄂尔多斯右翼后旗**（套内西北。扎萨克 驻鄂尔吉虎诺尔河，在巴尔哈逊泊西一百七十里。隋、唐，丰州、九原郡治地。牧地当山西五原厅西、甘肃宁夏东北。右倚黄河，东界左翼后旗，南界左翼中旗，西界右翼中旗。北界乌喇特。广一百八十里，袤一百六十里。北极高四十度四十分。京师偏西八度。西：馬阴山蒙名阿克塔贺邵。东南：吴烈鄂博拖罗海冈，西南：达尔巴汉冈。西：赤沙河，蒙名乌蓝、源出赤沙泉，东北流，入锅底池。西南：黄水河。蒙名西喇木伦，源出馬阴山北平地，东北流，入古尔板泊。锅底池，周二十余里，产盐。兔河、赤沙河二水注其中、土名喀喇莽奈。）

**鄂尔多斯右翼前末旗**（順治六年授二等台吉。康熙十四年晋一等。乾隆元年，以族繁增旗一、授扎萨克，世袭，掌右翼前末旗，附右翼前旗游牧。扎萨克驻所、距绥远城七百二十里。内蒙古驿凡五道：曰喜峰口，古北口，独石口、张家口，杀虎口。自喜峰口至扎赉特为一路，计千六百余里，设十六驿。自古北口至乌珠穆沁为一路，计九百余里，设九驿。自独石口至浩齐特为一路，计六百余里，设六驿。自张家口至四子部落为一路，计五百余里，设五驿。自杀虎口至乌喇特为一路、计九百余里，设九驿。自归化城至鄂尔多斯计八百余里，设八驿，仍为杀虎口一路。各驿站均设水泉佳胜处。以上自为一盟子伊克昭、与上五盟同列内扎萨克。

（摘自《清史稿》志五十二地理二十四）

**呼伦直隶厅**：（省西北八百六十里。即呼伦贝尔副都统

城。古室韦国。有室韦山。明属朵颜三卫。)光緒三十四年、以呼伦貝尔城改置。呼伦兵备道驻厅。广一千一百余里。袤一千六百里。北极高四十九度三十五分。京师偏东二度二分(内兴安岭在东。山脉自索岳尔济山北走、为伊勒呼里阿林,乃旋而东,余脉西络海拉尔河南北岸;額尔古訥河右岸为厅境,諸水源此。海拉尔河出岭西麓,西迳綽罗尔,北察而巴奇山,南訥都尔,西扎敦、又西特诺克,又西伊敏河,同来注。迳城北,合墨尔根河,入胪滨。西北合額尔古訥入室韦。北:根河西受鄂罗诺尔諸河、又西入額尔古訥河。南有达尔彬池,哈尔哈河出、西汇为貝尔池。乌尔順河自池出、北入呼伦池。厅境为索伦、新巴尔虎、厄鲁特、陈巴尔虎諸旗牧场。又海拉尔河北有托河路协领、统鄂伦春人。旧设台八:自西布特哈之牙尔伯克台西五十里至厅之依尔克特,又五十里呼耳各特伊,又五十里舒都克依、又六十里牙克萨,又五十里哈拉合硕,又六十五里扎拉木太、又五十二里哈克鄂模,又六十里呼伦貝尔城,即厅治。为省城西路十七台。庚子之变,台站毁,往来皆由东清铁路。又西南三百二十里布野图布尔都之野寿宁寺,道出张家口。寺北八里有大市场,岁八月,内外蒙古走集焉。新设卡伦三:曰孟克錫里,曰額尔得尼托罗輝,曰庫克多博,为总卡伦。西南有珠尔博特盐池。东清铁路自胪滨入境,迳城北,入西布特哈境。有完工、乌古诺尔、海拉尔、哈克、扎尔木、牙克什、免渡河、乌诺尔、伊立克都九车站。商埠,光緒三十一年十一月中日约开。按呼伦沿边卡伦,自雍正五年与俄勘界,设察汗敖拉、苏克特依等卡伦十有二,名外卡伦。十一年,复于外卡伦以

内设庫里多尔特勒、墨勒津等卡伦十有五，与各外卡伦相距一二百里不等，名曰内卡伦。咸丰七年，因内外相距远、量  
为迁移，各三四十里，以便互巡。改三卡为三台，另立新  
名，后並圯废无考。光緒十年，防俄人越界挖金，由黑龙江  
城于呼伦珠尔特依卡伦北沿额尔古訥右岸，增莫里勒克等  
五，前后共外卡伦十有七。庚子並毀。三十四，重行整頓，  
首塔尔巴干达呼山，訖额尔古訥河口，复设二十有一，沿旧  
名者十有五，新命名者六：曰塔尔巴干达呼，曰察罕敖拉，  
曰阿巴該图，以上属牐滨；曰孟克西里，曰额尔得尼托罗  
輝，曰庫克多博，庫克多博为总卡伦，以上属呼伦；曰巴图  
尔和硕，曰巴雅斯胡郎图温都尔，曰胡裕尔和奇，曰巴颜魯  
克，曰珠尔特依，曰莫里勒克，曰毕拉尔河，曰牛尔河，曰  
珠尔干河，珠尔干河为总卡伦；曰温河，曰长甸，曰伊穆河，  
曰奇乾河，曰永安山，曰额勒哈达，以上属室韦。先是俄人  
越界垦地刈草，至是驱逐，呼伦设边垦总局，牐滨设分局，  
俄人遵章纳税，华人领票经商者，络绎不絕。此光緒三十四  
年冬月事也。又呼伦西南旧十六卡伦，凡以防喀尔喀也。）

牐滨府：（省西北一千一百六十里。原名滿洲里，为东  
清铁路入中国第一车站。）光緒三十四年，初拟设滿珠府，  
后更名，属呼伦道。（东：额尔古訥河自呼伦入，西北流，  
至近阿巴該图山，分两派。一西南流，为达兰鄂洛木河，入  
呼伦池。其正流由山西北流，为额尔古訥河。流至此作大  
转折，如人曲腰以手递物。额尔古訥，蒙古語謂以手递物  
也。海拉尔河转为额尔古訥河，分两汉，一沿东岸流，曰海  
拉尔河口，一沿西岸流，曰额尔古訥河，北行复合为一，入

黑龙江。自阿巴該图山以下为中、俄界水，康熙二十八年，尼布楚约立界碑。克鲁伦河自喀尔喀部入，达兰鄂洛木河自海拉尔河分出，均入呼伦池，潴而不流，故呼伦为咸水湖。东南有乌尔順河，自貝尔池出，北流入呼伦池。其右岸为呼伦厅境，有新巴尔虎各旗牧场。旧设中、俄国界鄂博六：曰塔尔郭达固，曰察罕乌鲁，曰博罗托罗海，曰索克图，曰額尔底里托罗海，曰阿巴哈依图，此为庫伦东中、俄界第六十三鄂博。雍正五年恰克图约鄂博止此。塔尔巴干达呼山西南即喀尔喀界，有滿、蒙文界碑，系呼伦与喀尔喀分界，十年一换。有新设卡伦三：曰塔尔巴干达呼，曰察罕敖拉，曰阿巴該图。北有金源边堡。东清铁路自俄萨拜喀勒省入中国境，迳府治东，入呼伦厅。有滿洲里，咱刚，札赉诺尔，赫勒洪德四车站。商埠，中日约开。有海关。）

**肇州直隶厅：**（繁，难。省东南六百里。明，撒察河卫，即三岔河卫。）光緒三十二年，以郭尔罗斯后旗垦地置厅。（南：松花江自吉林伯都訥入境，汇嫩江，东流，受博尔古哈泊水，迳城南，又东受蓮花泊水，下代吉船口水、三道冈子水、涉洲船口水，入呼兰。右岸为吉林新城、双城境。西：嫩江自安达入，南流，受乌兰诺尔水，注松花江。右岸为大赉境。厅境平旷，北城泡南出汇为差达玛泊，下流潴于沙。东北有肇东分防经历。旧设站三：自安达之他拉哈站南至厅之古魯，又南至乌兰诺尔，又南至茂兴，此南路十站。又东南路八台，在厅境者四。自茂兴站起，东至波尔吉哈台，又东至察布奇尔，又东至鄂你多图，又东至布拉克，又东入呼兰境。官商路一：自茂兴西至郭尔罗斯公府，又西

由八家船口渡嫩江入大赉。东北五站。商埠，西南信宿冈子，伯都讷、哈尔滨适中地，沿江要冲，光緒末勸留商埠。东清铁路自安达入境，迳厅东北入呼兰。有甜草冈、满沟二车站。）

**大赉直隶厅：**（冲、疲、难。省西南二百一十里。古鞞鞞、室韦交界。明，洮儿河卫及卓儿河地面。）光緒三十年，以扎赉特旗莫勒红冈子垦地置。（北有索伦山脉，蜿蜒数百里，境内东流之水皆导源焉，所谓索伦围场也。东，嫩江自龙江入，南流，汇松花江。其左岸为安达、肇州境。北，洮儿河自奉天东镇入，东流，汇为纳蓝撒蓝池，犹言日月池也，下流入嫩江。又北瑚尔达河、绰尔河、雅尔河，皆东南流入嫩江。雅尔河左岸为龙江境。北，塔子城、景星镇分防二经历。旧有蒙古站二：自卜魁站起，西至绰尔河，曰哈代罕站，曰绰罗站。又入今奉天之克尔苏台站。官商路三：一北由景星镇赴省城；一东渡嫩江接茂兴站；一西由二龙镇口入奉天境，历镇东、靖安达洮南。嫩江沿岸哈喇和硕，有陆军退伍兵屯田，一夫授田百亩，以火犁耕种。）

**安达直隶厅：**（冲、繁、难。省东南二百八十里。语达，蒙古官名，无正译。）光緒三十二年，以杜尔伯特旗垦地置，又分省属垦地益之。（西，嫩江自龙江入，南流入肇州。北，九道沟水，西流与龙江分界，屈南入境，汇为纳赫尔泊，西南，乌克吐泊，下流入嫩江。南，青肯泊，泊形如环，中有滩地，半隶肇州。放垦区域，大都在嫩江东岸及东南北三面沿边，中部平原无河流，间有积潦，土含碱质，不宜种植。旧设站三：自龙江之特木德赫站南至厅属之温托

欢，又南至多耐，又南至他拉哈，又南入肇州。官商路四：一北由林家店、九道沟赴省；一东南入乎兰，有小林家店文报局；一东由长安堡赴吉冈；一西起东清铁路安达站至杜尔伯特贝子府，又西接多耐。产盐，有碱厂二十五处。西北当奈屯有盐滩。东清铁路自黑龙江入境。斜贯中部，迳厅至西南入肇州。有弱土屯，小河西，喇嘛甸，萨拉图，安达五车站。）

**布西直隶厅：**（光緒三十四年，拟设治西布特哈，在省城东北二百八十里嫩江西岸。西有内兴安岭，与呼伦分界。西南即索伦围场。西北诺敏河，至厅南入嫩江。西有阿伦河、音河、雅尔河，皆东南入龙江。又西迤南，绰尔河入大赉。旧设台七：自龙江之那希奇台东至厅之木尔楚裘台，又东至赫尼昂阿，又东至和尼，又东至錫伯尔，又东至巴林，又东至嘎尔甘，又东至雅勒伯雷托，又东入呼伦境。厅境少平原，森林之利独饶。有土城，因起伏西去数千里，直至木兰围场，又西至归化城。往时流人亡去不識途，多循此入关，盖即金源时长城汪古部所居者也。东清铁路自呼伦苗兴安岭入境，横贯中部，入龙江。有兴安岭、博尔多、雅鲁、巴里木、哈拉苏、扎兰屯、成吉思汗七车站。）

**室韦直隶厅：**（光緒三十四年，拟设治吉拉林，隶呼伦道。在道治北四百余里，额尔古纳河右岸。对岸为俄卧牛、槐放、洛气等屯疆域。额尔古纳河自庐滨之阿巴该图北流，至呼伦之庫克多博，东北流，合根河、特勒布尔、胡格爾和奇、珠魯克图即约罗、珠尔格特依、布鲁、色木特勒克諸河，皆自东南山来注，此在吉拉林以南者也。中根河最大，

出内兴安岭，西北流，两岸沃野膏原，为植民善地。额尔古纳河迳厅治西，又东北流，有哈拉尔即吉拉林河，眉勒喀即尼布楚约内之河、逊河、额尔奇木、毕拉尔、毕拉克产、古尔布奇、吉林子、阿木毗、牛尔、珠尔干、温诺河，皆自东南山来注。额尔古纳河至是屈西北流，有乌玛、大吉嘎达、小青嘎达，复有小河入，皆自东南来注。再折而东北流，有伊穆河，复有小河二十余，皆自东南来注。此在吉拉林以北者也。中牛尔河最大，出内兴安岭，河口左右有平畴两区，田土肥美。额尔古纳河自受根河、牛尔河，水大而急，直注黑龙江，而吉拉林为适中地，故厅治在焉。新设防边卡伦，在境内者十有五，自库克多博总卡伦以北，曰巴图尔和硕，曰巴雅斯胡郎图温都尔，曰胡裕尔和奇，曰巴彦珠鲁克，曰珠尔格特依，曰莫里勒克，曰毕拉尔河，曰牛尔河，曰珠尔干河总卡伦，曰温河，曰伊穆河，曰奇乾河，曰永安山，曰额勒哈达。珠尔干、额勒哈达为鄂伦春人与俄人交易之所。尤要道路自吉拉林南至塔尔巴干达呼山七百余里，其北至珠尔干河三百五十余里，则小径不通车马。自珠尔干至额尔古纳河口五百五十余里，则悬崖壁立，非假道于俄，不能飞越。根河口新立官渡，为华、俄商旅必趋之路。根河上源有道出西布特哈达墨尔根，额尔古纳民船抵达吉拉林，以下溜急，民船可顺流而下，不能溯流而上，非轮船不为功。冬令，河上可驾驶冰橇，每一日夜行三四百里。）

**舒都直隶厅：**（光緒三十四年，拟设治免渡河，隶呼伦道，在道治东二百八十余里。河出阿尔奇山，北合扎郭河，入海拉尔河。厅东即内兴安岭。东清铁路经厅南，有免渡河

车站，由厅境苗兴安山洞入西布特哈境。）

摘自《清史稿》卷五十七地理四黑龙江

**归化城直隶厅：**（冲、繁、疲、难。归绥道镇守副都统驻。明嘉靖中，蒙古据丰州，是为西土默特，驻牧建城，后封顺义王，名其城曰归化。天聪八年内附。顺治三年置左右翼及四副都统。雍正元年置理事同知，驻西河，隶朔平府。乾隆元年增协理通判二，增绥远厅。六年置归绥道，厅及二协隶。二十五年省协理，徙同知驻城。裁左右翼及副都统。余副都统一，同驻。光绪十年改抚民同知。）南距省治九百六十里。至京师千一百八十里。广百八十里，袤二百九十里。北极高四十度四十九分。京师偏西四度四十八分。（北：大青山，即阴山，古白道川。其支阜，西石绿，西北克寿，东北乌兰察布、喀喇克沁、钟山。金河，古芒干水，俗大黑河，西南迳厅南。左合小黑河，即紫河，古武泉水。又西南，右合哈尔几河，入托克托。克鲁库河，古白道，中溪水从之。卡伦二十有二。台站四。有巡司，一在城，兼司狱，一在毕齐克齐。有递。）

**萨拉齐直隶厅：**（冲，繁，疲，难。隶归绥道。明初，云内州，后为云内县，属丰州，寻废。）乾隆四年，置萨拉齐及善岱二协理通判。六年，隶归绥道。二十五年，改理事厅，以善岱协理通判省入。同治四年，改置同知。光绪十年，改抚民。东南距省治千二百里。至京师千四百二十里。广二百五十里，袤百里。北极高四十度三十九分。京师偏西五度十六分。（又兼辖鄂尔多斯左翼后旗地。广四百三十里，袤二百二十里。西北：牛头、朝那山、夹山。北：宿窳。东：

拜轰古儿。河水左瀆自五原南界东流入境，包头，五当河并北来注之，迳沙尔沁村，又东至厅南，合苏尔哲，帽带河，入托克托。察苏河入托克托。卡伦五。台站一，在厅治。有巡司兼司獄一，驻包头鎮。有递。）

**清水河直隶厅：**（繁，疲，难。隶归绥道。明，置东庭卫千户所。）乾隆元年，置协理通判。六年，隶归绥道。二十五年，改理事厅。光緒十年，改抚民通判。东南距省治九百二十里。至京师千又二十里。广百三十五里，袤百四十里。北极高四十度六分。京师偏西四度四十八分。（东：鄂博图山、連岭。东南：吐顏，右君子津。西北：河水左瀆自托克托入，迳紅山口，东南清水河自平魯入，右合湯溪河，西北迳三叉河至厅南。又西北出古长城，左会兔毛河，亦称紅河，古中陵水入焉；又南入偏关。有巡司兼司獄在厅治。有递。）

**丰镇直隶厅：**（繁，疲，难。隶归绥道。明，大同及阳和，天成二卫边外地。）康熙十四年，徙察哈尔蒙古部驻。雍正十二年，置丰川卫及鎮宁所，大朔理事通判统之。乾隆十五年改置，大同，阳高通判徙驻。三十三年，还故治，增置大同理事同知。光緒十年，改抚民。南距省治六百七十里。至京师八百六十里，广二百三十里，袤二百二十里。北极高四十度三十分。京师偏西三度十二分。（北：尖子山、狼头。西北：留云。东：盘羊。东北：大青、牛心。其西南壺卢海，如渾水出，今曰玉河。屈西南，左合大科庄水，古旋鸿池，迳古庆梁，右合尖子山水，至厅东南新城湾。右会得胜河，古羊水，入大同。东北，五祿户滩，东洋河出，古修水，亦于延水，东迳碾房窑，入直隶张家口。其南胡魯苏台，西

洋河出，古延乡水，及南沟水，迳馬市口入天鎮。又西清凉岭，南洋河出，古雁门水，南迳守口堡入阳高，并达之。自东洋外，并逾边。巡司三：一驻城，兼司獄；一二道河；一张皋尔。二道河后改设兴和厅。有递。）

**托克托直隶厅：**（繁、疲、难。隶归绥道。明，东胜左卫。嘉靖中入土默特。曰脱脱，亦托克托。）乾隆元年，增协理通判。二十五年，改理事厅。光緒十年，改抚民通判。东南距省治八百六十里。至京师千一百里。广八十五里，袤一百三十里。（兼辖河西鄂尔多斯右翼后旗地。广百三十里，袤百五十里。）北极高四十度三十分。京师偏西四度四十分。（南：紅山，古緣胡。西北：河水左瀆自萨拉齐入。大黑河东自归化入，左会黄水，又西，右会克鲁庫，至厅东北会察苏河。迳厅北，旧汇为慈山湖，古芒干水，合南源白道中溪塞水注沙陵湖者，又西入焉。又南入清水河。有巡司兼司獄。有递。）

**宁远直隶厅：**（冲、疲、难。隶归绥道。明，宣德卫。后为大同边外地。）康熙十六年，察哈尔部析驻。雍正十二年，置宁朔卫及怀远所，大朔理事通判统之。乾隆十五年省改，徙朔平通判驻。二十一年，改理事通判。光緒十年，改抚民。南距省治八百十里。至京师千又二十里。广百八十里，袤二百九十里。北极高四十度二十一分。京师偏西三度五十二分。（东：猴山。北：仓盘、汗漫、平顶。黑河南源永兴河出，古白渠水。其南参河陞，今西沟门，古沃水出，今曰宁远水。南迳將軍梁，左合宁远堡水，古可不泄，逾长城。东北：平顶永兴河东四道凹，得胜河出，迳丰城沟入丰

鎮。其北大海，古諸聞澤，周百余里。其南小海，地理志盐泽，古通目曰参合陂。有巡司。有递。旧有科布尔司巡，后改设陶林厅。）

**和林格尔直隶厅：**（繁、疲、难。隶归绥道。明置玉林、云川二卫。后为蒙古西土默特据。）康熙中，置站曰二十家子，蒙语和林格尔。乾隆元年，置协理通判。二十五年。改理事厅。光緒十年，改抚民通判。南距省治八百四十里。至京师千六十里。广百七十里，袤百八十里。北极高四十度二十分。京师偏西四度二十四分。（东：九峰山。西：摩天岭。南：大松。东南：玉林。兔毛河自右玉入，逾边迆杀虎口，右会宁远河，迆其麓，西北至厅。西南折西入清水河。东北黄水自宁远入，西迆厅北入托克托。有巡司兼司獄。有递。）

**兴和直隶厅：**（明初，天城卫边北地。）光緒二十二年，以丰鎮之二道河巡司置，隶归绥道。西南距省治八百九十里。至京师千七十里。广袤闕。（北：大青山。东南：水泉入。西北：东洋河自察哈尔旗入。二源合，东西迆厅北，入直隶张家口。有递。）

**陶林直隶厅：**（要。隶归绥道。明，大同边外地。）光緒二十九年，以宁远厅之科布尔巡司置。西南距省治千三百里。至京师千四百五十里。广袤闕。（北：伊馬图山。南：回头梁。大黑河南源黄水河，古白渠水，出大东沟，西南迆五坝入宁远。有递。）

**武川直隶厅：**（要。隶归绥道。明，西土默特牧场。）光緒二十九年，以其北境翁滚直，治乌兰花，寄治归化城。

南距省治千百七十里。至京师千二百九十里。广袤阙。  
(北：托克图山。西北：克寿。东有乌兰察布源泉，厅治。  
--递。)

**五原直隶厅：**(要。隶归绥道。)光緒二十九年，析萨拉齐西境兴盛旺置抚民同知，治隆兴长，寄治包头鎮。东南距省治千七百九十里。至京师二千一百十里。北极高四十度三十九分。京师偏西五度十六分。(西北：阳山。北：阴山。河水自甘肃边外环内蒙鄂尔多斯，折东自乌拉特循其南麓入。有鄂博口，古稠阳道。又东迳厅南，合博托河入萨拉齐。有递。)

**东胜直隶厅：**(要。隶归绥道。明初，东胜卫西界、陕西榆林卫河套地，后为元裔所居。)光緒三十二年，以鄂尔多斯左翼中郡王右翼前末扎萨克旗垦地置，治羊壕厂，寄治萨拉齐之包头鎮。北极高四十度四十九分。京师偏西四度四十八分。(西北：河水自鄂尔多斯循五原入厅北，折东南入萨拉齐。边墙西自陕西榆林入。又东有递。)

(摘自《清史稿》卷六十志三十五地理七山西)

## 内蒙古各部王公世系

### 藩部世表一

汉郡属国，皆有侯王。唐之胡州，亦袭爵号。有清蒙部，实多勋戚。天、崇开国，康、雍御准，咸、同之间，蕩定粤、捻，均收其助。内盟诸爵，始皆世封。乾隆之末，外扎萨克以逮回部，皆予罔替。今按旧表，传袭多者至十数次，可谓盛矣。凡扎萨克皆有分十，三代诸侯，殆无以异。故虽台吉，亦所各列。间散五公，以有世爵，亦不略焉。

**科尔沁部：**扎萨克和硕土谢图亲王。

**初封奥巴：**

元太祖弟哈巴图哈萨尔之裔。天命十一年，封土谢图汗。天聪六年卒。

**一次袭巴达礼：**

奥巴长子。天聪七年。授济农，袭土谢图号。崇德元年，封扎萨克和硕土谢图亲王，诏世袭罔替。康熙十年卒。

**二次袭巴雅斯呼朗：**

巴达礼长子。康熙十一年，袭扎萨克和硕土谢图亲王。寻卒。

**三次袭阿喇善：**

巴雅斯呼朗长子。康熙十三年，袭扎萨克和硕土谢图亲王。二十七年，以惰职削。

**四次袭沙津：**

巴达礼次子。初封多罗贝勒，见贝勒表。康熙二十七年，袭扎萨克和硕土谢图亲王。四十一年，以罪削。

五次袭阿喇善：

康熙四十一年，仍袭扎萨克和硕土谢图亲王。五十年，卒。

六次袭鄂勒斋图：

阿喇善长子。康熙五十一年，袭扎萨克和硕土谢图亲王。五十九年，卒。

七次袭阿喇布坦：

鄂勒斋图长子。康熙五十九年，袭扎萨克和硕土谢图亲王。乾隆二十四年，卒。

八次袭垂扎布：

阿喇布坦长子。乾隆二十四年，袭扎萨克和硕土谢图亲王。三十二年，卒。

九次袭纳旺：

垂扎布长子。乾隆三十二年，袭扎萨克和硕土谢图亲王。寻卒。

十次袭喇什纳木扎勒：

垂扎布次子。乾隆三十二年，袭扎萨克和硕土谢图亲王。四十七年，卒。

十一次袭诺尔布磷沁

喇什纳木扎勒长子。乾隆四十七年，袭扎萨克和硕土谢图亲王。道光二十年，卒。

十二次袭色登端鲁布：

诺尔布磷沁子。道光二十年袭。

十三次袭巴宝多尔济

色登端鲁布子。咸丰六年，袭。光緒十六年，卒。

十四次袭色旺诺尔布桑宝：

巴宝多尔济子。光緒十六年，袭。二十七年，遇害。

十五次袭业喜海顺：

色旺诺尔布桑宝嗣子。光緒二十八年，袭。

科尔沁部：多罗貝勒。

初封沙津：

康熙十四年，以軍功封多罗貝勒，诏世袭罔替，后袭扎萨克土谢图和硕亲王。见亲王表。

一次袭阿必达：

沙津长子。康熙三十三年，袭多罗貝勒。六十一年，卒。

二次袭多尔济：

阿必达长子。雍正元年，袭多罗貝勒。乾隆十一年，卒。

三次袭特古斯额尔克图：

多尔济长子。乾隆十一年，袭多罗貝勒。二十四年，卒。

四次袭古穆扎布：

特古斯额尔克图长子。乾隆二十四年，袭多罗貝勒。嘉庆四年，卒。

五次袭三音济雅图：

古穆扎布子。嘉庆四年，袭多罗貝勒。道光三年，卒。

六次袭达尔玛扎普

三音济雅图长子。道光三年，袭。二十一年，革。

七次袭三音瑚比图

达尔玛扎普弟。道光二十一年，袭。

八次袭旺楚克林沁：

三音瑚比图子。道光二十八年，袭。

九次袭达木林旺济勒：

旺楚克林沁弟。咸丰十一年，袭。

十次袭敏朱尔色丹：

达木林旺济勒兄。光绪七年，袭。

十一次袭凯毕：

敏朱尔色丹从弟。光绪十三年，袭。宣统二年，卒。

科尔沁部：扎萨克和硕达尔汉亲王。

初封满珠习礼：

土谢图汗奥巴从子，追封福亲王莽古斯之孙，忠亲王宰桑之子。崇德元年，封扎萨克多罗巴图鲁郡王，诏世袭罔替。

顺治九年，赐达尔汉号，十九年，晋和硕达尔汉巴图鲁亲王。康熙四年，卒。

初封和塔：

满珠习礼长子。康熙四年，袭扎萨克和硕达尔汉亲王，停袭巴图鲁号。八年，卒。

一次袭班第：

和塔长子。康熙十年，袭扎萨克和硕达尔汉亲王。四十九年，卒。

二次袭罗卜臧衮布：

班第长子。康熙四十九年，袭扎萨克和硕达尔汉亲王。乾隆十七年，卒。

三次袭色布腾巴勒珠尔：

罗卜藏衮布第三子。乾隆十七年，袭扎萨克和硕达尔汉亲王。二十年，从征准噶尔有功，赐双俸。寻以罪削，后复封和硕亲王。别有表。

四次袭色旺诺尔布：

罗卜藏衮布次子。乾隆二十年，袭扎萨克和硕达尔汉亲王。三十八年，卒。

五次袭旺扎勒多尔济：

色旺诺尔布长子。乾隆三十九年，袭扎萨克和硕达尔汉亲王。嘉庆三年，卒。

六次袭丹曾旺布：

旺扎勒多尔济长子。嘉庆三年，袭扎萨克和硕达尔汉亲王。十三年，卒。

七次袭布彦温都尔瑚：

丹曾旺布长子。嘉庆十三年，袭扎萨克和硕达尔汉亲王。道光元年，因事革扎萨克。十八年，卒。

八次袭索特那木朋素克：

布彦温都尔瑚之子。道光十八年，袭。二十八年，赐还扎萨克。

九次袭棍布旺济勒：

索特那木朋素克子。同治十三年，袭。

十次袭那木济勒色楞：

棍布旺济勒子。光绪十年，袭。

科尔沁部：和硕卓哩克图亲王。

初封乌克善：

达尔汉亲王 满珠习礼兄。崇德元年，封和硕卓哩克图亲王，诏世袭罔替。康熙四年，卒。

一次袭毕勒塔噶尔：

乌克善第三子。康熙五年，袭和硕卓哩克图亲王。六年，卒。

二次袭鄂齐尔：

毕勒塔噶尔长子。康熙七年，袭和硕卓哩克图亲王。二十一年，以罪削。

三次袭都勒巴：

乌克善第六子。康熙二十一年，袭和硕卓哩克图亲王。二十七年，卒。

四次袭巴特玛：

都勒巴长子。康熙二十七年，袭和硕卓哩克图亲王。雍正三年，卒。

五次袭阿勒坦格呼勒：

巴特玛长子。雍正三年，袭和硕卓哩克图亲王。乾隆元年，卒。

六次袭扎木巴勒扎木素：

阿勒坦格呼勒长子。乾隆二年，袭和硕卓哩克图亲王。二十六年，卒。

七次袭恭格喇布坦：

扎木巴勒扎木素长子。乾隆二十六年，袭和硕卓哩克图亲王。六年，卒。

八次袭拉旺：

恭格喇布坦长子。乾隆六十年，袭和硕卓哩克图亲王。

### 九次袭噶勒桑栋罗布

拉旺长子。嘉庆九年，袭和硕卓哩克图亲王。道光元年，赐扎萨克。六年，卒。

### 十次袭巴图：

噶勒桑栋罗布子。道光六年，袭。二十一年，补备兵扎萨克。

### 十一次袭济克登旺库儿：

巴图子。咸丰十一年，袭。光绪十七年，卒。

### 十二次袭丹色里特旺珠尔：

光绪十七年，袭。二十年，卒。

### 十三次袭额尔德木毕里克图：

丹色里特旺珠尔子。光绪二十年，袭。三十二年八月，卒。

### 十四次袭色旺端鲁布：

额尔德木毕里克图弟。光绪三十四年十二月，袭。

### 科尔沁部：辅国公。

### 初封色布腾巴勒珠尔

乾隆八年，封辅国公。十七年，袭其父罗卜藏衮布爵，后以罪削。见达尔汉亲王表。二十一年，复赐公品级。二十三年，封和硕亲王。三十七年，复削。四十年，以从征金川功，诏复其爵。寻卒。

### 一次袭鄂勒哲特穆尔额尔克巴拜：

色布腾巴勒珠尔长子。乾隆四十年，袭多罗郡王。四十九年，诏世袭罔替。五十六年八月，因罪革。九月，奉恩旨赏公衔，在乾清门行走。五十八年，卒。

### 二次袭鄂勒哲图：

鄂勒哲特穆尔额尔克巴拜嗣子。乾隆五十九年，袭公品级。嘉庆二十四年六月，卒。

三次袭济克默特：

鄂勒哲图之侄。嘉庆二十四年，降袭固山贝子。道光六年补扎萨克。

四次袭棍楚克林沁：

济克默特嗣子。道光二十八年，降袭镇国公。同治十一年赐贝子衔。

五次袭那苏图：

棍楚克林沁子。光绪十年，降袭辅国公。

六次袭达来：

那苏图子。光绪二十七年，袭。

**科尔沁部：多罗郡王。**

初封奇塔特：

达尔汉亲王满珠习礼从子。顺治六年，封多罗郡王，诏世袭罔替。十年，卒。

一次袭额尔德尼：

奇塔特长子。顺治十年，袭多罗郡王。康熙十四年，卒。

二次袭毕里克图：

额尔德尼长子。康熙十五年，袭多罗郡王。四十九年，卒。

三次袭诺捫额尔赫图：

毕里克图长子。康熙四十九年，袭多罗郡王。乾隆八年，卒。

四次袭阿旺藏布：

诺捫额尔赫图长子。乾隆八年袭多罗郡王。二十四年，卒。

五次袭喇什噶勒当：

阿旺藏布第四子。乾隆二十四年，袭多罗郡王。嘉庆六年，卒。

六次袭桑济扎布

喇什噶勒当次子。嘉庆六年，袭多罗郡王。十年，卒。

七次袭栋默特：

桑济扎布弟。嘉庆十年，袭多罗郡王。道光二十一年，卒。

八次袭济克默特朗布：

栋默特之子。道光二十一年，袭。同治十一年，晋亲王衔。

九次袭那兰格呼勒：

济克默特朗布子。光绪三年，袭。

**科尔沁部：多罗贝勒。**

初封绰尔济：

达尔汉亲王满珠习礼从子。顺治九年，封镇国公。十八年，晋多罗贝勒，诏世袭罔替。康熙七年，卒。

一次袭鄂齐尔：

绰尔济长子。康熙九年，袭多罗贝勒。二十年，卒。

二次袭巴克什固尔：

鄂齐尔长子。康熙二十一年，袭多罗贝勒。五十九年，卒。

三次袭阿喇布坦：

巴克什固尔长子。康熙五十九年，袭多罗贝勒。雍正十三年，卒。

四次袭萨木丕勒扎木素：

阿喇布坦第四子。雍正十三年，袭多罗貝勒。乾隆二十二年，卒。

五次袭三音察袞：

萨木丕勒扎木素嗣子。乾隆二十二年，袭多罗貝勒。嘉庆十五年，卒。

六次袭色楞多尔济：

三音察袞长子。嘉庆十五年，袭多罗貝勒。道光三年，卒。

七次袭八格拉普坦：

色楞多尔济子。道光三年，袭。

八次袭桑噶布多特赛：

八格拉普坦子。咸丰九年，袭。

九次袭昂噶扣：

桑噶布多特赛从弟。同治五年，袭。光緒九年十一月，卒。

十次袭济克斋达克斋瓦：

昂噶扣子。光緒十年，袭。三十一年，卒。

十一次袭济克登诺尔布林沁扎木苏：

济克登达克斋瓦子。光緒三十二年五月，袭。

**科尔沁部：固山貝子。**

初封喇什：

貝勒绰尔济孙。雍正二年，封辅国公。四年，晋固山貝子。乾隆十五年，卒。

一次袭达尔玛达都：

喇什长子。初封鎮国公，赐貝子品级。乾隆十五年，袭固山貝子。十八年，卒。：

二次袭班珠尔：

达尔玛达都长子。乾隆十八年，袭固山貝子。四十九年，诏世袭鎮国公罔替。五十一年，卒。

三次袭錫第：

班珠尔长子。初授二等台吉。隆乾五十一年，袭固山貝子。嘉庆二十五年，卒。

四次袭阿舒噶：

錫第子。嘉庆二十五年，袭。道光七年，卒。

五次袭阿敏乌尔图：

阿舒噶子。道光七年，袭。

六次袭班咱喇克散：

阿敏乌尔图子。光緒七年，袭。

七次袭林沁多尔济：

八次袭揚桑巴拉：

林沁多尔济弟。光緒二十八年八月，袭。

**科尔沁部：**辅国公。

初封乌尔呼玛勒：

达尔汉亲王滿珠习礼孙。雍正二年，封辅国公。七年，晋固山貝子。十年，卒。

一次袭玛哈玛育尔：

乌尔呼玛勒长子。雍正十年，降袭辅国公。乾隆三十五年，卒。

二次袭錫达什哩：

玛哈玛育尔长子。乾隆三十五年，袭辅国公。四十九年，诏世袭罔替。道光八年，卒。

三次袭巴图：

錫达什哩之子。道光八年，袭。

四次袭云端帕尔賚：

巴图子。咸丰三年，袭。

五次袭哈斯巴图尔：

云端帕尔賚从弟。光緒三年，袭。

**科尔沁部：**辅国公。

初封图纳赫：

卓哩克图亲王乌克善次子。順治十八年，封辅国公，昭世袭罔替。康熙二十七年，卒。

一次袭布尼：

图纳赫次子。康熙二十七年，袭辅国公。六十一年，卒。

二次袭萨玛第：

布尼长子。康熙六十一年，袭辅国公。雍正六年，卒。

三次袭喇什色旺：

萨玛第长子。雍正六年，袭辅国公。乾隆三十年，卒。

四次袭色当噶玛勒：

喇什色旺次子。乾隆三十年，袭辅国公。嘉庆三年，卒。

五次袭诺尔布：

色当噶玛勒子。嘉庆三年，袭辅国公。道光二年，卒。

六次袭博罗特：

诺尔布长子。道光二年，袭辅国公。二十一年，卒。

七次袭帕拉巴：

博罗特之子。道光二十一年，袭辅国公。

八次袭齐默特多尔：

帖拉巴弟。同治元年，袭。

九次袭德勒格尔蒙克：

齐默特多尔子。光緒元年，袭。

十次袭多尔济：

光緒三十年四月，袭。

**科尔沁部**：辅国公。

初封噶尔弼：

卓哩克图亲王乌克善孙。雍正二年，封辅国公。乾隆三年，卒。

一次袭察罕达喇：

噶尔弼长子。乾隆三年，袭辅国公。七年，卒。

二次袭诺观达喇：

察罕达喇长子。乾隆七年，袭辅国公。嘉庆七年，卒。

三次袭旺亲

诺观达喇第三子。嘉庆七年，袭辅国公。

**科尔沁部**：辅国公。

初封哈达：

貝子喇什第三子。乾隆十五年，封辅国公。

一次袭巴特玛：

哈达长子。嘉庆八年，袭辅国公。道光五年，病故，奉旨削除公爵。

**科尔沁部**：扎萨克多罗扎萨克郡王。

初封布达齐：

土谢图汗奥巴弟。天命十一年，赐扎萨克图杜棱号。崇德元年，封扎萨克多罗扎萨克图郡王，诏世袭罔替。順治元年，

卒。

一次袭拜斯噶勒：

布达齐长子。顺治二年，袭扎萨克多罗扎萨克图郡王。十四年，卒。

二次袭鄂齐尔：

拜斯噶勒长子。顺治十四年，袭扎萨克多罗扎萨克图郡王。康熙五十七年，卒。

三次袭萨祜拉克：

鄂齐尔第六子。康熙五十七年，袭扎萨克多罗扎萨克图郡王。雍正九年，卒。

四次袭沙津德勒格尔：

萨祜拉克长子。雍正九年，袭扎萨克多罗扎萨克图郡王。乾隆十四年，卒。

五次袭纳旺色布腾：

沙津德勒格尔长子。乾隆十四年，袭扎萨克多罗扎萨克图郡王。四十九年，卒。

六次袭喇什端罗布：

纳旺色布腾长子。乾隆四十九年，袭扎萨克多罗扎萨克图郡王。嘉庆三年，卒。

七次袭敏珠尔多尔济：

喇什端罗布长子。嘉庆三年，袭扎萨克多罗扎萨克图郡王。道光十四年，卒。

八次袭索诺那木伦布木：

敏珠尔多尔济之子。道光十四年，袭。

九次袭达特巴扎木苏：

索诺那木伦布木子。同治六年，袭。

十次袭根敦占散：

达特巴扎木苏嗣子。同治十二年，袭。

十一次袭乌泰：

根敦占散嗣子。光绪七年，袭。

**科尔沁部：扎萨克多罗冰图郡王。**

初封洪果尔：

达尔汉亲王满珠习礼叔父。崇德元年，封扎萨克多罗冰图郡王，诏世袭罔替。六年，卒。

一次袭额森：

洪果尔长子。顺治三年，袭扎萨克多罗冰图郡王。康熙四年，卒。

二次袭额济音：

额森长子。康熙五年，袭扎萨克多罗冰图郡王。三十五年，卒。

三次袭达达布：

额济音长子。康熙三十五年，袭扎萨克多罗冰图郡王。四十六年，卒。

四次袭宜什班第：

达尔布长子。康熙四十六年，袭扎萨克多罗冰图郡王。乾隆十二年，卒。

五次袭喇特纳札木素：

宜什班第长子。乾隆十二年，袭扎萨克多罗冰图郡王。四十一年，卒。

六次袭桑对扎布：

喇特纳扎木素长子。乾隆四十一年，袭扎萨克多罗冰图郡王。四十七年，卒。

七次袭罗卜藏占散：

桑对扎布长子。乾隆四十七年，袭扎萨克多罗冰图郡王。嘉庆十九年，卒。

八次袭林沁扎勒参：

罗卜藏占散孙。嘉庆十九年，袭。

九次袭錫里巴咱尔：

林沁扎勒参子。咸丰八年，袭。

十次袭敏鲁普扎布：

錫里巴咱尔子。光绪三年，袭。三十年正月，卒。

十一次袭棍楚克苏隆：

敏鲁普扎布子。光绪三十年，袭。

科尔沁部：扎萨克博多勒噶台亲王。

初封栋果尔：

冰图郡王洪果尔从子。崇德元年，封旗国公。八年，卒。顺治五年，追封多罗贝勒。

一次袭彰吉伦：

栋果尔长子。顺治五年，袭多罗贝勒。七年，晋扎萨克多罗郡王，诏世袭罔替。康熙三年，卒。

二次袭布达礼：

彰吉伦长子。康熙三年，袭扎萨克多罗郡王。二十三年，卒。

三次袭扎噶尔：

布达礼长子。康熙二十三年，袭扎萨克多罗郡王。二十

四年，卒。

四次袭岱布：

扎噶尔长子。康熙二十四年，袭扎萨克多罗郡王。四十九年，卒。

五次袭阿喇布坦：

岱布长子。康熙四十九年，袭扎萨克多罗郡王。五十五年，卒。

六次袭罗卜藏喇什：

岱布次子。康熙五十五年，袭扎萨克多罗郡王。乾隆三年，卒。

七次袭齐默特多尔济：

罗卜藏喇什长子。乾隆三年，袭扎萨克多罗郡王。四十七年，卒。

八次袭巴勒珠尔：

罗卜藏喇什次子。乾隆四十七年，袭扎萨克多罗郡王。四十八年，卒。

九次袭索特纳木多布斋：

巴勒珠尔长子。乾隆四十八年，袭扎萨克多罗郡王。道光五年，卒。

十次袭僧格林沁：

索特纳木多布斋嗣子。道光五年，袭。咸丰四年，晋亲王，赐博多勒噶台号。五年，世袭罔替。十年八月，革；九月，复郡王。十一年，复亲王。同治二年，仍诏世袭罔替。四年四月，阵亡。

十一次袭伯彦讷謨帖：

僧格林沁子。同治四年，袭。光緒十七年十月，卒。

十二次袭阿穆尔灵圭：

伯彦讷謨祜孙。光緒十七年，袭。

**科尔沁部：**辅国公。

初封色布腾多尔济：

郡王阿喇布坦长子。乾隆三年，封固山貝子。八年，卒。

一次袭索诺木色棱：

色布腾多尔济长子。乾隆八年，降袭鎮国公。三十六年，卒。

二次袭纳逊巴图：

索诺木色棱长子。乾隆三十六年，降袭辅国公。嘉庆十二年，卒。奉旨：“纳逊巴图所出辅国公之爵，既非因軍績所得，著毋庸承袭”。

**科尔沁部：**扎萨克鎮国公。

初封喇嘛什希：

土谢图汗奥巴从弟。崇德元年，封扎萨克鎮国公，诏世袭罔替。順治四年，卒。

一次袭色棱：

喇嘛什希长子。順治五年，袭扎萨克鎮国公。十八年，卒。

二次袭都什轄尔：

色棱长子。順治十八年，袭扎萨克鎮国公。康熙三十六年，卒。

三次袭图努玛勒：

都什轄尔长子。康熙三十六年，袭扎萨克鎮国公。雍正三年，卒。

**四次袭喇嘛扎布：**

图努玛勒长子。雍正三年，袭扎萨克镇国公。乾隆十九年，卒。

**五次袭布延德勒格尔：**

喇嘛扎布第三子。乾隆十九年，袭扎萨克镇国公。二十年，以罪削。

**六次袭敏珠尔多尔济：**

布延德勒格尔从子。乾隆二十年，袭扎萨克镇国公。三十三年，卒。

**七次袭萨木丕勒扎木素**

敏珠尔多尔济长子。乾隆三十三年，袭扎萨克镇国公。嘉庆七年，卒。

**八次袭色旺多尔济：**

萨木丕勒扎木素长子。嘉庆七年，袭扎萨克镇国公。道光十三年，革去扎萨克。命伊子多布沁旺丹袭扎萨克。十四年，卒。

**九次袭多布沁旺丹：**

色旺多尔济之子。道光十四年，袭。二十年，卒。

**十次袭乌勒济济尔噶勒：**

多布沁旺丹弟。道光二十年，袭。

**十一次袭特古斯毕里克图：**

乌勒济济尔噶勒子。同治十一年，袭。光绪十四年二月，卒。

**十二次袭喇什敏珠尔：**

光绪十五年，袭。

**科尔沁部：多罗貝勒。**

初封伯彦訥謨帖：

僧格林沁子。咸丰五年，封辅国公。同治三年，晋貝勒。四年，袭亲王。

一次袭那尔苏：

伯彦訥謨帖子。同治四年，袭貝勒。光緒十六年，卒。

二次袭阿穆尔灵圭：

光緒十六年，袭。十七年十一月，改袭博多爾噶台亲王。

三次袭温都苏：

光緒十七年十一月，袭。十九年，卒。

四次袭阿勒坦鄂齐尔：

温都苏子。十九年，袭。

**科尔沁部：辅国公。**

初封朗布林沁：

僧格林沁兄。咸丰五年，封辅国公。

一次袭布彦图固鲁克齐：

朗布林沁子。咸丰八年，袭。

二次袭布彦巴哩克齐：

布彦图固鲁克齐兄。同治十年，袭。光緒十年，卒。

三次袭博迪苏

**科尔沁部：辅国公。**

初封温都苏：

僧格林沁次孙。同治四年，封辅国公。光緒十七年，袭多罗貝勒。

一次袭那逊巴达尔呼：

二次袭那逊阿尔毕吉呼：

光緒二十六年五月，袭。

**扎赛特部：**扎萨克多罗貝勒。

初封蒙袞：

元太祖弟哈巴图哈萨尔之裔。天命九年，賜达尔汉和硕齐号。崇德八年，卒。順治五年，追封固山貝子，诏世袭罔替。

一次袭色梭：

蒙袞长子。順治五年，袭固山貝子，領扎萨克。康熙三年，卒。

二次袭毕里克：

色梭长子。康熙三年，袭扎萨克固山貝子。十六年，卒。

三次袭纳逊：

毕里克长子。康熙十七年，袭扎萨克固山貝子。四十二年，卒。

四次袭特古斯：

纳逊长子。康熙四十二年，袭扎萨克固山貝子。雍正十年，晋多罗貝勒。乾隆五年，卒。

五次袭乌察喇勒图：

特古斯长子。乾隆五年，袭扎萨克多罗貝勒。二十一年，卒。

六次袭罗卜藏錫拉布：

乌察喇勒图长子。乾隆二十一年，袭扎萨克多罗貝勒。三十八年，卒。

七次袭阿穆祜朗

罗卜藏錫拉布长子。乾隆三十八年，袭扎萨克多罗貝勒。四十九年，诏世袭罔替。五十一年，卒。

八次袭玛什巴图：

阿穆祜朗长子。乾隆五十一年，袭扎萨克多罗貝勒。道光十四年，卒。无子，以族弟拉木棍布扎布承祀。

九次袭拉木棍布扎布：

玛什巴图之族弟。道光十四年袭。咸丰五年，赐王衔。十一年，晋郡王，袭三世。

十次袭阿勒坦鄂绰尔：

拉木棍布扎布子。咸丰十一年，袭。

十一次袭旺喇克帕勒齐：

阿勒坦鄂绰尔子。同治十一年，袭。光绪三十一年，卒。

十二次袭巴特玛喇布坦：

旺喇克帕勒齐嗣子。光绪三十三年，袭。

**杜尔伯特部：**扎萨克固山貝子。

初封色梭：

元太祖弟哈巴图哈萨尔之裔。崇德元年，封辅国公。顺治五年，晋扎萨克固山貝子，诏世袭罔替。康熙八年，卒。

一次袭诺尔布：

色梭长子。康熙九年，袭扎萨克固山貝子。十年，卒。

二次袭沙津：

诺尔布从孙。康熙十年，袭扎萨克固山貝子。五十八年，卒。

三次袭巴图：

沙津长子。康熙五十八年，袭扎萨克固山贝子。雍正七年，卒。

四次袭班珠尔：

巴图长子。雍正七年，袭扎萨克固山贝子。乾隆四年，卒。

五次袭色布腾栋罗布：

班珠尔长子。乾隆四年，袭扎萨克固山贝子。八年，卒。

六次袭丹珠尔：

巴图次子。乾隆九年，袭扎萨克固山贝子。十九年，卒。

七次袭纳木扎勒多尔济：

丹珠尔嗣子。乾隆十九年，袭扎萨克固山贝子。二十四年，卒。

八次袭罗布彰：

纳木扎勒多尔济叔父。乾隆二十四年，袭扎萨克固山贝子。三十年，卒。

九次袭博第：

罗布彰弟。乾隆三十年，袭扎萨克固山贝子。五十五年，卒。

十次袭赛音毕里克：

博第长子。乾隆五十五年，袭扎萨克固山贝子。五十七年，卒。

十一次袭喇特纳巴拉：

賽音畢里克长子。乾隆五十七年，袭扎萨克固山貝子。  
嘉庆十五年，卒。

十二次袭鄂绰尔琥雅克图：

喇特纳巴拉弟。嘉庆十五年，袭扎萨克固山貝子。

十三次袭賈噶绰克坦：

鄂绰尔琥雅克图子。道光二十七年，袭。

十四次袭格里克巴勒珠尔：

賈噶绰克坦子。同治九年，袭。

十五次袭喇什瑚苏克：

格里克巴勒珠尔子。同治十年，袭。光緒二十三年，  
卒。

十六次袭什噶布劳丕勒：

光緒二十六年袭。

**鄂尔罗斯部**：镇国公。

初封布木巴：

元太祖弟哈巴图哈萨尔之裔。順治五年，封扎萨克镇国  
公，诏世袭罔替。十一年，卒。

一次袭扎尔布：

布木巴长子。順治十一年，袭扎萨克镇国 公。康熙四  
年，卒。

二次袭安达什哩：

扎尔布长子。康熙四年，袭扎萨克镇国 公。四十一年，  
卒。

三次袭巴图：

安达什哩长子。康熙四十二年，袭扎萨克镇国 公。乾隆

五年，卒。

四次袭多尔济：

巴图长子。乾隆五年，袭扎萨克镇国公。二十年，卒。

五次袭索诺木扎木素：

多尔济长子。乾隆二十年，袭扎萨克镇国公。二十四年，卒。

六次袭錫喇博第：

索诺木扎木素长子。乾隆二十四年，袭扎萨克镇国公。四十二年，卒。

七次袭固噜扎布：

錫喇博第长子。乾隆四十二年，袭扎萨克镇国公。道光九年，卒。

八次袭楊赞巴拉：

固噜扎布子。道光九年，袭。

九次袭噶尔玛什迪：

楊赞巴拉次孙。同治二年，袭。光緒九年，緣事削扎萨克。二十六年，卒。

十次袭达木林扎布：

噶尔玛什迪子。光緒二十八年，袭。

**郭尔罗斯部：扎萨克一等台吉。**

初封毕里袞鄂齐尔：

镇国公布木巴从孙。康熙三十五年，授一等台吉。四十七年，授扎萨克。五十三年，卒。

一次袭察袞

毕里袞鄂齐尔次子。康熙五十三年，袭扎萨克一等台

吉。乾隆十一年，以病罢。

二次袭都噶尔扎布：

察袞第四子。乾隆十一年，袭扎萨克一等台吉。十九年，以溺职削。

三次袭阿喇布坦：

都噶尔扎布从弟。乾隆二十年，袭扎萨克一等台吉。六十年，卒。

鄂尔罗斯部：扎萨克辅国公。

初封固穆：

扎萨克台吉毕里袞鄂齐尔从祖。崇德元年，封扎萨克辅国公，诏世袭罔替。八年，卒。

一次袭桑噶尔齐：

固穆弟。顺治五年，袭扎萨克辅国公。七年，卒。

二次袭昂哈：

固穆长子。顺治七年，袭扎萨克辅国公。康熙十八年，卒。

三次袭莽塞：

昂哈长子。康熙十八年，袭扎萨克辅国公。二十六年，以罪削扎萨克，留公爵。五十八年，卒。

四次袭诺尔布：

莽塞长子。康熙五十八年，袭辅国公。雍正五年，卒。

五次袭策旺扎布：

诺尔布长子。雍正五年，袭辅国公。十年，卒。

六次袭额勒登额：

策旺扎布长子。雍正十年，袭辅国公。乾隆二十二年，

卒。

七次袭恭格喇布坦：

额勒登额长子。乾隆二十二年，袭辅国公。六十年，袭扎萨克。嘉庆三年，卒。

八次袭绰克温都尔恩克巴拜：

恭格喇布坦长子。嘉庆三年，袭扎萨克辅国公。十三年，卒。

九次袭恩克托克托琥：

绰克温都尔恩克巴拜弟。嘉庆十三年，袭扎萨克辅国公。道光二年，卒。

十次袭阿勒坦鄂齐尔：

恩克托克托琥长子。道光二年，袭。

十一次袭图普乌勒济图：

阿勒坦鄂齐尔子。同治九年，袭。光绪二十三年，卒。

十二次袭齐莫特散帔勒：

图普乌勒济图孙。光绪二十三年十一月，袭。

**郭尔罗斯部**：扎萨克一等台吉。

初封巴雅斯呼朗：

镇国公噶尔玛什迪同族。光绪九年，授扎萨克一等台吉。

一次袭勒苏隆扎布：

巴雅斯呼朗子。光绪二十年，袭。

二次袭布彦楚克：

勒苏隆扎布子。光绪三十一年，袭。

**喀喇沁部**：扎萨克王品级多罗杜棱郡王。

初封固噜思奇布：

元臣济拉玛之裔。初为喀喇沁塔布囊。天聪九年，授扎萨克。崇德元年，封固山贝子，赐多罗杜棱号。顺治七年，晋多罗杜棱贝勒，诏世袭罔替。十五年，卒。

一次袭图巴色棱：

固噜思奇布长子。顺治十五年，袭扎萨克多罗杜棱贝勒。康熙三年，卒。

二次袭班达尔沙：

固噜思奇布第三子。康熙三年，袭扎萨克多罗杜棱贝勒。七年，晋多罗杜棱郡王。十年，卒。

三次袭扎什：

固噜思奇布次子。康熙十一年，袭扎萨克多罗杜棱郡王。四十三年，卒。

四次袭噶勒藏

扎什次子。康熙四十三年，袭扎萨克多罗杜棱郡王。五十年，以罪削。

五次袭色棱

扎什第三子。康熙五十年，袭扎萨克多罗杜棱郡王。五十六年，卒。

六次袭伊达木扎布：

色棱次子。康熙五十六年，袭扎萨克多罗杜棱郡王。乾隆四年，卒。

七次袭喇特纳锡第：

伊达木扎布长子。乾隆四年，袭扎萨克多罗杜棱郡王。四十八年，赐亲王品级。五十二年，卒。

八次袭端珠布色布腾：

喇特纳锡第长子。乾隆五十二年二月，袭扎萨克多罗杜棱郡王。八月，卒。

九次袭满珠巴咱尔：

端珠布色布腾长子。乾隆五十二年，袭扎萨克多罗杜棱郡王。五十三年，赐亲王品级。道光八年，卒。

十次袭布呢雅巴拉：

满珠巴咱尔子。道光八年，袭。十六年，卒。

十一次袭色伯克多尔济

布呢雅巴拉子。道光十六年，袭。

十二次袭旺都特那木济勒：

色伯克多尔济子。同治七年，袭。光绪二十四年三月，卒。

十三次袭贡桑诺尔布：

旺都特那木济勒子。光绪二十四年，袭。

**喀喇沁部：辅国公。**

初封敏珠尔喇布坦：

原袭杜棱郡王噶勒藏次子。乾隆八年，封辅国公。二十四年，晋固山贝子。二十五年，卒。

一次袭丹津达尔扎：

敏珠尔喇布坦长子。乾隆二十五年，降袭镇国公。五十八年，卒。

二次袭永康尔忠：

丹津达尔扎长子。乾隆五十八年，降袭辅国公。道光五年，卒。

三次袭拉旺立克森：

永庫尔忠子。道光五年，袭。

**喀喇沁部：**辅国公。

初封罗卜藏车布登：

杜棱郡王色棱长子。雍正九年，封辅国公。乾隆九年，卒。

一次袭阿喇布坦：

罗卜藏车布登长子。乾隆九年，袭辅国公。二十年，卒。

二次袭拉扎布：

阿喇布坦长子。乾隆二十年，袭辅国公。四十九年，诏世袭罔替。嘉庆二年，卒。

三次袭玛哈达尔玛：

拉扎布长子。嘉庆二年，袭辅国公。十八年，卒。

四次袭布呢雅什哩：

玛哈达尔玛子。嘉庆十八年，袭。二十年，卒。

五次袭班咱什哩：

布呢雅什哩胞弟。嘉庆二十年，袭。

六次袭维噜普仲奈：

班咱什哩子。咸丰三年，袭。光绪八年，卒。

七次袭林沁多尔济：

维噜普仲奈子。光绪八年，袭。

八次袭特木逊朗扎布：

宣统元年，袭。

**喀喇沁部：**扎萨克多罗貝子。

初封色棱：

杜棱貝勒固魯思奇布族祖。初为喀喇沁塔布囊。天聪九年，授扎萨克。顺治五年，封镇国公，诏世袭罔替。十四年，卒。

一次袭奇塔特：

色棱长子。顺治十四年，袭扎萨克镇国公。康熙五年，卒。

二次袭乌特巴拉：

奇塔特长子。康熙六年，袭扎萨克镇国公。三十年，卒。

三次袭善巴喇什：

奇塔特次子。康熙三十年，袭扎萨克镇国公。五十五年，晋固山貝子。五十六年，卒。

四次袭僧袞扎布：

善巴喇什次子。康熙五十六年，袭扎萨克固山貝子。雍正九年，晋多罗貝勒。乾隆七年，卒。

五次袭瑚图灵阿：

僧袞扎布长子。乾隆七年，袭扎萨克固山貝子。十四年，以旷职降镇国公。二十年，诏复貝子。四十四年，卒。

六次袭济克济特扎布：

瑚图灵阿长子。乾隆四十四年，袭扎萨克镇国公。四十五年，以罪削。

七次袭扎拉丰阿：

僧袞扎布次子。乾隆七年，封辅国公。十四年，晋固山貝子。二十年，晋多罗郡王。二十一年，以罪削。是年，复

由公品級封貝子，尋降輔國公。三十年，復封貝子。四十四年，晉多羅貝勒。四十五年兼襲扎薩克鎮國公。四十八年，晉多羅郡王。尋卒。

八次襲丹巴多爾濟：

扎拉丰阿長子。乾隆四十八年，襲扎薩克固山貝子。五十六年八月，因罪革，以濟克濟特扎布之子喇特納吉爾第為扎薩克一等塔布囊。九月，奉恩旨賞丹巴多爾濟公銜，在乾清門行走。嘉慶十八年，卒。

九次襲托恩多：

丹巴多爾濟之子。嘉慶十八年，襲。道光十年，卒。

十次襲德木齋扎布：

托恩多之子。道光十二年，襲。

十一次襲熙凌阿：

德木齋扎布之子。光緒二年，襲。二十三年十二月，復襲扎薩克。

**喀喇沁部：**扎薩克一等塔布囊。

初封格噶爾：

杜梭貝勒固噶思奇布從孫。初襲其父茂秀一等塔布囊。康熙四十四年，授扎薩克。五十八年，卒。

一次襲喀寧阿：

格噶爾從子。康熙五十九年，襲扎薩克一等塔布囊。乾隆五年，卒。

二次襲齊齊克：

喀寧阿長子。乾隆五年，襲扎薩克一等塔布囊。十九年，賜公品級。三十九年，卒。

三次袭玛哈巴拉：

齐齐克长子。乾隆四十年，袭公品级扎萨克一等塔布囊。四十九年，诏世袭扎萨克罔替。五十三年，封辅国公。道光九年，赏给贝子衔。十七年，赏给贝勒衔。二十四年，卒。

四次袭德勒格尔：

玛哈巴拉之长孙。道光二十四年，袭扎萨克一等塔布囊。

五次袭阿育尔扎那：

德勒格尔子。同治八年，袭。光绪十七年，卒。

六次袭汉噜扎布：

光绪十七年，袭。

**喀喇沁部：**辅国公。

初封丹巴：

扎萨克塔布囊格呀勒从叔父。雍正九年，从征准噶尔，力战卒。追封辅国公，诏世袭罔替。

一次袭丹津：

丹巴长子。雍正十年，袭辅国公。乾隆十八年，卒。

二次袭托克托瑚：

丹津长子。乾隆十八年，袭辅国公。二十二年，卒。

三次袭温都尔瑚：

丹津第三子。乾隆二十二年，袭辅国公。

四次袭吹扎卜郎新：

温都尔瑚长子。嘉庆四年，袭辅国公。十一年，卒。

五次袭色楞多尔济：

吹扎卜郎新子。嘉庆十一年，袭辅国公。

六次袭萨纳什哩：

色楞多尔济胞弟。嘉庆二十二年，袭。

七次袭布琳：

萨纳什哩胞弟。道光元年，袭。

八次袭德哩克呢玛：

布琳族弟。道光五年，袭。

九次袭僧格扎布：

德哩克呢玛子。同治八年，袭。光绪三十四年，卒。

十次袭巴布色楞：

宣统元年，袭。

**喀喇沁部：**扎萨克一等塔布囊，今停。

初封喇特纳吉尔第：

乾隆五十六年，以削镇国公济克济特扎布之子为扎萨克一等塔布囊。

一次袭克星额：

喇特纳吉尔第子。嘉庆二十三年，袭。

二次袭布里渾巴拉：

克星额子。道光二十七年，袭。

三次袭乌凌阿：

布里渾巴拉弟。咸丰二年，袭。五年，晋镇国公。光绪十年三月，卒。

四次袭索特旺：

光绪十一年，仍袭扎萨克塔布囊。

五次袭巴特玛鄂特萨尔：

光緒二十二年，襲。二十三年，革。

**土默特部：**扎薩克多羅貝勒。

初封善巴：

元臣濟拉瑪之裔。初為土默特塔布囊。天聰九年，授扎薩克。崇德元年，封达尔汉镇国公，詔世襲罔替。順治十四年，卒。

一次襲卓哩克圖：

善巴長子。順治十四年，襲扎薩克达尔汉镇国公。康熙元年，晉多羅达尔汉貝勒。十三年，卒。

二次襲兆圖：

卓哩克圖長子。康熙十三年，襲扎薩克多羅达尔汉貝勒。十四年，卒。

三次襲額爾德木圖：

兆圖長子。康熙十四年，襲扎薩克多羅达尔汉貝勒。四十二年，卒。

四次襲瑪尼：

額爾德木圖長子。康熙四十二年，襲扎薩克多羅达尔汉貝勒。五十二年，卒。

五次襲阿喇布坦：

瑪尼長子。康熙五十二年，襲扎薩克多羅达尔汉貝勒。乾隆四年，卒。

六次襲索諾木巴勒珠爾：

阿喇布坦孫。乾隆五年，襲扎薩克多羅达尔汉貝勒。嘉慶十五年，卒。

七次襲賈楚克巴勒桑：

索诺木巴勒珠尔次子。嘉庆十五年，袭扎萨克多罗达尔汉貝勒。二十一年，卒。

八次袭济克默特扎布：

賁楚克巴勒桑子。嘉庆二十一年，袭。道光十三年，卒。

九次袭那逊鄂勒哲依：

济克默特扎布之子。道光十三年，袭。

十次袭散巴勒诺尔赞：

那逊鄂勒哲依子。同治元年，袭。九年，緣事削扎萨克。光緒十三年十二月，卒。同治九年，以散巴勒诺尔赞弟哈斯塔玛噶袭扎萨克一等塔布囊。光緒六年，卒。

十一次袭色凌那木济勒旺保：

散巴勒诺尔赞子。光緒十一年，袭扎萨克一等塔布囊。十四年九月，袭貝勒。

**土默特部：**喀尔喀多罗貝勒。

初封巴勒布冰图：

元太祖裔。初为喀尔喀台吉。康熙元年，米归，附土默特。四年，封多罗貝勒。七年，卒。

一次袭索诺木：

巴勒布冰图次子。康熙七年，袭多罗貝勒。三十一年，以病罢。

二次袭罗卜藏丹巴：

索诺木第三子。康熙三十一年，袭多罗貝勒。六十一年，卒。

三次袭班第璘沁：

罗卜藏丹巴第三子。康熙六十一年，袭多罗貝勒。乾隆二十二年，卒。

四次袭衮布多尔济：

班第璘沁次子。乾隆二十二年，袭多罗貝勒。嘉庆五年，卒。

五次袭达什布木济那：

衮布多尔济长子。嘉庆五年，袭多罗貝勒。十一年，卒。

六次袭伊什拉克巴：

达什布木济那长子。嘉庆十一年，袭多罗貝勒。道光十年，卒。

七次袭旺楚克拉布坦：

伊什拉克巴子。道光十年，袭。

八次袭布彦巴达尔呼：

旺楚克拉布坦弟。咸丰二年，袭。

九次袭貢桑珠尔莫特：

布彦巴达尔呼子。同治五年，袭。光緒二十八年，卒。

十次袭达克丹彭苏克：

光緒二十九年，袭。

**土默特部：扎萨克固山貝子。**

初封固穆：

元太祖裔。順治五年，封扎萨克镇国公。康熙二年，晋固山貝子，诏世袭罔替。十三年，卒。

一次袭衮济斯扎布：

固穆第四子。康熙十三年，袭扎萨克固山貝子。三十一

年，以罪削。

二次袭拉斯扎布：

固穆第三子。康熙三十一年，袭扎萨克固山贝子。十七年，卒。

三次袭班第：

拉斯扎布长子。康熙三十七年，袭扎萨克固山贝子。四十八年，卒。

四次袭哈穆噶巴雅斯呼朗图：

班第长子。康熙四十九年，袭扎萨克固山贝子。乾隆三十六年，卒。

五次袭垂札布：

哈穆噶巴雅斯呼朗图长子。乾隆三十六年，袭扎萨克固山贝子。三十九年，卒。

六次袭色布腾栋罗布：

垂札布次子。乾隆三十九年，袭扎萨克固山贝子。五十年，卒。

七次袭色布腾喇什：

垂札布第三子。乾隆五十年，袭扎萨克固山贝子。五十七年，以罪削。

八次袭朋素克磷亲：

色布腾喇什叔父。乾隆五十七年，袭扎萨克固山贝子。嘉庆四年，以罪削。

九次袭玛呢巴达喇：

朋素克磷亲第四子。嘉庆四年，袭扎萨克固山贝子。道光七年，赏给郡王品级。十二年，卒。

十次袭德勒克色楞：

玛呢巴达喇之子。道光十三年，袭。

十一次袭索特那木色登：

德勒克色楞子。咸丰七年，袭。

十二次袭棍布扎布：

索特那木色登子。光绪六年，袭。

**敖汉部：**扎萨克多罗郡王。

初封班第：

元太祖裔。崇德元年，封扎萨克多罗郡王，诏世袭罔替。

顺治四年，卒。

一次袭墨尔根巴图鲁温布：

班第长子。顺治四年，袭扎萨克多罗郡王。康熙十年，卒。

二次袭扎木素：

墨尔根巴图鲁温布长子。康熙十一年，袭扎萨克多罗郡王。四十七年，卒。

三次袭垂木丕勒：

扎木素长子。康熙四十七年，袭扎萨克多罗郡王。乾隆十五年，卒。

四次袭垂济喇什：

垂木丕勒长子。乾隆十五年，袭扎萨克多罗郡王。三十三年，卒。

五次袭巴特玛喇什：

垂济喇什长子。乾隆三十三年，袭扎萨克多罗郡王。三十八年，卒。

六次袭巴勒丹：

巴特玛喇什长子。乾隆三十八年，袭扎萨克多罗郡王。四十七年，卒。

七次袭德亲：

巴勒丹长子。乾隆四十八年，袭扎萨克多罗郡王。嘉庆五年，以罪削扎萨克。十年，卒。

八次袭德济特：

德亲长子。嘉庆十五年，袭多罗郡王。十四年，仍授扎萨克。十七年，卒。

九次袭达尔玛吉尔底：

德济特无子，伊承祀近支之弟达尔玛吉尔底。嘉庆十八年，袭扎萨克多罗郡王。

十次袭达旺多克丹：

达尔玛吉尔底子。道光二十九年，袭。

十一次袭色丹诺尔多克：

达旺多克丹子。同治十二年，袭。

十二次袭达木林达尔达克：

色丹诺尔多克子。光绪五年，袭。二十四年，革扎萨克。二十七年十一月，卒。

十三次袭勒恩扎勒诺尔赞：

光绪二十四年十一月，袭扎萨克。二十八年，袭郡王。三十一年正月，被护卫砍死。

**敖汉部：**扎萨克多罗郡王。

初封索诺木杜陵：

郡王班第伯父。顺治五年，追封多罗郡王。

一次袭玛济克：

索诺木杜棱长子。顺治五年，袭多罗郡王。康熙五年，以罪削。

二次袭布达：

索诺木杜棱次子。康熙五年，袭多罗郡王。十三年，卒。

三次袭萨木丕勒：

布达长子。康熙十三年，袭多罗郡王。二十八年，卒。

四次袭阿敏达赉：

萨木丕勒长子。康熙二十八年，袭多罗郡王。二十九年，卒。

五次袭额色蒙克：

萨木丕勒次子。康熙二十九年，袭多罗郡王。三十年，卒。

六次袭达什达尔扎：

萨木丕勒第三子。康熙三十年，袭多罗郡王。四十三年，卒。

七次袭瓦勒达：

达什达尔扎从弟。康熙四十三年，袭多罗郡王。四十四年，卒。

八次袭鄂勒斋图：

瓦勒达从弟。康熙四十四年，袭多罗郡王。乾隆十三年，卒。

九次袭喇什喇布坦：

鄂勒斋图长子。乾隆十三年，袭多罗郡王。四十四年，

卒。

十次袭齐默特噜瓦：

喇什喇布坦长子。乾隆四十四年，袭多罗郡王。嘉庆九年，卒。

十一次袭甘萨巴拉：

齐默特噜瓦次子。嘉庆十年，袭多罗郡王。道光二十三年，卒。

十二次袭布彦德勒格时固噜克齐：

甘萨巴拉子。道光二十三年，袭。

十三次袭察克达尔扎布：

布彦德勒格时固噜克齐嗣子。同治九年，袭。光绪三十二年正月，卒。

十四次袭色凌端鲁布：

察克达尔扎布子。光绪三十二年，袭。宣统二年，授扎萨克，分置右旗。

**敖汉部：**固山贝子。

初封罗卜藏：

郡王墨尔根巴图鲁温布孙。雍正七年，封辅国公。十年，袭固山贝子。乾隆八年，晋多罗贝勒。十七年，卒。

一次袭垂济扎勒：

罗卜藏长子。乾隆十八年，降袭固山贝子。四十六年，卒。

二次袭德威多尔济：

垂济扎勒长子。乾隆四十七年，袭固山贝子。四十九年，诏世袭罔替。嘉庆十六年，卒。

三次袭诺尔布桑：

德威多尔济长子。嘉庆十六年，袭固山貝子。

四次袭达克沁：

诺尔布桑子。道光二十七年，袭。光緒十七年，遇害。

五次袭德色来都布：

光緒十八年，袭。

**敖汉部：**公品级。

初封桑济扎勒：

貝勒罗卜藏第三子。乾隆十八年，封辅国公。四十八年，晋固山貝子。五十九年，卒。

一次袭济克济扎布：

桑济扎勒长子。乾隆五十九年，降袭公品级。

二次袭多特奇旺丹：

济克济扎布长子。嘉庆十年，降袭二等台吉。

**敖汉部：**镇国公。

初封罗卜藏錫喇布：郡王鄂勒斋图第三子。初授二等台吉。乾隆十九年，赐公品级。二十四年，封辅国公。三十三年，晋镇国公。四十年，晋固山貝子。四十六年，卒。

一次袭纳木扎勒多尔济：罗卜藏錫喇布长子。乾隆四十六年，降袭镇国公。道光九年，卒。

二次袭乌尔古扎布：纳木扎勒多尔济长子。道光九年，袭辅国公。

**奈曼部：**扎萨克多罗达尔汉郡王。

初封袭楚克：元太祖裔。崇德元年，封扎萨克多罗达尔汉郡王，诏世袭罔替。順治十年，卒。

一次袭阿罕：袭楚克次子。顺治十年，袭扎萨克多罗达尔汉郡王。十六年，以罪削。

二次袭扎木三：袭楚克第三子。顺治十七年，袭扎萨克多罗达尔汉郡王。康熙十四年，以叛削。

三次袭鄂齐尔：袭楚克孙。初授一等台吉。康熙十四年，袭扎萨克多罗达尔汉郡王。二十六年，卒。

四次袭班第：鄂齐尔第六子。康熙二十七年，袭扎萨克多罗达尔汉郡王。四十六年，卒。

五次袭吹忠：班第长子。康熙四十六年，袭扎萨克多罗达尔汉郡王。五十九年，以罪削。

六次袭阿咱拉：班第第三子。康熙五十九年，袭扎萨克多罗达尔汉郡王。乾隆二十二年，卒。

七次袭拉旺喇布坦：阿咱拉长子。乾隆二十二年，袭扎萨克多罗达尔汉郡王。四十九年，诏世袭罔替。嘉庆八年，卒。

八次袭巴勒楚克：拉旺喇布坦次子。嘉庆八年，袭扎萨克多罗达尔汉郡王。十四年，卒。

九次袭阿完都洼底扎布：巴勒楚克子。嘉庆二十四年，袭。

十次袭德木楚克扎布：阿完都洼底扎布子。道光二十八年，袭。同治四年，追赐亲王衔。

十一次袭萨噶拉：德木楚克扎布嗣子。同治五年，袭。

十二次袭玛什巴图尔：萨噶拉子。同治八年，。光緒三十一年九月，卒。

十三次袭苏珠克图巴图尔：玛什巴图尔子。光緒三十一年，袭。

**巴林部**：扎萨克多罗郡王，亲王品級。

初封色布腾：元太祖裔。顺治五年，封扎萨克辅国公。七年，晋多罗郡王，诏世袭罔替。康熙六年，卒。

一次袭鄂齐尔：色布腾次子。康熙七年，袭扎萨克多罗郡王。二十二年，卒。

二次袭纳木达克：鄂齐尔长子。康熙二十三年，袭扎萨克多罗郡王。四十二年，卒。

三次袭。乌尔袞：鄂齐尔次子。康熙四十三年，袭扎萨克多罗郡王。六十年，卒。

四次袭璘布：乌尔袞长子。康熙六十一年，袭扎萨克多罗郡王。雍正八年，以罪削。

五次袭桑哩达：鄂齐尔第三子。初授二等台吉。雍正三年，以军功封辅国公。八年，袭扎萨克多罗郡王。乾隆十三年，卒。

六次袭璘沁：桑哩达长子。乾隆八年，封辅国公。十三年，袭扎萨克多罗郡王。十九年，赐亲王品级。二十年，卒。

七次袭巴图：璘沁次子。乾隆二十一年，袭扎萨克多罗郡王。四十八年，赐亲王品级。嘉庆四年，卒。

八次袭索勒纳木多尔济：巴图长子。嘉庆四年，袭扎萨克多罗郡王。十四年，赐亲王品级。道光七年，卒。

九次袭那木济勒旺楚克：索勒纳木多尔济之孙。道光七年，袭。

十次袭额勒莫斯巴咱尔：那木济勒旺楚克子。同治九年，袭。

十一次袭额勒奇木巴雅尔：额勒莫斯巴咱尔兄。同治十三年，袭。光绪十六年，卒。

十二次袭扎噶尔：额勒奇木巴雅尔子。光緒十七年，薨。

**巴林部**：辅国公。

初封德勒克：郡王璘沁长子。乾隆二十一年，封辅国公。四十八年，晋固山贝子。五十九年，卒。

一次袭赛尙阿：德勒克嗣子。乾隆五十九年，诏袭辅国公。

二次袭丰伸泰：赛尙阿长子。嘉庆三年，降袭一等台吉。

**巴林部**：扎萨克固山贝子。

初封满珠习礼：郡王色布腾从弟。順治五年，封扎萨克固山贝子，诏世袭罔替。康熙十一年，卒。

一次袭乌尔占：满珠习礼长子。康熙十二年，袭扎萨克固山贝子。四十五年，卒。

二次袭鄂齐尔桑：乌尔占长子。康熙四十五年，袭扎萨克固山贝子。五十八年，卒。

三次袭巴特玛：鄂齐尔桑长子。康熙五十八年，袭扎萨克固山贝子。乾隆三年，卒。

四次袭诺捫额尔赫图：巴特玛长子。乾隆三年，袭扎萨克固山贝子。八年，卒。

五次袭达色：诺捫额尔赫图弟。乾隆八年，袭扎萨克固山贝子。十二年，卒。

六次袭萨木丕勒多尔济：达色长子。乾隆十二年，袭扎萨克固山贝子。五十三年，卒。

七次袭多尔济帕拉木：萨木丕勒多尔济长子。乾隆五十四年，袭扎萨克固山贝子。道光十年，卒。

八次袭噶尔玛什底：多尔济帕拉木长子。道光十年，袭扎萨克固山贝子。十八年，卒。

九次袭多尔济萨木鲁布：噶尔玛什底之弟。道光十八年，袭。

十次袭毕齐那逊：多尔济萨木鲁布嗣子。咸丰七年，袭。

十一次袭堆英固尔扎布：毕齐那逊嗣子。咸丰七年，袭。光緒二十九年，卒。

十二次袭邑丹那木扎勒旺保：光緒二十九年，袭。

**巴林部**：固山貝子。

初封色棱：貝子滿珠习礼从弟。順治五年，追封固山貝子，诏世袭罔替。

一次袭温春：色棱长子。順治五年，袭固山貝子。康熙二十七年，卒。

二次袭额尔德尼：温春长子。康熙二十八年，袭固山貝子。五十年，卒。

三次袭扎什纳木塔勒：额尔德尼长子。康熙五十年，袭固山貝子。乾隆十二年，卒。

四次袭策麟敦多克：扎什纳木塔勒长子。乾隆十二年，袭固山貝子。十七年，卒。

五次袭多尔济喇布坦：策麟敦多克长子。乾隆十七年，袭固山貝子。嘉庆二年，卒。

六次袭阿勒坦桑：多尔济喇布坦子。嘉庆二年，袭固山貝子。道光二年，卒。

七次袭索哩雅：阿勒坦桑子。道光二年，袭。

八次袭色旺诺尔布：索哩雅子。光緒元年，袭。

九次袭萨旺喇普坦：色旺诺尔布子。光緒七年，袭。

**扎噜特部**：扎萨克多罗貝勒。

初封内齐：元太祖裔。順治五年，追封多罗貝勒，诏世袭罔替。

一次袭尙嘉布：内齐长子。順治五年，袭多罗貝勒，领扎萨克。十年，卒。

二次袭奇塔特：尙嘉布长子。順治十年，袭扎萨克多罗貝勒。十三年，卒。

三次袭扎木布：奇塔特长子。順治十三年，袭扎萨克多罗貝勒。康熙二十九年，卒。

四次袭毕噜瓦：扎木布长子。康熙二十九年，袭扎萨克多罗貝勒。雍正十二年，卒。

五次袭索诺木：毕噜瓦长子。雍正十二年，袭扎萨克多罗貝勒。乾隆二十五年，卒。

六次袭錫勒塔喇：索诺木第七子。乾隆二十五年，袭扎萨克多罗貝勒。四十三年，卒。

七次袭衮布扎布：錫勒塔喇长子。乾隆四十三年，袭扎萨克多罗貝勒。四十八年，卒。

八次袭德沁：衮布扎布长子。乾隆四十八年，袭扎萨克多罗貝勒，嘉庆二十三年，卒。

九次袭布木色楞：德沁之子。嘉庆二十三年，袭扎萨克多罗貝勒。道光二十一年，卒。无嗣，以族孙三音济尔噶勒为嗣。

十次袭三音济尔噶勒：布木色楞之嗣孙。道光二十一年，袭。

十一次袭达木林旺济勒：三音济尔噶勒弟。同治五年，袭。

十二次袭琳沁洛依鲁布：达木林旺济勒嗣子。同治八年，袭。

**扎鲁特部：**扎萨克多罗达尔汉貝勒。

初封色本：貝勒内齐从叔父。順治五年，追封多罗达尔汉貝勒，诏世袭罔替。

一次袭桑噶尔：色本次子。順治五年，袭多罗达尔汉貝勒。领扎萨克。康熙五年，卒。

二次袭班达哩：桑噶尔长子。康熙五年，袭扎萨克多罗达尔汉貝勒。二十七年，卒。

三次袭毕里克图：班达哩长子。康熙二十七年，袭扎萨克多罗达尔汉貝勒。四十七年，卒。

四次袭诺捫拉拜：毕里克图第三子。康熙四十四年，袭扎萨克多罗达尔汉貝勒。四十四年，卒。

五次袭阿第沙：诺捫拉拜长子。康熙四十七年，袭扎萨克多罗达尔汉貝勒。乾隆二十九年，以罪削扎萨克。寻卒。

六次袭固噜扎布：阿第沙次子。乾隆二十九年，袭扎萨克多罗达尔汉貝勒。三十五年，卒。

七次袭袞楚克扎布：固噜扎布次子。乾隆三十五年，袭扎萨克多罗貝勒。三十九年，卒。

八次袭噶勒桑：袞楚克扎布次子。乾隆三十九年，袭扎萨克多罗达尔汉貝勒。嘉庆七年，卒。

九次袭干珠尔扎布：噶勒桑长子。嘉庆七年，袭扎萨克多罗达尔汉貝勒。道光七年，卒。

十次袭萨达尔：干珠尔扎布之子。道光七年，袭。

十一次袭诺尔布林沁：萨达尔子。咸丰四年，袭。

十二次袭桑巴：诺尔布林沁嗣子。同治七年，袭。光緒二十六年，卒。

十三次袭多木柴：光緒二十八年，袭。

**扎噶特部：镇国公。**

初封玛尼：貝勒色本弟。順治五年，追封镇国公，诏世袭罔替。

一次袭茂奇塔特：玛尼长子。順治五年，袭镇国公。康熙三十一年，卒。

二次袭巴图：茂奇塔特次子。康熙三十一年，袭镇国。公四十七年，卒。

三次袭素哩：巴图长子。康熙四十七年，袭镇国公。雍正三年，卒。

四次袭察罕令华：素哩长子。雍正三年，袭镇国公。乾隆二十三年，卒。

五次袭纳逊额尔克图：察罕令华长子。乾隆二十三年，袭镇国公。三十七年，卒。

六次袭色梭扎布：纳逊额尔克图长子。乾隆三十七年，袭镇国公。五十九年，卒。

七次袭塔尔清：色梭扎布从弟。乾隆五十九年，袭镇国公。嘉庆四年，卒。

八次袭达尔玛巴拉：塔尔清长子。嘉庆四年，袭镇国公。十年，卒。

九次袭特固斯巴雅尔：达尔玛巴拉长子。嘉庆十年，袭镇国公。十六年，卒。

十次袭曼都巴雅尔：特固斯巴雅尔弟。嘉庆十六年，袭镇国公。

十一次袭达瓦宁保：曼都巴雅尔子。道光三十年，袭。

光緒二十一年，卒。

十二次袭鲁勒玛扎布：光緒二十二年，袭。

**扎噶特部**：公品級一等台吉。

初封朋素克：初授一等台吉。乾隆四十八年，封辅国公。五十三年，卒。

一次袭恩克多尔济：朋素克长子。乾隆五十三年，袭公品級一等台吉。

二次袭那木桑第：恩克多尔济之子。嘉庆二十四年，降袭二等台吉。

**阿噶科尔沁部**：扎萨克多罗貝勒。

初封穆彰：元太祖弟哈巴图哈萨尔之裔。順治元年，封扎萨克固山貝子。四年，卒。五年，追封多罗貝勒，诏世袭罔替。

一次袭珠勒扎干：穆彰长子。順治五年，袭扎萨克多罗貝勒。八年，晋多罗郡王。康熙十七年，卒。

二次袭色棱：珠勒扎干长子。康熙十七年，袭扎萨克多罗郡王。二十七年，以耽酒削。

三次袭楚依：珠勒扎干第三子。康熙二十七年，袭扎萨克多罗貝勒。三十年，晋多罗郡王。四十三年，卒。

四次袭穆宁：楚依长子。康熙四十三年，袭扎萨克多罗貝勒。四十六年，卒。

五次袭旺扎勒：色棱次子。康熙四十八年，袭扎萨克多罗貝勒。雍正五年，卒。

六次袭达克丹：旺扎勒长子。雍正五年，袭扎萨克多罗貝勒。隆乾五十一年，卒。

七次袭阿尔达什第：达克丹长子。乾隆五十一年，袭扎

萨克多罗貝勒。嘉庆五年，卒。

八次袭多尔济帕拉木：阿尔达什第长子。嘉庆五年，袭扎萨第多罗貝勒。二十一年，卒。

九次袭丹錦巴勒桑：多尔济帕拉木之子。嘉庆二十一年，袭扎萨克多罗貝勒。道光十一年，卒。

十次袭扎木楊旺舒克：丹錦巴勒桑之弟。道光十一年，袭。二十四年，卒。

十一次袭拉什仲鼐：扎木楊旺舒克之子。道光二十四年，袭。

十二次袭巴咱尔吉哩第：拉什仲鼐子。同治六年，袭。翁牛特部：扎萨克多罗杜棱郡王。

初封逊杜棱：元太祖弟諤楚因之裔。初为阿噜部济农。崇德元年，封扎萨克多罗杜棱郡王，诏世袭罔替。順治二年，卒。

一次袭博多和：逊杜棱孙。順治二年，袭扎萨克多罗杜棱郡王。十七年，卒。

二次袭毕里袞达賚：博多和长子。順治十八年，袭扎萨克多罗杜棱郡王。康熙三十一年，卒。

三次袭苍津：毕里袞达賚次子。康熙三十二年，袭扎萨克多罗杜棱郡王。雍正五年，以罪削。

四次袭鄂齐尔：博多和次子。初封辅国公，晋固山貝子，见貝子表。雍正五年，袭扎萨克多罗杜棱郡王。十一年，卒。

五次袭罗卜藏：鄂齐尔次子。初袭固山貝子，晋多貝勒。见貝子表。雍正十一年，袭扎萨克多罗杜棱郡王。乾隆二年，卒。

六次袭齐旺：罗卜藏长子。乾隆三年，袭扎萨克多罗杜棱郡王。寻卒。

七次袭布达扎布：齐旺长子。乾隆三年，袭扎萨克多罗杜棱郡王。四十二年，卒。

八次袭旺舒克：布达扎布长子。乾隆四十二年，袭扎萨克多罗杜棱郡王。六十年，因病罢。

九次袭包多尔济：旺舒克长子。乾隆六十年，袭扎萨克多罗杜棱郡王。嘉庆十一年，卒。

十次袭拉特那济尔迪：包多尔济子。嘉庆十一年，袭扎萨克多罗杜棱郡王。

十一次袭布尔那巴达拉：拉特那济尔迪子。咸丰八年，袭。

十二次袭赞巴勒诺尔布：布尔那巴达拉嗣子。同治元年，袭。

**翁牛特部**：辅国公。

初封鄂齐尔：康熙六十一年，封辅国公。寻晋固山贝子，后袭扎萨克郡王。见郡王表。

一次袭罗卜藏：雍正五年，袭固山贝子。十一年，晋多罗贝勒，后袭扎萨克郡王。见郡王表。

二次袭额尔德尼：鄂齐尔长子。雍正十一年，袭固山贝子。寻卒。

三次袭巴勒丹：额尔德尼长子。雍正十一年，袭固山贝子。乾隆三十七年，卒。

四次袭图捫巴颜：巴勒丹长子。乾隆三十七年，袭固山贝子。

五次袭丰伸保：图捫巴颜之子。嘉庆二十一年，降袭

镇国公。道光二十三年，卒。

六次袭克什克阿尔比吉呼：丰伸保子。道光二十三年，袭辅国公。光緒十年十一月，卒。

七次袭济克莫特多尔济：克什克阿尔比吉呼子。光緒十年，袭。

八次袭达尔玛巴拉：济克莫特多尔济子。光緒二十九年，袭。

**翁牛特部：镇国公。**

初封噶尔玛：郡王逊杜梭从子。初为喀喇齐哩克台吉。崇德八年，封镇国公，诏世罔替。順治五年，卒。

一次袭察罕泰：噶尔玛长子。順治五年，袭镇国公。十六年，卒。

二次袭奇塔特：察罕泰长子。順治十六年，袭镇国公。康熙四十一年，卒。

三次袭齐旺多尔济：奇塔特长子。康熙四十一年，袭镇国公。四十五年，卒。

四次袭索诺木：齐旺多尔济长子。康熙四十五年，袭镇国公。乾隆六年，卒。

五次袭恭格喇布坦：索诺木次子。乾隆六年，袭镇国公。四十六年，卒。

六次袭达瓦什哩：恭格喇布坦第四子。乾隆四十六年，袭镇国公。嘉庆十九年，卒。

七次袭乌呢济尔噶勒：达瓦什哩之子。嘉庆十九年，袭镇国公。道光十四年，卒。

八次袭桑噶巴拉：乌呢济尔噶勒子。道光十四年，袭。十

六年，缘事革爵。

九次袭那宛敦罗布：桑噶巴拉之弟。道光十八年，袭。

十次袭永隆：那宛敦罗布弟。咸丰七年，袭。

十一次袭旺布林沁：永隆弟。同治十二年，袭。

翁牛特部：扎萨克多罗达尔汉岱青贝勒。

初封栋岱青：郡王逊杜梭弟。崇德元年，授扎萨克，赐多罗达尔汉岱青号，诏世袭罔替。顺治五年，卒。

一次袭肯特尔：栋岱青长子。顺治五年，袭扎萨克多罗达尔汉岱青。十一年，卒。

二次袭叟塞栋岱青：次子。顺治十一年，袭扎萨克多罗达尔汉岱青。寻封固山贝子。十八年，晋多罗贝勒，仍达尔汉岱青号。康熙二十二年，卒。

三次袭额璘臣：叟塞长子。康熙二十二年，袭扎萨克多罗达尔汉岱青贝勒。二十六年，卒。

四次袭额勒德布鄂齐尔：额璘臣长子。康熙二十六年，袭扎萨克多罗达尔汉岱青贝勒。雍正八年，以病罪。

五次袭朋素克：额勒德布鄂齐尔长子。雍正八年，袭扎萨克多罗达尔汉岱青贝勒。乾隆三十一年，卒。

六次袭诺尔布扎木素：朋素克长子。乾隆三十一年一月，袭扎萨克多罗达尔汉岱青贝勒。四十六年，卒。

七次袭济克济扎布：诺尔布扎木素长子。乾隆四十六年，袭扎萨克多罗达尔汉岱青贝勒。嘉庆二年，卒。

八次袭达玛琳扎布：济克济扎布次子。嘉庆二年，袭扎萨克多罗达尔汉岱青贝勒。道光元年，病免。

九次袭孟克济雅：达玛琳扎布之子。道光元年，袭扎萨克

多罗达尔汉岱青貝勒。十一年，卒。

十一次袭宝拜：孟克济雅之子。道光十一年，袭。

十二次袭德木楚克苏隆：宝拜子。光緒元年，袭。二十年五月，卒。

十三次袭花連：德木楚克苏隆子。光緒二十一年，袭。

**克什克騰部**：扎萨克一等台吉。

初封索诺木：元太祖裔。順治九年，授扎萨克一等台吉，诏世袭罔替。十三年，卒。

一次袭玛纳璥：索诺木长子。順治十三年，袭扎萨克一等台吉。康熙十年，卒。

二次袭阿玉什：玛纳璥长子。康熙十年，袭扎萨克一等台吉。三十四年，卒。

三次袭齐巴克扎布：阿玉什长子。康熙三十四年，袭扎萨克一等台吉。乾隆三十六年，以罪削。

四次袭囊济特扎布：齐巴克扎布长子。乾隆三十六年，袭扎萨克一等台吉。四十六年，卒。

五次袭根敦达尔扎：囊济特扎布长子。乾隆四十六年，袭扎萨克一等台吉。五十七年，以罪削。

六次袭旺楚克喇布坦：根敦达尔扎长子。乾隆四十八年，袭扎萨克一等台吉。道光二年，卒。

七次袭弼玛拉吉尔第：旺楚克喇布坦之子。道光二年，袭。

八次袭棍布栋噶布：弼玛拉吉尔弟子。光緒元年，袭。二十一年，卒。

九次袭那木济勒：棍布栋噶布族子。光緒二十一年十二月，袭。三十二年，卒。

十次袭伯克济雅：那木济勒嗣子。光緒三十三年正月，袭。  
**喀尔喀左翼部**：扎萨克多罗貝勒。

初封袭布伊勒登：元太祖裔。康熙三年，封扎萨克多罗貝勒，诏世袭罔替。二十一年，卒。

一次袭罗卜藏：袭布伊勒登长子。康熙二十一年，袭扎萨克多罗貝勒。四十六年，卒。

二次袭准对：罗卜藏长子康熙四十六年，袭扎萨克多罗貝勒。五十八年，卒。

三次袭噶勒桑：准对长子。康熙五十八年，袭扎萨克多罗貝勒。乾隆二十四年，卒。

四次袭阿裕尔：噶勒桑第三子。乾隆二十四年，袭扎萨克多罗貝勒。嘉庆元年，卒。

五次袭那穆尔来扎布：阿裕尔孙。嘉庆元年，袭扎萨克多罗貝勒。二十年，卒。

六次袭班咱什哩：那穆尔来扎布之胞弟。嘉庆二十年，袭。是年，卒。

七次袭沙克都尔扎布：那穆尔来扎布之子。嘉庆二十年，袭。道光十年，被害。

八次袭巴彦巴图尔：沙克都尔扎布无子，伊族侄巴彦巴图尔道光十年，袭。

九次袭堆固尔苏隆：巴彦巴图尔子。同治九年，袭。光緒十六年，卒。

十次袭布林曼都呼：光緒十六年，袭。

十一次袭鲁勒木色楞：光緒二十三年二月，袭。

**乌珠穆沁部**：扎萨克和硕车臣亲王。

初封多尔济：元太祖裔。崇德六年，封扎萨克和硕车臣亲王，诏世袭罔替。顺治三年，卒。

一次袭察罕巴拜：多尔济孙。顺治三年，袭扎萨克和硕车臣亲王。十四年，卒。

二次袭索达尼：察罕巴拜次子。顺治十五年，袭扎萨克和硕车臣亲王。康熙二十九年，卒。

三次袭色登敦多布：索达尼长子。康熙三十年，袭扎萨克和硕车臣亲王。雍正十一年，卒。

四次袭阿喇布坦纳木扎勒：色登敦多布长子雍正十一年，袭扎萨克和硕车臣亲王。乾隆十三年，以病罢。

五次袭朋素克喇布坦阿喇布坦：纳木扎勒长子。乾隆十三年，袭扎萨克和硕车臣亲王。四十四年，卒。

六次袭玛哈索哈：朋素克喇布坦长子。乾隆四十四年，袭扎萨克和硕车臣亲王五十五年，卒。

七次袭巴勒珠尔喇布斋：玛哈索哈长子。乾隆五十五年，袭扎萨克和硕车臣亲王。嘉庆十九年，卒。

八次袭多尔济济克默特那木扎勒：巴勒珠尔喇布斋长子。嘉庆十九年，袭扎萨克和硕车臣亲王。道光十四年，卒。

九次袭朋素克那木济勒：多尔济济克默特那木扎勒之子。道光十四年。袭。光绪十年九月，卒。

十次袭阿勒坦呼雅克图：朋素克那木济勒孙。光绪十年，袭。

十一次袭索特那木喇布坦：阿勒坦呼雅克图子。光绪二十四年，袭。

**乌珠穆沁部：镇国公。**

初封塔旺扎木素：车臣亲王素达尼次子。雍正元年，以軍功追封镇国公。

一次袭朋素克喇布坦：塔旺扎木素长子。雍正二年，袭镇国公。乾隆十七年，卒。

二次袭喇什丕勒：朋素克喇布坦孙。乾隆十七年，袭镇国公。四十九年，诏世袭罔替。嘉庆三年，卒。

三次袭都噶尔扎布：喇什丕勒次子。嘉庆三年，袭镇国公。道光十八年，卒。

四次袭桑噶扎布：都噶尔扎布之子。道光十八年，袭。

五次袭堆代扎布：桑噶扎布子。同治元年，袭。十一年，赏贝子衔。光绪十九年，卒。

六次袭达木林：光绪二十年十二月，袭。

**乌珠穆沁部：辅国公。**

初封德勒克旺舒克：车臣亲王素达尼第三子。乾隆三年，以軍功封辅国公。二十一年，卒。

一次袭敦多布色棱：德勒克旺舒克长子。乾隆二十一年，袭辅国公。三十八年，以病罢。

二次袭玛哈布尔尼雅：敦多布色棱长子。乾隆三十八年，袭辅国公。四十九年，诏世袭罔替。嘉庆三年，卒。

三次袭济克济特扎布：玛哈布尔尼长子。嘉庆三年，袭。道光二十年，卒。

四次袭车凌多尔济：济克济特扎布子。道光二十年，袭。

五次袭图普沁扎布：车凌多尔济子。光绪九年，袭。二十年，卒。

六次袭喇什：光绪二十一年，袭。

**乌珠穆沁部：扎萨克多罗额尔德尼貝勒。**

初封色棱：车臣亲王多尔济从子。順治三年，封扎萨克多罗额尔德尼貝勒，诏世袭罔替。康熙十年，卒。

一次袭茂里海：色棱孙。康熙十年，袭扎萨克多罗额尔德尼貝勒。二十年，卒。

二次袭鄂齐尔图：茂里海长子。康熙二十年，袭扎萨克多罗额尔德尼貝勒。二十七年，卒。

三次袭博木布：茂里海次子。康熙二十七年，袭扎萨克多罗额尔德尼貝勒。六十年，卒。

四次袭车布登：博木布长子。康熙六十年，袭扎萨克多罗额尔德尼貝勒。乾隆十八年，卒。

五次袭达什衮布：车布登长子。乾隆十八年，袭扎萨克多罗额尔德尼貝勒。五十年，卒。

六次袭旺楚克：达什衮布长子。乾隆五十一年，袭扎萨克多罗额尔德尼貝勒。嘉庆十六年，卒。

七次袭图克济扎布：旺楚克孙。嘉庆十六年，袭。道光五年，卒。

八次袭达克丹：图克济扎布子。道光五年，袭。同治十年，赐郡王銜，袭三世。光緒三年，卒。

九次袭察克都尔色楞：达克丹子。光緒三年，袭。十年九月，卒。

十次袭育勒济勒诺尔布：察克都尔色楞子。光緒十一年二月，袭。十七年，卒。无子。

十一次袭济尔哈朗：育勒济勒诺尔布近族。光緒十八年，袭。十一年十二月，病免。

十二次袭棍布苏伦：济尔哈朗子。光緒三十一年十二月，袭。

**浩齐特部：扎萨克多罗额尔德尼郡王。**

初封博罗特：元太祖裔。順治三年，封扎萨克多罗额尔德尼貝勒。七年，晋多罗郡王，诏世袭罔替，十一年，卒。

一次袭阿赖充：博罗特长子。順治十一年，袭扎萨克多罗额尔德尼郡王。康熙二十五年，卒。

二次袭达尔玛吉里第：阿赖充长子。康熙二十五年，袭扎萨克多罗额尔德尼郡王。四十九年，卒。

三次袭阿嘎尼斯达：达尔玛吉里第长子。康熙四十九年，袭扎萨克多罗额尔德尼郡王。雍正九年，卒。

四次袭车凌喇布坦：阿嘎尼斯达长子。雍正九年，袭扎萨克多罗额尔德尼郡王。乾隆二年，卒。

五次袭车布登巴勒珠尔：车凌喇布坦次子。乾隆二年，袭扎萨克多罗额尔德尼郡王。三十一年，以病罢。

六次袭齐苏咙多尔济：车布登巴勒珠尔长子。乾隆三十一年，袭扎萨克多罗额尔德尼郡王。五十六年，卒。

七次袭端多布多尔济：齐苏咙多尔济长子。乾隆五十六年，袭扎萨克多罗额尔德尼郡王。嘉庆二十二年，卒。

八次袭额林沁诺尔布：端多布多尔济子。嘉庆二十二年，袭。

九次袭吹精扎布：额林沁诺尔布弟。道光十四年，袭。

十次袭喇特那巴咱尔：吹精扎布子。咸丰九年，袭。光緒十八年，卒。

十一次袭都昂多克僧格：喇特那巴咱尔子。光緒十八

年，袭。二十八年，卒。

十二次袭色隆托济勒：光緒二十八年，袭。

**浩齐特部：扎萨克多罗郡王。**

初封噶尔玛色旺：额尔德尼郡王博罗特从弟。順治十年，封扎萨克多罗郡王，诏世袭罔替。康熙三年，卒。

一次袭阿喇布坦：噶尔玛色旺长子。康熙三年，袭扎萨克多罗郡王。十一年，卒。

二次袭车布登：阿喇布坦长子。康熙十一年，袭扎萨克多罗郡王。二十六年，卒。

三次袭巴扎尔：车布登长子。康熙二十六年。袭扎萨克多罗郡王。二十九年，卒。

四次袭雅木丕勒：车布登次子。康熙三十年，袭扎萨克多罗郡王。雍正十年，卒。

五次袭巴特玛车凌：雅木丕勒长子。雍正十年，袭扎萨克多罗郡王，乾隆三年，卒。

六次袭丹津：巴特玛车凌从子。乾隆三年，袭扎萨克多罗郡王。二十一年，卒。

七次袭达什喇布坦：丹津次子。乾隆二十一年，袭扎萨克多罗郡王。四十二年，卒。

八次袭敏珠尔多尔济：达什喇布坦长子。乾隆四十二年，袭扎萨克多罗郡王。嘉庆九年，卒。

九次袭貢楚克栋罗布：敏珠尔多尔济弟。嘉庆九年，袭。道光九年，卒。

十次袭永隆珠尔默特：貢楚克栋罗布子。道光九年，袭。十六年，缘事削扎萨克。

十一次袭济克登噶卫章：永隆珠尔默特子。道光十七年，袭扎萨克一等台吉。咸丰二年，兼袭多罗郡王。

十二次袭貢嘎旺济勒：济克登噶卫章弟。光緒二年，袭扎萨克郡王。

十三次袭桑达克多尔济：貢嘎旺济勒子。光緒十年，袭**苏尼特部**：扎萨克多罗郡王。

初封腾机思：元太祖裔。崇德六年，封扎萨克多罗墨尔根郡王，诏世袭罔替。順治二年，以叛削。五年，悔罪降。旋病没。诏仍世袭郡王爵。

一次袭腾机特：腾机思弟。順治五年，袭扎萨克多罗郡王。康熙二年，卒。

二次袭萨穆扎：腾机思第四子。初封多罗貝勒。見貝勒表。康熙三年，袭扎萨克多罗郡王。三十七年，卒。

三次袭垂济恭苏咙：萨穆扎第五子。康熙三十七年，袭扎萨克多罗郡王。雍正九年，卒。

四次袭旺辰：垂济恭苏咙第三子。雍正十年，袭扎萨克多罗郡王。乾隆二十八年，卒。

五次袭车凌衮布：旺辰长子。乾隆二十八年，袭扎萨克多罗郡王。三十二年，卒。

六次袭阿尔达什第：车凌衮布长子。乾隆三十二年，袭扎萨克多罗郡王。四十六年，卒。

七次袭額噶克津：阿尔达什第叔父。乾隆四十七年，袭扎萨克多罗郡王。五十年，卒。

八次袭巴勒珠尔雅喇木丕勒：額噶克津次子。乾隆五十年，袭扎萨克多罗郡王。嘉庆二十五年，卒。

九次袭成扎布，巴勒珠尔雅喇木丕勒子。嘉庆二十五年，袭。咸丰八年，以病削扎萨克。

十次袭托迪布木：成扎布子。咸丰八年，诏袭扎萨克一等台吉。咸丰十一年，袭多罗郡王。

十一次袭绰克苏伦：托迪布木子。光绪五年，袭。十四年，卒。

十二次袭棍布车林：绰克苏伦嗣子。光绪十六年五月，袭。十八年，卒。

十三次袭玛克苏尔扎布：棍布车林子。光绪十八年三月，袭。

**苏尼特部：多罗貝勒。**

初封萨穆扎：顺治六年，封多罗貝勒、诏世罔袭替。后袭扎萨克多罗郡王。见郡王表。

一次袭博木布：郡王腾机特长子。康熙三年，袭多罗貝勒。三十九年，卒。

二次袭素岱：博木布长子。康熙三十九年，袭多罗貝勒。四十六年，卒。

三次袭西哩：素岱孙。康熙四十六年，袭多罗貝勒。乾隆六年，卒。

四次袭齐旺多尔济：西哩长子。乾隆六年，袭多罗貝勒。九年，卒。

五次袭甘珠尔：齐旺多尔济长子。乾隆九年，袭多罗貝勒。三十三年，卒。

六次袭恭桑扎勒：甘珠尔长子。乾隆三十三年，袭多罗貝勒。嘉庆十二年，卒。

七次袭那木济勒：恭扎桑勒长子。嘉庆十二年，袭。道光二十一年，卒。

八次袭三达瓦喇：那木济勒子。道光二十一年，袭。咸丰十年，卒。

九次袭布彦图：三达瓦喇子。咸丰十年，袭。光绪十四年，卒。

十次袭索特那木多布沁：布彦图子。光绪十五年，袭。二十九年，卒。

十一次袭郭尔卓尔扎布：索特那木多布沁嗣子。光绪二十九年十一月，袭。

**苏尼特部**：扎萨克多罗杜棱郡王。

初封叟塞：郡王腾机特族兄。崇德七年，封扎萨克多罗杜棱郡王，诏世袭罔替。顺治三年，卒。

一次袭沙希岱：叟塞次子。顺治四年，袭扎萨克多罗杜棱郡王。康熙九年，卒。

二次袭恭格：沙希岱长子。康熙九年，袭扎萨克多罗杜棱郡王。十二年，卒。

三次袭劳彰：恭格长子。康熙十二年，袭扎萨克多罗杜棱郡王。十四年，卒。

四次袭阿玉什：沙希岱次子。康熙十四年，袭扎萨克多罗杜棱郡王。三十二年，卒。

五次袭达尔扎布：阿玉什长子。康熙三十二年，袭扎萨克多罗杜棱郡王。雍正七年，卒。

六次袭旺青齐苏咙：达尔扎布长子。雍正七年，袭扎萨克多罗杜棱郡王。乾隆六年，卒。

七次袭丹津车凌：旺青齐苏咙长子。乾隆六年，袭扎萨克多罗杜棱郡王。九年，卒。

八次袭朗衮车凌：旺青齐苏咙子。乾隆九年，袭扎萨克多罗杜棱郡王。十六年，卒。

九次袭车凌多尔济：达尔扎布第三子。乾隆十六年，袭扎萨克多罗杜棱郡王。三十四年，以罪削。

十次袭车凌衮布：车凌多尔济长子。乾隆三十四年，袭扎萨克多罗杜棱郡王。嘉庆七年，卒。

十一次袭喇特那锡第：车凌衮布长子。嘉庆七年，袭。道光六年，卒。

十二次袭布尔呢什哩：喇特那锡第子。道光六年，袭。

十三次袭布达莽噶拉：布尔呢什哩子。咸丰五年，袭。

十四次袭那木济勒旺楚克：布达莽噶拉子。同治二年，袭。光绪三十四年，卒。

十五次袭德木楚克栋鲁布：光绪三十四年，袭。

#### 苏尼特部：辅国公

初封噶尔玛：杜棱郡王叟塞长子。顺治六年，以不附腾机思叛，诏封多罗貝勒。康熙二年，卒。

一次袭丹津：噶尔玛长子。康熙二年，袭多罗貝勒。十一年，卒。

二次袭沙哩：丹津长子。康熙十一年，袭多罗貝勒。四十三年，卒。

三次袭阿弼达：沙哩长子。康熙四十三年，降袭辅国公。四十八年，卒。

四次袭洛垒：阿弼达长子。康熙四十八年，袭辅国公。

乾隆三十年，卒。

五次袭扎什喇布坦：洛垒长子。乾隆三十年，袭辅国公。四十年，以病罢。

六次袭罗卜藏车凌：扎什喇布坦次子。乾隆四十年，袭辅国公。四十九年，诏世袭罔替。五十三年，卒。

七次袭额璘臣：罗卜藏车凌子。乾隆五十三年，袭辅国公。

八次袭巴图鄂齐尔：额璘臣子。道光十八年，袭。

九次袭布彦特古斯：巴图鄂齐尔子。道光二十三年，袭。

十次袭玛哈什哩：布彦特古斯子。同治七年，袭。

十一次袭特穆尔：光緒十六年，袭。

**阿巴噶部**：多罗卓哩克图郡王。

初封多尔济：元太祖弟布格博勒格图之裔，号额齐格诺颜。崇德六年，封扎萨克图郡王，诏世袭罔替。顺治二年，卒。

一次袭塞尔珍：多尔济长子。顺治二年，袭扎萨克多罗卓哩克图郡王。康熙八年，卒。

二次袭德木伯勒：塞尔珍长子。康熙八年，袭扎萨克多罗卓哩克图郡王。十六年，卒。

三次袭楚英：德木伯勒长子。康熙十七年，袭扎萨克多罗卓哩克图郡王。三十年，卒。

五次袭色棱：楚英长子。康熙三十年，袭扎萨克多罗卓哩克图郡王。三十四年，卒。

四次袭达玛璘扎布：楚英次子。康熙三十四年，袭扎萨克多罗卓哩克图郡王。三十九年，以不称职削。

六次袭弼英：德木伯勒次子。康熙三十九年，袭扎萨克

多罗卓哩克图郡王。五十四年，卒。

七次袭扎木巴勒扎布：雍英第三子。康熙五十四年，袭扎萨克多罗卓哩克图郡王。乾隆十六年，卒。

八次袭车凌旺布：扎木巴勒扎布次子。乾隆十六年，袭扎萨克多罗卓哩克图郡王。四十一年，卒。

九次袭喇特纳什第：车凌旺布长子。乾隆四十一年，袭扎萨克多罗卓哩克图郡王。五十三年，以罪革。五十四年，以其弟巴梭丹色梭为扎萨克一等台吉。嘉庆二十五年，卒。

十次袭那木萨贵多尔济：喇特纳什第子。嘉庆二十五年，袭。道光十六年，卒。

十一次袭萨勒济勒多尔济：那木萨贵多尔济子。道光十六年，袭。

十二次袭刚噶尔伦布：萨勒济勒多尔济子。道光二十九年，袭。光绪十六年，卒。

十三次袭布彦乌勒哲依：刚噶尔伦布子。光绪十六年，袭。阿巴噶部：扎萨克多罗郡王。

初封都思噶尔：卓哩克图郡王多尔济从孙。顺治八年，封扎萨克多罗郡王，诏世袭罔替。十年，卒。

一次袭沙克沙僧格：都思噶尔长子。顺治十一年，袭扎萨克多罗郡王。康熙二十四年，卒。

二次袭乌尔彰噶喇布：沙克沙僧格长子。康熙二十六年，袭扎萨克多罗郡王。五十三年，卒。

三次袭巴特玛袞楚克：乌尔彰噶喇布长子。康熙五十三年，袭扎萨克多罗郡王。六十一年，卒。

四次袭索诺木喇布坦：巴特玛袞楚克长子。雍正元年，袭

扎萨克多罗郡王。乾隆二十年，赐亲王品级。三十年，卒。

五次袭肅布坦常忠：索诺木喇布坦长子。乾隆三十一年，袭扎萨克多罗郡王。四十八年，卒。

六次袭衮布扎布：肅布坦常忠长子。乾隆四十九年，袭扎萨克多罗郡王。五十三年，卒。

七次袭嘛尼巴达拉：衮布扎布子。乾隆五十三年，袭扎萨克多罗郡王。道光五年，卒。

八次袭阿尔塔什迪：嘛尼巴达拉子。道光五年，袭。同治元年十一月，卒。

九次袭瓦津达喇：阿尔塔什子。同治元年，袭。光緒七年，以病告休，仍留郡王爵。八年五月，卒。

十次袭楊桑：瓦津达喇子。光緒七年，诏袭扎萨克一等台台。八年，兼袭郡王。二十七年，赐亲王衔。

**阿巴噶部**：固山达尔汉貝子。

初封多尔济：郡王都思噶尔从弟。号达尔汉诺颜。順治三年，封固山达尔汉貝子，诏世袭罔替。十一年，卒。

一次袭绰博和：多尔济长子。順治十一年，袭固山达尔汉貝子。康熙十五年，卒。

二次袭车凌栋罗布：绰博和长子，康熙十五年，袭固山达尔汉貝子。雍正四年，卒。

三次袭齐旺：车凌栋罗布孙。雍正五年，袭固山达尔汉貝子。乾隆二十一年，卒。

四次袭朋素克：齐旺孙。乾隆二十一年，袭固山达尔汉貝子。六十年，卒。

五次袭巴雅尔錫第：朋素克子。乾隆六十年，袭固山达尔

汉貝子。嘉庆二十二年，卒。

六次袭德木楚克达什：巴雅尔錫第子。嘉庆二十二年，袭。咸丰元年九月，卒。

七次袭堆英固尔扎布：德木楚克达什子。咸丰二年，袭。光緒十年六月，卒。

八次袭貢多桑保：堆英固尔扎布子。光緒十年，袭。

**阿巴噶部**：辅国达尔汉公。

初封德木楚克：郡王沙克沙僧格次子。康熙五十四年，封辅国公，赐达尔汉号。六十一年，晋镇国公。雍正二年，晋固山貝子，仍兼达尔汉号。三年，卒。

一次袭鄂勒斋图：德木楚克次子。雍正四年，降袭辅国达尔汉公。乾隆十五年，卒。

二次袭旺沁扎布：鄂勒斋图长子。乾隆十六年，袭辅国达尔汉公。三十二年，卒。

三次袭齐巴克扎布：旺沁扎布长子。乾隆三十二年，袭辅国达尔汉公。四十九年，诏世袭罔替。五十二年，卒。

四次袭拉旺多尔济：齐巴克扎布长子。乾隆五十二年，袭辅国达尔汉公。道光十二年，卒。

五次袭萨木丕勒诺尔布拉：旺多尔济子。道光十二年，袭，二十九年六月，卒。

六次袭翰克托克塔呼：萨木丕勒诺尔布子。道光二十一年，袭。光緒五年，卒。

七次袭济克默特巴宝：翰克托克塔呼子。光緒五年，袭。二十七年，卒。

八次袭布彦托克托呼：济克默特巴宝从弟。光緒二十八

年，袭。是年，卒。

九次袭苏特诺木旺楚克：布彦托克托呼子。光緒二十八年，袭。

**阿巴噶部**：扎萨克一等台吉。

初封巴勒丹僧格：多罗卓哩克图郡王喇特那萨弟。乾隆五十四年，授扎萨克一等台吉。

一次袭索诺木图布钦：多罗卓哩克图郡王车凌旺布第五子。

二次袭杜噶尔布：索诺木图布钦子。道光十五年，袭。同治六年，卒。

三次袭拉哈喇吉勒桑都布：杜噶尔布子。同治七年，袭。十一年，赐辅国公衔。光緒九年，病免。

四次袭拉哈齐旺楚克：拉哈喇吉勒桑都布子。光緒九年十二月，袭。二十四年，卒。

五次袭扎那密达尔：拉哈喇吉勒桑都布从子。光緒二十四年，袭。二十九年，赐镇国公衔。

**阿巴哈纳尔部**：扎萨克多罗貝勒。

初封色棱墨尔根：元太祖弟布格博勒格图之裔。康熙六年，封扎萨克多罗貝勒，诏世袭罔替。十九年，卒。

一次袭纳木喀尔：色棱墨尔根长子。康熙十九年，袭扎萨克多罗貝勒。二十三年，卒。

二次袭布昭：纳木喀尔次子。康熙二十四年，袭扎萨克多罗貝勒。四十八年，卒。

三次袭齐当旺舒克：布昭长子。康熙四十八年，袭扎萨克多罗貝勒。四十九年，卒。

四次袭索诺木喇布坦：齐当旺舒克长子。康熙四十九年，袭扎萨克多罗貝勒。五十九年，卒。

五次袭纳木扎：索诺木喇布坦徒弟。康熙五十九年，袭扎萨克多罗貝勒。雍正十三年，卒。

六次袭达什敏珠尔：纳木扎长子。雍正十三年，袭扎萨克多罗貝勒。乾隆三十五年，卒。

七次袭车登扎布：达什敏珠尔长子。乾隆三十五年，袭扎萨克多罗貝勒。四十四年，卒。

八次袭玛哈巴拉：车登扎布长子。乾隆四十四年，袭扎萨克多罗貝勒。道光五年，病免。

九次袭巴勒楚克：玛哈巴拉子。道光五年，袭。

十次袭绷楚克桑布：巴勒楚克子。道光十四年，袭。

十一次袭达木定扎布：绷楚克桑布弟。道光二十六年，袭。光緒三十年，卒。

十二次袭旺沁敦都布：达木定扎布子。光緒三十年，袭。

**阿巴哈纳尔部：扎萨克固山貝子。**

初封栋伊思喇布：貝勒色棱墨尔根弟。康熙四年，封扎萨克固山貝子，诏世袭罔替。二十年，卒。

一次袭袞楚克扎布：栋伊思喇布长子。康熙二十年，袭扎萨克固山貝子，二十四年，卒。

二次袭额璘臣达什：袞楚克扎布长子。康熙二十四年，袭扎萨克固山貝子。五十五年，卒。

三次袭班珠尔：额璘臣达什长子。康熙五十六年，袭扎萨克固山貝子。乾隆十九年，赐貝勒品级。二十九年，卒。

四次袭达克丹朋素克，班珠尔第三子。乾隆二十九年，

袭扎萨克固山貝子。五十七年，卒。

五次袭袭布旺扎勒：达克丹朋素克长子。乾隆五十七年，袭扎萨克固山貝子。道光七年，卒。

六次袭伊达木扎布：袭布旺扎勒子。道光七年，袭。二十四年，卒。

七次袭桑斋色勒特多布：伊达木扎布子。道光二十四年，袭。同治三年，赐貝勒銜。十三年，卒。

八次袭多特诺尔布：桑斋色勒特多布子。光緒元年，袭。二十年，病免。

九次袭车林多尔济：多特诺尔布子。光緒二十一年，袭。宣統元年，赐郡王銜，世袭貝勒。

**四子部落：**萨扎克多罗达尔汉卓哩克图郡王。

初封鄂木布：元太祖弟哈巴图哈萨尔之裔。崇德元年，授扎萨克，赐达尔汉卓哩克图号。順治六年，封多罗郡王，诏世袭罔替。十年，卒。

一次袭巴拜：鄂木布长子。順治十年，袭扎萨克多罗达尔汉卓哩克图郡王。康熙二年，卒。

二次袭沙克都尔：巴拜长子。康熙三年，袭扎萨克多罗达尔汉卓哩克图郡王。十六年，卒。

三次袭达木巴臻素：沙克都尔长子。康熙十七年，袭扎萨克多罗达尔汉卓哩克图郡王。三十一年，卒。

四次袭三济扎布：达木巴臻素长子。康熙三十一年，袭扎萨克多罗达尔汉卓哩克图郡王。四十九年，卒。

五次袭阿喇布坦多尔济：三济扎布长子。康熙四十九年，袭扎萨克多罗达尔汉卓哩克图郡王。乾隆三十六年，以病削。

六次袭车凌旺扎勒：阿喇布坦多尔济长子。乾隆三十六年，袭扎萨克多罗达尔汉卓哩克图郡王。是年，卒。

七次袭喇什雅木丕勒：阿喇布坦多尔济第三子。乾隆三十六年，袭扎萨克多罗达尔汉卓哩克图郡王。四十九年，卒。

八次袭朋楚克桑鲁布：喇什雅木丕勒次子。乾隆四十九年，袭扎萨克多罗达尔汉卓哩克图郡王。道光五年，卒。

九次袭伊什楚克鲁布：朋楚克桑鲁布子。道光五年，袭。六年，以谥用黄伞革。

十次袭伊什车登：伊什楚克鲁布弟。道光七年，袭。

十一次袭那木凯多尔济：伊什车登子。同治三年，袭。

十二次袭勒旺诺尔布：那木凯多尔济子。光緒十一年，袭。

**茂明安部**：袭扎萨克一等台吉。

初封僧格：元太祖弟哈巴图哈萨尔之裔。康熙三年，授扎萨克一等台吉。十一年，卒。

一次袭诺尔布：僧格长子。康熙十一年，袭扎萨克一等台吉。雍正元年，卒。

二次袭齐旺锡喇布：诺尔布第三子。雍正元年，袭扎萨克一等台吉。乾隆十二年，以罪削。

三次袭根敦扎木素：齐旺锡喇布长子。乾隆十二年，袭扎萨克一等台吉。二十七年，卒。

四次袭萨木坦扎木素：根敦扎木素长子。乾隆二十七年，袭扎萨克一等台吉。四十九年，诏世袭罔替。嘉庆十年，卒。

五次袭拉什栋罗布：萨木坦扎木素徒弟。嘉庆十年，袭。道光二年，卒。

六次袭达特巴扎木苏：拉什栋罗布子。道光二年，袭。十六年，卒。

七次袭绰克巴达尔呼：达特巴扎木苏子。道光十六年，袭。

八次袭绰克布彦图：绰克巴达尔呼从父。光緒五年，袭。

九次袭喇喜色楞多尔济：光緒十四年，袭。

**茂明安部：多罗貝勒。**

初封固穆巴图尔：扎萨克台吉僧格叔祖。順治五年，封辅国公。七年，晋多罗貝勒，诏世袭罔替。康熙三年，卒。

一次袭图巴：固穆巴图尔第三子。康熙三年，袭多罗貝勒。三十二年，卒。

二次袭班弟：图巴第三子。康熙三十二年，袭多罗貝勒。五十六年，卒。

三次袭罗卜藏錫喇布：班弟次子。康熙五十六年，袭多罗貝勒。乾隆八年，卒。

四次袭裕木充：罗卜藏錫喇布长子。乾隆八年，袭多罗貝勒。三十九年，卒。

五次袭袞楚克扎布：裕木充长子。乾隆三十九年，袭多罗貝勒。四十五年，卒。

六次袭珠克都尔扎布：袞楚克扎布长子。乾隆四十五年，袭多罗貝勒。四十九年，卒。

七次袭丹丕勒：袞楚克扎布次子。乾隆四十九年，袭多罗貝勒。道光十九年，卒。

八次袭格楚克：丹丕勒孙。道光十九年，袭。光緒十六年，卒。

九次袭棍布：格楚克嗣子。光緒十六年三月，袭。

**乌喇特部：扎萨克镇国公。**

初封图巴：元太祖弟哈巴图哈萨尔之裔。顺治五年，封扎萨克镇国公，诏世袭罔替。十三年，卒。

一次袭海色：图巴长子。顺治十三年，袭扎萨克镇国公。康熙八年，卒。

二次袭察木察：海色长子。康熙八年，袭扎萨克镇国公。二十五年，卒。

三次袭都棱：察木察长子。康熙二十五年，袭扎萨克镇国公。五十二年，卒。

四次袭诺尔布璘沁：都棱长子。康熙五十二年，袭扎萨克镇国公。五十六年，卒。

五次袭錫拉布：都棱次子。康熙五十六年，袭扎萨克镇国公。乾隆七年，卒。

六次袭索诺木扎木三：錫喇布长子。乾隆七年，袭扎萨克镇国公。二十年，卒。

七次袭索诺木喇布坦：索诺木扎木三长子。乾隆二十年，袭扎萨克镇国公。四十年，卒。

八次袭车布登栋罗布：索诺木喇布坦长子。乾隆四十年，袭扎萨克镇国公。

九次袭喇特那巴拉：车布登栋罗布长子。嘉庆七年，袭。道光十四年，削扎萨克。十八年，诏以其叔父胡毕图袭扎萨克一等台吉。

十次袭旺楚克色楞：胡毕图子。咸丰二年，袭。十一年，诏兼袭镇国公。

十一次袭色楞那木济勒：旺楚克色楞子。同治六年，袭。

光緒二十三年，卒。

十二次袭木勒济多尔济：光緒二十三年十二月，袭。

**乌喇特部**：扎萨克镇国公。

初封**諤班**：镇国公图巴从子。順治五年，封扎萨克镇国公，诏世袭罔替。十五年，卒。

一次袭博勒都呼：諤班长子。順治十五年，袭扎萨克镇国公。十八年，卒。

二次袭博勒图：諤班次子。順治十八年，袭扎萨克镇国公。康熙七年，卒。

三次袭阿玉什：諤班第四子。康熙七年，袭扎萨克镇国公。十一年，卒。

四次袭诺捫：阿玉什长子。康熙十一年，袭扎萨克镇国公。二十二年，卒。

五次袭达尔玛第：诺捫长子。康熙二十三年，袭扎萨克镇国公。二十八年，卒。

六次袭达尔玛什哩：达尔玛第长子。康熙二十八年，袭扎萨克镇国公。雍正三年，以罪削。

七次袭达尔玛吉哩第：达尔玛什哩长子。雍正三年，袭扎萨克镇国公。隆乾十六年，卒。

八次袭达尔玛哩第：达尔玛吉哩第长子。乾隆十六年，袭扎萨克镇国公。二十九年，卒。

九次袭噶勒桑车凌：达尔玛哩第长子。乾隆二十九年，袭扎萨克镇国公。四十四年，卒。

十次袭噶勒桑罗垒：达尔玛哩第次子。乾隆四十四年，袭扎萨克镇国公。寻卒。

十一次袭济克默特多尔济：达尔玛吉哩第次子。乾隆四十四年，袭扎萨克镇国公。五十六年，卒。

十二次袭巴图鄂齐尔：济克默特多尔济弟。乾隆五十六年，袭扎萨克镇国公。道光十四年，卒。

十三次袭噶勒当旺楚克多尔济：巴图鄂齐尔子。道光十四年，袭。咸丰四年，卒。

十四次袭貢苏隆扎布，噶勒当旺楚克多尔济子。咸丰四年，袭。

十五次袭克什克德勒格尔：貢苏隆扎布孙。光緒八年，袭。  
**乌喇特部**：扎萨克辅国公。

初封巴克巴海：镇国公图巴从孙。順治五年，封扎萨克辅国公，诏世袭罔替。寻卒。

一次袭楚充客：巴克巴海弟。順治五年，袭扎萨克辅国公。康熙二十二年，卒。

二次袭达尔玛：楚充克长子。康熙二十三年，袭扎萨克辅国公。二十五年，卒。

三次袭鄂勒班：达尔玛长子。康熙二十五年，袭扎萨克辅国公，四十二年，卒。

四次袭垂扎木素：鄂勒班长子。康熙四十三年，袭扎萨克辅国公。雍正十一年，以罪削。

五次袭阿穆尔令贵：鄂勒班第三子。雍正十一年，袭扎萨克辅国公。乾隆十一年，卒。

六次袭恭格喇布坦：阿穆尔令贵次子。乾隆十一年，袭扎萨克辅国公。五十三年，卒。

七次袭多尔济帕拉穆：恭格喇布坦长子。乾隆五十三年

年，袭扎萨克辅国公。道光八年，卒。

八次袭车楞旺楚克多尔济；多尔济帕拉穆子。道光八年，袭。十年九月，革。

九次袭拉旺哩克锦；车楞旺楚克多尔济子。道光十一年，袭。

十次袭賈柔栋鲁布；拉旺哩克锦子。同治三年，袭。光緒二十年三月，卒。

十一次袭索特那木旺尔多尔济；光緒二十年，袭。二十一年，卒。

十二次袭巴宝多尔济；索特那木旺珠尔多尔济弟。光緒二十一年十二月，袭。

**喀尔喀右翼部**；扎萨克多罗达尔汉貝勒。

初封：本塔尔；元太祖裔。順治十年，封扎萨克和硕达尔汉亲王，诏世袭罔替。康熙八年，卒。

一次袭诺内；本塔尔第四子。康熙八年，袭扎萨克和硕达尔汉亲王。四十六年，卒。

二次袭詹达固密；诺内第八子。康熙四十七年，降袭扎萨克多罗达尔汉貝勒。雍正六年，卒。

三次袭拉旺多尔济；詹达固密长子。雍正七年，袭扎萨克多罗达尔汉貝勒。乾隆四十六年，卒。

四次袭車布登纳木扎勒；拉旺多尔济长子。乾隆四十六年，袭扎萨克多罗达尔汉貝勒。嘉庆四年，卒。

五次袭忠济勒車璘；車布登纳木扎勒长子。嘉庆五年，袭。道光二年，卒。

六次袭賈楚克绰克丕勒；忠济勒車璘子。道光二年，袭。

四年，卒。

七次袭車旺都布济：貢楚克绰克丕勒弟。道光四年，袭。二十四年，以罪削。

八次袭索特那木多尔济：車旺都布济子。道光二十四年，袭。

九次袭貢桑：索特那木多尔济弟。同治二年，袭。

十次袭車林多尔济：貢桑子。光緒六年，袭。十六年，卒。

十一次袭云端旺楚克：車林多尔济嗣子。光緒十六年八月，袭。

**喀尔喀右翼部**：固山卓哩克图貝子。

初封袭布：达尔汉亲王本塔尔从子。順治十年，封多罗卓哩克图郡王。十八年，卒。

一次袭达尔扎：袭布长子。順治十八年，袭多罗卓哩克图郡王。康熙二十一年，卒。

二次袭固噜什希：达尔扎长子。康熙二十二年，袭多罗卓哩克图郡王。四十三年，卒。

三次袭巴特玛旺扎勒：固噜什希长子。康熙四十三年，降袭固山卓哩克图貝子。乾隆二十一年，卒。

四次袭車木伯勒：巴特玛旺扎勒次子。乾隆二十一年，袭固山卓哩克图貝子。四十五年，卒。

五次袭車登多尔济：車木伯勒长子，乾隆四十五年，袭固山卓哩克图貝子。四十九年，诏世袭罔替。五十一年，以罪革。

六次袭东岳特：車登多尔济弟。乾隆五十一年，袭固山卓哩克图貝子。六十年，卒。

七次袭吉札克喇錫：东岳特子。乾隆六十年，袭固山卓岳哩克图貝子。嘉庆二十五年，卒。

八次袭蘊丹盖鲁布：吉札克喇錫从子。嘉庆二十五年，袭。

九次袭阿育尔布呢：蘊丹盖鲁布子。同治四年，袭。光緒十三年，卒。

十次袭明珠尔多尔济：阿育尔布呢子。光緒十三年，袭。

**喀尔喀右翼部：固山貝子。**

初封本巴什希：达尔汉亲王本塔尔弟。順治十年，封固山貝子，诏世袭罔替。康熙十四年，卒。

一次袭巴特玛：本巴什希次子。康熙十五年，袭固山貝子。二十五年，卒。

二次袭进穆巴：巴特玛长子。康熙二十六年，袭固山貝子。五十三年，卒。

三次袭达济：进穆巴长子。康熙五十四年，袭固山貝子。雍正六年，卒。

四次袭班第达：巴特玛次子。雍正七年，袭固山貝子。十三年，卒。

五次袭阿拉布坦：班第达长子。雍正十三年，袭固山貝子。乾隆二十五年，卒。

六次袭巴尔准多尔济：阿喇布坦长子。乾隆二十六年，袭固山貝子。嘉庆二年，卒。

七次袭喇什那木扎尔：巴尔准多尔济次子。嘉庆二年，袭。九年，卒。

八次袭阿第雅：喇什那木扎尔长子。嘉庆九年，袭。道光三十年，卒。

九次袭色勒布賁格：阿第雅子。道光三十年，袭。

十次袭托果瓦：色勒布賁格弟。同治七年，袭。

**喀尔喀右翼部：镇国公。**

初封萨玛第：达尔汉亲王本塔尔第五子。康熙十四年，以军功封镇国公，诏世袭罔替。二十五年，卒。

一次袭衮布阿喇布坦：萨玛第长子。康熙二十六年，袭镇国公。四十四年，卒。

二次袭索诺木班珠尔：衮布阿喇坦长子。康熙四十四年，袭镇国公。雍正九年，卒。

三次袭恭格阿喇布坦：索诺木班珠尔长子。雍正九年，袭镇国公。乾隆三十八年，卒。

四次袭衮楚克栋罗布：恭格阿喇布坦长子。乾隆三十八年，袭镇国公。三十九年，卒。

五次袭丹津多尔济：衮楚克栋罗布长子。乾隆四十年，袭镇国公。嘉庆十二年，卒。

六次袭噶尔桑车林：丹津多尔济子。嘉庆十二年，袭。道光二十年，卒。

七次袭賁桑：噶尔桑车林子。道光二十年，袭。

八次袭宽楚克达瓦：賁桑子。光緒九年，袭。

九次袭莫罗木：光緒十三年，袭。二十年，卒。

十次袭诺尔布散布：莫罗木嗣子。光緒二十年十二月，袭。

**鄂尔多斯部：扎萨克多罗郡王。**

初封额璘臣：元太祖裔。順治六年，封扎萨克多罗郡王，诏世袭罔替。十三年，卒。

一次袭巴图：额璘臣从子。顺治十三年，袭扎萨克多罗郡王。十四年，以罪削。

二次袭固噜：巴图兄。顺治十四年，袭扎萨克多罗郡王。康熙十八年，晋和硕亲王。三十一年，卒。

三次袭栋罗布：固噜次子。康熙三十一年，袭扎萨克多罗郡王。五十七年，卒。

四次袭萨克巴：栋罗布长子。康熙五十七年，袭扎萨克多罗郡王。五十九年，卒。

五次袭喇什班珠尔：栋罗布第四子。康熙五十九年，袭扎萨克多罗郡王。雍正六年，卒。

六次袭扎木扬：萨克巴长子。雍正六年，袭扎萨克多罗郡王。十一年，以赴调兵不堪用，降貝勒。乾隆元年，诏复郡王。二十三年，卒。

七次袭车凌多尔济：扎木扬长子。乾隆二十三年，袭扎萨克多罗郡王。四十五年，卒。

八次袭达尔玛咱第：车凌多尔济长子。乾隆四十六年，袭扎萨克多罗郡王。五十年，卒。

九次袭什当巴拜：车凌多尔济次子。乾隆五十一年，袭扎萨克多罗郡王。嘉庆十七年，卒。

十次袭巴宝多尔济：什当巴拜子。嘉庆十七年，袭。道光十一年，以罪削扎萨克，仍留郡王。十八年，卒。

十一次袭图们济尔噶勒：巴宝多尔济子。道光十一年，以一等台吉袭扎萨克。十五年，袭郡王。

十二次袭额尔齐木毕里克：图们济尔噶勒子。道光十七年，袭。光緒二十七年，卒。

十三次袭特古斯阿勒坦：额尔齐木毕里克子。光緒二十八年二月，袭。

**鄂尔多斯部：扎萨克多罗貝勒。**

初封善丹：郡王额璘臣从子。順治七年，封扎萨克多罗貝勒，诏世袭罔替。康熙二年，卒。

一次袭索诺木：善丹长子。康熙二年，袭扎萨克多罗貝勒。十六年，晋多罗郡王。二十一年，卒。

二次袭松喇布：索诺木长子。康熙二十一年，袭扎萨克多罗貝勒。三十七年，晋多罗郡王。四十八年，卒。

三次袭干珠尔：松喇布长子。康熙四十八年，袭扎萨克多罗貝勒。五十七年，卒。

四次袭诺依罗布扎木素：干珠尔长子。康熙五十七年，袭。扎萨克多罗貝勒。乾隆十二年，卒。

五次袭栋罗布扎木素：诺依罗布扎木素长。乾隆十二年，袭扎萨克多罗貝勒。三十一年，賜郡王品级。三十八年，卒。

六次袭栋罗布色梭：栋罗布扎木素长子。乾隆三十八年，袭扎萨克多罗貝勒。嘉庆三年，卒。

七次袭索诺木喇布斋根敦：栋罗布色梭徒弟。嘉庆三年，袭。道光十八年，卒。

八次袭棍藏拉布坦扎木苏：索诺木喇布斋根敦子。道光十八年，袭。咸丰元年，卒。

九次袭额尔德呢绰克图：棍藏拉布坦扎木苏从子。咸丰三年，袭。

十次袭察克都尔扎布：额尔德呢绰克图子。同治元年，袭。

十一次袭喇什扎木苏：察克都尔扎布兄。光緒七年，袭。二十八年，卒。

十二次袭噶勒藏罗勒玛旺扎勒扎木苏：喇什扎木苏子。光緒二十八年十二月，袭。

**鄂尔多斯部：扎萨克固山貝子。**

初封小扎木素：郡王额舜臣从子。順治六年，封扎萨克镇国公，诏世袭罔替。康熙九年，卒。

一次袭索诺木：小扎木素长子。康熙九年，袭扎萨克镇国公十一年，卒。

二次袭都棱：索诺木长子。康熙十一年，袭扎萨克镇国公。三十七年，晋固山貝子。四十六年，卒。

三次袭色棱喇什：都棱长子。康熙四十六年，仍袭扎萨克固山貝子。五十一年，卒。

四次袭伦布：都棱次子。康熙五十一年，袭扎萨克固山貝子。五十六年，卒。

五次袭色棱纳木扎勒：都棱第三子。康熙五十六年袭扎萨克固山貝子。寻卒。

六次袭齐旺班珠尔：色棱纳木勒长子。康熙五十六年，袭扎萨克固山貝子。雍正十一年，以赴调兵不堪用，降辅国公。寻诏复貝子。乾隆十九年，晋多罗貝勒。三十七年，卒。

七次袭拉什达尔济：齐旺班珠尔孙。乾隆三十七年，袭扎萨克固山貝子。四十九年，诏世袭罔替。嘉庆十一年卒。

八次袭拉什扎木素：喇什达尔济长子。嘉庆十一年，袭。十七年，卒。无嗣。

九次袭拉什丕尔：拉什扎木素叔。嘉庆十七年，袭。十八

年，卒。

十次袭端多布色楞，拉什丕尔弟。嘉庆十八年，袭。道光二十一年，卒。

十一次袭静米特多布扎勒：端多布色楞子。道光二十一年，袭。

十二次袭巴图莽庸：静米特多布扎勒弟。咸丰七年，袭。

十三次袭阿尔宾巴雅尔：巴图莽庸嗣子。光绪六年，袭。

**鄂尔多斯部：扎萨克固山贝子。**

初封沙克扎：郡王额磷臣从弟。顺治七年，封扎萨克固山贝子，诏世袭罔替。十四年，卒。

一次袭固噜斯希布：沙克扎长子。顺治十四年，袭扎萨克固山贝子。康熙十九年，晋多罗贝勒。四十三年，卒。

二次袭喇什扎木素：固噜斯希布第五子。康熙四十三年，袭扎萨克固山贝子。五十一年，卒。

三次袭纳木扎勒色棱：喇什扎木素长子。康熙五十二年，袭扎萨克固山贝子。乾隆二十六年，卒。

四次袭拉旺巴勒丹色棱：纳木扎勒色棱次子。乾隆二十六年，袭扎萨克固山贝子。三十年，卒。

五次袭丹巴达尔济：拉旺巴勒丹色棱弟。乾隆三十年，袭扎萨克固山贝子。五十四年，卒。

六次袭永咙多尔济：丹巴达尔济长子。乾隆五十四年，袭扎萨克固山贝子。道光八年，卒。

七次袭达什多尔济：永咙多尔济子。道光八年，袭。

八次袭散济密都布：达什多尔济子。咸丰六年，袭。

九次袭索那木彭苏克：光緒十年，袭。十二年，卒。

十次袭素呢因索特图：素那木彭苏克子。光緒十二年三月袭。二十二年，卒。

十一次袭图们巴雅尔：光緒二十三年二月，袭。

**鄂尔多斯部**：扎萨克固山貝子。

初封額琳沁：郡王額隣臣从子。順治六年，封扎萨克固山貝子，诏世袭罔替。十八年，卒。

一次袭达尔扎：額琳沁从子。順治十八年，袭扎萨克固山貝子。康熙十六年，晋多罗貝勒。三十三年，卒。

二次袭旺舒克：达尔扎长子。康熙三十三年，袭扎萨克多罗貝勒。三十七年，卒。

三次袭达什喇布坦：达尔扎第三子。康熙三十七年，袭扎萨克多罗貝勒。雍正十一年，以赴调兵不堪用，降貝子。十二年，卒。

四次袭喇什色梭：达什喇布坦长子。雍正十二年，袭扎萨克固山貝子。乾隆三十八年，卒。

五次袭沙克都尔扎布：喇什色梭长子。乾隆三十八年，袭扎萨克固山貝子。四十三年，卒。

六次袭布延泰：沙克都尔扎布长子。乾隆四十三年，袭扎萨克固山貝子。嘉庆十三年，卒。

七次袭扎木巴勒多尔济：布延泰弟。嘉庆十三年，袭。二十二年，卒。

八次袭桑斋旺沁：扎木巴勒多尔济从子。嘉庆二十二年，袭。道光八年，以罪削。

九次袭巴达尔呼：桑斋旺沁子。道光九年，袭。同治十三年，賜貝勒銜，世袭罔替。

十次袭察克都尔色楞：巴达尔呼子。光緒十年，袭。

**鄂尔多斯部**：扎萨克固山貝子。

初封色棱：郡王额琳那从子。順治六年，封扎萨克固山貝子，诏世袭罔替。康熙十五年，卒。

一次袭衮布喇什：色棱长子。康熙十六年，袭扎萨克固山貝子。十九年，晋多罗貝勒。二十三年，卒。

二次袭根都什轄布：衮布喇什长子。康熙二十四年，袭扎萨克固山貝子。四十八年，卒。

三次袭罗布藏：根都什轄布长子。康熙四十八年，袭扎萨克固山貝子。雍正十一年，以赴调兵不善用，降辅国公。寻诏复貝子。乾隆五年，卒。

四次袭纳木扎勒多尔济：罗布藏长子。乾隆五年，袭扎萨克固山貝子。四十二年，卒。

五次袭色旺喇什：纳木扎勒多尔济次子。乾隆四十二年，袭扎萨克固山貝子。嘉庆十七年，卒。

六次袭额尔德呢：色旺喇什子。嘉庆十七年，袭。道光元年，卒。

七次袭察克都尔楞：额尔德呢子。道光元年，袭。咸丰二年，卒。

八次袭扎那济尔迪：察克都尔色楞子。咸丰二年，袭。四年，赐貝勒衔。光緒二十年正月，赏三眼花翎。

九次袭班济密都布：光緒二十七年，袭。

**鄂尔多斯部**：辅国公。

初封色布腾诺尔布：郡王喇什班珠尔长子。雍正六年，封辅国公。乾隆二十二年，卒。

一次袭扎木巴勒多尔济：色布腾诺尔布长子。乾隆二十二年，袭辅国公。二十七年，卒。

二次袭萨木丕勒：扎木巴勒多尔济长子。乾隆二十七年，袭辅国公。二十九年，卒。

三次袭丹津多尔济：扎木巴勒多尔济次子。乾隆二十九年，袭辅国公。嘉庆四年，卒。子当隆多尔济，降袭二等台吉。  
**鄂尔多斯部**：扎萨克一等台吉。

初封定咱喇什：郡王额璘臣从曾孙。雍正九年，授一等台吉，乾隆元年，授扎萨克。九年，卒。

一次袭衮布喇什：定咱喇什长子。乾隆九年，袭扎萨克一等台吉。二十七年，卒。

二次袭旺扎勒车布登多尔济：衮布喇什长。子乾隆二十七年，袭扎萨克一等台吉。四十九年，诏世袭罔替。嘉庆十四年，卒。

三次袭噶尔桑济克密特多尔济：旺扎勒车布登多尔济子。嘉庆十四年，袭。二十二年，卒。

四次袭色楞多济特：噶尔桑济克密特多尔济子。嘉庆二十二年，袭。道光十八年，卒。

五次袭翰克巴雅尔：色楞多济特子。道光十八年，袭。

六次袭扎那巴兰扎：翰克巴雅尔弟。咸丰八年，袭。光绪十六年，卒。

七次袭克什克达赉：光绪十六年，袭。

八次袭克沙都尔扎布：光绪二十三年，袭。

（摘自《清史稿》卷二百九表四十九藩部世表一）

## 省疆域沿革

绥远地处边荒，宿称塞外。我国载籍，凡论史迹地而有涉及绥远历代沿革者，大都断自战国赵武灵王之破林胡、置云中。诚以绥远开创事迹之见诸史册者，实不能不以此举为最古最可信耳。其前乎此者，由唐、虞以逮春秋，虽有虞舜十二州，禹贡九州，殷之鬼方、土方、土方，西周之玁狁、狁狁、昆夷等，记族之言，间亦有与绥疆沿革相关者。但就近世学者考据所得，亦犹是推测孤证，语焉不详。求其能确示时地、界划分明，可以信古而传后者，殆千百中未易以一二觐矣。此无他，盖地处荒远，文献简略，事实所限，有义不可上溯于邃古之期者在焉。故清修山西通志，其述归绥道疆域沿革，亦以战国为始。至于三代一期，则只云禹贡冀州北境，并北翟所居。此于春秋以前非不欲加详也，诚以详而简，固不若简而可信之为无诟耳。今本篇所述，大体亦仿自战国，惟于三代事迹之确而可征者，亦采辑一二附于前。是犹通鉴与纲目并断自秦而仍不没前纪、外纪之意也欤！

附录上古期之绥远疆域沿革。

近世凡治史地、考古、人种、语言诸学科者，每谓中国民族最初由帕米尔高原东来，先据黄河流域，渐乃驱苗族而进为今日之中华。如近人王桐龄氏所著东洋史，谓相传世界东半球人类始于亚洲，亚洲人类始于帕米尔高原。自此分道四下，其东下者为中华民族，在距今四五千年前，当哈母、塞母、阿利安

三族繁殖于西南时，汉族亦已据有黄河流域。同时交趾支那民族之苗族，亦据有长江中下游流域，以与汉族相对抗。又称中国历史有一特别现象，即汉族与西北民族之关系而已。北方民族有三：曰通古斯族、蒙古族、突厥族。突厥族始于前汉之大月氏、乌孙。通古斯族、蒙古族之出现，则远在有史以前，时代莫可考也。据王氏此说观之，则中国有史以前，其形势为苗族居南，汉族居中，而通古斯与蒙古二族居于北。史称黄帝北逐葷粥，合符釜山。其事虽未可遽信，但以大体论，则葷粥位于中原之北，殆无可疑者。且按纬线，今绥远适在釜山北，指为葷粥故地，将非甚謬？惟自黄帝合符后，历唐、虞之世，则尝命和叔宅幽都。高诱谓古幽都在雁门北，而不言幽都以北，究为何族所居。其次，由有虞以逮夏后氏，经史所载，迹地则只及并、冀，而从无再穷北荒者；记人则只称苗、夷，而鲜有道及北族者。岂此数百年间，果皆南北相安于无事乎？抑古史简略，言夷而北族已寓于其中乎？若夷之名亦可施于北，则夏帝相及帝槐时，九夷中之白夷、赤夷或即春秋时白翟、赤翟之异名欤？复次，考通鉴外纪云：汤既践天子位，海外肃慎，北发渠搜、氐羌来服。此渠搜既云北发，当即夏商之际北族之一。故汉武帝于朔方郡置渠搜县，在今绥远省鄂尔多斯部右翼后旗界。酈道元注水经，引礼三朝记，以为汉县即依古渠搜得名，而清赵一清斥其非。更据隋书西域传，谓钵汗国即古渠搜，在葱岭西五百里，此则赵氏好奇矜博之过也。殊不思禹贡九州，学者犹疑其夸而不实，今更远指禹贡之析支、渠搜在葱岭以西，岂夏后氏领土已扩及中亚一带乎？况三朝记明明言北发，而赵氏强欲示诸西，岂前代之说俱不足信，而隋氏之书为独可据乎？此绥远

西部，当夏商时为渠搜所居，亦似有不誣者。由湯传至武丁，经史旧籍，皆有外伐鬼方，三年乃克之語。近人王国维氏謂：言鬼方地理者，古无定说。毛传云：“鬼方，远方也。”不实指其地。后世諸家，有以为在北者。干宝易注云：鬼方，北国也。（见李鼎祚周易集解引）有以为在南者，如黄氏日鈔。以为鬼方即荆楚。近人邹汉勋考紅崖刻字，謂为殷高宗伐鬼方所作，以为在贵州是也。有以为在中国者，李瀚平毛诗細义：謂鬼与九字通。殷本纪：命西伯昌、九侯、鄂侯为三公。徐广曰：九侯亦作鬼侯。邳县有鬼侯城是也。唯竹书纪年称：王季伐西落鬼戎。（见后汉书西羌传及章怀太子注）可知其地尚在岐周之西。今征之古器物，则小孟鼎虽纪孟伐鬼方事，亦不及地理上之一字。然大小两孟鼎，皆出今陕西郿县祖村沟岸间，其地接西北岐山县境，当为孟之封地。大孟鼎纪王遣孟就国之事，鬼方之地，自当与孟之封地相近。而岐山、郿县以东即为丰鎡，其南又限以終南、太一。唯其西济渭之间，乃西戎出入之道，汉之郁夷县正在其间。又西逾隴坻则为戎地，张衡所謂隴坻之險，隔閼华戎者也。由此观之，鬼方地必在游隴之间，或更在其西，盖无疑义。虽游牧之族非有定居，然殷周间之鬼方，必在此地无疑。然其全境犹当环周之西北二垂，而控其东北。梁伯戈虽仅有鬼方蛮及梁伯作数字可辨，然自为梁伯伐鬼方时所铸。而梁伯之国，杜預謂在馮翊夏阳县。史记秦本纪：惠文王十年，更名少梁为夏阳。汉志亦云夏阳故少梁，其地在今陕西韓城县。又在宗周之东，其北亦为鬼方境，故有爭战之事。据此二器。则鬼方之地，实由宗周之西而包其东北，与以后昆夷、玁狁地正同。此鬼方疆域之略可考者也。据王氏所说，则今绥远西部，殆全

为商代鬼方故地矣。降逮商之末期，则又有獯鬻、昆夷之称。如孟子所谓太王事獯鬻，文王事昆夷。又至周而有玁狁，此见于毛诗者，尤不一而足。史记匈奴传云：戎狄破逐周襄王而立子带，晋文公攘戎狄，居于圖洛之间，号曰赤翟、白翟。此所谓翟，亦即玁狁之族，故司马迁引薄伐玁狁之诗为证。近据王氏所考，以为鬼方、昆夷、獯鬻、玁狁诸名皆古语喉牙同音、阴阳对转、一语之变也。其文繁博不具录，要其大旨，于史地考证，皆有发明。而以古文鬼字证其通隗、通畏、通威，尤以春秋时北狄隗氏及后世北族之有畏吾尔，均有密切之关系焉。此可证战国以前，绥远全境固长为游牧民族之北翟所居矣。综上所述，则知今之绥远，当太古期中国民族由帕米尔高原东来时，蒙古族已居斯土，且与黄河流域之汉族、长江流域之苗族分中南北三段，而各遂其生。至黄帝逐蚩粥，(或谓葷粥为周初北族之名，一作獯鬻。当黄帝时不应有此称，以理揆之，殆后世史家所追书。此说诚是，但太古北族，既无专名，则追书之名，亦似可用。)北族始见于史，迨夏商之际。居北者称渠搜，商之中叶称鬼方，由商末逮于两周又改称昆夷、獯鬻、玁狁等号。直至宣王时，命将出师，而犹谓之玁狁也。厥后孔子删定古史，始以翟(同狄)字斥北族。自此相沿，遂为历代常用之词。故春秋二百四十余年，凡书翟者，皆指北族而言。且尔时翟之所据，不唯今绥远一省，即华夏、秦、晋、燕、齐之间，亦已有北族参居于其地。观春秋卫、邢亡国之祸，其情势亦略可睹矣。洎乎战国，赵破林胡，其地正当今绥远省大青山前一带。秦灭义渠，则为今绥远省河西至宁夏一带。由太古以逮战国，一若此绥远全境，曾有多种民族寄迹者。愿一按其实，则所谓胡

也、翟也、昆夷也、鞞粥也、獬豸也、渠搜也、义渠也，皆即元明以来之蒙古族而已。奚以知其然耶？此可由蒙古語与中国古籍所记北狄名号相印证而明之。大抵世界各民族語言之变迁，皆与其文化进步之缓急为成正比。换言之，即进化速者，其語言变亦速；进化缓者其語言改变亦缓。中国内地民族，由古代之渔猎游牧而进于农业，虽在此期曾作长久之停滞，但民间于工商杂艺之改善，几乎无代无之。故其語言自周秦迄今，仍于不知不觉中有极大之改变。至于北族蒙古，则自上古以来始終处于猎牧之一阶。其文化既无甚巨之改革，则其所用語言，除与他族混合时微有参杂外，其原有之名词語音，必有一大部历数千百年而遗存至今者在焉。基于此理，则就今之蒙古語推测，似颇不难窺见北族之属何种也。盖古代北族名号，凡可以蒙語释之者，率为蒙古族，其不可释者必否。又如蒙古文字，虽創始于元代，颇其字皆拼音合成，依語立义。故文字虽晚出，而所代替者，仍为古語古音之传演，无碍于原用語类之寄存也。惟蒙古語音东部与西部稍有不同，故古代中国史籍以汉字譯音记述之，称号遂往往有东西互异之处。如中国古史通称北族曰胡，而胡字又无函义可求，则其源出于譯音，殆无疑义。考蒙古語称人曰混，或曰困，此即东西异音之一端。盖蒙文人之一字，本为三字母拼成之联音字。东部蒙古讀此三音曰忽木瓮，急讀曰忽孟。用諸語言，则变曰混，若延长其尾音即成胡。故胡之名起于东部，而有东胡之称。其后林胡等称号，皆源于此。但西部蒙古讀此三音则曰枯木瓮，急讀曰窟孟。用諸語言，则变曰困，若延长其尾音即成昆。故昆之名著于西部，而有昆夷之称。其后昆兑、坚昆等号，皆源于此。合而写之，无论东

之称胡，西之称昆，其实皆蒙古語之称人耳。至于葷粥之葷，其本字本有浑音，后音改作獯、熏等字，始讀葷为獯。第就上述之語音推之，則依葷而讀作本音，似較讀獯为近实也。他如翟、狄等字，本为蒙語称众、称部之意，亦即今之忒、特等字。如今日各蒙旗名称，其結語多用特字，偶亦有譯作忒者。若土默特、乌拉特、达拉特、苏尼特、浩齐特、翁牛特等，几至不可以僂指数。古代中原不明北族称众、称部之义，而听其語尾多作特、忒之音，遂概呼之曰翟或狄焉。（案蒙語之称特，正如俗語之称们，如云某某们之意也。）以理揆之，古代翟、狄等語音上，必更冠有其部名，以自区别。惟古代中原文字簡略，以奇音繁杂难譯，遂统称之为狄，致使后之学者，虽欲詳考其源流而不可得。若夫春秋时之白狄、赤狄，此乃中国就其礼俗之所尚而名之，非其面色有赤白，或狄以赤白自号也。盖自古同种同語之蒙古族，本有尚赤与尚白之二系，尚白一系即后世繁衍为元朝宗室之正统蒙古。观于元代九白之賁与后嗣即汗位者，必于八白室前等礼，知其尚白之俗，通古今而未尝或改，亦即战国以前所謂白狄矣。尚赤一系即后世繁衍为瓦剌之西北四部蒙古，清代称之为四卫拉。观于其部内称汗、称王者，始得服紅衣、御紅香牛皮镶云花靴；台吉大臣始得用紅香牛皮无云花靴；小官及平民均不許用紅色为衣履等制，知其尚赤之俗，亦通古今而未尝或改，斯即战国以前所謂赤狄矣。当春秋时晋公子重耳逃于翟，娶隗氏。其后先軫与狄战，死之，皆尚赤一系。其云隗氏，即近人王国维所謂通畏、通威、至近代而转变为卫、瓦等字，因謂之瓦剌、卫拉或乌喇，而不知蒙語謂赤，正謂之乌喇耳。可见古时与晋国接壤而居者，皆蒙古族也。又

如渠搜、义渠二名，按毛诗夜未渠央之渠，注謂渠讀如遽。若古音渠应讀遽，则渠搜、义渠亦当如此。盖蒙語称容貌曰遽搜，称主曰义遽。或古时渠搜一部，其貌稍雅，故称以此名。而义渠一部，则因其臣民呼其君之語，而中国遂用为称其部之号欤？总之，上述諸名，大都可用蒙古語释其义，其为古代之蒙古族，亦似无甚可疑者。惟本篇之考沿革，其正文本断自战国。若唐、虞、夏、商而逮于春秋，此地究为何族所居，原可存而不论。顾古代既有此多数交易无定之族名与事迹，载諸簡册，而近岁且有专心肆力于此类学科之人士，则著其关系大概而附于前，或亦好古之彦所乐聞而不废者欤！

案史记赵世家：武灵王召楼缓，謀曰：我先人敗林人于荏，而功未遂。正义于林人下释之曰：即林胡也。战国时称林胡为林人，尤足证胡字即北族称人之語。盖七国之世，秦、赵、燕皆邻胡，而胡事之有涉于赵者尤多，是以赵独諗胡字之义，而易以华語，則謂之人焉。

战国时，绥远东部近边处为子姓翟代国故地，稍北为无穷故地，中部自大青山以北而南至边，为林胡故地。西部河套，除东南为秦、魏境界外，其余大率为楼烦、义渠故地。盖楼烦居河套之东，且兼有今山西省之西北隅，而义渠则居河套之西，并奄有今宁夏、阿拉善之中段也。

史记赵世家：当道者謂赵簡子曰：主君之子，将克二国于翟。皆子姓也。簡子卒，襄子元年，北登夏屋，請代王，使厨人操铜料击杀代王及从官，遂兴兵平代地。武灵王五十九年，王遂之代。北至无穷，西至河，登黄华之上。二十年，西略胡地至榆中，林胡王献馬。二十六年，攘地北至燕、代，西至云中、九原。

惠文王二年，主父行新地，遂出代西。遇楼烦王于西河，而致其兵。又匈奴传云：岐梁山涇，漆之北，有义渠、大荔、乌氏、胸衍之戎，晋北有林胡、楼烦之戎。晋悼公使魏降和戎翟后百余年，赵襄子逾句注而破并、代，以临胡貉。其后义渠之戎，筑城郭以自守，而秦稍蚕食。至惠王遂拔义渠二十五城。昭王时，遂起兵伐残义渠，筑长城以拒胡。赵武灵王亦变俗胡服，习骑射，北破林胡、楼烦，筑长城自代並阴山下至高阙为塞，而至于云中、雁门、代郡。

按张守节史记正义引地道记云：飞狐口北，则代郡也。又赵襄子姊代王夫人，磨笄自杀，代人怜之，所死地名之为磨笄之山。正义引括地志云：山在蔚州飞狐县东北百五十里。若以此为纬线，而度其四境之广狭，则古代地不仅包括今山西东北数县，且兼有今绥远东部之一隅也。又正义云：黄华，盖西河侧之山名。林胡、楼烦，即嵐、胜之北，榆中、胜州北河岸也。按古之西河，即指今鄂尔多斯东境黄河南流之一带而言。而唐之胜州，又在河西之东北部。则史记所谓黄华、林胡、楼烦、榆中等地，皆在今绥远之中部及河套之东北隅。惟无穷一地，注家均无说明。然既在代北，则今之绥东近北处及乌兰察布之东端，大概即其故地。或古时未能究其境之所止，姑呼之为无穷欤？余如义渠、大荔诸戎，据史记正义，既称在涇、漆以北，则凡涇水之北岸、于陕北直达于鄂尔多斯之西南，皆是也。虽正义、集解、索引各家所注释，以为在北地郡，但若就今河套鄂尔多斯之地形揆之，涇北实为古上郡地，惟其两边与北地郡之一部相联接，故秦于伐残义渠后，始并有北地、上郡、隴西之地，则当时东自河西魏、赵之边境起，南沿秦之北

界，西抵崤右，皆諸戎托足之区。而义渠戎王所居，尤与秦都密迹，故能仿秦制而筑城郭，并能出入秦宫与宣太后乱。以此推之，则河套之南半壁，虽非义渠之全，殆亦义渠筑城自守之一部矣。且詳考史记所述，似秦昭王破义渠而仅得今河套之南端，赵武灵王破林胡而仅得今阴山以南、黄河以东、以北之地。其余如河套之中部及西北二部，盖犹是胡牧之场，适介于秦、赵壤地之间。观赵武灵王胡服骑射，其志固在破林胡而袭强秦。然林胡既破，而未能直下制秦者，以其间尚有胡地数百里，以为之梗耳。厥后秦始皇既尽灭六国，始命蒙恬将十万众，北击胡，悉收河南地，因河为塞。当时所谓河南地，正即今之河套境。其云悉收者，至是乃得尽取全部套地而与武灵王旧界相建焉。总之，绥远全境在战国以前，确为諸戎所踞。自赵武灵王、秦昭王开北壤之端，至始皇而克抵于績。于是阴山以南，乃肇启为郡县城郭之邦云。

秦并六国后，仍沿赵旧称，于北边置代、雁门、云中、九原等郡。而今之绥远，实兼有秦时雁门、代之一隅，及云中、九原全部，且北包其北假，而南括其河南、新秦中、上郡等境也。

史记秦始皇本纪三十三年云：前年使蒙恬发兵三十万（匈奴传作十万）北击胡，略取河南地。是年又西北斥逐匈奴，自榆中并河以东属之阴山，以为三十四县。又匈奴传：始皇帝使蒙恬将十万之众，北击胡，悉收河南地，因河为塞，筑四十四县城临河。（本纪作三十四）徙适戍以充之而通直道，自九原至云阳，又渡河据阳山，北假中。

案秦灭赵、魏，其所得地在今绥远境内者，约为阴山以南

之九原、云中、雁门、代、西河等郡之全部或一部；破灭义渠所得地，在今绥远境内者，约为上郡之一部；斥逐匈奴所得地，在今绥远境内者，约为河南、新秦中并北假之全部。至所谓筑四十四县城临河云者，不过仅就今套地之东西北三面黄河经流处，筑城守卫之。其距河较远之雁门、代、北假、上郡及云中偏东处，尚不在内也。或谓始皇所筑诸城，大抵皆在九原属境。然观史记，自榆中并河以东属之阴山一语核之，则云中之西偏，及河南地之北界，殆悉为筑城屯戍之要地，固非仅以九原一郡为限也。盖秦时榆中，即隋唐以来之榆林郡，其地在今绥远河套鄂尔多斯之东北界。当日筑城。既以此为起端，则其兼有黄河南北两岸地而统隶于九原，（秦时九原，兼领黄河南岸。）固非甚诬，第又云并河以东属之阴山，则是黄河南流之东西两岸地，亦在筑城防卫之中。而河东至阴山，乃云中辖境。若河西稍南处，且为西河辖境矣。故秦时所筑之四十四县城，不惟不限于九原，或更不限于云中西部，而延入西河，亦为地理所当尔。独惜秦代沿河县名沿革，半不可考，致此三十四城与四十四城之迷，历数千百载而终莫之能详耳。洎乎秦二世以后，中原因有陈、吴、刘、项之争，不遑备边。比秦灭亡，而塞上列郡已半为崛起之匈奴冒顿单于所复踞。计此地自秦统一列为边郡以至复陷于胡，前后不过十数年而已。考史记匈奴传，冒顿大破灭东胡王，而虏其民人及其畜产。既归，西击走月氏，南并楼烦、白羊、河南王，侵燕、代，悉复收秦所使蒙恬所夺匈奴地者，夺汉关故河南塞，至朝那肤施。是时汉兵与项羽相距，中国疲于兵革，以故冒顿得自强。诸左方王将居东方，直上古以往者；右方王将居西方，直上郡以西；而单于之庭，直

代、云中。据此传所述，则知秦汉之际，匈奴单于庭正位于今绥远省境之中部，大约当今之归绥东北一带，而其右方王、将则且奄有今之河套故地。传又称右贤王悉汉夺其河南地，筑朔方。是秦之边郡至汉武帝再逐匈奴后，始得完复无缺也。

汉初，郡、国并建。其在今绥远省境者，始于云中、雁门、代属县置代国，旋复分置为云中等郡。嗣又分云中而置定襄郡。至武帝时，又改秦九原置五原郡，并于河南置朔方郡。计前汉北边列郡属县之在今绥远者，约为代郡之且如一县，雁门郡之沃阳、疆阴二县，定襄郡之成乐、成过、都武、武进、襄阴、武皋、骆、安陶、武城、武要、定襄、复陆等十二县，云中郡之云中、咸阳、陶林、慎陵、稽和、沙陵、原阳、沙南，北舆、武泉、阳寿等十一县，五原郡之九原、固陵、五原、临沃、文国、河阴、蒲泽、南兴、武都、宜梁、曼柏、成宜、固阳、莫里、西安阳、河目等十六县，朔方郡之朔方、修都、临河、呼遄、渠波、沃野、广牧、临戎等八县，西河郡之美稷、富昌、大成、虎猛、平定、培山等六县，上郡之白土、奢延、高望等三县。以上皆前汉所置，共得五十九县。是为三代以后绥疆沿革之较可征信者。中经王莽之乱，改易郡县诸名。如改云中为受降，改定襄郡治之成乐为得降，其它城邑之纷更易号者，尤不可殫指数。逮后汉初，卢芳倡乱，边郡并废。建武二十五年南单于降，二十七年复置郡，并属并州。省云中郡之陶林、稽和、阳寿，而割定襄郡之成乐、武进、定襄三县隶之，复徙定襄郡治于雁门之善无，而省其旧领之襄阴、武皋、武要诸县。此外如五原、雁门、代三郡所领之固阳、沃阳，且如等县亦并省。盖是时去边远而

旧制荒者，悉在裁省之数也。至汉末建安之际，虽立新兴郡于太原界，领云中、九原、定襄等县，然名实乖违，已迥异盛汉规模矣。

案汉书地理志注，云中、雁门、代三郡，并秦置。定襄郡高帝置。盖高帝六年，以云、雁、代所属五十三县为代国。十一年以代之云中以西为云中郡，十二年分云中之东南置定襄郡，此二郡属邑，十九为今绥远省境之中部地。再东则为雁、代二郡之各一隅。以今县核之，则代郡之且如在今兴和县界，雁门郡之沃阳、雁阴在今凉城县界，云中郡之北舆、武泉、原阳在今归绥县界，栢陵、沙陵、云中、沙南在今托克托县界，咸阳、掖和在今萨拉齐县界。余如陶林在归绥东北，阳寿在归绥之西南。其次定襄郡之成乐、定襄、武进在今和林县界，骆、桐过在今清水河县界，武皋在今归绥东边，武要在今陶林县界。复次，五原郡为汉武帝元朔二年因秦九原旧地而改置者，所属固阳、临沃、九原在今包头县界，五原在今安北县界，宜梁、西安阳、成宜在今五原县界，河目在今五原、临河之间，狼山口南界河阴、曼柏、蒲泽，在今包五二县河南岸。复次，朔方郡亦武帝元朔二年置。所属诸县，除三封、窳浑不隶绥疆外，其余七县，在今河套鄂尔多斯北部界。一县曰临河者，则在河北岸，即今临河县界也。复次，上郡亦秦旧制，而汉因之。高帝初尝改为翟国，旋复故。所属诸县有白土、奢延、高望在今河套鄂尔多斯南部界。复次，西河郡武帝元朔四年置，所属诸县有美稷、富昌、大成、虎猛、平定、增山在今河套鄂尔多斯东部近河处。是为汉郡县布列绥疆之大概形状，至其遗址方望之

实，则另詳于分县沿革及历代故城各条。总之，秦汉所置沿边諸郡县，其北界大致以阴山为限。良以秦赵长城，皆循阴山南麓。故阴山高阙以北，在当时为徼外地，列塞所不守，亦即郡县建置所不及也。虽秦尝扩地至北假，汉武帝亦尝以兵力逾絕塞，逐匈奴，抵狼居胥山，但其遗迹，亦仅有头曼、光祿等数城而已。終为倏得倏失之区，与徼内之简守令、驻都尉者迥异。是则今之绥疆，不唯统辖秦汉雁门、代、云中、定襄、九原、五原、朔方列郡所领諸县地，即阴山高阙以北，直抵瀚海南界之匈奴故地，亦已并隶幅员之内矣。

三国，魏地属北部。其后自云中以东，为鮮卑所踞。自西河以西，为南匈奴遺族所处。盖是时华夏紛爭，未遑远略，故地虽属魏，而迄未重置郡县，一任鮮卑族之拓跋氏入居盛乐，奄有今绥疆之中东两部，以奠后魏开国之基。其云中以西之五原、朔方、西河、上郡各地，自后汉以来，立南匈奴单于庭于去五原西部塞八十里許，嗣复徙处于西河、美稷。至汉魏之际，南匈奴右贤王去卑等所统諸部，犹散居故地，据有今绥境之河套全部，以白豹子、卫辰父子迭踞之。盖当三国曹魏之世，北部之郡县遺制，已蕩然无存，而疆土分裂，适为鮮卑、匈奴两族抢攘割据、糾紛开始之一期云。

案前汉所置沿边列郡，经王莽之紛更，而旧制渐坏。比光武帝平定内乱，而匈奴别部已芽蘖于塞下。迨南匈奴既降，始则处之五原，继则徙諸美稷，至于扶罗则竟止于河东。于是終后汉以逮曹魏之世，凡秦之所謂河南地，与夫前汉之所謂五原、朔方、西河等郡，已悉为南匈奴长居之境。

考后汉书所谓匈奴未分南北部时，有莫鞮日逐王名比者以不得立为单于，出怨言。尝于建武二十三年遣汉人郭衡奉匈奴地图，詣西河太守求内附。二十四年春，款五原塞，愿为蕃蔽，帝许之。其冬，比自立为单于。二十五年春，比遣弟左贤王将万余人，大破北单于，却地下里。自是南北部既分，汉遂使南单于立庭于五原西部塞，既而复诏使入居云中。此为南匈奴入塞之始。其后南单于遣兵拒北部，逆战不利。于是汉帝复诏南单于徙居西河美稷，使中郎将段柳、校尉王郁、留西河拥护之。南单于既居西河，亦列置诸部王，助为扞戍。使韩氏骨都侯屯北地，右贤王屯朔方，当于骨都侯屯五原，呼衍骨都侯屯云中，郎氏骨都侯屯定襄，左南将军屯雁门，栗籍骨都侯屯代郡，皆领部众，为郡县侦罗耳目。此为后汉初南匈奴散居今绥远全境之始。南匈奴数传至单于宣，鲜卑入左地，击北匈奴，大破之，斩优留单于。于是北庭五十八部，二十余万口，胜兵八千人，詣云中、五原、朔方、北地，降南单于。厥后南部历传数世，皆亲附汉庭，并数会汉将竇宪、邓鸿、耿种、耿种、任尚、冯柱、庞奋等，合击北部。或出朔方，或出五原，或出鸡鹿塞。迄于汉末，太率如此。而其滋生繁息于汉边列郡者，固亦以历年悠久，而不可复迁矣。灵帝末年，右贤王于扶罗立为单于，国人叛之，因留河东。献帝时，于扶罗弟呼厨泉继位。五十一年来朝，曹操使留于邺，而令其弟去卑归监其国，是为南部衰落之始。而东胡别种之鲜卑族，遂乘势自辽水西侵，渐有涇北、雁、代之地。其兵锋所至，且远达五原。考魏志鲜卑传载，汉安帝末，发缘边步骑二万余人，列屯冲要。后鲜卑八九千骑穿

代郡及烏城塞，入害長吏。又鮮卑大人什翼犍控弦數萬騎，數道入塞，趨五原寧朔，攻匈奴南單于。檀石槐立為大人，兵馬甚盛，南抄漢邊，北拒丁令，東却扶余，西擊烏孫，盡據匈奴故地，東西萬二千餘里，南北七千餘里，網羅山川水澤鹽池甚廣。由是觀之，則鮮卑一族，當後漢末葉，已據有北匈奴全境，約當陰山以北，今綏遠北界之烏蘭察布盟一帶。蓋匈奴舊部本以陰山高岡諸塞分南北，鮮卑乍自東來，則塞外之北部匈奴，固首當其衝，而魏志所謂盡據其故地者，亦指遠隔塞外之北庭言之也。若南部則屯居塞內，為漢保邊，雖嘗受鮮卑鈔掠，而地未盡失。且久附漢庭，忠誠不渝，故史氏以南部所處為漢郡，不以牽于北部者，亦以微示內外之殊耳。惟沿邊列郡，經後漢、匈奴、鮮卑之爭，其餘他年割據已預奠難拔之基。故三國一期，雖以魏武帝之雄才大略，終不能驅二族而復漢制，僅于雁門以南置一新興郡，（在今忻縣）以領塞下荒地云中、定襄、五原、朔方之民。至魏文帝黃初元年，則又徙置于并州，遂舉陘嶺以北之地并之。其後檀石槐之孫步度根雖立，而眾稍寡弱，屢為小種鮮卑大人軻比能所侵陵，因率所部與從子泄歸泥之眾，降于魏，拜歸義王，居并州。青龍元年，軻比能誘納步度根使叛，自勒萬騎迎其累重于陘北，并州刺史畢軌遣將軍蘇尚、董弼等擊之。軻比能遣子將騎與尚等會戰于樓煩，臨陣害尚、弼。按古樓煩在今綏南晉北之間，軻比能迎步度根而與魏師戰于此。則知樓煩以北，今綏遠之中東兩部，在漢未屬檀石槐一枝，在魏則屬軻比能一枝也。迨魏末則有鮮卑別部拓跋氏崛起，續居其地，是為後魏始祖拓跋力微創業之始。考魏

书、北史并云：始祖神元皇帝力微三十九年，迁于定襄之盛乐。计其时盖即曹魏之甘露二年至景元二年。力微遣子沙漠汗如魏观风，留于洛阳。又数年，晋遂代魏云。

晋初，鲜卑拓跋氏仍居盛乐，（即汉成乐）奄有今绥远黄河东岸以往各县地，其西岸南河以南仍为匈奴遗族刘虎、刘卫辰等所踞。盖晋当武帝国力强盛时，劳于平吴，无暇北进。故汉魏以来，匈奴、鲜卑分据边郡之局，迄无甚大之变革。比及再传，而中国已乱。当是时，拓跋氏既尚未建魏国之号，故所居之地，仅称统部，而无分州划郡之举。其盛乐及参合陂二部，适为今绥疆之中东二部地。稍后拓跋氏受晋封为代国，与晋分界。而河西之匈奴遗族赫连氏，亦竟攘朔方、西河之故郡，而建夏国，是为今绥疆之西部地。

北史帝纪：始祖神元皇帝三十九年，迁于定襄之盛乐。昭帝祿官元年，分国为三部：一居上谷北濡源西，自统之；一居代郡之参合陂北，使桓帝猗屯统之；一居定襄之盛乐故城，使穆帝猗卢统之。自神元与晋和好，是岁穆帝始出并州，迁杂胡，北徙云中、五原、朔方。又西渡河，击匈奴、乌丸緒部，自杏城以北八十里迄长城原夹道立碣，与晋分界。三年，桓帝度漠北巡，因西略诸国。积五岁，诸部降附者三十余国。十一年，晋假桓帝大单于，金印紫綬。是岁桓帝崩。十三年，昭帝崩，穆帝遂总摄三部为一统。三年，晋并州刺史刘琨乞师，帝助琨破白部，攻铁弗。晋怀帝进帝大单于，封代公。帝以封地去国悬远，从琨求勾注陁北地。琨大喜，乃徙焉。阴馆、楼烦、繁峙、崞五县人于陁南，更立城邑，尽献其地，东接代郡，西连西河、朔方数百里。帝乃徙十万家以充之。六年，城盛乐以为北都。八

年，晋愍帝进为代王。

晋书载记：赫连勃勃字屈丐，匈奴右贤王去卑之后，刘元海之族也。曾祖武（案即刘虎。唐著晋书，避祖諱，遂改虎为武）为刘聪安北将军，祖豹子为石季龙平北将军，父卫辰为苻坚西单于，督摄河西诸虏，屯于代莱城。及坚国乱，遂有朔方之地。后魏师伐之，乘胜济河，克代莱，执卫辰，杀之。勃勃奔于叱干部，后归姚兴，以为安远将军，封阳川侯，以三城、朔方杂夷及卫辰部众三万配之。顷之，以勃勃为持节安北将军、五原公，镇朔方。义熙二年，僭称天王大单于，国称大夏。进讨姚兴三城以北诸戎，侵掠岭北，岭北诸城门不启。又大破秃发傉檀，败姚兴将张佛生于青石原，擒齐难于木城，进屯依力川，擒姚文宗、姚榆生于三城，执王奚于勒奇堡，连攻兴将姚广都、姚寿都、姚群、杨佛嵩、党智隆等，皆破之。取清水、东乡、三城诸城，徙民万六千家于大城。勃勃改元为凤翔，发岭北夷夏十万人于朔方水北，黑水之南。营起都城，以统万为名。

案秦汉边郡，自王莽改制，已开靡烂之端。迨后汉初，光武受南匈奴降，分部而处之河西。此后北边列郡，已名存而实亡。及三国时，鲜卑诸部复西侵而据有阴岭以北雁、代、云、定之地，则秦汉旧制，愈湮泯不可究詰。降逮苻苻，策重羁縻，无由恢扩。至永嘉以后，则国事益莫可为。虽以刘越石之忠勇干略，犹不得不齐勾注以图苟安，则终晋之世，迄未能于阴山塞下，设一官、置一戍，以示国界之所在。岂非以汉魏以来，积重之势不可骤挽乎？考拓跋氏未建魏号之前，其国境大致以今绥远黄河以东之地为限。至于河西朔方诸郡，初尝为刘聪、石虎所据。继属苻坚，继属姚兴，最后乃为勃勃所据。虽拓跋氏兵力

尝一再渡河，破代、杀卫辰，然不久即去，卒未能长有其地，故勃勃得资以复起。此有晋一代之割据形势。至后魏灭夏，乃始归于一氏耳。

后魏自始祖神元帝力微，迁居定襄之盛乐，至穆帝猗卢，受晋封为代王，更城盛乐为国都。道武帝圭，登国元年春，犹袭晋封，即代王位。四月乃改国号称魏。是为拓跋氏以雁、代、云、定之地，去晋爵而自建后魏之始。迨道武天兴元年，徙都平城，犹定京邑以西至河以北至五原为畿内，并于盛乐置云中郡。太武帝焘，改郡为镇，仍称云中。更于白道岭北置沿边六镇，以备蠕蠕，即沃野、怀朔、武川、抚冥，柔元、怀荒（怀荒、柔元不在绥远疆域之内）也。又立朔州于盛乐，统云中、怀朔、武川，而皆不领县。肃宗时，改怀朔镇为朔州，而改旧治盛乐之朔州为云州，且皆增领郡县。惟自孝昌之乱，北边州郡，次第陷没。迨三晋侨置，则名虽存而地已非矣。以今省界核之。则当时建置之略可考见者，如云州所领之云中、盛乐二郡，为今绥疆之中部。恒州所领之代、凉城、善无三郡之各一隅，为今绥疆之东南部。初设六镇之西四镇，沃野、怀朔、武川、抚冥为今绥疆山后北境之全部。独朔州所领，前后移置，变易无常，故或领怀朔、武川，或领盛乐、广收，或领广宁、神武，虽其后寄治雁南，形同虚设。顾所统郡名地望，则已遍及绥疆南北西三境矣。至于河西一部，由后汉魏晋以来，即为匈奴遗族所踞。自赫连勃勃于晋义熙中最后建国，至其子昌，为后魏太武帝所，灭并改其故都统万城为统万镇。太和中，改镇为夏州，领化政郡。逮西魏时，改化政曰弘化郡。以上皆

拓跋氏在今绥远省境分州置郡之形势也。惟当时于夏州之外，尚有所谓东夏州，诸史均不著其建置之年。然其所领涇城、朔方、定阳、上郡之四郡属县按之，如沃野、朔方、朔武等皆在河套之北半部。似彼时两夏州虽以东西分，而其辖境固不可以南北为界焉。

案拓跋氏自力微入居盛乐，历传数世，均未尝有州郡之建置，仅于武官、猗屯、猗卢同领部众时，划其属地为三部而已。盖是时汉之旧治已坏，而拓跋氏之新规未立。故考古者只能就各部而推其大略，莫能稽郡县而为之加详也。按当时所谓定襄之盛乐一部，即今绥远和林县北之上下土城村，其所辖为今归、托、萨、和、清及五川等县地。当时所谓参合陂北一部，即今绥远丰镇县东之野马图村，（此参台陂为汉参合县之北陂，在今大同县东北边墙外，与后魏所置参合县，在今凉城县治西北者不同。）其所辖为今丰、凉、兴、陶及集宁等县地。此盖皆以统帅驻地代部名，部以下更无较详之区划矣。迨拓跋氏别建魏号，以至迁都于平城，虽定五原以南、大同以东为畿内之地，然除沿用汉代二三郡县旧名外，其境内规制，亦犹是力微、嵇官以来，鲜卑氏族之部落概况而已。惟拓跋氏自猗卢城盛乐以为北部。其后为石虎所败，部族东徙，至翳槐复城新盛乐城，在故城东南十里。什翼犍居云中之盛乐宫，又筑盛乐于故城南八里，至非又徙居定襄之盛乐，是为拓跋氏未迁平城以前已有建置。顾其经营，始终限于云中、盛乐百里之内。（盛乐在云中城东八十里，各城沿革详故城各本条）则其事迹只有关于一方城邑之肇造，而无当于一代州郡之区分。盖是时但著城名，未标郡号，谓为部落渐进之期则可。

謂为经制已定之时，固犹未也。虽然，当拓跋氏在今绥远境内未建列镇州郡时，（后魏于太武帝以前，其兵力已达太行山南。所略各地，亦已沿用郡县旧名。惟于原居之云、定等地，尚未确立郡制。）其领地所届，亦有约略可稽者。如猗卢时。南以勾注陁岭为界，则知陁岭以北，皆其所有。而绥远南境之在其治下，已属毫无疑义。至于东部，自濡源以往不在绥远境者，不赘述。若于延水以西、水川以南，则为今兴和县之北境。魏书道武紀：登国元年，帝自弩山还幸牛山，屯于延水南。二年，巡松漠，还幸牛山。其后諸帝幸牛山之文，尤叠见不鮮。又长川，亦为拓跋列帝常巡之地，地当于延水发源处。有城即以长川为名。其沿革方望别詳于故城条。又蟠羊山、豺山亦屡见于魏书帝紀中。如天賜三年正月甲申，巡幸豺山。四月复幸豺山。四年五月北巡，自参合陂过潘羊山。此二山皆在今丰镇县界。豺山在县治之东北，蟠羊山在县治之东南。蒙古語謂蟠羊曰野馬，故今人犹称彼处为野馬图山，亦即上文所述魏初三部之一。又惠帝賀佺尝避地东木根山。道武帝天賜七年，亦幸木根山，遂次黑盐池。依方輿紀要所考，则东木根山在大同府北。山西通志謂在宁远厅北，所说本同。盖紀要著于设厅之前，故所指稍远。通志成于设厅之后，故丽事较密。且以天賜年次黑盐池之下文征之，则宁远厅北之说，尤极可信。良以古昔此地，本有二池。古人称小者为盐池，其大者即今人所謂岱海泊。是则后魏之东木根山、盐池等，皆在今凉城县境矣。斯其奄有东西之大略也。至于北部，如魏书昭成帝三十九年，苻洛率众二十万来寇，帝遣刘庫仁逆战不利，乃率国人避于阴山之北，不得刍牧，复渡漠南。

又道武帝登国元年，帝虑内难，乃北逾阴山，幸贺兰部，阻山为固。此皆自云中北出，而不久辄还。料其避居之处，当即在今武川县辖境内。又如登国六年，刘卫辰遣子直力鞬，出固阳塞，侵及黑城。九月帝袭五原，屠之，收其积谷，还纽垵川，于固阳塞北，树碑记功。凡此所谓黑城、固阳、五原，皆在今包头、安北二县界。其沿革方望亦均详故城各本条。又登国六年十月，北征蠕蠕，追之及于大磧南床山下，大破之。此床山在今狼山北乌拉特旗界，亦即登国五年破高车豆陈部于狼山者。此则更在其北，且已近于戈壁大漠之南边也。其后由五原金津渡河，破卫辰父子所居悦跋城，又于五原破慕容宝，宝烧船夜遁，其战地亦皆在今包头黄河南北岸。斯又其奄有北与西北之大略也。至于西部则自道武帝破卫辰父子，取悦跋城。据本纪所载，谓自河以南诸部悉平，此殆指今绥西黄河南岸鄂尔多斯全境之北半部而言。盖此地东西北三面临河，为卫辰父子所统列帅屯驻之区。卫辰父子既败灭，故寄此诸部，亦随以悉平。迨太武帝于始光中破统万，复于神䴥元年擒赫连昌，而灭其国。于是今绥远西、黄河以南、鄂尔多斯之南半部，亦尽为拓跋氏所有。斯又其奄有西与西南之大略也。此外如绥远中部，本为云中、定襄属境，亦即拓跋魏发祥、坐大之区。其山川地望之见于史志者，尤不一而足。知道武帝黄始元年正月，大蒐于定襄之虎山。天兴二年，大破高车，还次牛山及薄山。他如角史山、七岭山、和兜山、跋那山等，均为列帝常巡之所。盖根本重地，其名迹之见于纪载者，固不能不视四境为尤繁耳。至于南部，当拓跋氏立国之初，已以勾注陁与晋分界。则凡今绥南之与山西接壤

处，在尔时称为大洛城、善无陂、阴馆、君子津諸地，固无一不在其领域之内。若夫太武帝以后，国力南伸，疆宇益扩，戎馬所爭，远屈荆淮。斯为北朝全局之版图，无与于吾绥疆域沿革也。惟是拓跋氏一代，自盛乐始基之年，迄于平城、洛阳一再迁都之日，其在今绥远省境所置州郡，实无一完密之记载可考。虽魏收地形志作于东魏初亡之秋，然以屢更大乱，边郡浚易已久，文献无征，遺规莫按，故其所述，率皆詳于中原，而略于边徼。纵有所存，亦不过辑十之一于千百，举往迹于傳聞而已。据见存史籍之可考者，略知拓跋氏自力微入居定襄，数传至拓跋什翼犍，尝一度为苻坚破灭。迨拓跋珪返国即位，始渐复故地，所謂道武皇帝者是也。至其孙焘，史称太武帝，既平諸部，国力益强。以北防蠕蠕故，乃于始光中置漠南六镇。此六镇之四，曰怀朔、曰武川、曰抚冥、曰沃野，皆在今绥境阴山之北。又于山南置朔州，以统諸镇。厥后改怀朔为朔州，而改旧朔州之在山南者为云州，仍治盛乐，北史称六镇。东自濡源西暨五原阴山，竟三千里。然孝文太和中，高闾请依秦汉故事，于六镇之北，筑长城云。计六镇东西不止千里，而胡氏乃謂以千里计之。六镇相距各一百七十許里，其说不足据。今若更就在绥境之四镇，以今日地形推之，则西起沃野，约值今乌喇特中公旗之南部。稍东怀朔，约值今乌喇特东公旗之中部。又东武川，约值今达尔汗旗之南部。再东抚冥，约值今四子部之东界。斯为最初置镇之大概。至于河套全部，则于灭夏之后置统万镇，嗣复分置东西夏州。逮孝昌之乱，则边郡废，而侨置之名乃紛然錯出矣。如魏书地形志所载，云州领盛

乐、云中、建安、真兴四郡。朔州领广宁、神武二郡。恒州领代、善无等郡。观其郡县诸名，虽仍袭边疆之旧称，而实则云、朔二州，均侨置于并州。恒州侨置于秀容，其所属郡县，则皆散寄于今山西之文水、寿阳、定襄、忻县等处。若视孝昌边郡未乱以前，则其名实相去，盖有远逾千里者，此地形一志所以不足为后魏一代郡县考古之据也。清代张石州穆尝博稽载籍，著后魏延昌地形志一书，于乱前边疆列镇及州郡领县沿革均有极详确之考征。惜其及身未刊，以遗稿属于世昌，比世昌而书竟不传。闻民国初元，楚人陈士可尝得抄本半部，故悬重值求其余，终不可获。于是拓跋一朝边郡建置之迹，遂永为中国历史考证之迷。此不宁为张氏身后之大憾，抑亦边疆文献之巨失也。爰附志于此，俟他勤学访古之彦，或有发现其遗笈者，庶足以正绥志之疏，而补其缺略歟！

北齐、北周本兼东西魏而嗣其基。两国疆土分割，在内地者，以河东晋州、河南洛阳为东西界。至于北方边疆，则自魏末大乱以后，州郡属县废弛已久，加以中原困于兵祸，边疆建置，益非所急。故绥境地域沿革之有关于北齐、北周两朝者，其迹甚鲜。惟北周既建都于秦，其北境版图，实兼有今绥远省之鄂尔多斯部伊克昭盟各旗地。西魏时尝改魏初所设之东夏州，而置绥州。至北周则又废西魏之绥州而置银州，其原设之夏州，则仍而未改。以今之蒙旗地望核之，夏州在右翼前旗之东，银州在左翼前旗之西南，两州相去，并不甚远，而当时即以之分领今河套鄂尔多斯之全境地。盖后魏东夏州所领，本兼有今河套及陕北各一部。逮周置银州，

而領地始側重于河套之南端。且套地自夏州以北，已無州郡可考。此蓋因宇文建國，歷運非久，故其北邊郡縣，未能遠擴，殆亦時勢有以使然也。若夫自河以東，地屬北齊，凡秦漢以來，云中、定襄諸名郡，在高氏一朝，不聞有秩然可按之建置。惟當開創之初，在漢桐過縣故地，設紫河鎮。不久亦廢。此外則僅于拓跋氏長城舊迹之外，增筑一次，以為捍禦北敵之具而已。蓋當時承東魏之緒，置恒、朔于近邊，以控塞北。其視云、定舊疆，殆無異甌脫徼外。則建置沿革之無可稽，亦固其宜矣。

案北周边疆建置之屬于今綏遠省境者，僅以河西伊盟一部為限。依元和志所述銀、夏建置沿革，則夏州自後魏太和十一年改統萬鎮為州，周仍因之，並於其地置彌渾戍，在州東北八十里。其南置寧朔縣，在州東南百二十里。銀州周武帝保定二年置，因谷為名。舊有人牧驢馬于此谷，胡語驢馬為乞銀。清張曾小袁氏歸綏識略云，北齊謀北道行台，置安遠、威遠等部。北周置永豐鎮。此于齊、周兩朝在綏建置雖略標一二舊名，而因革地望，仍屬渺不可究。若依游牧記引元和志之文核之，則周武帝所置永豐鎮，即隋唐置豐州處，亦即後魏夏州轄境之北也。其故址當在今鄂爾多斯右翼後旗界內。至齊之北道行台，恐其治所已不在今綏遠省界之內，或張氏但就其控馭所及者言之耳。

隋文帝既混一區夏，凡邊疆之隸為齊周分領者，至是遂悉為隋氏所獨有。而綏遠古代建置，自經魏、晉、周、齊，歷朝變易，莽不可理，後亦迄于隋而始有州郡縣治之統系可考。蓋隋初建置，以今綏境黃河東流南曲處為中心，自河以

东，设榆林关，立榆林关总管府。寻改云州总管，领县四，阳寿、油云，在河东；榆林、富昌，在河西。以今地核之，则阳寿、油云在托、和二县境，而榆林、富昌则在鄂尔多斯左翼前旗境也。河东二县，本秦汉云中郡故地。隋开皇末，以突厥突利可汗为启民可汗，筑大利城，处其部落。並徙云州总管府亦治大利，废黄河东岸之阳寿、油云二县。嗣复改置金河县，属诸黄河西岸之胜州，而县之带关如故。大业初，废总管府，改云州为定襄郡，仍治大利。改胜州为榆林郡，仍以金河县属之。此隋代云、胜二州及定襄、榆林二郡前后改易之大略也。开皇三年，于后魏故夏州北境、周永丰镇故址，置丰州。初不领县，仍称旧镇名，至五年始废镇置永丰县。六年又于州东南四十里，置丰安镇。州在胜州榆林郡西，相距五百三十里，其遗址当在今鄂尔多斯右翼后旗界。此州立未久辄废，盖以隋季大乱，近边难守故也。州东南七百五十里，本后魏统万镇，继改夏州，北周因之。至隋大业元年，改置朔方郡，旋为贼帅梁师都所据。所领有岩绿、德静、宁朔、长泽等四县。岩绿县魏、周、隋並同。德静县周称弥静戍，隋改德静镇，后废镇置县。宁朔县周置，属化政郡，隋初罢郡，以县属夏州，后又隶朔方郡。长泽县魏置，属南熙郡，隋改隶与宁朔同。又朔方郡之东三百六十里，本后魏上郡绥州地。隋炀帝大业二年，改称上州。嗣复改为雕阴郡，並废周之银州，而以所领儒林、开光等县属之。盖并二州之地，而统于一郡，实括有今鄂尔多斯最南一部者也。隋朝在今绥疆建置，大抵河套以丰、胜二州为北界。黄河以东，则仅至定襄、大利而即止。自此以北、以东、若今之乌兰察

布各旗，武川、固阳等县以及察哈尔右翼西旗境，暨丰、凉、兴、集、陶諸县，就悉为突厥部落所据。观于隋大业十三年榆林郡民郭子和，以郡城叛附突厥，迄隋亡而卒未能复收其地，则突厥当日跨白道、控金河、以与隋疆接壤可知矣。

案郑渔仲通志述隋代疆域云：隋代极盛，北至五原。可知楊氏一朝，虽平陈混一，版輿骤增，而北鄙封疆，则固无殊于齐、周二氏也。考隋书突厥传，称沙钵略可汗治都斤山。都斤山即阴山之一段，今称斗金山，即所以控制山之前后耳。再按隋初屯兵防边之地，馮昱驻乙弗泊，李崇驻幽州，叱李长义驻临洮，达奚长儒驻周盘。此四屯除临洮、幽州遙控东西边，周盘资为援应外，其居中最北面与突厥为正山之冲者，厥为乙弗泊一军。乙弗一作乞弗，其地在今凉城县境。则当日隋与突厥分界处，要不能不以此为一证。其后沙钵略既归款，請猎于恒、代之间，还至紫河镇，月余而卒，其地在今清水河县境。是亦当日突厥漫及山南之一证也。未几，隋封沙钵略族子染干为启民可汗，筑大利城于朔州，使居之。旋因见侵于雍虞闾，复迁之于河南胜、夏二州之间。自是迄于隋末，阴山以南、黄河以东各地，殆无日不在亲隋与反隋二系突厥兵戎扰攘之中。故启民表文，有謂南入长城，或居白道之語。盖其见迫异派，不遑宁处之势，已情见乎词。而绥疆沿革之有关于隋代者，亦不难于此識其概略矣。綜核有隋一代，在今绥境所置郡邑，虽存废不常，然亦不无若干可指者。如阳寿、油云、金河、大利、榆林、富昌、岩绿、宁朔、静德、九原、永丰、安化等县，或先属云州，而后属榆林郡。或先属朔州，而后属定襄郡。或初隶榆

林、五原等郡，而后改属胜、丰等州。前后二三十年间，省徙易制，已不胜其繁。如金河一县，隋初开皇三年原置，曰阳寿，属云州。十八年更名金河。二十年废。仁寿二年复置，属榆林郡。所带或曰榆关，或曰云伽关。其纷更之迹，有如是者。此虽似政令之无常，要亦北边不靖之局使然也。又按隋大业七年，尝于今河套境置银城县，属榆林郡。惟隋书不著其名。若以颜师古注汉书地理志，谓西河郡圜阴之阴，本作属音银，以水得名之意证之，则银水本汉西河郡之阴水。其地当在今鄂尔多斯之东南部，属左翼中旗界，于汉为西河、上郡毗连处。若以李吉甫元和志，银州以银谷得名之意证之，则其地应属雕阴郡。顾隋志乃不隶诸雕阴，而隶诸榆林郡，何耶？意者隋因榆林、胜州之领域，促于北面展于南欤？隋书既未详述其故，姑存疑以待别考可也。（银城县属榆林郡，见陈芳绩所著历代地理沿革表三十七。）

唐初，突厥族袭隋代旧局，仍多散居于古云、定、五、朔之间。迨贞观四年，唐将李靖、徐勣等分道北伐，始度善阳、逾白道、逐突厥于瀚海之北。于是乃于汉定襄故地，置云州，并立定襄县以为州治之首邑。十四年，移州及所治定襄县于恒安镇。（今山西大同县）而绥远全境爰为突厥所隔者，遂别置府州，以成蕃汉共维之制。盖当时封疆，自今归绥县之东界以西，循阴山而达今临河县，凡山南各县及河套鄂尔多斯全部，并为关内道属地。此外自阴山以北，今乌兰察布盟各旗及归绥县辖境以东，今察哈尔右翼各旗，皆不隶于道。（绥东各县，皆在唐河东道最北边界以外。），而别设军府分治之。溯初唐府州之置，以都护府为最尊。其下统都督府，都

督以下又统羁縻州，尔时亦谓之胡州也。自隋处突厥启民可汗于大利城，再传至頡利可汗而归唐。唐乃分其故地为二部，左置定襄都督府，右置云中都督府。始皆隶云州，则又分定襄都督府，而设桑乾都督府。凡今绥远东南部各县并为左部所分两都督府管辖地，其右部则除云中都督府外，尚有一呼延都督府。唐志称呼延都督府，属呼沿谷，在中受降城北八十里。以今地形核之，当在今包头、安北之间。云中府既近东受降城，而呼延府又近中受降，综其大势，则凡今绥远西南及西部各县，又并在右部两都督府管辖中也。以上四都督府，初均隶于云中都护府，后乃改云中都护府为单于大都护府，而所统如故。惟突厥传则云，单于都护府领狼山、云中、桑乾三都督，不言定襄、呼延。或定襄并于桑乾，而呼延改为狼山欤？阴山以北，原有燕然都护府，统瀚海等六都督。嗣又改燕然为瀚海，而移瀚海于云中，是为云中都护合瀚海而改称单于都护之始。迨武后朝，又改设镇守使。圣历初，复改置安化都护。开元八年，重立单于大都护府。其云中、桑乾二都督，又因尝侨置于朔方，而名实由此渐乖矣。其后改定军制，创立节镇，于是曩之府州，遂悉变为节度兼领之物。尔时绥远省域，自黄河以东，为振武、振远、静边、定边等军辖境。黄河以西，鄂尔多斯为朔方、绥银、经略等军辖境。河套以北，为天德、大安、横塞等军辖境，然此亦不过就其概略言之耳。若夫诸军之前后易置，名号变革，以及偶见难详之迹，其纷紜错杂，殆较初唐所置为尤繁焉。考唐关内道所属今绥远省境各地，除唐初分设都护、都督、总管等府，并统率羁縻州，以为镇慑突厥降户，兼为保边防

秋之制外，其正设之州郡县邑，虽未能如汉代之詳且确，然载籍所存，亦尚有约略可稽者。如胜州、麟州同隶单于大都护府。据元和志，单于大都护府，本汉魏定襄郡之盛乐县，是即今和林县北境之土城村。唐置一县，沿隋旧名，曰金河，亦即都护府治及振武军节度使之所在也。其次胜州，本隋胜州榆林郡故地，隋末陷于郭子和，继复陷于梁师都。贞观二年，平师都，仍隋旧治。置胜州，领二县，曰榆林、曰河滨，其辖境皆在今河套鄂尔多斯东北部左翼前旗界。其次麟州，亦隋胜州榆林郡故地，唐初因之。天宝元年，振武节度使王忠嗣奏割胜州连谷、银城二县置麟州。领县三，盖于原置二县外，复增新秦。新秦为秦汉朔方以南地，连、银则均汉宜阳县属境也。地居胜州之南，约当今河套鄂尔多斯左翼前旗之南与中旗之东。其次丰州，本汉朔方郡故地，隋尝于此置丰州，然不久辄废。唐贞观中，又权置丰州都督府，不领县。旋废，以地属灵州，寻复故。永徽间，置永丰、九原二县。后又增置丰安县，未几亦废。故元和志谓管县二者，指九原、永丰而省丰安也，其地约在今河套鄂尔多斯右翼后旗界。其次夏州，亦汉朔方郡故地。唐初，沿魏旧名，称夏州，置都督府。天宝间，改朔方郡。乾元初，复为夏州。领县四，朔方、德静、宁朔、长泽，其地约在今河套鄂尔多斯右翼前旗界。其次绥州，其次银州，皆在夏州东，皆为汉上郡故地。银州在夏州东而微北一百八十里。绥州在银州东一百六十里。绥州领县五，惟西部之大城县及北部之吴儿城，在今河套鄂尔多斯右翼前末旗界。银州领县四，惟开光县在今河套鄂尔多斯右翼前旗与末旗之间。其次宥州，在夏州之西北三百余里，亦汉朔方郡故

地。元和志称：开元十一年，康待宾叛乱克定后，迁其人于江淮。二十六年，还其余党，遂于此置宥州，以宽宥为名。后为宁朔郡，领县三，怀德、延恩、归仁。宝应以后，因循遂废。元和中，李吉甫请置宥州，领诸降户。九年，诏复于经略军城置宥州，并于郭下置延恩县。盖宝应以后所废者为废宥州，在右翼前旗西南界。元和九年复置者为新宥州，在右翼前旗之北界也。以上诸州。除胜、麟二州隶振武节度使及单于大都护外（唐中叶以后单于都护常为振武节度使兼取。），其余丰州则隶都防御使。夏、绥、银、宥四州则并隶夏绥银观察使。此有唐一代于绥省境建置州郡之大要也。自单于大都护府属境以东，今之绥东五县地，当唐初移云州于恒安后，不闻有州郡建置之迹。按陈氏历代地理沿革表，于开元十八年复置云州条云，治有阴山道、青陂道、皆出兵路。青陂道在今山西大同之东北，阴山道则在其正北。可知当时凡此二道以北，已皆非唐之领域。殆为契丹族与突厥族纷争杂处之区。惟方輿纪要称榆林城在大同府东北边外，或云唐时戍守处，谓之黑榆林。五代唐末，契丹尝驻牧于此，又称黑沙城，在大同府西北。永淳初，突厥余党阿史那骨篤资等据黑沙城，寇并州及单于府北境，代州都督薛仁贵击破之。按榆林城当在今兴和县之南近边处。黑沙城既可据以侵单于府北境，则其故地或当在今陶林县境界。此二城纵不可与州郡比，然述之亦足以证唐代于今绥东五县境。虽无甚密之规划，要亦未尝无屯戍遗迹，聊为考古之一助云。

山西通志：謹案今归绥，史所谓白道川也。汉云中郡在其西南，定襄郡在其东南。相距八十里。后汉以盛乐属云

中，而定襄遂为云中地。北魏建都置州，而定襄又为云中郡。然言古云中、古定襄，仍以前汉为断。一东一西，唐时志家皆能辨之。特其两部郡之地，止金河一县为府、为军、为城，又为旧蕃州，更徙无常，记载互异。而大要单于府，振武军，皆先在云中，后在定襄金河。自治定襄，未尝他徙。东受降城虽别徙，而始终滨河，不出云中境。突厥府州则袭河东之名，实居河西之地。兹一一别之：自隋建大利城，以处启民可汗，弟始毕继之。颉利又继之，皆居是地。唐擒颉利，分故地为二部。左置定襄都督府，右置云中都督府，领以酋长，而统于云中都督，此初制也。（按定襄府后分其部置桑乾府。寰宇记云：州东至桑乾都督帐一百五十里。又云鄯阳岭在金河北一百四十里，唐于此置云中都督府。）贞观十四年，云州南徙，空其地以封阿史那思摩为可汗。明年，思摩建牙定襄故城。居三年，以不能得众，入朝留宿卫。其时阿史德居云中，部众渐盛，诸部府州当在所求，于是建云中都护府为大单于府，此后制也。突厥传云，始置单于都护府。领狼山、云中、桑乾三都督。（蒙古游牧记：狼山，蒙古名绰农特罗海。在乌拉特东四十里，则今萨拉齐厅之西北界也。都督府不言定襄，意永徽初桑乾分部后，即徙置河西隶夏州都督矣。）苏农等二十四州。瀚海都护府领金徽、新黎等七都督，仙萼、贺国等八州。麟德初，改燕然为瀚海都护府，领回纥，徙故瀚海都护府于古云中城，号云中都护府。碛以北蕃州悉隶瀚海，南隶云中。阿史德为部长，建言愿以诸王为可汗，遂统之。帝曰：今可汗古单于也。乃改云中府为单于大都护府，以殷王旭伦为单于都护。似由云中徙定襄，而定襄为单于

府，即在此时。及调露初，温传、奉职二部倡乱，骨咄祿、默啜继之，旋降旋叛，終武后时，代北騷然。元和志：垂拱间，都护府改为镇守使。圣历元年，改隶安北都护府。似云中、桑乾二都督府，侨治朔方，亦在其时。三受降城唯中城为仁愿旧筑。开元初，为安北都护府治。西城后徙天德軍，东城后徙绥远烽。元和志：东城东北至单于府一百二十里，此旧城也，在古云中西南。其云榆林县东北八里，则后徙也。在古云中西北。（榆林即胜州治也，故城在今托克托厅，黄河西岸五里。寰宇记：单于府一百二十里。）其振武軍，本开元中朔方即信安王祗击破土蕃攻拔之石堡城，元宗赐名。天宝时王忠嗣奏移于东受降城，仍隶朔方。至乾元初置节度使，始移于单于府，而都护遂为节度兼領之官。王忠嗣传：并受降、振武为一城。元和志：单于大都护府，今为振武軍节度理所是也。至金河立县，亦在天宝四年，与振武同时而治异，与隋县同名而地异。盖隋县带关至榆林，唐县别置于定襄，天宝时但为单于府治，乾元初始兼为振武軍治也。而元和志誤振武为张仁愿置，在今受降城。顾景范方輿纪要乃謂大历八年府軍同治，又謂东城即在振武。元和七年，振武河溢，城毀。宝历初，城徙绥远。（按元和志：西受降城元和八年黄河泛滥，城南面毀，此影附为东城，又直以振武当东城。）无论振武距河百余里，非泛滥所及。如所言则当时东城即府、軍、县治矣。曾有河独毀受降，而都护、振武、金河均为完区，理乎？

案唐代在绥建置，以三受降城为最著。惟当时置城之本意，固在于屯軍馬而重防秋，初不以管辖郡县，推行民政为

要务。故其地位非第与胜州榆林郡、丰州朔方郡等領县治民之名城不同，即与都护、都督領有羈縻州，而专管突厥降户之府城，亦稍有不同也。自来輿地諸书，虽亦偶有涉及三城者，然率皆述其筑城始末及地址方望，与夫改革迁徙之迹而已。其領地所届，则鮮有詳述之者。考元和志，三受降城，景云三年，张仁愿所置。六旬而三城俱就，以拂云堆祠为中城，与东西两城相去各四百里，遙相应接。自是突厥不得度山放牧，朔方无复寇掠。观于此，则三城不領郡县，而见重于当时之故，不巳灼然可喻呼？三城沿革，詳古迹、故城各本条，茲不更贅。至都护、都督节度諸职，在唐为蕃、汉、軍、民兼理之官，其轄境之广狭，亦与一代疆域有关，不可不撮其梗概而汇存之。按现今绥省地形，约分阴山前后及河套、绥西、绥东各部，而唐代之疆域分理，亦大略与此相近。盖唐之单于大都护府所領，即今阴山以南一大部。瀚海都护府所領，即今阴山以北一大部。安北都护府所領，即今绥西套北一大部。（安北都护府先治受降城，即今绥西后套一带地。嗣移丰、胜二州及天德軍。）其后或治河套，或治山北，迁徙无常，名亦屡易。其沿革之繁蹟，殆视单于、燕然、瀚海諸府为尤甚焉。良以单于府变迁虽多，然究其极，不过由山前扩及河套。（如振武节度兼領则轄山前，朔方节度兼領则轄河套。）燕然，瀚海二府不过由套北移并于山后山前两部而已。独安北一府，除今绥东一大部未为所領外，余如山前、山后、河套、绥西四大部，均为尝治尝領之地。（安北治中受降则領绥西，治天德则領山后，治丰胜之河，则領河套，迨单于改安北则兼領山前矣。）故清一统志称

其易名者六，迁治者十，洵核实之言也。（太平记称单于大都护府即汉成乐县地。垂拱中改镇守使，圣历初改安化都督，元和志作安化都护，山西通志按云当作改属安北都护。唐志夏州有安化都督，乃回紇府。若安北都护，又未尝治此。盖仅兼领其疆域而已。）又有镇北大都护府，其所治即单于府故地。因单于大都护旧为振武节度兼职，泊广德二年，罢振武而以朔方节度兼领后，单于府亦遂随之而移于河套。大历十四年复振武，而未复其原领之单于府。于是就振武故址，更置一镇北大都护，以符往年应领之制，兹又唐代诸大都护中之别一事迹也。复考唐地理志，单于大都护所统诸都督，其始虽各以山前地望立名，厥其后则往往侨置于今河套一隅。如定襄都督府领羁縻州四，阿德州、执失州、苏农州、拔延州，侨置宁朔。又云中都督府领州五，合利州、阿史那州、绰州、思壁州、白登州。又桑乾都督府领州四，郁射州、艺失州、卑失州、叱略州，此二府皆侨置朔方。惟呼延都府所领三州，贺鲁州、葛逻州、跌跌州等，治近呼延谷，在今套北，为名实稍符耳。盖唐自贞观初平突厥以来，即分设都护、都督等府，以统蕃户。复于冲要郡城所在，间设都总管、大总管等官，借资坐镇，以成军民兼治、蕃汉相维之势。如张长逊之除丰州总管，沙叱忠义、张仁愿、张说等之为朔方军大总管，皆是沿袭隋制、以固疆圉，亦所以增厚都督、都护诸府控馭胡州之力也。迨唐之中叶，始以节度使为军镇长官，而诸军名号如振武、天德亦遂随之而纷然并出矣。计尔时振武军节度使，初驻东受降城，继移绥远烽，在今托县境。其后与单于大都护府同治金河县，则在今和林县北界。盖此军以居此为

最久。其次，天德軍使所駐，前後亦屢遷。初居西受降城東北四十里，在今臨河縣屬狼山之南。嗣移殫北。旋復與安北都護府移治于隋故大同城，則皆在今烏拉特旗界狼山之北。其後更移銅丹縣西南，更移西受降，更移中受降，更移可敦城，更移永清柵。（一統志作永濟柵。）綜其所居，殆以治西受降及其附近地域為最久。其次經略軍，在今河套鄂爾多斯右翼前旗界東北，唐元和中于此置新宥州，北接天德，南控夏州，為當時一重鎮。其次，綏銀節度使治夏州，在今河套鄂爾多斯右翼前旗東南界。其次，朔方軍節度使，駐朔方，在今鄂爾多斯右翼後旗。唐初于此置豐州都督府。（唐景雲中，朔方軍置西受降城，設都總管。）後府廢，遂復置軍改節度使，則所領較廣。（朔方軍并嘗兼領單于都護府。）其次，橫塞軍治可敦城，在今套北烏喇特旗境。天寶十二載，安思順奏廢橫塞軍，更請于大同川西築城置軍，玄宗賜名曰大安軍。十四載功畢，移大安軍領焉。其故地在今烏喇特旗狼山北。即秦之所謂北假也。（大安至乾元中即改為天德，移至永清柵。清一統志大安作天安，誤。）其次靜邊軍，舊唐書云在單于府東北。天寶三載，朔方節度使王忠嗣所置軍。十四載，安祿山將高秀岩自大同軍應振武，朔方節度使郭子儀擊敗之，乘勝拔靜邊軍。方輿紀要引宋白之言曰：靜邊軍在云州西百八十里。據此方望揆之，則故單于府東北而去今山西大同縣約百八十里，當在今集寧縣境矣。其次，定邊軍，依顧氏紀要所述，當在今涼城縣界。振遠軍，依舊志，當在今歸綏縣西。天寶七載，郭子儀為振遠軍使，即謂此也。惟定邊、振遠、靜邊三軍見于志者較少，似為中唐興軍以來，緣邊分屯之地。隸于振武、

朔方等节度，如兵家所謂偏师犄角者然。至其划界分统之制，殆仍以蕃镇节度为大纲欤？綜观以上各节，则知唐代防边守土之规，实以都护、都督、总管、节度为要职，而太守、刺史諸治民察吏之官，均不过为统兵将帅之兼秩而已。（如郭子仪兼五原太守，李景略为丰州刺史，皆其例焉。）是以当时虽有正规州郡，（异于管轄蕃户之羁縻州。）若胜州、榆林郡，麟州、新秦郡，丰州、九原郡，宥州、宁朔郡，夏州、朔方郡等名。然終以人户稀少，領县无多，往往须并举軍府之号，而其地望乃著，斯尤考唐代疆域所不可不知之要义也。

五代承唐季蕃镇之乱，中原分裂，而契丹、回鹘二族，亦乘机复职。当五季之始，綏远全境除最东一隅为契丹侵据外，其余阴山前后及套北各地，大部均为回鹘所踞。其后契丹日强，渐逐回鹘而攘其地，于是阴山南北悉属契丹。惟河套自唐末拓跋思恭以討黃巢功，奄有銀、夏、綏、宥、靜五州之地。渐至封殖以传其子孙，遂蔚为五代西北一大国，历宋、辽、金未尝或絕，即宋史所謂西夏国之肇基也。

归綏識略：后唐天祐十二年（辽太祖神册元年）八月，契丹主阿保机率十万騎入塞，攻朔州。（原注：即怀朔镇地，非今朔州也。）拔之，勒石纪功于青冢之南。时自代北至河曲逾阴山，即为契丹所据。晋高祖石敬瑭父事耶律德光，（辽太宗）借兵灭后唐，割幽、蓟等十六州地与之。按十六州无丰、胜等名，而云、应、寰、朔俱在丰、胜以南。则其北，先属契丹可知矣。

宋史夏国传：唐宋，拓跋思恭镇夏州，统銀、夏、绥、宥、静五州地，討黃巢有功。思恭卒，弟思諫代之，为定难軍节度使，数传至彝兴。后唐清泰二年，仍加定难节度。晋初，加同平章事。开运初，契丹授西南招討使。汉加待中。周封西平王。宋封夏王。历传至裔孙颯，为元所取，国遂亡。境土方二万余里，河之内外州郡，凡二十有二。河南之州九，曰灵、曰洪、曰宥、曰銀、曰夏、曰石、曰南威、曰盐、曰会。

案绥境河东西以及山北各地，自唐初立都护、都督等府，与州郡间处，以奠蕃汉互维之局。逮盛唐以后，则曩所謂突厥降户之居斯土者，已皆安土重迁，习于汉化。至其文武才士之仕于唐而立勋名者，在新旧两书之中，几不可以僂指数。故中唐以后，此邦仍有突厥族生息于其间。然以视前期突厥之强悍难制，则有间矣。辽史地理志称：唐贞观四年，置卞州都督府，领蕃户。天宝初，改九原郡。乾元复卞州，后入回鹘，会昌中克之。后唐改天德軍。就此数語观之，则知唐末迄于后唐，实为突厥（即土蕃之蕃户）渐衰，而回鹘乘机侵入之一期。又考旧五代史后唐武皇本纪（即李克用本纪），李涿（通鉴作李涿）引大軍攻蔚州，献祖（即李国昌）战不利，乃率其族奔于达靼部。黃巢犯长安，僖宗令陈景思为代北起軍使，收兵破贼。李友金謂景思曰：兴大众，成大事，当成名素著，则可以伏人。吾兄李司徒父子，今寄北部，若急奏召还，代北之人，一磨响应，妖贼不足平也。此又可知当唐末五代之初，绥属各地，不特西部有回鹘，东部有契丹，其北部尚有达靼一族也。（达靼即明史之鞑靼，亦即蒙古之本名，与契

丹为同种，惟唐宋尚未属契丹耳。)据辽史部族表：太祖神册元年，征突厥、党项、小蕃、沙陀诸部，破降之。又属国表：神册三年，西北诸蕃皆遣使来贡，回鹘献珊瑚树。又地理志：后唐天德军，太祖神册五年攻下，更名应天军。有大盐泽、九十九泉、没越泽、古磧口、青冢。就以上所引辽史数节观之，则知契丹阿保机(辽史本纪作阿巴坚)在未建年号之前，虽兵力已强，顾其领土则仅达于今绥疆之最东一隅，犹未能奄有阴山前后及绥远西北各地也。观辽史称：李克用尝与太祖会于云中东城，谋共举兵攻梁，不果。盖即其时契丹西界，仅与云中(今大同，古平城。)属境毗连而已。逮阿保机既建号称神册，始于元年破降诸部。而部族表所谓突厥、党项、小蕃、沙陀云者，殆即统达靼一族而言。是为契丹于五代时攘得阴山以北，今乌盟东部各地之始。至神册三年，回鹘来贡，不列于部族而列诸属国者，则以当时回鹘已退往玉门以西(即今哈密)，而契丹则仅得其所侵旋奔之地，未能灭其国而虏其君，故不得与降破诸部同列于部族表，是为契丹于五代时攘得今狼山以北乌盟西部各地之始。洎神册五年，取后唐天德军属境，并有九十九泉、青冢等处。于是阴山以南，除河套仍隶西夏外，其余凡今绥南绥东绥西各县地，殆已悉为契丹所有。张氏归绥识略谓：石敬瑭以十六州路耶律德光以前，应、朔以北地，似尽归契丹。此虽臆测推断之词，然核诸史籍，其实迹已固如是也。

宋于今绥远省境，概未尝作经久之建置，故绥疆沿革之有关于宋者，视他代为独鲜。仅太宗时，乘平定北汉之威，命将出雁门、破契丹于丰州，取其地，是为北宋兵力远届绥

地之始。未几宋将楊业战死，地复陷于契丹。徽宗时，约金灭辽，收其地，置定边军，然不久又为金人所取。自是迄于宋末，卒未能复有斯土。盖两宋三百年间，辽金元迭起于北边。故其版图终不得与汉唐比隆者，要亦时势有以使然耳。归绥識略：太宗平太原，命将潘美、楊业等出雁门，伐契丹，克云、应、寰、朔四州。天德軍都指挥王承美破契丹于丰州，得其地。后楊业战死，地复陷于契丹。徽宗时，约金灭辽，归燕、云九州，收复天德、云内諸城，置定边軍。后金人敗盟，约夏侵宋，地为复据。未几复为金所夺，乃徙丰州于府州地方，名为宁丰。宁宗时，蒙古元兴，取金丰、滏等州。理宗时。元约宋灭金，悉有其地。終宋之世，关外諸州，旋得旋失，未久属焉。（自注：河东西俱丰州也，隋唐宋各以所都直北言之，否则东迁，毫无实据云。）

案識略謂宋徽宗约金灭辽，收諸城，置定边軍。嗣为夏、金迭据，乃徙丰州于府州地方，名为宁丰，一似宋之徙丰州于府州，事在徽宗时，金人敗盟之后。实则丰州之南徙，已早在嘉祐间。第至政和中，始改赐宁丰之名耳。清一统志引宋史地理志云：丰州，庆历元年元昊攻陷州地。嘉祐七年，以府州葭泊川掌地，复建为州。政和五年，赐郡名宁丰。是为宋置之丰州，其故址在今陕北府谷县北百余里边外，约居今河套鄂尔多斯左翼前旗界，是亦绥远省属境也。惟此丰州，不特与辽金丰州之在归绥县界者相去甚远，即与隋唐丰州之在河套西北右翼后旗界者，亦判然有别。一统志謂丰州有三，盖于隋唐及辽金二城外，兼宋置之一城而计之也。至識略謂丰州东迁。（自河套迁于今归绥县界）毫无实

据，亦未尽然。按辽史地理志，述丰州而系以天德军，并历叙其地望沿革，亦知为秦汉上郡、五原故地。（案汉属九原、五原、朔方，不属上郡。辽志上郡稍误）第自入回鹘，会昌中克之。后唐改天德军，则不言其所在。而于太祖神册五年攻下，更名应天军，复为州。下则又言有大盐泽、九十九泉、没越泽、古磧口、青冢等。此节所述，已非复秦汉九原、五原故地所能有，而亦非隋唐河套丰州旧治所得辖。凡所称引，固无一不在今归绥县附近各地。如大盐泽，即绥东凉城县界之大小二海。北魏以来，历朝尝于其地设官榷盐。近代小海已涸，而大海则俗称岱海泊。顾氏方輿纪要：没越泽、大盐泽俱在大同府西四百里，近古丰州，此尤可证。他如九十九泉在归绥县东，青冢在县南，磧口在县北，均与隋唐丰州无涉。由是观之，则知神册五年辽军攻下后唐天德军、而复为丰州时，固已不在隋唐旧治，而在今归绥县城之东矣。盖自五季以来，因隋唐丰州故地，迫近西复，不易居守，故后唐侨置天德军于河东，遂并州名，徙于此。而辽则袭其迹，而实其号。于是河东丰州，乃竟由权置而进为定置焉。不然，辽志何以叙沿革则重河套、牖名迹则述绥东乎？总之，丰州东迁，辽史已著其端，终不得谓毫无实据也。（案胜州亦东迁，不仅丰州也。）

辽当唐末未建国号而称契丹时，已渐驱突厥、回鹘，而有今绥远东部北部之地。逮阿保机破降沙陀、小蕃诸部，则又并绥疆西北一大部而有之。稍后更取后唐天德军，至德光复受石晋十六州，则全绥除河套仍隶拓跋夏外，余均划为契丹版图矣。洎乎改号称辽，遂于今绥远建置州县，其大部

悉隶于大同府西京道。计所置有丰州，领县二，曰富民，曰振武，其辖地约当今归绥、和林、武州、陶林等四县，及四子王旗、达尔汗旗等处。又东胜州领县二，曰榆林，曰河滨，其辖地约当今托克托、拉萨齐、固阳等三县，及准格尔旗，茂明安旗等处。又云内州领县二，曰柔服，曰宁人，其辖地约当今包头、安北、五原等三县，及乌喇特三公旗、达拉特旗北界等处。又德州领县一，曰宣德，其辖境约当今清水河县之东部。又宁边州，不领县，其辖境约当今清水河县之西南二部。又金肃州，亦不领县，其辖地约当今萨县黄河南岸达拉特旗之东部。此外复有直属于西京大同府（今山西大同县）而置在今绥省境内之县，曰长青，曰奉义。盖西京直属之县凡七，仅此二县，与绥远疆域有关耳。以今地核之，奉义县，当在今丰镇县属境，而长青县则在今兴和县南部、及山西阳高县之北部也。复次，辽于分置州县之常制中，尙有沿袭唐末五代遗规，分建军镇于州治之间者。如应天军，置在丰州界。开远军，置在云内州界。天德军，置在云内州之西北界。武兴军，置在东胜州界。河清军，置在金肃州界。镇西军，置在宁边州界。凡此诸军。大部为西南而招讨司所统云。

山西通志：辽置丰州，建应天军，寻改天德军。（案辽改天德为应天，在丰州界，其复置天德则在云内之西北，与丰州之旧天德无涉矣。）领富民、振武二县。置云内州，建开远军，领柔服、宁人二县。并置东胜，不设县，领河西之榆林、河滨二县。又于南境置宁边州，亦不设县。置德州唯领郭下之宣德县，并隶西京道。

案元脱脱修辽史，其仓卒成书，大致与修宋史相类。故所述事迹，往往瑕瑜互见，不可尽凭。如地理志中西京道所属诸州县，其沿革方望，辄不免有舛驳杂糅、珠砾并存之弊。而后世之考订疆域沿革者，又复不加别择，漫据其说，以为定论。遂至以讹传讹，积之愈久，而其谬益不可理。如丰州本非隋唐故地，而辽志述沿革则尽于五原。又如富民县本为丰州郭下首邑，而辽志则又远移于汉县之临戎。清张小袁氏著归绥畿略，竟取辽志谬说，且更重其语义而为之释云。本汉朔方郡临戎县，复自注云：此丰州极广大，观其属县能兼汉朔方郡地可知。彼殊不思汉之朔方郡在河套之西北，而临戎县又在朔方西部近河处。（水经注：河水又北过朔方临戎县西。案此系河自宁夏北来时所经，距丰极远。）辽之丰州不惟远在东河之东，而东河两岸，且有东胜州属地纵断于其间，直抵阴山以北，今茂明安旗境为止。试思阻隔如此之遙，彼丰州何能跨越东胜全境，而领有云内州南界外，河套西部之僻邑乎？盖辽志作者，本不知临戎属何郡、在何处，姑依隋、唐丰州旧说而漫收之，故但曰临戎而未著朔方。及张氏据汉志坐实其郡望，于是此渺不可通之谬说，遂不得不以辖地极广为结论矣。考张石州蒙古游牧记，叙乌盟四子王旗、喀尔喀右旗即（达尔汗贝勒旗）两旗疆域沿革，皆云辽为丰州地，属西京道。叙茂明安旗，则云辽为东胜州地。乌喇特旗则云辽为云内州地，亦皆属西京道。此可见辽代在绥建置，自东而西，三州并列，由山前达于漠南，均以东胜居中。使丰州与云内截然不复相连，则其属县之不能隔州遙领，尤为显而易见。况当尔时，汉朔方郡故地，其大部已为拓跋夏所据，非复辽之国

力所能及。然则辽志以富民当临戎，而識略更以临戎系朔方，非特州界地理不可通，即以历史事迹证之，亦不可通也。今若就上引石州游牧记所叙地形推之，则辽丰州所领，实以今归、武、和三县及四子王、达尔汗二旗为限。其东南界与德州、宣德县相接，北界抵沙漠，其东北则生于托州。至其所统二县，振武在今和林县境，是为丰州南部之分治处；富民在今归绥县境，（今归绥县治东五十里白塔村外二废城，一为辽金丰州故址，其一即富民旧墟也。）是为丰州北部之分治处。今归绥东北，四子王旗与土默特分界处有山，自昔相传，名之曰富峪。或古代以此为入富民县之孔道，故假县名而赐与富峪之号欤？以上所辨，为辽志已誤，而識略释之，乃益重其誤者。然此类之外，亦有辽志不誤，而他书因武断附会以成其誤者。如德州，辽志云：唐会昌中，以西德店置德州。开泰八年，以汉户复置。有步落泉、金河山、野狐岭、白道坂。又云：宣德县本汉时县地，属云中郡。后隶定襄郡，汉末废。高齐置步河镇，（武英殿本作紫阳镇）唐会昌中置县。按此所述，则沿革、地望、名迹、山河等，均与今绥远清水河县境相符，殆无甚可疑者。虽当日一州之地，不必以今之一县括其全。然观其所胪，除步落泉、野狐岭二者不隶今县外，余如金河山、白道坂皆即县属之东南山也。考金河古亦称黄水河，蒙古語謂之什拉乌素，发源于清水河县东山，是即辽志所谓金河山者，复何疑乎？至白道坂，郿氏水经注虽以今归绥城北之蜈蚣坝当之，然唐书有李世勣、李靖等討突厥先败之于白道，既复追击之，逾白道川到阴山，破其部落之語。夫蜈蚣坝即阴山之一岭，若

坝即白道，则自南向北者，至山即至白道，顾何以先白道及白道川，而最后乃至阴山乎？良以今之坝，即古之白道岭，（其入口处名白道谷）而清水河县之东南山，始称白道坂。介乎其间之大平原是为白道川。李靖等由坂经川而达岭，其次本卡素。今县民犹呼此坂曰白道子梁，亦其证焉。又如紫河，即今之清水河，古亦称濛水，今县即以此水得名。北齐于此置紫河镇。隋大业三十年，发丁男筑长城，西距榆林，东至紫河。（隋榆林在河套鄂尔多斯左翼前旗界，隔黄河与紫河相对。）唐贞观十四年，遣阿史那思摩建牙于此，亦谓之紫乾河。天宝中王忠嗣讨奚忽，战于紫乾河。隋志：定襄郡大利城，有阴山、紫河。杜佑通典：胜州榆林县有金河、紫河，自马邑郡、善无县流入境，合金河流入于大河。至于今清水河县疆域沿革，本即汉桐过县故地，初属云中，后隶定襄。辽代于此置德州宣德县。核诸所述种种往迹，则辽志之不謬，固已甚明。而明一统志，不考山川、名迹、道里远近，而竟臆断为在大同府西北八十里。顾氏方輿纪要亦仍而不改，且博引汉桐过县齐紫河镇之语，以资参证。其地因据以上数家之说，而致误之书，更不知其有几矣。按大同所治，无论在其西北或正北，若仅距八十里，则去黄河尚远，约其道里亦犹不下四五百。即以汉制言，仍有雁门郡属县隔于西，能使隶属定襄逼近黄河之桐过县，骤置于此间乎？（水经注：河水又西迳桐过县故城西。）况辽志只有汉桐过县地之语，初未尝云去西京大同府若千里。惟以明一统志作者，先有一拒墙堡即辽宣德县之成见在胸，故不惜以拒墙距府之里数，竟无中生有而强加之于宣德也。但彼虽武断附会，然亦尚知去府八十里处，本无白

道、金河、紫河等迹，是以一切削而不载，以愚后世。独纪要不审其矛盾，于是既著八十里，又引桐过县、紫河镇以重其误。此则顾氏、辽志与一统志並信之过也。（惟山西通志仅言在大同府西北边外。不志道里，不述沿革，虽太略，要无大谬。）以上富民、宣德二县，辽志所载，或误或否，均为考证绥疆辽代建置沿革者，不可不究之要端。故不辞繁冗而详辨之。他如移沙南，大利于怀仁，（李芳績历代疆域沿革表，仍袭其误。）移大同川于大同，虽皆极谬误，然既已离绥，置之可焉。

金既执辽天祚帝而灭其国，其于绥境建置，大部仍沿辽制。仅于丰州所领富民、振武二县中，改振武为镇。寻升州，为天德总管府。又析丰属阴山以北地，置净州，（或作静，亦作靖。）称支郡，领天山县，立榷场。其治所在今四子王旗界。云内州仍领柔服、宁人二县。旋改宁人为镇，别置县曰云川。其他稍异者，则东胜、宁边二州。各置首邑曰东胜县、曰宁边县。又废德州，而改宣德县曰宣宁。以上诸州县，辽时均隶西京道，金则统归西京路。然诸州中除净州为新增外，余均未易治所，不过为名号上之改革存废耳。至于绥东各县地，凡辽之建置，逮金亦微有更易。如今兴和县南边一隅，旧属长清者，金则改称白登，而属如故。又改奉义为镇。此外于抚州下，增置柔远、集宁、威宁、丰利四县。以今地形核之，大抵柔远、丰利皆在今兴和县境，而威宁则位于丰镇之北。集宁在今集宁界。余如河西全境，当辽之盛时，尝于河套东北界置金肃州、河清军，及榆林、河滨二县。比金兴而拓跋夏乘辽之敝，悉取河西地。故金于套境，

殊无詳确之建置可述云。

山西通志：金升丰州为总管府，置天德尹，后仍为节镇州。省振武县为镇，别置天山县，立净州为丰州支郡。省云内州之宁人县为镇，别置云州县，隶州。省榆林、河滨，而置东胜县，为东胜州治。废德州，改宣德曰宣宁，並隶西京路。

案金沿辽志，丰州仍领富民县。金史地理志注：富民有黑山、神山。此二山俱在今归绥县附近处，蒙語称神山曰翁衮山，盖此名相传已久，足证富民从来即在归绥也。张氏識略不审辽志临戎之誤，反謂金之富民在河东，与辽时在朔方者不同。实则两代兵在河东，(詳见前案)特誤于临戎者，不得不强说为异耳。据金志，丰州于皇统九年，升为天德总管府，置西北路招討司，以天德尹兼领之。大定元年。降为天德軍节度使，兼丰州管内观察使，以元管部族直撥軍馬公事並隶西南路招討司。盖辽时本与云内、东胜、金肃、宁边等州，同隶西南路招討司，逮金始暫析出为西北路。虽未久即复故，然亦丰州沿革变易之一端也。其次净州，其初本为丰属山后之天山县。大定十八年，始升县置州，为丰州支郡，仍以县为倚郭。蒙古游牧记称四子王旗西北，有废净州城，惟謂大定六年已升为支郡。此或因十八字形近六，以传刻而致訛欤？复次，金于抚州下，置四县。地理志：柔远县，注有双山、鴛鴦泺。以丰镇县旧辑厅志(兴和县尙未划出时)核之，此二名迹，皆在厅治东北二百余里处。大抵金之柔远，即位于今兴和县东北，再西为丰利。丰利之南为威宁，丰利之西为集宁。复次，东胜州除废所领黄河西岸榆林、河滨二县外，更增倚郭

东胜一县。初于州境置武兴军，后废武兴，置宁化镇，此亦金之异于辽者。惟其辖境则犹是今托、萨二县延及阴山以北各地。拟诸辽代，但少河套东北一隅耳。东胜东连丰州，西接云内，其南为宁边，东南为宣宁县。凡此诸州，其形势大略均与辽无殊云。

元起漠北，剪金灭夏。其在绥建置，除沿用完颜氏诸州旧名外，其他隶属规制，均大部改革。如金所置东胜、云内、丰州，元并降为下州。又废所领县镇，而悉统之以大同路。别置平地县及宣宁，亦隶大同。盖此路所辖为阴山以南河套以东之一大部。自阴山以北，今乌盟四子王旗西界以西稍北。隶净州路，仍领天山县。由净州南界抵丰州北境，为砂井总管府，领砂井县，今武川属境、土默特山后一部，大概即其故地也。又自净州、砂井以西为德宁路，仍领德宁一县，盖即今茂明安及乌拉特后旗地。其位于净州之东者，为集宁路。亦只领集宁一县。位于集宁路之东者，为兴和路。而兴和路则辖地甚广，领县凡四，除天成、怀安不隶绥远外，余二县曰高原，曰威宁者，即在今兴和、丰镇二县境。至于河套全部，当元初尝置西夏、中兴等路，后并废。四分其地，以东部属东胜，北部属云内，西部属宁夏，南部属延安。终元之世，长为屯戍耕牧之区，不闻有特置之州邑焉。

元史地理志：大同路丰州，金为天德军，元复为丰州。旧有录事司，并富民县。至元四年，省入州。东胜州金初属西夏，后复取之。至元二年，省宁边州之半入焉。旧有录事司及东胜县，四年省入州。云内州，唐横塞军，又改天德军，即中受降城之地。金为云内州，旧领云州、柔服二县，元初

废云州，设录事司。至元四年，省司、县入州。兴和路唐属新州，金置柔远镇，后升为县。又升抚州，属西京。元中统三年，以州为内辅，升隆兴路总管府，领县四、州一。（宝昌州、怀安、天成二县，均不在绥境。）高原、威宁。（殿本作威宁，误。）德宁路领县一，德宁。集宁路领县一，集宁。净州路领县一，天山。砂井总管府领县一，砂井。（原注以上路府皆阙。谓德宁以下，原列凡七路、一总管府、八县，皆未著其沿革方望，故谓之皆阙也。）新元史地理志：兴和路，金抚州，属西京路。元初省，宪宗四年复置。中统三年以州为内辅，升为隆兴府。至元四年，析隆兴府，自为一路，行总管府事。至大元年，降隆兴路为源州，隶中都留守司。四年罢留守司，复置隆兴路总管府。皇庆元年，改隆兴路为兴和路，旧领柔远、集宁、丰利、威宁四县。集宁县升为路，丰利县并入高原。中统三年，析大同府之怀安、天成二县来属。领县四，高原、（倚郭。金柔远县，中统二年改今名，隶宣德府，三年来属。）威宁、（金威宁县，旧志作威宁，误。元初属宣德府，中统三年来属。）德宁路，大德九年，以黑水新城为静安路。延祐五年，改为德宁路。领县一，德宁。（大德九年置静安县，延祐五年改今名。赵王不鲁纳食邑，沙、静、德宁等处。）净州路，金故州。太宗八年置，属西京路，后升为净州路。（延祐七年，丰州修路碑，有德宁、天山分司官尉使。是旧无净州路，置路在仁宗以后。）领县一，天山。（本榷场，金大定十八年置，元因之。）集宁路，金集宁县，属抚州，元初升为路。领县一，集宁。（本市场，金昌明三年置，元因之。）砂井总管府领县一，砂井。（丰州

西北，有砂井故城，靖馬趙王封地。）大同路，金西京大同府屬西京路，元初因之。至元十九年罷，后復置。二十九年，改大同路總管府。至大元年，省宣慰司，以大同路隸中都留守司。司罷，復置宣慰司，求中書省。旧領大同、云中、宣寧、懷安、天城、白登、懷仁七縣。元初析懷安、天成二縣求宣德府。至元二年省云中，入大同路。三年置平地縣，領縣五，宣寧、平地。（余三縣在山西省界）州八。丰州，金故州，屬西京路，元初因之。旧領隸事司及富民一縣，至元四年，俱省入本州。東勝州，金故州，屬西京路，元初因之。旧領東勝一縣，元初置隸事司。至元二年，析寧邊州之半來屬。四年，省隸事司及東胜縣入本州。云內州，金故州，屬西京路，元初因之。旧領柔服、云州二縣。元初廢云川縣，置隸事司。至元四年，省司及柔服縣入本州。延祐六年置南云縣，求本州。其省罷年分闕。（余五州在山西省界）

案元制，以路領州縣，而三者皆有上、中、下之分。蓋以轄地大小，統戶多寡為衡也。如興和路列為上，集寧、德寧、淨州三路及丰州以次諸州縣俱列為下，此新舊兩史地理志所注悉同。惟大同一路，旧史注為中，而新史注為上。若以轄地論，則大同路領八州五縣，較興和路之領一州四縣者為大。若以統戶論，則大同路統四萬五千余戶，較興和路統八千九百余戶者為多。豈有地大戶多之路列于中、而地小戶寡之路反列于上之理哉？此足証新史注大同為上路，實較旧史為核實也。又如德寧一路，从来考訂元代疆域者，多不審其故地究在何處。今新史注以沙靜、（靜即淨州，或作靜，作

淨，詳前注。)德寧等处，為趙王食邑。得此一注，于是乃能斷定德寧路與淨州、砂井之管府，這成壤地相連之勢。而旧史網路之說，自非其屬地，亦遂賴以頓解。至于淨州路之屬境，在烏盟四子王旗西北，砂井屬境在其西南。此不惟張石洲游牧記及張景道方輿紀要二書皆嘗略示其故城廢址之所在，約與河屬地勢相近似。即就邈來最新發現之古迹証之，亦可斷定此說之不謬也。民國二十四年秋，烏盟喀爾喀右翼旗境內掘得一殘碑于突堡中，讀其文知為元趙王、高唐王累世紀功之德碑。碑蓋在府，而碑即樹于府中所謂德風堂者也。撰文古書尚為前淨州路儒學教授，並著其名籍曰：三山林子良。即以此碑論，寧非趙王食邑及淨州方望之有力證據乎？(碑文見金石錄)又民國二十二年春，武川縣東北區與四子王旗接界處，有土崗谷稱王墓梁，發現一墓表。虽刻文已剝蝕不可通，然諦審之，猶能辨為元初耶律子春埋骨處。嗣檢耶律文正楚材洪然居士集，有經砂井和耶律子春韻之標題，然則子春生居于砂井，死葬于砂井。即此一冢，亦豈得謂非砂井故地有力之證據乎？夫淨州與砂井，既確知其在今烏盟四子王旗西北南以往二部地，則緊接于此之德寧路，自非旗轄中部以西莫屬矣。蓋再東有興和路，再南有集寧路。意當時趙王食邑斷不能越此二路，而與砂、淨相隔絕。此論勢論理，皆必然而無疑者。良以元之下路，領縣最少，轄地本不甚廣。故集寧、德寧、淨州三路及砂井一府，(方輿紀要亦列為路，似誤。)計其疆域，合之不逮大同全路之半，分之乃僅比于大同所領之一州而已。余如大同路屬縣宣寧，當仍金宣寧縣旧治。平地，应在丰州之東界外，因其嘗

一度改隶丰州，故知之也。

明初，元将扩廓帖木儿拥兵塞上，凡数年，西北边地，多为所扰。洪武末，明始于今绥远南部置东胜等五卫，永乐中内徙。宣德间，又于沿边筑玉林、云川等城，驻兵戍守。逮正统中，复徙并于边内之左右卫。自此口北各地，遂悉弃于外。明中叶以后，自察哈尔以西至河套西界，自边墙以北至于漠南，尽为元裔达延汗之子孙所分踞。盖河套全境，当天顺、宏治时，为蒙族阿罗出、摩里海、满篇护、火筛等部出入相攻之地。稍后达延汗以第三子巴尔斯博罗特为右翼三万人济农，分有套地。至其长子衮弼里克图墨尔根，乃平定各部，居之，即以传其子孙。又自河套以东至察哈尔右翼及阴山前后各地，为阿勒塔都哩木汗所踞。（阿勒塔汗，明史译作俺答。）阿勒塔都哩木汗，亦巴尔斯博罗特之子，即衮弼里克图墨尔根之弟也。其所统部，号土默特。明嘉靖间，阿勒塔都哩木汗以河套皆其兄子，山北如永邵卜等皆其同族，彼因年尊辈长，辄被推为诸部统帅。其东界与察哈尔达延汗嫡传子孙属地相毗连。计其所统，实已奄有今绥远省属全境矣。隆庆中，阿勒塔都哩木汗与明款和，受封为顺义王。万历十四年，始改其所居库库忽洞曰归化城，即今归绥市旧城是也。

延绥志：明初，王保保（按即扩廓帖木儿小字，见明史。）据河套，洪武中追逐之。（案王保保死于洪武八年，见明史扩廓传。）筑东胜等城，並立屯戍。天顺初，毛里孩、阿罗出、勃罗忽三部始入河套。成化四年，阿罗出为其党札加斯兰所杀，並其众而结元裔满都鲁，居河套。九年，总管王越率兵击败之，

乃渡河北去。宏治八年，北部复入河套。未几火筛据之。总制楊一清上言，河套当复。会刘瑾用事，寻得罪去。其后遂屡入寇。嘉靖中，无岁不扰。总督曾铣請复河套，严嵩譖杀铣，自后无敢议者。

清一统志：归化城土默特，明宣德初，筑玉林，云川等城，设兵戍守。后为蒙古所据。嘉靖间，諠达（案即明史俺答）筑城于丰州滩，采木架屋以居，謂之拜牲。（拜牲，汉语屋也，明史作板升，今改正。）是为西土默特。隆庆间，封諠达为順义王，名其城曰归化。（按改城名在万历年，非与受封同时。）諠达，察哈尔小王子近支也，初驻牧开无上都，迫附宣大，自称都哩木可汗。旋移驻丰州滩，开拓疆土，南至大同山西边，北至永邵卜，东至喀喇沁，西至鄂尔多斯。有众四十万，富甲于諸境。隆庆五年，诏封諠达为順义王。套部吉纳子济农等，皆为諠达侄。姜巴图昆都楞汉，諠达亲弟。而乌斯巴延、永协布、多罗图门等，皆其支庶。諠达于諸部为尊行，力能合之。凡六十五人，各授都督、指挥千百户等官有差。蒙古游牧记：明天順间，蒙古阿罗族与毛里孩始入套。訥加斯兰糾合滿都护，倚为巢穴。宏治间，火筛复入其中。元太祖十六世孙巴尔苏博罗特，达延汗之第三子也，始命为管领右翼三万人济农。长子袞弼哩克图墨尔根，明史謂之吉囊，嗣为济农，号车臣可汗。嘉靖中，击破火筛居之，是为鄂尔多斯。有子九人，分牧而处。（张穆案：阿罗族諸部，以蒙古源流考之，所謂毛里孩者，翁里郭特之摩里海王也。蒙古摩伦汗，初育于其家，及汗嗣位，乃复弑之。事在景泰，天順间。所謂訥加斯兰者，永谢布之伊巴里台吉也。滿都护者，鄂尔多斯之

滿都賚阿都勒呼也。初达延汗议以次子烏魯思博羅特为右翼三万人济农，伊巴里及滿都賚諸人恶之，遂治兵相攻。达延汗因伊巴里、滿都賚无故加害烏魯斯博羅特，遂令阿巴噶、科尔沁等带领左翼三万人前往征之，鄂尔多斯兵大半死焉。达延汗遂收服右翼，平定六万兵民大众，于君汗之八白室前，称汗号。今巴尔斯博羅特为管领右翼三万人济农，並授賽音阿拉克。案此事在正德七年壬申以后，鄂尔多斯遂永为达延汗子孙所据，不应更有击破火篩之事，疑明人记述有舛。盖他事皆约略可寻，独所謂火篩者，不可考耳。

案明代蒙古，自元順帝北走，凡数传至永乐十三年，不立汗者又十余载。其后各部中虽有自立称汗者，然不久辄为强臣或別部所攻杀。而明廷则自宣德中徙諸卫于边内后，但重关塞之防守，不究境外之虚实。故古籍所载，自正统以后，凡鞑靼諸部事迹，率皆顛倒錯乱，不得要领。甚至明置之东胜五卫、玉林、云川等城，原置何处。虽遍检明史，莫能悉其梗概。余如边外分踞之局，孰在某处，孰移某方，皆糾纏不可究詰。即以鞑靼族各部共尊之小王子而论，明史除麻尔可儿及玛古可儿吉思二人外，且不知其历传几世，世立何人。夫于邻邦人事递嬗之大者，犹茫然不解，至于此极。而謂其他记载能一一明晰而不舛，抑又安可得乎？考辽金之东胜，即今托县东沙岗之故城。民国八九年间，居民尝于城之东西门外，掘得古墓砖碣，有东胜州及大定年号字迹。明初于东胜既称修，则其沿旧迹而首治之可知也。又托城东六十里，有俗称黑城者。民国初，土人亦掘得小铁炮，有洪武七年凤阳行府茂軍匠造字迹。此盖五卫之一，或即偏西之镇鲁卫

也。此外关于蒙部分盟形势，其在绥境者，詳本条前引各书。至小王子之辨证，亦略著于本志古迹陵墓篇小王子墓条下，兹不更赘。惟张氏游牧记，謂明代据套諸部中，独火篩不可考。实则火篩者，乃和碩譯音之转变耳。按和碩为四卫拉之一，亦即明史所謂瓦剌族全部中之一部也。明代蒙古与瓦剌相攻，共事至夥。则瓦剌一部，偶尔侵入河套，亦正与当日边外形勢相符，不得遽斥为记述有舛也。

清朝未入关时，清太宗皇太极征元裔察哈尔林丹汗，克之。乘胜西追，远至归化城，兼定土默特部，编为二旗，领以左、右翼都统。其后鄂尔多斯及山后各部，皆相继归款。迨顺治入关，历康熙、雍正、乾隆诸朝，乃渐编定旗制，授以世爵。计以山后六旗为乌兰察布盟，河套七旗为伊克昭盟。又察哈尔自林丹汗战败西奔，客死于青海大草滩，其子孔果尔额哲率众来降，始编旗驻义州。康熙中，因乱被迁于宣大边外。后以从征有功，乃与喀尔喀、厄鲁特諸降户合编为八旗，分左右翼，今隶绥远管轄者即右翼四旗也。以上所述，为清初盟、旗分界驻牧之形。至于道、厅及驻防滿軍之增设，则肇始于雍、乾两朝。盖最初设归化城理事同知，在雍正元年。逮乾隆初，始筑绥远城为防军驻所，並设绥远城理事同知及五路协理通判。六年，设归绥道，轄归、绥两同知暨归、萨、托、和、清、洋、昆等七协理通判。后改善岱、昆都伦二协理。继又裁归化通判。同治间，改萨拉齐通判为同知。凡此諸厅。皆设于土默特左右两翼境内。光绪十八年，又以大同府属之丰镇厅、宁远厅理事通判改隶归绥道。此二厅原设于察哈尔右翼四旗界。自是改各理事厅为抚民厅、仍加理事

行，惟绥远城之理事同知如故。迨二十九年，又因绥境垦地日广，农民之生齿渐繁，于是更分丰镇之东部设兴和厅，分宁远之北部设陶林厅，分归化之山后地设武川厅，分萨拉齐之西部后套地设五原厅。未几又辟鄂尔多斯中部，置东胜厅。是即清末所谓塞北归绥道属之十二厅也。（绥远城内专管粮餉之理事同知，但称粮饷厅，不在十二抚民之数。）

清一统志：本朝天聪六年，太宗文皇帝亲征察哈尔，驻蹕归化城，土默特部落悉归顺。九年，命贝勒岳脱驻守归化城。康熙三十五年，圣祖仁皇帝自白塔驻蹕于此，其官制有都统、协领等员，（兼土默特官制，有参领、佐领、无协领。）统理游牧诸事。雍正元年，增设归化城同知二员。后省一员。乾隆四年，增置绥远城同知一员。镇守将军旧驻朔州，移驻绥远城。二十五年，增置归化、清水河、萨拉齐、和林格尔、托克托城通判五员，兼属归绥道。二十九年，裁归化城通判。共为六厅。

蒙古游牧记：四子部落，元太祖弟哈布图哈萨尔十五世孙诺延泰，与兄昆都仑岱青，同游牧呼伦贝尔。有四子，遂为所部称。天聪四年，四子相继朝贡，从征有功。崇德元年，授鄂木布（第三子）扎萨克，赐号达尔汗卓哩克图，俾统所部。顺治六年，封郡王，世袭罔替。茂明安旗，哈布图哈萨尔十五世孙多尔济，号布颜图汗。子车根嗣，号所部曰茂明安，天聪间来归。子僧格，康熙三年，授札萨克一等台吉，世袭罔替。乌喇特三旗，亦哈布图哈萨尔十五世孙布尔海之裔裔。牧地当河套北岸、喀尔喀右翼旗。顺治十年，本塔尔苏鲁干余来归，赐牧塔尔渚河。（以上为乌兰察布盟六旗由

呼伦贝尔及喀尔喀中路移牧于绥境之概略)又鄂尔多斯部，自达延汗以第三子巴尔苏博罗特为管领左翼三万人济农，传子衮弼哩克图墨尔根，仍嗣为济农。历传至衮之曾孙博硕克图，林丹汗逐之，夺济农。天聪九年，察哈尔灭，子额璘臣来归，赐复济农号。顺治六年，来朝，封多罗郡王，世袭罔替，是为左翼中旗。额璘臣族子善丹，顺治七年，封扎萨克多罗贝勒，是为右翼中旗。额林臣从子色棱，顺治六年，封扎萨克固山贝子，是为左翼前旗。额璘臣从弟沙克扎，顺治七年，封扎萨克固山贝子，是为左翼后旗。额林臣从子额琳特，顺治六年，封扎萨克固山贝子，是为右翼前旗。额璘臣从子扎木素，顺治六年，大扎木素叛，小扎木素不附逆，诏封扎萨克镇国公。孙都梭，康熙三十七年，叙从征噶尔丹督护粮运功，晋固山贝子，是为右翼后旗。额璘臣从曾孙定咱拉什，雍正九年，叙屡次从军斩馘功，晋一等台吉。(原袭三等)乾隆元年，议族属繁，增旗一，授扎萨克，是为右翼前末旗。(以上为伊克昭盟七旗清初分旗受封之概略)。

案清一统治、归绥識略二书，述清太宗之征察哈尔林丹汗在天聪六年。而山西通志、绥乘等书，则称在天聪八年。蒙古游牧记，复有天聪九年察哈尔灭之语。综以上诸说，几莫辨归化城之归于有清，究在六年耶？抑在八年耶？及考清史所载，则皇太极之逐林丹汗而定土默特，实出师于天聪六年四月，而班师于七月。诸书所谓太宗驻蹕于归化城，编土默特为二旗，以其部长为左右翼都统者，即此一役也。八年，收察哈尔部众之投居明边者，得数万人。是时林丹汗已死，其子额哲东来。九年，皇太极命多尔衮、岳脱、豪格等诸贝勒往

抚，兼定鄂尔多斯地。諸书所謂岳脫驻归化城者，此又一役也。至乌兰察布盟如四子部、茂明安、乌喇特等五旗，其降请均在天聪七年，即皇太极亲征察哈尔一役之次岁。意其自呼伦贝尔移牧于绥境，当亦肇始于此际。盖前此皆服属于林丹，逮林丹西奔，乃得留驻于斯土。而喀尔喀右翼旗之来投，则在順治十年，视同盟五旗又稍后矣。他如清代之塞外置厅，一统志所载，合绥远城之粮餉同知而得其六。山西通志则除粮餉合丰、宁二厅而得其七。此因续设之五厅已届清末，故两志均限于年代，而不能尽其全。据垦务档案所记，光緒二十九年，续置之五厅，其同知通判諸职，皆自山西各府额设之员缺中移来。计忻丰镇厅之二道河，置兴和厅抚民同知，加理事衔，移太原府同知驻之。析萨拉齐厅之大余太附益以达拉特、杭錦、乌拉特等旗地，置五原厅抚民同知，加理事衔，移汾州府同知驻之。析归化厅之翁袞城附益以土默特、四子部、茂明安、达尔汗等旗地，置武川厅抚民同知，加理事衔，移泽州府同知驻之。其宁远厅通判改为同知，移蒲州府同知驻之。而析宁远属之科保尔，置陶林厅抚民通判，加理事衔，即以宁远厅通判移驻之。五十年，于鄂尔多斯之坂素濠，置东胜厅抚民通判，轄郡王、扎萨克两旗地，移汾州府碛口通判驻之。此五厅合旧置之七厅並计之，遂完成清季归绥一道十二厅之局。而有清一代，蒙旗与厅治並存之制，頗与隋唐胡州郡县間立之形勢相类焉。

民国初元，改归绥道为观察使。而行政权之所统，则仍以迤清道轄旧域为界限，惟原置之十二抚民厅，悉废旧称，而改曰县。原设之同知、通判等官，亦尽易之曰知事。二年，

裁归化城副都统及观察使，置軍政民政二厅，即以绥远城将军为行政长官，与山西省分县而治，遂成绥远特别行政区域之制。改宁远为凉城县，並绥远城理事同知于归化，而称归绥县。三年，改将军为都统，并增设道尹，以任民政。增设土默特旗总管，以辑蒙众。（归化城副都统原为专管土默特旗政之长官，自裁撤后，由绥远城将军兼理者，几达一年。）只以丰镇、兴和、凉城、陶林四县，原设于察哈尔右翼界，而察哈尔亦为特别行政区域，遂于是年尽划四县于察区。四年，析武川所轄之茂明安旗及萨拉齐所轄之乌喇特东公旗地，别置固阳设治局。十一年，又析萨属包头镇及附近土默特旗、乌喇特东西公旗与伊盟达拉特旗地，置包头设治局。十三年冬，国民軍莅绥，深以绥区设县过少为憾。于是于次年，更析包头、五原接壤之后套东部地，置安北设治局。析五原所属后套西部地，置临河设治局。当是时，察哈尔亦同为国民軍统治之区。察区长吏，鉴于邻封绥远之积极創设，遂亦急起置局。其别部所增，与绥无涉者，姑不论。其由绥划得之绥东四县，则于丰、陶、凉三县属地連界处，各析一部，合置集宁设置局。凡此新增諸局，皆于设治年限届满后，次第升级为县。十八年一月，绥区既改制而建省，中央为行政便利计，乃复以明令将原划归察属之丰、凉、兴、陶四邑及续设之集宁一县，仍还隶于绥远省政府。惟察哈尔右翼四旗蒙古与五县民众同壤錯处者，则犹别属于察省。故当时县与旗虽共居一地，而行政权之管轄，却分寄于二省，此固不能不謂为畸形病态也。十九年八月，绥属河套西部近河处，因与宁夏省界，隔河相望，而河东居民且复有受宁省属县逾河督课

之虞。于是绥远省政府以政权事关，理难漠视，授于其地立沃野设治局，俾任托宇之责。二十六年二月，绥境蒙古各盟旗地方自治政务委员会，奉中央明令组织成立，凡绥远所辖之乌盟六旗、伊盟七旗、土默特特别旗、察哈尔右翼四旗，皆有委员参加。只以右翼四旗之行政管辖权，尚操于察省。就绥远全省县旗行政区域之统一完整论，自以四旗并隶绥省为最适。三月奉国民政府电令，以察哈尔右翼四旗改由绥远省政府管辖。自此案确定，而绥远省之政权行施与疆域管辖。乃得如符节相合，无丝毫缺憾可指矣。

案今绥远各属，惟沃野设治未竣，未辟于县。其余新旧诸邑，皆已生聚日繁，渐臻熙攘之境。如土默特特别旗及察哈尔右翼四旗界，或居丰州之故壤，或居大朔之近边。以天时之煦和，土地之广沃，其开辟较早，建置较先，而使各县并进于繁荣者，固无论矣。即乌、伊两盟各旗牧地中，自清季创垦设官以来，其农民之源源而来，聚族而居者，亦尚能与蒙古民众相安于无间。苟他日能于蒙古之畜牧，汉民之农耕，兼筹并顾，而优为之所，则莽莽绥疆，固确乎为国家西北边防不拔之金汤也。

摘自铅印本《绥远通志稿·卷一·上》

## 县局疆域沿革

绥疆置县，以前汉为最多。逮后汉建武以还，虽大体犹沿旧制，而省并之端渐启。卒之历三国、魏、晋诸朝，遗规悉泯，而其详亦不可复究。至于隋、唐，州郡节镇之繁，虽不妨远拟于盛汉，顾其所领县邑，则仍寥然无几。厥后自辽、金、元、明以逮清初，大抵皆分道析路，设州置卫为多。而于县城之增置，盖犹未遑措意焉。清于雍正、乾隆以后，设道置厅，行政之规模，稍稍具矣。然核一道之所辖，亦不过同知、通判六七员已耳。直至今日，始渐增为十八县局之省制。观于汉后历朝建置之简略，自可推知其沿革史迹之无多。故考绥远疆域者，究全省之大势已难矣，若更进而稽县境之源流，其艰窘盖又不啻倍蓰也。兹篇于县、局、盟、旗疆域沿革，皆就载籍所能详者详之，其必不可详者则姑存其略，以示毋求备而致失真焉云尔。

### 归 绥 县

战国时为赵云中属地。赵武灵王置原阳为骑邑，其故址在今县治东南大黑河左岸。秦仍隶云中郡，汉因之，置北舆县为中部都尉治所，即今县治也。汉云中属县在今县界者，北舆、原阳外，犹有武泉一县，其故址位于今县治东北四十里小黑河发源地。再东并兼跨定襄郡武皋县地。后汉省武皋，余三县隶云中如故。汉末边郡属县尽废。北魏为云中镇之白道，嗣更于西境置中川县。隋开皇中，居突厥沙钵略于

白道川，仍于汉原阳、北舆故城，设镇属云州。大业初，属定襄郡，为大同县之北部地。唐为振武军金河县北境。五代初，契丹移丰州、天德降户于此建丰州，号应天军。寻改天德军，领富民县。其州县故址，皆在今县治东五十里白塔村之废墟也。金丰州仍领富民，治处如故。皇统九年，升为天德总管府，置天德军兼领西北招讨司。（原隶西南面招讨司）大定元年，并废司，<sup>13</sup>，复改天德军节度。元隶大同路，仍称丰州，惟省所领富民县，置降丰为下州。明初废。宣德元年，复置丰州，未几又废。嘉靖中，蒙古西土默特部长阿勒塔都哩木汗驻牧丰州滩，筑城于此，蒙语名库克忽洞。后受明封为顺义王，旋即改所居城曰归化，清初因之。雍正元年，设归化理事同知厅。初驻百河，隶山西省之朔平府。乾隆初，又增设协理通判二员，一驻城，一驻昆都伦。六年，设归绥道于城，以厅及二协隶焉。二十年，裁协理，移同知厅驻城。光绪十年，改为抚民同知。二十九年，析属境自大青山之翁衮岭以北，置武川厅。民国元年，改厅为归化县。二年，以绥远城粮饷同知厅并入，始称归绥县。三年，绥远由山西省划出为特别行政区，县为区治首邑。十八年一月，绥远区升为省，仍以县为省会附郭首邑焉。至于县之四至八到、幅员广狭、方里统计，均详著于现疆域篇。本篇专究沿革，不更貌述。以下各县旗并同。

战国策：武灵王破原阳，以为骑邑。遂胡服，率骑入胡，出于遣遣之门，逾九限之固，绝五径之险。至胡中，辟地千里。

水经注：芒干水（今大黑河也）出塞外，南逐钟山，山即阴

山。其水西南迳武舉县，王莽之永武也。又南迳原阳县故城西。又西南与武泉水合。（今小黑河）其水东出武泉县之故城西南，即王莽之所謂和泉也。水南流又西屈，迳北與县故城南。其水又西南入若干水。

太平记：阴阳岭在金河县北一百四十里，秦长城枕之，即鄯阳岭也。武德四年，平突厥，置云中都督府于此。冀州图：白道川，当原阳镇北池，土白如石灰色，迳去百里，即见之，即是阴山路也。又北與城镇在县北四十里，汉中部都尉治。辽史帝纪：太祖神册元年，破朔州，杀振武节度李嗣本，自代北至河曲，尽有其地。五年攻天德，降节度使宋瑒，更軍名曰应天。师未旋复叛，俘瑒家属，徙其民于阴山以南。

案清重修一统志，于归化城厅所需界内，共括有汉云中郡之原阳、北與、武泉、陶林、阳寿及定襄之武泉等六县。且于陶林、阳寿仅言在归化城界，而未著其方望。于原阳、北與、武泉则并言在归化城西。而武舉则位之于归化之北。无论其所括太多，（案志文于桐过、武成亦列入归化，惟无在界之語，故未列。）殊难置信，即就所示方位揆之，亦犹未能尽符实际也。山西通志虽不取阳寿，顾于陶林、武舉二县，则亦竟采其说而入諸归化厅界之内，是仍不免稍袭其誤耳。至山西通志因北與在小黑河北，而以归、绥二城当之。又以武泉在小黑河源，而以归绥东北之哈拉沁谷口当之。较一统志之悉以置諸西界者，其精識固远过之。良以据水经注循若干水而推武舉、原阳之所在，循武泉水而推武泉、北與之所在，所謂有本之談，故能辨疑似而匡统志之謬。独

惜其据朔平府志，谓陶林在归化城东南八十里，与右九原城为近，此与一统志之置武皋于城北者，其荒唐失考，殆亦无分轩轻焉。依水经注，芒干水南迆钟山、又西南迆武皋县、又南迆原阳县故城西、又西南与武泉水合之数语揆之，则是郦氏所指，为今大黑河自北而南之一源。此源先由东北向西南，又折而向南。既汇东来之别一源，乃复向西，南越归化城南郊，而纳小黑河。当其始向西南来时，犹未出东山谷。此盖郦注所谓迆武皋县一段也。虽注文未明示迆故城何方，然既在此段水源之旁，则知古武皋县故址，亦必同在东山谷口之东。而东山以东，已非尽属归绥。两志乃尽入诸归化，统志更移而位于城北，不亦误乎？故本条仅谓兼跨武皋县地，而不采两志全括之说者，正以兼其属地之一部则可，统其疆域之全部则不可也。其次原阳县故城，既在大黑河南流西屈及未合小黑河处，则以今日地形核之，惟有归绥县境之东南方，始与所注完全相符耳。盖向上稍移，则水未出谷，仍在定襄郡界。向下稍移，则水合武泉，已至北与西南。此不特与河流地形，戾成抵牾，即质之善长注文，亦格格乎难相入矣。是以本条于归绥疆域，除北与、武泉已考无疑义而悉收外，并确断原阳亦纯为今县属地也。若越原阳而更向东南，就今地论，已入东南山中，为和林、凉城接壤处。就汉制论，亦侵入定襄郡领域。山西通志谓陶林在归化城东南八十里，与古九原城为近，岂陶林非云中郡属县，而为定襄郡或五原郡属县耶？不然，置诸东南八十里，既有似乎属定襄矣，乃复云接近九原，岂非又有似乎属五原耶？殊不思古九原在河套北岸，东距归化且数百里，假使陶林果在归化之东

南，安得与远在城西数百里之古九原城相近？苟其信与九原为近，又安得更在归化城之东南乎？考陶林为云中郡东部都尉所治，而北舆则中部都尉治所也。以中东二字顾名思义推之，则知陶林当在北舆之东。惟北舆近邻东北有武泉，东南有原阳，原阳更东则为定襄郡之武皋县。意陶林之领域，西接武泉，而南临武皋。而云中、定襄二郡，亦正以陶林、武皋为分界处耳。由是言之，则陶林隔武泉而位于北舆之东，正与东部都尉治地相合。惟就今县辖境论，则已不在归绥疆域之内，故本条不取二志旧说，而别为详辨其误如上。又辽、金以来，丰州均领富民、振武二县。旧籍如山西通志、绥乘等书，因丰州古迹之在归绥界，遂并收其所领二县，亦悉入诸今县疆域内。按富民为州治附郭，邑随州而纳诸一县领域，固不为误。惟振武据辽志本汉成乐故地，不在今归绥县辖境内，一并收之，未免稍舛。或疑今归绥县界既可包汉之北舆、武泉、原阳等三数县，岂独不可包辽、金之二邑？殊不知汉县繁而密，其地必狭，故可以今之一而括其三。若辽金则自宣德、东胜以北，至于阴山，仅此丰州所领之二县，地形既辽阔如是，安有合州县三城并置于一隅之理哉？故本条收富民，而不收振武，从辽志也。

### 萨拉齐

战国赵云中西界地，秦因之，汉置攸和、咸阳二县。其东南或兼跨沙陵县边境，俱隶云中郡。后汉末，诸县并废。北魏为怀朔镇东南境，置塞泉城于河北。肃宗改怀朔镇为朔州，于汉固阳、石门障置广宁郡，领石门、中川二县。虽二

县城不在今县界，但中川在东，（归绥西界毕镇）石门在西（包头西昆篤伦），居中为今县领域。则知今县乃石门、中川分界处，亦即朔州广宁郡之轄境也。孝昌中，州南徙。而郡县亦废。（侨置并州）隋开皇四年，置油云县于界内，隶云州。后云州东徙，治大利城。县废，入金河，隶胜州。唐调露初，置云中守捉使于单于府西北二百七十里，即今县治附近也。五代后唐，尝置天德军，旋为辽太祖袭取，迁其降户军号于卡州。嗣于其地置代北云朔招讨司，寻改为云内州，隶西京道。金仍为云内州，并于东境治裕民县。然辽金之云内州东境，正为今县之西界。若今县之东部，则实位于东胜州之河北属境内也。金大定十九年，复改裕民为云川县，隶西京路。元初省云川，降云内为下州，隶大同路。明洪武五年，州废。宣德元年，复置云内县，属丰州，未几又废。清乾隆初，设萨拉齐及善岱二协理通判。六年，隶归绥道。二十五年，改理事厅，裁善岱协理，并入。同治四年，改设同知。光绪十年，改为抚民同知厅。二十九年，析所轄后套地，置五原厅。民国元年，改县为知事。八年，分所轄大青山后乌喇特东公及茂明安两旗地，隶固阳设治局。十二年，又分所轄包头镇附近乌喇特东西公及土默特、达拉特等四旗毗连地，隶包头设治局。盖清初所划之萨厅疆域，至是已减十之七八。凡大青山以北，暨五当谷以西，悉属于续设之各县局。厥后续设诸县间，复有增置，而萨县则自十二年后，未尝再析。顾其幅员户口，仍不失为绥省一巨邑。此则因旧厅所轄，其四境太广故也。

水经注：河水又东逐塞泉城南而东注。又大河东逐咸阳

县故城南，王莽之賁武也。又塞水出怀朔镇东北芒中，南流迳广德殿西山下。余以太和十八年从高祖北巡，居于阴山之讲武台。台之东，有高祖讲武碑。自台西出南上山，山无树木，惟童阜耳，即广德殿所在也。其水历谷南出山，西南入芒干水。

元和志：云中守捉东南去单于府二百七十里。调露中，裴行俭破突厥置，管兵七千七百人，马一千二百匹。

案辽史地理志，云内州本中受降城，此盖谓州治当中受降城故地耳。观其所述州境诸名迹，如可敦城、拂云堆、大同川、永济栅等，殆无一非中、西两受降间遗物。则其以州治当中城，并不为误。惟州治虽在此，而州之东界，实与东胜西界相毗连。故今萨县之领域，适为辽代云内、东胜各跨一部之形，而云内州治固确乎不在县境也。乃山西通志不取辽志，而以明统志及方輿纪要为据，谓辽云内州以明统志金河在州东南百五十里证之，则州治当在今厅西五十里沙尔沁村。不知明统志所谓金河者，是否指有金河泊之金河县而言。如谓指此，则其西北百五十里尚未能至沙尔沁且更在其东矣。如更向东移，则除东胜州辖境外，云内之东境，毋乃太狭，将何以置宁人、裕民、云川等县乎？按辽纪，宁人初属胜州，其则在东境可知。而裕民则本置于东境，后改云川，史文可证。夫以云内州治去东胜辖境之金河仅百五十里，若除去东河界，则云内东境当不足百里。以辽、金时置县之疏阔论，此不足百里之地，岂能既置州城，复设二县？况州治犹有其附郭首邑之柔服县，倘合并计之，更似聚一州三县于一隅，此虽中原繁盛之区，犹恐未

能，而謂久荒乍復之邊疆，竟有如是繁密之制，此豈近于情理哉？至于方輿紀要謂云內州在大同府西北五百余里，此較山西通志斷定之地又東移二百里矣。蓋今歸綏、和林二縣，去大同已不下五百里，如依紀要所示，則遼之云內縱不在歸綏以東，要亦不能逾歸綏轄境以西也。果如是，則云內東境諸縣，勢非設于丰州以東不可。此其不近情理，庸非視明統志為尤甚耶？故本條不取明志、紀要諸說，而仍以遼志州本中受降城之文為據。其間有引及州治柔服等名者，則以今縣舊疆，當未析置包西各厅具時，固當兼領中受降城故地耳。間嘗竊考明統志及方輿紀要致誤之由，大抵皆以明之云內縣，上溯遼、金、元之云內州，故其地望不能卒合。蓋遼、金云內，逮元而降為下州，隸大同路。明初洪武五年所廢者，即元代之遺制，其故地仍為中受降。迨乎宣德元年，復置云內縣，隸丰州，則已非復前代旧治。而東移于今歸綏縣境之西南，虽云內之名无异，而州縣不同，治地尤殊，良以元之云內，虽降為下州，但沿遼、金之旧，未嘗徙置，仍与东胜、丰州为平等并列之区。至于明之云內，則已更下降为丰州之属县，其治地当不能超出丰州轄境之外。观紀要所引，正统间，主帅晏乐楼于塞，致敌突入边内。于是玉林、云川、丰州、云內之民，悉迁于应、朔諸处。就此可知明之云內县，确与丰州、玉林、云川相近，而与辽、金治中受降之云內州，則相去甚远。明統志謂去金河百五十里，紀要謂去大同五百余里，皆以明初之云內县，誤为辽、金、元之云內州也。其次，如金之裕民县，废后复置，改为云川县者，亦与明初所置之云川卫不同。盖前者在萨县境，而后者在托

县东，方輿紀要亦未能辨其异。惟清一统志云有云川古城，在云川卫西，其说差优。又山西通志以汉县栎陵，列于萨厅界。此盖因其引水经，信桑氏经，而不信酈氏注，且复误注为经，遂致此謬。按经文河水所历，先栎陵，次沙南，次沙陵，并不述咸阳。而注文则先咸阳，次沙陵，次栎陵与沙南，迳缘胡山而南流。此咸阳一县，本为酈注揭出，以补经文沙陵上游之阙，而移栎陵于下，亦以正文乱次之謬。乃山西通志据未校本，以咸阳注語，連于经文沙陵之下，遂使沿河汉县，其序愈紊。考此节注文，为酈氏亲历记述之語，其先后次第，本无微誤。而通志反依已錯之经，使栎陵、咸阳隔沙陵而上下游倒置。又以栎陵西北有缘胡山，求諸上游而不可得，则臆断以阴山当之。其牵强附会至于此而不悟，反以駁酈注之誤，此信经之成见使然也。故本条但依注文，取咸阳、塞泉及沙陵之一部隶于萨。余则归諸黄河下游之托县界。至于缘胡所在，詳见山脉及故城栎陵县条，兹不更贅焉。

### 托克托县

战国赵云中城所在，武灵王所筑也。秦始皇十三年，置云中郡，汉因之。领县十一，为云中、栎陵、沙南及沙陵、阳寿各一部地。后汉省阳寿，而郡仍置云中，在今县治北四十里。建安二十年，并郡领諸县为一县，仍称云中，隶新兴郡。后郡内徙，而县亦随废。北魏尝增修云中城，并于城中起宫室，以为常幸之地，又于城东四十里别筑云中宫。隋开皇三年，置阳寿县，因汉县为名也。又置榆林郡及榆关总管

于县界，寻改云州总管。六年，置榆林县。十年，置富昌县，均在今县属河西界。十八年，改阳寿曰金河，以境有金河泊为名也。初皆隶云州，后云州徙，而金河、榆林、富昌并以地属胜州。大业五年，复以胜州为榆林郡，仍带关，居义成公主于古云中城。隋末，郡人郭子和以地入突厥，县悉废。唐贞观四年，突厥平，居其部长阿史德。后置云中都护府，旋改单于大都护府，徙治于定襄。景龙元年，筑东受降城于单于府西南百二十里，其故址当在今县治南。天宝初，徙振武军于城。乾元元年，升军为节度，移治单于府。元和中，移东受降城于古云中西五十五里之绥远烽南，在今县治北，为胜州榆林县地，仍隶振武军。五代初，辽破振武，徙胜州之民于河东。后遂置东胜州，领榆林、河滨二县，隶西京道。金初，建武兴军，又置东胜县为州治，隶西京路，元降为下州。至元二年，省宁边州，以其北半部地来属。四年，又省东胜县，并所置司候司入州，隶大同路，是即今县治东门外沙岗上之突城址也。明洪武四年，废州置卫。二十五年，分为左、右、中、前、后五卫，寻并为左右二卫。今县其左卫地，又别置镇鲁卫于左卫东。永乐元年，并徙治北直畿内。宣德元年，镇鲁还故治。正统三年，复置东胜卫，以后仍废，而徙镇鲁卫于天城卫城。嘉靖中，西土默特部台吉驻牧，名脱脱城，一称为托克托城，是即今县治也。清初，仍沿脱脱之称。乾隆初，设协理通判。六年，隶归绥道。二十五年，改理事厅。光绪十年，改为抚民通判厅。民国元年，改为托克托县，设知事。厥后绥远由特别行政区升为省，皆相沿为县无所改。仅易知事为县长，与民初称谓相异耳。

水经注：白渠水又西迳魏云中宫南。魏土地记曰：云中宫在云中县故城东四十里。白渠水又西南迳云中故城南。又西北迳沙陵县故城南，其水西注沙陵湖。又芒干水又西南迳云中城北，白道中溪水注之。又西南注沙陵湖，湖水西南入于河。河水南入栝陵县西北缘胡山，历沙南县东北，两山二县之间而出。余以太和中为尚书郎，从高祖北巡，亲所迳涉。县在山南，王莽之栝陆也，北去云中城一百二十里。县南六十许里有东西大山，山西枕河，河水南流。豚水寻经，殊乖川去之次，似非关究也。（平案末段注文为酈氏驳正经文河水先过栝陵，次过沙南、沙陵之误。）

隋志：榆林郡，开皇二十年置胜州，统县三，榆林，开皇六年置。富昌，开皇十年置。金河，开皇三年置。初曰阳寿，及置油云县，又置榆林关总管。五年改置云州总管。十八年始改阳寿曰金河。二十年云州移，二县俱废。仁寿二年，又置金河县，带关（案二县俱废云者指河东之金河、油云二县也。）

唐书突厥传：云中者，义成公主所居也。颉利灭，李靖徙突厥羸破数百帐居之，以阿史德为之长。其后部众渐盛，诸部府州当在所隶，于是建云中都护府。

元和志：胜州榆林县，金河泊在县东北二十里，周四十里。云中故城在县东北四十里，赵云中城，秦云中郡也。榆林关在县东三十里，东北临河。（案太平记作四十里，南临河。）隋开皇三年，于此置城，设榆林关。

方輿紀要：云中城在大同府西北四百余里。孔氏曰：在唐胜州东北四十七里。龙朔三年，置云中都护府于此。麟德

元年，改单于都护府，领金河一县。胡氏曰：金河，汉之云中郡城也，在隋榆林郡城东北四十里。自朔州至单于府，凡三百五十七里。大历八年，徙治振武城，旧城遂废。入塞图：从平城西北行五百里至云中。又冀州图：云中城周十六里，北去阴山八十里，南去通漠长城百里。又东胜州在大同府西五百里。续通考：辽太祖破振武军，故胜州之民，皆趋河东，胜州遂废。石晋割代北地献辽，乃置东胜州。榆林县故胜州治也。杜佑曰：榆林，汉沙南县地，属云中郡，后汉末废。隋开皇六年，置榆林县，寻为胜州治，唐因之。契丹置东胜州，县亦迁治焉。

山西通志：辽志：东胜州领榆林、河滨二县。金志：东胜州国初置武兴军，有古东胜城。领县一，东胜。镇一，宁化。元志：东胜州唐筑东受降城，后徙置绥远烽南，即今东胜州也。据志则辽、金、元州治皆在东受降城故地。辽之州盖与宁边州郭下皆不置县，而兼领河西之二县。金初河西地入西夏，始置东胜县为州治也。志云：有古东胜城，当是古东受降城之讹。其宁化镇，亦宁人之讹。辽置宁人县，本属胜州，又改属云内。金废为镇，以属东胜。据辽纪，县置于开泰六年，时尚云胜州。则东胜立州。更在开泰以后，去金初百年，安得云古东胜州城乎？且金但置东胜县，其州治未尝他徙，安得更有一东胜州城乎？其为讹文了然。一统志：故东胜州在归化城西南一百四十五里，亦以东受降城当之。归绥志略云：东城当在萨拉齐、托克托界二道河间。今以唐胜州即河西五里之古城核之，似隋之榆林关，唐之受降城、绥远烽，皆与二道河近，在今厅北二十里。而明之东胜右卫，当

即河西之古城，其左卫当即今厅。则谓托克托城为旧东胜州，以金志及明志州东北有黑河证之，又未为不合也。又案云中郡县，徙置不一。大要汉以前，皆在今厅。唐以后则今大同也。云州之名，始于后魏，惟隋初置总管于榆关，在厅境，以后皆不治。此唐云中都护府本置于古云中，其都督府以及隋之云内县、辽之云内州，则始终于此无涉。若云阳、云川，亦沿云中而名，而始于后魏，亦不得以古云中概之也。元和志惟误以单于台入之唐云州。寰宇记则凡白道、金河、紫塞、阴山、原阳、北舆、桐过、武进、云中宫、君子津，无不系之大同。辽志竟直以大同为古云中矣。

案山西通志谓方輿纪要引胡氏语，误以隋、唐金河为一地，其实隋金河在故云中西南。隋书：煬帝溯金河，东北至启民帐时，启民与义成公主方居云中。若唐之金河县在单于府，去朔州三百八十里，在云中东八十里，今和林格尔地也。此节所考甚精确。据元和志所载，知唐之金河县为单于府城附郭邑，其与隋金河县之在榆林郡城东北四十里者迥异。故胡氏以金河当汉云中郡城，以言隋制则合，以言唐志则谬矣。且详味纪要原文，祇知龙朔初置云中都护府于云中，后改单于府，领金河县，而不知自改单于都护府，即由云中迁于定襄。观元和志，单于大都护府本汉定襄郡之盛乐县，其语极明，乃顾氏不取此而引胡氏之文，安得不凿柄致谬乎？是以本条虽采纪要，而仍揭山西通志之案语，以正其误。至于东胜州之沿革，纪要与山西通志所述，均详晰无可疑。惟通志于托境不入汉县之桢陵与沙南，此则未免欠酌耳。其不入沙南或因地在河西，在当时为鄂尔

多斯界，爰付諸存而不论之列，此则犹有可说也。其不入栎陵，而强以属諸萨厅，并以远隔百里与黄河漠不相关之阴山，亦生吞活剝，强指为紧迫河岸之缘胡山，此岂謂非师心臆断乎？案栎陵故地即今县属南境之喇嘛湾。其北围峻岭，即郦氏所謂缘胡山也。关于载籍论证，俱引征于古迹栎陵故城条而詳辨之，讀者可参閱互证，则得失不难了然矣。

### 和林县

战国逮秦，皆云中属境。汉高帝十一年，始析云中郡，置定襄郡。领县十二，今县为成乐、定襄、武进三县地。郡治成乐，在今县治北二十里之古城，俗謂之土城村。其西部郡尉治武进，在今县治东，而定襄则又在武进之东北。后汉定襄郡治善无，以三县改隶云中。建武中，封赵虑于武进为侯国。汉末县并灭。魏甘露二年，拓跋力微始居盛乐，即成乐也。晋永嘉四年，力微孙猗卢封代，始筑城为代北都。咸康四年，力微裔孙翊槐，又筑新城于故城东南十里。明年，其弟什翼犍即代王位，仍于故城南八里筑城。太元元年，为苻坚所并，国分为二，白河以东属单于刘库仁。道武登国元年，逐刘氏，复故地。天兴元年，改代曰魏，徙都平城，而以故都为云中郡。后改为镇，立朔州与镇并治。孝昌之乱，改曰云州，置盛乐郡，领归顺、还安二县为州治，而以盛乐西四十里之云中宫为云中郡，领延民、云阳二县。永熙中，寄治并州界，北齐以地属紫河镇。隋开皇四年，为突厥沙鉢略可汗所据。时沙鉢略帐都斤山，奄有河东各地。十八年，

筑大利城，以居其族子启民可汗，自榆林关徙云州总管府治之。大业初府废，改州为定襄郡，立大利县为郡治。隋末郡县并废。唐贞观四年平突厥，分其部左置定襄都督府，右置云中都督府，仍于此置云州及定襄县。十四年，徙置北恒州，即今山西大同县也。其年复立突厥阿史那思摩为可汗，建牙于故城。寻以思摩入留宿卫，罢其制。麟德元年，改云中都护府为单于大都护府，移治于此。垂拱二年，府废为镇守使，所领突厥府州，并侨置朔方境。开元中复改单于大都护府。天宝四载，置金河县于府内，以隶朔方节度，属关内道。乾元元年，置振武军节度使，领都护府及麟、胜二州。会昌初，罢领都护府。天佑十三年，地入于辽，军徙朔州。辽改金河为振武县，隶丰州。金省县为镇，仍属丰州。元隶大同路。明于洪武二十六年，置玉林、云川二卫，隶大同都司。永乐元年内徙，宣德元年复置。正统十四年，徙玉林于大同右卫，云川于大同左卫，其后为蒙古西土默特部驻牧。清康熙中，置驿站二十家子，蒙古语和林格尔也。乾隆初，设协理通判治之。六年，隶归绥道。二十五年，改理事厅。光绪十年，改为抚民通判厅。民国元年，改厅为县，遂相沿至今云。

水经注：白渠水出塞外，西迳定襄，武进县故城北，西部都尉治，王莽更名伐蛮。世祖建武中，封赵虑为侯国也。白渠水西北迳成乐城北。郡国志曰：成乐故属定襄也。魏土地记曰：云中城东八十里有成乐城。白渠水又西迳魏云中宫南。

方輿紀要：定襄城在朔州北三百八十里。隋开皇五年，

置云州总管府。十九年，改立突厥突利为意利珍豆启民可汗，于朔州筑大利城以处之。（案朔州当作云州）大业改置定襄郡，治大利县。唐武德二年，突厥入居定襄。贞观三年，李靖袭破突厥于定襄是也。十四年，迁定襄于恒安镇，此城遂废。唐纪：贞观十三年，复立突厥阿史那思摩为可汗，使统其部众。十五年，思摩始建牙于故定襄城，即此城也，亦谓之北定襄。其地南大河、北白道，畜牧广衍，为边荒最壤。归绥识略：玉林故城在今和林格尔境，或作榆木，误。红城在黑城东六十五里，城垣俱存，周围十里。今和林格尔有上下土城，相距五里，下城较上城微小，俱未知何名，云川城疑即在是。山西通志：按寰宇记，武晋故城在云中县东一百四十里，汉西城部都尉理所也。记误进为晋，又误入之大同，遂不知其地之所在。一统志：故城在归化城土默特境，以注考之。今黄水河出宁远厅北镶蓝旗，南流，自西沟门出山入厅境。似故县城在沟门以南，与宁远厅界。其定襄县，统志云在土默特东，则沟以北地毗连归化城界矣。隋初居突厥于白道川，在归化境。又徙紫河镇，在今厅南。隋书：沙钵略入贡，还，至紫河镇，牙帐为火所焚是也。案：今红河古中凌水，自杀虎口北入厅境，行二百余里入大河，隋书所谓紫河也。其紫河镇在厅南，今黄水河，古白渠水。自西沟门西入厅境，行百余里，合于黑河，唐志所谓金河也，其金河县在厅北。（按与隋金河异地，详见托县条。）元平地县，方輿纪要谓在大同西北五百里，东有石碛山。今归化城西四十里有山名石碛。又元志：平地本名平地裒，尝并入丰州，似故县在归化城迤西矣。然据金志，宣宁有弥陀山、石碛

山，今在左云边外，则此县仍当近杀虎口，故以隶之大同。明志：云川卫东距行都司三百十里，似与紫河镇及平地县近。（原注：金云内州有云川县，元废。明初置卫，虽用其名，而非一地。）玉林卫东距行都司二百四十里，似与汉沃阳县近。

案定襄，自战国赵武灵王破林胡，拓地至阴山，迄于秦，仅为云中所属之旷地而已。惟以其北扼白道，南屏三晋，左山右河，形居冲要。非第如古籍所称为龙荒之最壤，实亦如魏书所赞为咽喉重地也。是以汉初划郡，即由云中析出，别置定襄，而以成乐为郡治。盖成乐所据，适居于名山大河、平原沃壤之中，而城之近围，又有紫河拥于南，白渠横于北。就地论形，几不愧具体之小天府。此殆胜势所趋，而为王公设险、国家建置之所必择欤？洎乎拓跋建都，其名益著。惟自兹以后，亦往往与云中相混。虽汉初定襄由云中析出，然一东一西，厥迹本殊。迨以北魏移都平城后，尝一度以盛乐为云中郡，又于盛乐及盛乐之西四十里各置云中宫。而古云中城内复有所谓盛乐宫，经此变易，遂使后之考古者每不免有东西倒置之误。如括地志云：汉置定襄于此，北魏之云中郡也。细案此语本不误，顾其下文又云：城东四十里有后魏云中宫，此则并其上文亦牵掣淆讹，不知所指为何地矣。良以北魏云中宫，适居于汉云中郡治之东，与魏云中郡治之西，去其两城，东西各四十里。若谓在城东四十里，则是汉云中，非魏云中。若谓汉置定襄于此，则是魏云中，非汉云中，不得言宫在城东也。总之，如括地所述，于汉于魏，两无所当。故本条悉摭而不录，而以定

襄、盛乐、云中及云中宫、盛乐宫諸沿革，均詳著于古迹故城各本条而辨证之。其次，如山西通志以元之平地县入于本县疆域内，本条亦未敢尽信其说，仅附录其文，以资参考而已。盖元代州县设置，凡在今绥境者，皆甚踈阔。而平地县之增置，本以大同路所属各州余地为之，故不隶于州，而直隶于路。今归、托、和、清等县境，自辽金迄元，原为丰州、东胜、宁边、宣宁諸州县地，元虽省宁边，改宣宁，然皆于本县无涉。自余东胜、丰州，虽降为下州，而二者之间，不闻有所割裂。今县为二州毗連处，岂能两无所损而突增一邑？况今县本辽金振武故壤，果使以此改平地，则元志及一切载籍，岂能于振武既废之下，截然而止，不著一字乎？此核地形及情理，皆有不可尽信者。山西通志虽取证于石碣山，亦犹未能自圆其说，则元平地县之不在和境，可断言矣。其詳别见和城、集宁二县沿革案文中，兹弗贅焉。

### 清水河县

战国时，始为林胡地，后属赵。秦求云中。汉置榆过、略、武成三县，隶定襄郡。后汉郡徙治善无县，隶如故。汉末并废。北魏为代都畿内西部地，其东界有昆新城。道武帝初，割胜汗山地方百里，以封库狄氏。其后置尖山、树颡二县，盖取树颡水及山为名也。立神武郡以领之，隶朔州。孝昌之乱，侨治并州界。北齐隶北道行台。隋为紫河镇属地。唐朔州河滨县之河东辖境，有河滨关，在今县西，即古君子津。又有唐隆镇，亦曰唐龙，在县西南，亦濒于河，戍守地也。辽于此置宁边州，不领县。其东南兼跨德州宣德县地，

并隶西京道。金初以宁边州置镇西军，统于西南面招讨司、隶西京路。正隆三年，又置宁边县倚郭。贞佑三年，改隶嵐州节度。四年升为防御州。元至元二年，州废。以其地之北半入东胜，而以南半入武州，并改旧隶德州之宣德县为宣宁，直隶大同路。明洪武初，属东胜五卫，置千户所。永乐元年废。正统初复置，后又废。清乾隆元年，设清水河协理通判。六年隶归绥道。二十五年，改理事厅。光緒十年，又改为抚民通判厅。民国元年，改县设知事，相沿与他县同。

汉书地理志：定襄桐过县，莽曰倚桐；骆，莽曰遮要；武成，莽曰桓就。

魏书帝纪：天兴元年，定京邑，西至河，北至五原为畿内地。又永兴五年，自云中太室西南巡诸部落，遂南次定襄之大落城。

北史列传：库狄干，善无人，曾祖越豆眷，魏道武时，以功割善无之西腊汗山百里以外之，后迁朔方。

水经：河水又西南，过定襄、桐过县西。郦注曰：定襄郡，汉高帝六年置，王莽之得降也。桐过县，王莽更名倚桐者也。河水于二县之间，济有君子之名。济在云中城西南二百余里。河水又南，树颡水注之。水出东山，西南流，右合中陵川水。又树颡水右合浩升袁水，乱流，西南注，分为二水。左水枝分南出，北俗谓之太罗河。右水西迳故城南，北俗谓之昆西城，其水自城西南流注于河。

元和志：胜州下河滨县：黄河在县东一十五步，阔一里，不通船楫，即河滨关渡河处，名君子津。

辽地理志：宁边州本唐隆镇。宣德本汉桐过县。

山西通志：中流河水，今紅河，古素河也。樹頰水，今清水河，并出平魯縣西。魏書列傳：太延五年，蠕蠕犯塞，侵及善无七介山，京師大駭，长孙道生拒之吐頰山。是樹頰水所出之东山，即吐介山也，与地形志神武郡之殊頰县皆一名。今水自平魯县界西北流，迳厅治南，入紅河。昆新城在水北，与今厅城近。

案山西通志以汉尉迟、骆、武成三邑故地当今县，而三邑中惟尉迟见于水经及郦氏注。核以河水所迳，可以知其方望之不甚误。至于骆，旧籍多以郦注之太罗城当之，魏书则謂之大洛也。如明氏通志，即持此说。故山西通志、绥远旗志等书，皆沿而未改。实则太罗为汉武州县故城，郦注已明确言之，并引十三州志以实其说。则諸家以罗、洛与骆，因声近转讹之论，殊未可信。清一统志绳其谬，不为无见也。考武州县汉隶雁门郡，而骆则隶定襄，此二郡地本相連。使武州为雁门郡西部最北之属县，则隶定襄郡之骆，当又在其北。惟在其北，故可列骆于今县属境而不误。若依諸志以太罗城为骆，则城已南入山西界，非特与汉郡形势不相符，且与郦注城在善无西南百五十里之語愈舛悖难容矣。是以本条但取骆而不取太罗音，以骆之在境可信，而太罗之在境与否，犹有待于詳究耳。至于武成所在，自汉志以及后世諸载籍所述，皆誤言其隶定襄，而不言其方望果何居。惟前汉地理志謂之武城，后汉郡国志則謂之武成。以王莽改恒就义推之，似以武成为近实。清一统志謂在归化城西南界，此以定襄郡属县而位諸云中轄境，其謬可知。绥远旗志列于察哈尔牧厂及镶紅、镶藍旗地，所示确否姑不论，即其旗与牧厂

紛然并列，亦嫌泛濫无可征信。山西通志以属清县境，虽亦无明确之引证，然以后汉迁郡治于善无，仅桐过、骆、武成三县来属之事例揆之，终较旗志、统志为精核。诚以后汉自卢芳之乱，尽废边郡。迄建武二十五年，南单于降，嗣又重置郡县时，云中北境各县，已不可尽复。仅以定襄中部三县改隶之，而定襄郡迁治后，其能依旧来属者，亦仅余最南一部而已。今县既为定襄郡原领之南部地，而武成又适在来属之三县内，则丽武成于今县，固确乎为山西通志之創见矣。惟以地形论，其故地或兼得今和林县南界。因和县所属定襄、成乐，皆偏于北，而武进又偏于东，若武成位于清县北境而稍跨和县之南端，则诸县分划乃更相称耳。其次，方輿紀要及諸旧志，于辽金疆域，皆述宁边而不述官德，盖以官德隶德州，当在丰镇西南，而不在此。是皆沿袭明统志以拒墻堡当官德之誤。实则丰镇之西南与清水河之东南，其间仅隔凉城县南端较狭之一部，相距并非甚遙。以辽金设置之疏阔，自凉城南界中分，以东半兼丰镇之西南隅而置德州，以西半兼清水河之东南隅而置官德县，即质諸辽志，官德本汉桐过县之語，亦正吻合。顾諸家乃不信辽志而信明志，岂非分置之州县不足据，必尽聚德州、官德于一隅，反为足据乎？（案官德非附郭县）前于省疆域中，已略辨明统志之誤，兹复依辽志，系官德于本条，兼以证元宣宁县（官德改名）之地望焉。

### 凉 城 县

战国赵地，秦属雁门郡。汉初属代国，后复分郡置县，

为沃阳、彊阴二县地，仍隶雁门郡。其北部兼得定襄之武泉、襄阴等县地，后又並省，惟彊阴仍隶雁门郡。汉末至三国初，北部先为朔部鲜卑所据，旧置郡县，率徙废无存。迨魏甘露中，鲜卑拓跋氏始奄有定襄、云中及雁、代北边地。其后拓跋猗毛统部居参合波北，其僻避地居东木根山，皆在今县界北。魏道武帝天兴元年，定为代都畿内田，隶司州代并。后置参合县，在今县治西南（北与汉参合县非一地，汉县在大同东十八里。）又置凉城郡领参合、旋鸿二县。郡治及旋鸿，均在东北境。隋为突厥所踞。唐初分定襄都督部，置桑乾都督府于此，以突厥酋长领之。统郁射、艺失、卑失、叱略四部属州，隶单于大都护府，后併置于朔方。辽析云中置天成县，又析西德店置德州，领宣德县，隶西京道。天成在今县东境，宣德在县南。金省德州，改县曰宣宁。元仍为宣宁县地，直隶于大同路。明洪武四年，废县置宣德卫，后又废为大同边外地。清康熙十四年，迁察哈尔部众分驻于此。雍正十二年，置宁朔卫及怀远所，设大朔理事通判治之。乾隆十五年，裁卫所，并为宁远厅，属右玉县北境，以朔平府通判移治焉。二十一年，改理事通判。光緒十年，又改为抚民通判厅，直隶归绥道。民国元年，改县设知事。三年，中央明令汰除各省属县名称之重复者，遂改为凉城，盖仍取拓跋旧名。惟魏地形志则又谓之梁城焉。同年因察、绥分建特别行政区，以县改隶察哈尔。十年又析县之北境，合丰镇、陶林之各一隅，置集宁设治局。翌年升为县。十八年春，绥远奉令改省，並准收还民国三年划归察属諸县。自是绥东新旧五邑，遂隶绥远属籍云。

水经注：中浚水又北分为二水，一水东北流，谓之沃水。又东迳沃阳县故城南，北俗谓之可不壑城，王莽之敬阳也。又东合可不壑水，出东南六十里山下，西北流注沃水。沃水又东迳参合县南，魏因参合谿以即名也，北俗谓之苍鹑谿。道出其中，亦谓之参合口。谿在县之西北，魏立县以隶凉城郡，西去沃阳县故城二十里。县北十里有都尉城。地理志曰：沃阳县，西部都尉治者也，北俗谓之阿养成。沃水又东北流注盐池，地理志盐泽在东北者也。今盐池西南去沃阳县故城六十五里，池水澄停，渊而不流，东西三十里，南北二十里。池北七里即凉城郡治，池西有旧城，俗谓之凉城也，郡取名焉。地理志曰：泽有长丞，此城即长丞所治也。

太平寰宇记：云州东至桑乾都督帐一百五十里。

宁远厅志：雍正十二年，议准将张家口察哈尔西四旗自东迤西，首阳河口、新平口、铁里门、镇宏口、镇川口、得胜口、拒墙口、拒门口、助马口、宁鲁口、威鲁口、史家口、残虎口、杀虎口止，十四口分归晋省。于适中之地得胜口，设立蒙古理事通判一员，驻正红旗之新城了湾地，管理蒙古民人交涉事件。又于阳河口外，迤西至拒墙口止，其七口地方，分隶大同府。于新平口三十里，正红旗高庙子，设立丰川卫守备一员。得胜口二十里，正红旗新城子湾，设立镇宁所千总一员。拒门口外迤西至杀虎口止，共七口地方，分立朔平府。于助马口外二十里，正红旗后营子，设立怀远所千总一员。杀虎口外六十里，镶蓝旗蒿儿兔，设立宁朔卫守备一员。十五年，裁卫所，将大同府通判移驻丰州卫，朔平府通

判移驻宁朔卫。二十一年，並改理事通判，定为旗缺。

山西通志：案地形志，恒州梁城郡，当依水经注作凉城。当时郡县异治，郦氏所言城邑，按里求之，约略可得。惟水道顺逆，与今不同耳。汉志，疆阴县下云：諸闻泽在东北，今厅东百二十里之代哈泊也。魏书所言参合陂，当统盐池及此泽而言。郦注不詳，殆即如源水下所言凉城之南池，俗名乞伏袁池者。当时盖为旄鸿县地也。魏书帝紀：太祖天賜三年，幸狩山宮，遂至青牛山。西登五要北原，观九十九泉。府志：九十九泉即黑河源。案其地去归化城百余里，在察哈尔牧场界，今厅以北得正紅、镶藍两旗全地，皆古定襄之北境也。襄阴当因定襄而得名，故与武要並系于厅。其都武、安陶、复陆三县，则不可考矣。

案水经注：所謂沃阳县故城者，汉置县也。所謂沃阳城者，魏置县也。以沃水所逕方向推之，汉县最偏于西南，稍东北为魏县，再东即参合也。更以盐泽所在地位推之，盐泽西南去沃阳故城六十五里，参合西去沃阳故城二十里。郦氏虽未著盐泽去参合之里数，然于盐泽去沃阳之六十五里中，减去其去参合之二十里，即可知参合之距盐泽至少亦不下四十余里。此固核諸经注而知其大略如是也。惟山西通志所考，则问有与此相戾处。其大要以为今县（原文称厅）即参合旧治，而县东北十里許之小海，即古盐泽。又以为汉沃阳故城在和林界，魏沃阳故城在县界。若綜此諸说以与郦注互证，则惟注称盐泽西南去汉沃阳六十五里。而志置此城于和林界，其推断尚非甚誤，因距小海西南约三十里，已接和林界，故六十里外之古迹，虽欲不归之

和林不可得也。至于注称参合西去汉沃阳二十里，而志以参合当今县，此则大有可商矣。今试依注，自小海西南六十五里，认为汉沃阳所在处起算，再东二十五里，犹未能逾和林界。纵令勉强置诸今县境，要亦在西南之极边，其去县治仍差二十许里，何以解于志文今县即参合旧治之说乎？况参合与汉沃阳故城之间，虽相去仅二十里，顾尚有一魏置之沃阳城在焉。若参合已位于今县之极边，则更在其西之魏沃阳亦当在和林界，此又何以解于志文魏沃阳在县境之说乎？且今县治东北去小海不过十里许，而魏参合东北去盐泽乃不下四十里。倘此结不得彻解，不但志之所考多难吻合，即志之所述亦岂能使人豁然无疑哉？若案今县辖地形势，以详证注、志两家之说，计惟有易郾注参合西去沃阳县故城二十里之二字，而代以五，庶几毋不可理之葛藤，乃得划然悉断矣。盖木刻五字而脱其中，固易展转相沿而讹为二。而此二与五一字之差，实即诸迹致误之所由也。兹姑依志说，以小海为古盐泽，以今县城为魏参合，更依注说以小海西南六十五里处为汉沃阳县故城，但必再断定参合距汉沃阳为五十许里，盐泽去参合为十里许，始能与志载之汉沃阳城在和林界，小海在今县东北十里许之说相近。盖十加五十而益以参合城本城之直径，适与注说六十五里之数相符。即注称参合口径在参合县西北，志载西沟门在今县西北，按其方望，而以今县当参合，亦正见志与注显然并契也。不然，使注文所称参合西去沃阳县故城二十里，而果可据，则介乎二城之间之魏沃阳，其去参合不几仅隔十余里乎？同为拓跋氏所置，而谓有如是密迩之县，此岂近于实情

哉？考注于沃水先迳汉阳之南，甫折东北，便迳魏沃阳之东，其间不纳一流，不著一迹，可知汉魏两邑，虽非同城，而实在沃水一湾之内。意其相去，断非甚远。今既订证汉沃阳去参合为五十里，则参合之去魏沃阳要亦在四十余里外。盖隔山四十余里，而两端置县，比较隔十余里而连得二县者，其孰为可信尚待繁言耶？然以此推断，汉魏两沃阳俱在今县外。惟汉故城虽不在今县界，而当年辖地实远，跨于今县治之北，观注称都尉城在参合北十里，其明证焉。若魏沃阳则别隶善无郡，其故城辖地皆偏西偏南，并与今县无涉。故本条述沿革，但取汉县而不取魏县者，亦以汉县可通，而魏县不可强合耳。其次山西通志，又并收汉武要县于今县境，此盖依清初厅制疆域言之。厥后既分厅又析县，迄于今日，形势远殊。凡当初北部辖地之划归他县者，其沿革皆于别条述之。又县之西北部，应与归绥东部各分得武皋之半。或所得视归绥为尤多，而志乃尽以属诸归绥，亦似未允。至于唐初桑乾都督府在云州东一百五十里，此以唐初置云州于古定襄城计之也。乐史太平记，乃以既移恒安之云州推断，而误系于大同东，则所纪是，而所考非矣。山西通志糾其謬而置于此，甚当。

### 丰 镇 县

战国为赵代北地。秦为雁门、代郡接壤处。汉因之，西得雁门疆阴县之一部，东兼代郡且如县之一部。后汉卢芳之乱，省边县，弃地于外。后汉末，中原大扰，而郡亦废。魏晋间迭为鲜卑所据。后魏天兴中，徙都平城，定畿内地，隶

司州，其西部兼得旋鸿县地，隶凉城郡。太和中，又置永固县，因方山石室为名，隶代郡，在今县南。东魏太平中，并寄治秀容界，故地遂废。自是迄于隋末，皆为诸胡及突厥所据，不置城邑。唐贞观中，云中移恒安，始为云中县北境。五代地入于辽，辽析云中，置奉义、天成等县，隶大同府。金废奉义为镇，并入大同县，又于县北置威宁县，隶抚州。元为大同路宣宁县之东境，兴和路威宁县之西南境。明为大同边外地。清初，迁察哈尔蒙古部众，分驻于此。雍正十二年，置丰川卫及镇宁所，设大朔理事通判，统新设卫所。乾隆十五年，改设丰镇厅，以大同府分驻阳高通判移治焉。二十一年，改理事通判。三十三年，通判还驻阳高，于大同府增设理事同知，仍治此。光绪十年，改抚民同知，并划隶归绥道。二十九年，析厅治东一百八十里之二道河，置兴和厅。民国元年，改县设知事。十年，又析县属北境地，合凉城、兴和之各一隅，置集宁设治局。明年改县。经此一再析置，于是县属疆域，视昔日厅治所辖，实已减其强半矣。

汉地理志：代郡有五原关、（后汉乌桓传五原作五阮）凡如、中部都尉治。又雁门郡疆阴、诸闻泽在东北。

魏书帝纪：太和五年四月行幸方山，建永固石室于山上，立碑于石室之庭。十四年十月，葬文明太皇太后于永固陵。

水经注：如浑水，出凉城旋鸿县西南五十余里，东流逕故城南，北俗谓之独谷孤城，水亦即名焉。东合旋鸿池水，水出旋鸿县东山下，水积成池。北引鱼水，水出鱼溪，南流注池。池水吐纳川流以成巨沼，东西二里，南北四里，北对凉

川城之南池。池方五十里，俗名乞伏袁池。西南流迳旋鸿南，又合如浑水，是总二水之名矣。如浑水又东南流迳永固县，县以太和中因山堂之目，以氏县也。

清一统志：威宁旧县，古察哈尔正黄旗西南八十余里。金史地理志：兴和路威宁县，元初隶宣德府，中统三年来属。

案山西通志以今凉城县界之岱海泊当古諸聞泽，若就地势推之，岱海泊在凉城县东部，几与丰镇西界相連。汉地理志既称疆阴、諸聞泽在东北，则知泊之四周，皆疆阴县轄境。而凉城之东部及丰镇之西部，亦即其当年并领之地也。至于丰镇东部与兴和西部，共分汉代郡、且如县地，其情况亦大略与疆阴相类。惟自此以北，已属雁代徼外，由秦汉迄于隋唐，概无城市建设可考。仅金元两朝于县之东北置威宁县，隶托州，盖以县属目海子，自明以来，史志所述，皆以之当威宁海子故也。又考辽之天成县，依殿版辽史地理志，则云本极塞之地。辽析云中置，在京北一百八十里。所谓京者，指西京大同府而言也。顾氏方輿纪要宣宁条下，附天成县，亦謂在府北百八十里，与此正合。并断云即今之天成卫，而其别记天成卫条，则又云在府东北百八十里。以一书而有两说，遂致后之考古者，于辽天成县显生在北与在东之争。盖依前说，则符于辽志，其故地应在今县治之西北。依后说，则本于纪要之别条，其故地应在今山西天镇县之北。而世之持后说者，且謂顾氏另条所述，实依明天城卫所在而言。即天镇之名，亦正合天成、镇宁、镇口等堡卫而为县，其西去大同适符百八十里之数。则顾氏别条之文，固甚可信也。山

西通志所考，即本此说。然此说也，如持之以论明代之天成卫，诚甚可信矣，苟更进而论辽之天成县，则其果可信与否，恐犹未足据为典要也。诚以辽志明言天成县本极塞之地，由云中析出。而辽之云中县在今县之南，为辽西京首邑。（辽志大同县亦云中析出）岂由此直北百八十里远隔于边外者，以为非极塞，而必谓由此东北百八十里退居于边内者，反以为合于极塞之意，岂通论乎？况今县西北入凉城界，曩有乡镇曰天成村，村外田野间犹有废古城遗迹约略可辨，意辽之天成故县或当在此。自村东南去丰镇县九十里，自县南去大同约百里，若由村不经县而直南赴大同，亦适为百八十里。今大同城为明洪武五年大将军徐达因旧土城所筑，较古城虽稍移向西四五里，然其与天成之距离尚不至相差甚远也。山西通志乃谓今县（原文称厅）为辽金大同、白登、天成三县北境，其意殆合兴和及今县全境，以为至西而东，先大同、次白登、最东为天成，以符天成卫之方望。殊不知明之天成卫，本因既弃边外之地，不得已而徙于内。故论其源流，虽不妨谓沿用辽县之名，但考其疆域，固不得谓斯即辽县之旧也。矧天成村为丰、凉二县间最大乡镇之一，依大同府志所载，当清初雍正三年，其地已招民垦种。彼时去明未远，意父老相传，必有知此地为古天城遗迹者。不然，彼农亩群众，岂知辽金有此县，史志有此文，而大同直北一百八十里之古迹，适在其村落左右耶？且即以辽志论，今县之西南一隅为西德店、德州突入处，正南为云中，即析其北为天成，又析其南为大同者也。再东为奉义，已跨今县东南部。再东为长青，即兴和之南，而阳高、天镇二

县之北也。依此顺推，则大同东北一百八十里，本无可以置辽天成县之地。乃顾氏纪要既误于宣宁附记之条，以辽县与明卫混而为一，而山西通志复坐实其说，以为明卫之所在，即辽县之所在也。实则辽志本极明白无误，特纪要另条与附记自相抵牾，遂致晋志不免执其说而入歧途耳。今本条一本辽志旧说，以为辽之天成县，实兼有今县西北部，而其故城则应在凉城之东界。惟历来以卫当县之说，行之已久，爰不惜词费为辨之如上。后之学者，倘更能推阐，以祛百世之疑，则尤善矣。

## 兴 和 县

战国为代国西北部。襄子灭代，地入赵，置延陵城，奉为代郡北部。汉因之，置延陵、且如等县。东汉县废，地弃于外。汉末为鲜卑所据。自魏晋以后，拓跋氏称代、称魏，始终为其所有。于县南界置高柳县，隶高柳郡，属恒州。又于县北界置柔元镇，及长川城。孝昌乱后，边镇悉废。唐于县南置榆林城，为屯戍之地。五代地入于辽，置长青县，今县即其北境也。金置抚州镇守军，领柔远、威宁等县。盖柔远为今县之东北境，而威宁则在西，与丰镇各分其半者也。元改金抚州，置兴和路，领高原、威宁等县。明宣德中，尝于唐旧戍置榆林县，正统时废。厥后为蒙古驻牧，隶察罕小王子。清初分处察哈尔部众，为右翼黄红二旗及牧场区。雍正十二年，于新平口边外地名高庙子，设立丰川卫，隶大同府。乾隆十五年，设丰镇厅于得胜口外，遂以地属于厅。光緒十年，厅隶归绥道。二十九年，以垦地日广，乃析丰镇东境，于距厅一百八十里之二道河镇，

别置兴和厅，以山西太原府同知移驻之，仍定为抚民同知，加理事衔。民国元年，改县设知事。三年，划属察哈尔特别区。十八年，绥远改省，始共绥东五县，还隶于绥，而全省疆域实以本县为最东一邑云。

水经注：灑水又东，左得于延水口，水出塞外柔元镇西、长川城南小山。山海经曰：梁渠之山，无草木，多金玉，修水出焉。东南流迳且如县故城南。应劭曰：当城西北四十里有且如城，故县也。地理志曰：中部都尉治，于延水出县北塞外，即修水焉。又东右合延乡水，水出县西山，东迳延陵县故城北。地理风俗记曰：当城西北有延陵乡，故县也，俗指为琦城。清一统志：延陵旧城在察哈尔正黄旗地。汉置县，属代郡，后汉省。又且如旧城在旗东南，汉置县，属代郡，为中部都尉治。后汉省。魏书太宗纪：神瑞二年，幸沮洳城。又柔元镇城在旗东南，后魏太和中置，为六镇之一。又长川城在旗东南。魏书：始祖卒所部，北居长川。天兴二年，分命诸将袭高车，常山王遵从东道出长川。又威宁旧县在旗西南八十里。

方輿紀要：延陵城在大同府东北塞外，战国时赵邑也。史记赵世家：孝成王十八年，延陵君率师从信平君廉颇助魏攻燕，即此。汉置延陵县属代郡，后汉废。又榆林城在府东北边外，或云唐时戍守处，谓之黑榆林。五代唐末，契丹尝驻牧于此。明宣德间，亦尝于此置榆林县，正統时废，俗呼为榆林旧县。边防考：榆林城在阳和卫新平堡三十里。

大同府志：于延水即今东洋河也。由察哈尔正黄旗五禄户

滩发源，南迳八坡窑、黑土台，屈而东，迳碾房窑，谓之二道河。又曰：察哈尔正黄、正红旗游牧地，其毗连民地者为太仆寺牧厂。雍正三年，以上地视矿，招民耕种，归为直隶张家口理事同知管理。十三年，经山西巡抚觉罗石麟奏准，于新平口边外地名高庙子，设立丰州卫，隶大同府。乾隆十五年，改设丰镇厅，以大同府分防阳高通判移驻。二十一年，改为旗缺。三十三年，改设同知。

案兴和县在清代未分厅以前，本为丰镇隶部地，仅设二道河巡檢一员。其地位既远逊于厅，故山西通志、大同府志以及丰镇厅志所述疆域沿革，大抵皆详于西而略于东，盖其处境使然也。今考水经、纪要、统志所载，县境川源城邑之迹颇多。乃论县于古代，其地位冲要，固不在丰、凉两邑下也。按旧说仅以县之西南毗连丰镇处，为汉且如县故地，余皆视为汉塞以外荒远之地。此皆明代以后著书者，囿于明筑之边墙，往往谬以明边当秦塞。虽有博通之士，能心知其故，然古迹既不可寻，而传说雷同，亦遂不能不于无意中受其迷误耳。实则汉县之突出明边以外者，固不止且如一邑。如汉之参合县，依旧志本在大同东北八十里。（或作百里）其北境有蟠羊山，而此山在今边墙外丰镇县东南界。若就地形揆之，汉时既无明边之隔，则参合县（此与魏参合县之在今凉城者不同）辖境应兼得今丰镇县东南部，或更稍跨今兴和县之西南部。自参合辖地以北为且如，且如以北似尚有延陵县。依郦注所引应劭语，谓且如在当城西北四十里，而地理风俗志亦谓延陵城在当城西北。以此知且、延二城，其位置盖为南北列而非东西列矣。果如是，

则兴和县西境既有向北伸出之汉县，其东境似不应独空。意县之东南毗连山西阳高处，或尚兼有汉高柳之一隅，亦殊未可定也。惟参合、高柳其故城皆在今边墙内，于是近世志乘，乃并其北端领域而亦缩入之。虽名迹如蟠羊山，足为汉县领域明证者，均漠置弗道也。本条于此，不入正文而附识于末，盖以旧说相因，积重难反，姑存此意，以为考边地沿革者另备一说耳。

### 集 宁 县

战国初为胡地。武灵王取山南地入赵，并筑长城以限内外。秦为云中东北境。汉析云中置定襄郡，又置属县武安于今县之西南部。其东部及东南部毗连代郡延陵、且如之各一隅。其南界则与雁门郡接壤。就形势论，此盖定襄、雁门、代三郡交会处。后汉郡治南移，而北边属县悉省。迨汉末地更荒弃，无城郭建置可考。魏甘露以后，拓跋氏据有濡源以西，涇岭以北之地。晋太康中，拓跋猗鬯统部居汉参合陂北，今县当为所统中部北界地。其后北魏于漠南沿边置六镇，而以今县北部隶抚冥、其南境则以属诸凉城郡之旋鸿县，此盖与丰镇县西北部共有之也。隋为突厥沙钵略可汗所治都金山之东境，唐则桑乾都督府之北境。五代时，地悉入于辽。辽所置边地州县，以天成县为最北。故辽志谓为极塞，而今县殆又为天成北部属地，亦西京大同府领域也。金沿抚冥旧称，改置抚州，今县即抚州所属集宁县，兼得威宁县之西北隅。元省抚州，而以今县置集宁路。集宁本下路，仅领一县，亦曰集宁。其东境接兴和属地，南及西界接大同路属

地，而西北则与净州路相連。盖元之下路轄境，往往有小于上路所属之一州者。如以集宁路与大同路属之丰州比，即其明证也。明代划边为守，自拒墙堡以北，悉为元裔小王子部驻牧之地，明史鞑靼传谓之察罕。清太宗既逐林丹汗，取察罕地。迨康熙中，复令其降部驻此，谓之察哈尔。乾隆中，于大同、朔平边外，置卡镇、宁远二厅。今县东西境，遂分隶为两厅轄地。其由府属而转隶于归绥道，皆詳丰、凉二县沿革中。民国十年，绥东四县尚为察区属邑，乃析丰、凉二县北境之大部。盖以兴和、陶林之各一隅，合之为一，而隶平泉设治局。因其治处旧称平地泉，遂即资以为名焉。明年改县，又与平泉与他省属邑同名，爰稽诸古而易称曰集宁。厥后隋四县还隶于绥，因统谓之绥东五县云。

汉地理志：定襄郡武要，莽曰天胡。

魏书帝紀：天赐三年八月，幸豺山宫，遂至青牛山。丙辰，西登武要北原，观九十九泉，造石亭，遂之石漠。九月甲戌朔，幸漠南盐池。壬午，至漠中苑天盐池，度漠北之吐盐池。癸巳，南还长川。方輿紀要：武要城在大同府北，汉县，属定襄郡。东部都尉治此，后汉末废。志云：武要西北即石漠矣，盖极塞也。又抚冥镇，胡氏曰：当在武川、柔元之间，魏六镇之一也。宋元徽元年，柔然侵魏，柔元镇二部勅勒应之。魏太和十八年，如抚冥镇，遂东至柔元是也。

案集宁县境，位于乌盟与察哈尔右翼接壤处，地近荒寒，去边较远。自战国以来，历代州郡建置之可稽者，仅定襄郡之武要县城，置于今县轄境之西南部。依地势推测，今之所谓恢腾梁，大抵即古所谓武要北原也。盖此梁自南望之，

则为平地突起，巍然雄峻之高山，但一陟其巔，则又见北向平芜，旷莽无旣。且气温陡降，寒风习习，视梁下存葛藜立异之象。蒙古語謂冷曰恢騰，亦正因此地气候之特异名之耳。此梁东西横亘数十里，其右端直达陶林县境，名虽似山，而实为边地真切之高原。证以古人武要北原之語，则知汉之武要故城，固应在此梁南麓下也。汉以后，州郡建置之可勉为指数者，亦仅有后魏之抚冥、金元抚州、集宁等迹而已。惟依魏书紀传所载，似今县亦当时边防极要之区。如本条所引道武帝天赐三年游幸所历，大都去今县甚近。若豺山在丰镇界，武要北原在县界，九十九泉在陶、凉二县毗連处，石漠在西北，长川在兴和，而道武经行之路，亦不难依此而得其概。盖即自丰镇向西北，复自县东北折而南归耳。惜道武之世，国犹草創，故于北边建置，仍无几微可述。其后虽尝置镇，然不久亦废。此与金元之置州路、统县邑，而卒无詳确之规模，足资后人考证者，亦复何异乎？复次，元代有直隶大同路之平地县，方輿紀要謂在大同府西北五百里，而不能实指其处。山西通志謂在和林县境，嘉庆重修清一统志則謂在察哈尔右翼镶蓝旗界，諸说紛紜，莫衷一是。揆紀要五百里一語，在顾氏亦未必有何确据，其意盖以平地县尝一度隶丰州，计其去丰必非甚远，故不妨以大同之距丰州者，姑约为距平地之数，山西通志遂依其说而置諸和林，此皆偏重推测之过也。然通志虽用顾氏说，而又不能无疑，于是复引紀要东有石碌山語而案云。今归化城西四十里有石碌山，似乎地故城，当在归化城迤西矣。通志之疑紀要，固甚是。惟其由和林而移之归化以西，则仍囿于五百里一語，而未能尽祛其蔽耳。良以元大同

路为上路，其所领有八州五县之多。且所属諸州，皆置于全路沿边之四周。而直隶之五县，则皆包子諸州环拱之内。而围绕于路治之县，其去大同但能较州为近，而断不能较州为更远。今试举直隶五县之四为证，如大同县即大同路首邑，其轄境应即以附郭各地为限，亦即以路治为同区，此殆毫无疑问也。其余三县，如怀仁位于南，白登处于东，宣宁直其西，皆密迹大同，别无一州隔于中。厥以平地县置于五百里外，並隔于丰州之西，使大同路治北面，空无建置，岂理也哉？故綜核上述情势，知元代直隶大同路之平地县，其故治应在路治之北，而其去大同亦大抵与其他三县相仿佛。即近者如白登、怀仁皆百余里，远者如宣宁二百里内外而已。诚如是，则重修一统志断为在察哈尔右翼境内之说，固确乎可以据为定论矣。或謂大同路直隶五县，依东西南北中五方各置一县，因推定平地故治应在路治之北，论理論势，固皆是矣。然又何以解于东有石禄山、及尝一度隶丰州之说乎？盖方輿紀要、山西通志所以謂其去大同五百里，及所以列諸和林、归化等地者，其惟一之論据，即以平地曾隶属于丰州故。今若于此点不能揭其誤而解其惑，而遽謂平地为大同路北面属县，亦犹是凭空臆测，仍未足为翻案定論也。曰紀要、通志之致誤，正以未审丰州领域曩曾远届何处耳。彼以为丰州故城既在归化城东五十里之白塔村，则所属县治，最远当不逾归、和二邑之界。此盖因辽代富民、振武而推同属之平地，则置諸和林之北或归化之西，宁得謂为尚有舛謬乎？殊不知辽金以来之丰州，非第南北二部所轄甚长，（净州路未分以前，其轄境亦隶丰州。）即其东部亦且远跨今凉城、陶

林二县之大半，所謂汉武要北原之西南地，亦同在丰州管轄之内也。考辽史地理志述丰州古迹云：有大盐冻、九十九泉、沒越冻、古迹口、青冢。凡此諸名，足证丰州所領，固已远届九十九泉之东，与大同路北面属地相毗連。然则平地县以紧邻之故，尝于元初一度隶丰州。此本历史中州县改属恒有之例，固不惟平地一邑为尔也。至于石碛之迹，金史地理志云：大同宣宁有石碛山。明一统志云：石碛山在大同府西北，旧平地县东四十里。依此二说推之，知金无平地县，故以山属之宣宁。明统志因元有平地之设，遂又以山属之平地。总之，山在大同之西北，而平地故城又在山之正西，宣宁之东北也。以上所引，均为平地在今察哈尔右翼之明证，而其确切之故址，亦即今集宁县南二十里之老平地泉也。其地今属丰镇县管轄。惟集宁当设治之初，本沿用老平地泉名，而简称曰平泉设治局。迨平泉改集宁县而分划界址时，其邻邑如凉城、陶林、兴和等县，皆不欲多割领地。而丰镇县于老平地泉之析出，尤多方力爭，盖因其土质腴而产粮丰，故不忍弃沃壤而自瘠也。然苟以县治距离論，则平地之去集宁，实较去丰镇为尤近耳。按旧元史地理志称：平地县本名平地泉。清一统志、方輿紀要並同。惟柯氏新元史地理志始疑泉字不类地名，乃改云本名平地寨。实则泉即泉之讹。今人于平地泉三字上复冠以老，是知民间此称，其来已久。旧传史志固以脱刊而致誤，即柯氏新史，亦犹未能解其结也。意元代建置，自丰镇以南为大同县境。自丰镇以北至今县界东南界为平地县境。再北则集宁路与集宁县。其故城及孔庙废址，迄今存在，可为明证。再西

为丰州东界，其西南即宣宁县领域矣。如此推勘，不独大同路直属五县，皆已各得其所，即平地县尝隶丰州之謎，亦可迎刃而解。爰附此说，以为好古者复考之一助焉。

## 陶 林 县

战国至秦，北部为徼外匈奴地，南部隶云中。汉因之，置陶林县，仍为云中郡东部轄境。东汉县省，地复入于匈奴。魏晋间为鲜卑拓跋氏所据，后建六镇于北边，以防蠕蠕。今县盖抚冥西南、武川东南，二镇接界之边内地也。其南部或兼隶后魏凉城郡。北齐无建置，至隋遂弃于外，是为突厥沙鉢略可汗所治都斤山之北境。唐初，虽析頡利故地为左右部，置云中、桑乾等都督府，然府既侨治于朔方，而所统胡州，又悉以番語名，其本治所在，并不可考。若以云中，桑乾原址为准，则今县应为云中府之东北界，桑乾府之北界，亦即单于大都护府所统极塞之地也。五代入辽，为丰州富民县东部地。金因之。元以东部隶偏南之集宁路，以中部隶偏北之净州路，其西南一隅，仍属丰州，隶大同路。明初，为南北交爭之区。宣德以后，委为大同边外地，蒙古察罕右翼諸部遂分据之。清初，察哈尔降众自义州移牧于此，仍编为右翼，分四旗，今县即紅、蓝二旗北境。乾隆间，设口外道厅，于是以县地划隶于归绥道属之宁远厅。光緒二十九年，山西巡抚廷斌奏准以宁远厅治东北三百六十里之科布尔，析置陶林厅，即今县治也。初设抚民通判，加理事衔，民国元年改县，仍名陶林，设知事。三年，改隶察区。十

年析县属东南一部地界集宁，自此县城遂成蜂腰状。十八年，绥区升为省，县仍还隶于绥。

汉地理志：云中郡陶林县，东部都尉治。

案陶林一作陶陵。清一统志、方輿紀要所载，视汉志初未加詳，仅于原文下加后汉省三字而已。是以近人所著諸志乘，皆不能于陶林沿革别有发明。盖非不欲发明也，特以地連石漠，自古以穷边目之。除元代以净洲为赵王封地，略为县境添一史实外，前此諸朝，殆无一更显明之事迹可稽。以如是僻壤，彼考古者虽欲殫力精研，亦将何所资以为发明之具乎？按汉初所置边郡属县，至王莽时每多另立新名。其未易名者，或并、或省，或已弃于匈奴。如陶林、犢和，即在未标异名之数。意逮莽世，此等去郡极远又有阴山阻隔之僻县，或已不存。后世志乘，并以后汉省一語释之者，此不过与近边諸县統括言之耳。实则自汉魏之衰，南匈奴迫处塞下，其遗迹之不可问久矣。不必待建武以后，始为远县省废之肇端也。据采访录及新印县疆域图并云县之四境有古代所遗废墟塹甚多，土城废址亦不下二四处。惟以历代建置沿革不能詳，遂亦不能确知此类陈迹究为何代所遗耳。考新旧元史、蒙兀儿史记、元秘史，及近人馮承钧氏所辑成吉思汗传等书，皆謂元太祖初伐金，破塔塔部，逾界壕。盖塔塔部自耶律、完颜二氏以来，世世为辽金两朝任保边，其所守界壕，在大漠以南。今县所存壕塹遗迹，如东西壕塹，大小北壕塹，西境地名曰壕塹上者，其废塹且西向伸入于武川界。又县东曰东壕塹者，亦横亘东向而伸入于集宁界。此外如小东小南等壕塹，层迭分布，殆不可以一二数。夫壕塹既如是之

繁，则古代必有一期以此地为屯戍斥埃之冲。而其事迹之显然见于史册者，又不得不以塔塔部为辽金守边一节为最近实。盖此塹为大漠南界，东西绵亘甚远。辽金筑此，以防蒙古诸部之侵袭。塹之内外国边，皆为塔塔人驻牧防秋之区，塔塔以南始置州县。泊乎元既灭金，奄有漠南，遂合界壕内外之地，而置净州、德宁、集宁、沙井诸府路。然则今县当辽金之世，虽无名城巨邑为文献生色，顾其于国防得失之所关，较他方名城巨邑，反十百倍而过之矣。

### 武 川 县

自战国赵循阴山筑长城，迄于秦汉，皆以山北为徼外地，历称匈奴族牧猎之场。逮后魏始于漠南置武川镇，谓之云中北境，隶朔州。破六韩拔陵乱后，州镇徒废，地亦荒弃，为诸胡抢攘之区。唐初，兵力虽尝逾阴山，远届于瀚海，置都护、都督等府，以资控制，然不久亦弃。仅以山南单于大都护遥领，谓之单于府北境而已。五代、辽置丰州，兼领山北地，隶西京道。金析置净州，领天山县，为丰州支郡，隶西京路。元以净州为下路，仍领天山县，又析其南部，置沙井总管府。沙、净及德宁并为驸马赵王食邑。今县南境与归绥连界处，有元置甸城废址，古名白道谷，今称蜈蚣坝沟，为归、武二县交通孔道者，元则谓之甸城路也。明为蒙古诸达北部地。清初，划分各旗，遂为西土默特及乌盟四子部与喀尔喀右翼等三旗设立界堆分牧之地。乾隆间，设口外各厅，以山后已垦之地隶归化厅。光緒二十九年，始析河镇置武川厅，设抚民同知，加理事衔。原拟本奏请以归化

厅治北二百十里之翁衮故城为新厅治，嗣以僻远，始重定于可镇，蒙語謂之可可依力更也。民国元年，改县设知事。今称县长，与他县同。

水经注：白道中溪水，发源武川北塞中。其南流迳武川镇城。城以景明中筑，以御北狄矣。

元和志：魏武川镇城，今名黑城，在东受降城北三百里。

通典：后魏六镇并在馬邑、云中单于府界，其武川镇在白道中溪水上。隋书：宇文述，代郡武川人，后或废镇为县也。

方輿紀要：武川城在大同府北塞外，魏六镇之一也。北史：魏主破蠕蠕，列置降人于漠南，东至蠕源，西暨五原阴山，竟三千里，分为六镇。太和十八年，魏主如武川镇。正光四年，沃野镇民破六韓拔陵叛，其党卫可孤围武川镇。六年，柔然阿那瑰为魏討拔陵，自武川西沃野，屡破其兵是也。又净州城在大同府西北，金大定中置，治天山县。元因之，曰净州路，明初废。又沙井城亦在府西北，金人置沙井总管府，领沙井一县。元曰沙井路，明初废。今其地有沙井，外有界壕。

重修清一統志：按旧净州在昌州之西，丰州之北。其地当在四子王旗西北，与喀尔喀右翼旗接界处。

案北魏武川镇遗迹，以年代湮远，已无基址可寻。然依六镇次第，自西向东计之，则狼山以北为沃野，固阳轄境为怀朔。其次武川，亦自应在今县北界内。若依水经注白道中溪水源流所迳核之，其故城殆去今县治并非甚远也。（中溪

水即今毕镇水磨沟中水。董氏校水经注以为即今茂明安旗克鲁伦必拉水，不足据。)至于沙井故城，方輿紀要以为金置总管府，元改为路，未知何据。今考金史及新旧元史地理志，皆以顾氏此说不合。盖金史仅有析丰州北境置净州，领天山之文，初未见有别置沙井总管府之说。而新旧元史又仅列沙井为总管府，更未见有改路之迹。然则紀要所述，殆誤以元制为金制矣。惟据元耶律楚材湛然居士集，其从太祖西征时，有过沙井城赠耶律子春诗。今武川县治东北地名王墓梁处，尚有子春遺冢。其为元沙井故地，当可无疑。第尔时元方初起，府路諸制，犹未确定。是以楚材集中不称府，亦不称路，但呼曰沙井城。此城盖金人所筑，元初沿用旧名，仍以沙井城称之。其后划分府路，始改称曰总管府。由此观之，则紀要所謂金置府、元改路之说，虽颠倒妄增不足信，而城之肇建于金，以湛然集证之，固亦未可厚非也。

## 固 阳 县

战国至秦，为九原徼外地，匈奴居之。秦既使蒙恬北逐匈奴，遂以南部近阴山处为北假。今县之西境，殆即北假之东半也。楚汉之际，地复入于匈奴。逮汉武帝大发兵击胡，乃又于其地筑城置塞，列亭障，以为五原北境。最著有光祿城，亦曰光祿塞，在今县界。后魏于此置怀朔镇，嗣更朔州。孝昌中为寇乱所毁，不更置。唐初，地属燕然都护府。其后改瀚海都护府，又改安北都护府，山北之地仍并隶焉。唐中叶后，回鹘侵突厥而有其地。五代入于辽，以东部为东胜州境，自此以西别属云内州，并隶西京道。金

因之，隶西京路。元改东胜，云内为下州，仍领山北地，隶大同路。明为蒙古地。清初，封建内蒙古諸藩，遂划为茂明安及乌喇特后旗游牧地。乾隆中，以垦地属萨拉齐厅，隶归绥道。民国元年，萨厅改县，而兼轄山后地如故。八年，始别以其地置固阳设治局。十五年一月改县，仍称固阳云。

史记秦始皇本紀：三十三年，使蒙恬将十万众击胡，据阳山北假中。注：北假，北方田官，主以田假与貧人，故云北假。

汉书匈奴传：太初三年，光禄勋徐自为出五原塞数百里，远者千里，筑城障列亭至卢朐。甘露三年，呼韓邪单于朝汉，自請居留光禄塞下。注：师古曰：徐自为所筑者也。又地理志：北出石门障，得光禄城。又西北得支就城。又西北得头曼城。又西北得卓河城。又西北得宿虏城。

魏书高祖紀：太和十八年八月癸丑，幸怀朔镇。己未，幸武川镇。辛酉，幸抚冥镇。壬子，幸柔远镇。又地形志：朔州本汉五原郡，延和二年置镇，后改怀朔。孝昌中改为州，后陷。

水经注：北假，地名，自高阙以东夹山带河、阳山以西皆北假也。又曰：出石门山，西北趋光禄城。甘露三年，呼韓邪单于还，诏遣长乐卫尉高昌侯董忠、车騎都尉韩昌等，将万六千骑送单于，居幕南，保光禄。徐自为所筑城也，故城得其名矣。城东北即怀朔镇城也。重修清一統志：北假在乌喇特旗西北，光禄塞在古固阳县北，怀朔镇城在旗东北，唐安北都护府在旗西，本燕然都护府。唐书地理志：龙朔三年

为瀚海都督府，总章二年更名。

案今县之称固阳，盖依古和阳而为名也。惟古之和阳，依水经所述，皆在阴山以南黄河北岸，且有城与县之别。其城亦称塞，应在今包头县辖境内。此县、塞二迹，与今固阳之特置于阴山以北者，殆难相符。故今县沿革中，仅能溯及有关之光禄、怀朔等城，而于常以取名之固阳，反不能滥入也。至于唐之安北都护府，其迁治易名，前后几不下十数次，（一统志云：迁治者十，易名者六。）故亦不能确指其旧治究在今县之何处。然依杜氏通典所述，南北辖界，谓南至朔方八百里，北至回纥界七百里，乃知今县虽未必即为都护府驻治之所，而县属全境则固悉在其领域之内矣。考魏书太祖纪，登国六年，刘卫辰遣子直力鞬出固阳塞，侵及黑城。若以地势揆之，则此黑城亦似应在今县界，惟遗迹不存，其方望亦遂无从究詰耳。

## 包 头 县

战国赵九原中部地，秦因之。汉置固阳县，在今县东。又置临沃、九原、宜梁等县于县治西。又置河阴县于县属黄河之南岸，并隶五原郡。盖汉武帝元朔二年，改九原郡为五原也。王莽时改立新名，别称郡曰获降，固阳曰固阴，临沃曰振武，九原曰成平。后汉建武以来，南匈奴入居五原塞，缘边属县多废徙。魏晋之际，鲜卑拓跋氏与河西匈奴刘氏跨河争地，常以固阳塞、金津等地为出入交侵之地。北魏太和中，置北边六镇，以今县为怀朔镇南部辖境。隋初，尝置大同城于极塞之大同川，领九原以北诸部地。后筑塹于河南

岸，遂弃旧地于外。唐筑中受降城于今县西，尝为安北都护府及天德节度治所。唐末为云中守捉使所领西部地。五代入于辽，置云内州，治柔服县，隶西京道。金因之，隶西京路。元省柔服及司徒司，以云内为下州，隶大同路。明洪武初，州废，后遂为蒙古所踞。清乾隆初，设萨拉齐厅，今县及五原之地皆属之。光緒二十九年，既以后套地析置五原厅，而今县之隶萨如故。民国十二年五月，始更析今县，置包头设治局。十五年一月升为县。

水经注：河水又东，迳宜梁县之故城南。闕駟曰：五原西南六十里，今世謂之石崖城。河水又东，迳固阳城南，（案此城即固阳塞、非固阳县也。）东部都尉治。又迳河阴县故城北，又东迳九原县故城南，秦始皇置九原郡治此。又东过临沃县南，王莽之振武也。河水又东流，石门水南注之，水出石门障。自障东南流，迳临沃城东，东南注于河。河水又东，迳固阳县故城南，王莽之固阴也。

魏书：道武帝登国六年，刘卫辰遣于直力鞬出固阳塞，侵及黑城。九月，帝袭五原，屠之，于固阳塞北树碑记功。十一月，直力鞬寇南部，车驾出讨，大破之。戊子，自五原金津南渡河，次其所居悦跋城，擒直力鞬。九年，帝使元仪屯田于河北五原，至于固阳塞外。

重修清一統志：九原旧城在乌喇特旗。史记赵世家：武灵王攘地至云中、九原。秦始皇本纪：除道，道九原抵云阳。汉书武帝纪：元朔二年，置五原郡。地理志：五原郡治九原县。后汉书光武帝纪：建武二十年，省五原郡，徙其吏人置河东。元和志：敬本故城在中受降北四十里。賈耽古

今述曰：以地理求之，前代九原郡城也。按九原旧城在汉朔方之东北，云中之西，今套北黄河东流处也。隋唐丰州虽亦名九原、五原，乃汉朔方郡地。括地志谓胜州连谷县，本秦九原郡；明统志谓在陕西神木县，皆误。又临沃旧城在九原旧城东，宜梁旧城在九原旧城西，皆汉置，属五原郡。又固阳旧城在九原旧城东北。史记魏世家：惠王十九年，筑长城，塞固阳。注、正义曰：按魏筑长城，自郑滨洛，北达银州，至胜州、固阳县为塞也。地理志：五原郡东部都尉治固阳。按固阳在五原郡东北，近云中郡。

案包头本由萨县析出，其东境自沙尔沁沟与萨县分界处，实相当于古云中，五原二郡分界处。今包头县城西四十里许之昆都伦河，说者多谓即古石门水。若依水经注，石门水迳临沃县城东，东南注于河数语推之，则临沃故城当在今昆都伦河西岸，而固阳县故城则在今县治之东。清一统志谓其近云中郡者，正以地形及郦注次第相合。且昆都伦沟，介于临沃、固阳二县之间，故汉地理志述固阳，则曰北出石门障。郦注言临沃，则曰石门水迳其东。盖以二县皆近石门，并得借以明其方望耳。自临沃以西，先历九原县，是为汉五原郡治所在处。计其去临沃当在百里内，良以汉时边郡，每郡所属皆多至十余县。以绥远全境论，不特视辽、金、元之置县疏阔者多至数十倍，即较今日省辖诸县局，亦且多逾三四倍矣。是以今之一县，往往能括汉代三四县。则古县之相去，其能超乎百里者殆鲜。自九原以西为固阳城，即固阳塞，此与上述石门水以东之固阳县，别为一地，故旧本水经注或讹作副阳也。自固阳塞以西为宜梁县，此当去乌喇特西公旗府即

地名西山嘴处为近。其地有阴山别枝，自东北向西南，尽其端于黄河之北岸，俗称乌喇山，而謂其尽端曰西山嘴。此山嘴南去黄河不过数里，惟渐向东，则山河渐开，而地亦渐广。凡九原、固阳、宜梁暨唐代中受降諸故城，皆駢列于此段山河间。郿氏所謂南面长河，北背连山，其称述古代九原沃壤者，实即預为今日包头西部领域写照也。况闕 昭十三州志称，宜梁为实崖城，此与西山嘴以东之山势雄奇，峰崖聳秀者，正复相似。则宜梁所在，斯亦其一证者。又今县所屬黄河南岸地即汉河阴县旧治处，计五原郡諸县，惟此一县在河南。其方位当北岸九原、宜梁二邑之间，为今县之西南方。辽尝于河南置金肃州，虽未久为西夏所取，意其故地或亦与此相近也。

## 五 原 县

战国赵九原西部地，秦仍属九原郡，其境为北假。汉置河目县，隶五原郡。又于河南置朔方县，隶朔方郡。后汉省。后魏初，以黄河与匈奴刘氏分界，不置州郡，仍以五原称之。嗣于阴山以北置沃野镇，（案此与汉沃野县有河南山北之异。）地当今县北境。隋建大同城于北，而置丰州五原郡于南，盖以大同为极塞屯戍之地，而以丰州为蕃汉抚戢之所也。唐为中受降城轄境，隶天德軍节度兼安北都护。辽初，亦尝隶天德軍。后天德迁于丰州，置代北云朔招討司领之。旋以地属云内州，隶西京道。金因之，隶西京路。元以云内为下州，隶大同路。明入于蒙古，清初为鄂尔多斯部与乌喇特連界处。乾隆时，置口外諸厅遂为萨拉齐厅西部轄

地。惟彼时垦地极少，所谓管轄亦仅为名义上之遙领而已。逮中叶以后，此方水利渐兴，于是畝亩尽辟，而农民之生齿亦渐繁。光緒二十九年，山西巡抚奏請析萨属六会太地方置五原厅，嗣乃移治于隆兴长，盖视原拟厅之地为稍西矣。民国元年，改五原县，计当时轄地东西数百里，統有河套全境。十四年后，东西各析出一部，为临河、安北设治地，遂减领域三之二。今其所属，差与他县相埒矣。

水经注：河水自临河县东迳阳山南。汉书注曰：阳山在河北，指此山也。东流迳石迹阜西，是阜破石之文，悉有鹿馬之迹，故纳称焉。南屈迳河目县，在北假中，地名也。

辽地理志：云内州开远軍下节度，本中受降城地。辽初，置代北云朔招討司，改云内州。清宁初，升威塞軍，有古可敦城、大同川、天安軍、永济栅、安乐戍、拂云堆，兵事属西南面招討司。

重修清一統志：中受降城在黄河北岸。唐景龙二年，张仁愿筑，本古拂云祠地。元和志：中受降城本秦九原地，汉更名五原郡。开元十年，于此置安北大都护府，后又移徙。新唐书地理志：中受降城有拂云堆祠，接灵州境，有关，元和九年置。又横塞軍本可敦城，天宝八载置，十二载废。

案旧籍载中受降城，皆謂其地有拂云堆祠。至于拂云堆祠究何在，则考古者亦但知为黄河北岸，秦汉九原、五原之故地而已。其果为今日之何地，说者莫能加詳也。即以中受降与东西两城距离论，元和志所载已前后不同。先謂去东城三百里，去西城（即天德軍原治）二百里，一云一百八十里。总计三城相去，只在四百八十里至五百里之间。后乃謂三城

相去各四百余里，合之则八九百将近千里。此前后几逾一倍，此将今后人何所适从乎？若依前，姑以临河为西受降，（今临河即汉临河地。）东行一百八十里或二百里，正在今五原县界，则是中受降应在今县辖境内矣。但若再东行三百里，乃仅入包头县界。苟谓东受降即在包头境，无乃太偏西，不符史实乎？倘依后说，则西城在临河，中城在包头西，而东城入于托县界。此与各四百余里之数，固相符，然于今五原辖地，则稍稍相左矣。故本条只谓今县为中受降城属境，而不渐为中受降城旧理也。盖中受降之所在，依旧籍可想者，约有数端：一曰距东西二城各四百余里，一曰建在黄河北岸，一曰其地有拂云堆祠，一曰当秦九原郡地，一曰北去磧口三百里。按此数端推之，则中受降故址，亦应在包头县治以西及西山嘴以东一段近河地带中。夫其与东西城相去，已如上述不必论。即其位居黄河北岸，亦已详于包头沿革案文中，无待于复赘。余如九原郡故地，虽所括甚广。不可以一隅限。然秦之九原郡，本治九原县，汉虽改五原，而郡治未移。（汉五原郡，治九原而不治五原。）古籍所谓城在九原郡地，或指郡治附近而言。果尔，则其旧迹亦正在此，即水经注宜梁、九原二故城所在处也。且宜梁既有石崖城之说，则其因山势雄峻而得名可知矣。其地既有雄峻之山，则隋唐突厥族亦即因其峻而别以拂云堆呼之。志地者沿用其名，实为古代恒有之例。至于磧口一词，本为昔人用以志通漠山道之语，故武要以北有磧口，白道以北有磧口。而中受降城以北之磧口，其意亦正相类。盖自山前而达山北麓之谷口，往往可以见沙磧，不得其名，辄概以磧口称之。今

由西山嘴以东河岸，北逾阴山支脉，历安北设治局境，而出阴山正脉之北麓，亦恰符三百里之数。然则置中受降于包头西山嘴之间，足以尽契旧籍所志諸端而不悖也。又况此地东去包头，北去安北，西北去五原，其道里皆相若。则分之二县一局轄境，固均在当日中城綽领之内。爰附考中城旧治于此，聊以明其疆域所届焉。

## 临 河 县

战国赵高阙山南九原西部地，秦因之。汉隶朔方郡，置临河县于黄河分流处，即北河之南，南河之北，亦即今县治所在地也。又置临、戎广牧于南河之南，并为朔方郡属邑，在今鄂尔多斯右翼后旗界。后汉省。后魏为沃野镇边内地。隋尝置大同城，防北边，后亦亦不复守。唐筑西受降城，隶天德军。而军之治处，常东西迁移无定居。故或治西城，或治中城，或治旧大同、永济栅、山丹县諸城。计其前后所徙，殆已遍历今县四境而无遗。辽初，取天德，以此为西北极塞，与回鹘、西夏分界而守。其后疆舆西扩，乃以地属云内州。逮辽金交恶时，此方亦数数为夏人侵袭。盖地之西界与夏国嵬名部密迩相接，故伺隙辄为所攘。元既灭夏，乃以地求云内。惟因南临河套，（元于河套未置州县）终元代迄无名城巨邑可稽。明初，尝为瓦剌所踞，后入于蒙古。清初，封建蒙旗，遂以河南为鄂尔多斯右翼后旗地，河以北为乌拉特中旗地。乾隆以后，遥隶于萨拉齐厅。光緒二十九年，隶五原厅。民国改制，仍五原县轄境。十四年六月，始自五原析出，别置临河设治局。十八年十月升为县，沿称临河，

用汉名也。

水经注：河水又屈而东流，为北河。汉武帝元朔二年，大将军卫青绝梓岭，梁北河是也。东迳高阙南。史记：赵武灵王既袭胡服，自代并阴山下至高阙为塞。汉元朔四年，卫青将十万人，败右贤王于高阙，即此处也。河水又东，迳临河县故城北。元朔三年，封代恭王子刘贤为侯国，王莽之监河也。又南河上承西河，东迳临戎县故城北。又东迳临河县南。又东迳广牧县故城北。东部都尉治，王莽之盐官也。

元和志：西受降城在丰州西北八十里，盖汉朔方郡临河县旧理处。开元初，为河水所坏。十年，总管张说于旧城东别置新城。

新唐书地理志：丰州有西受降城。开元十年，总管张说于旧城东别置新城。北三百里有鹳鹑泉。景龙二年，张仁愿筑。

重修清一统志：唐天德军城在乌拉特旗西北，中受降城西北二百里，天宝中置。元和志：天德军旧理在西受降城，权置军马于永济栅。元和九年，诏移理旧城。又旧大同城亦在旗西北旧天德军城西南三百里，隋时所筑。隋书长孙晟传，开皇十九年，染干因晟奏，雍虞闾作具，欲攻大同城。诏六总管分道出塞讨之，即此。

案绥远全境，自清季光緒二十九年迄于今日，新增各厅邑，每多沿用古代州郡县镇之名。然其所治，能与往古旧迹相吻合者，当以临河一邑为称首。盖他县得名，虽亦参证载籍，确乎有据，然究其极亦不过位于旧迹辖境之内，或与之比邻接界而已。独临河治处，若依山川形势推之，殆无异踵

汉县之遗规，而为边城之再建也。良以县北之五加河，即古北河之故道。隔五加河而位于县北偏东之狼山口，即古高阙塞之天险。县南黄河，即古所谓南河。仅就此数端以与酈氏所述汉置临河方望校，实无丝毫凿纳者。此足见地界两河之间，城扼狼山之冲，择宜善处，古今人所虑，其得失固不甚相远也。考明史瓦刺传，瓦刺也先挟上皇至小黄河苏武庙，所谓小黄河者即古北河，今五加河之异名。因其自南河正流分出，故称之曰小。而所谓苏武庙者，其故迹当与高阙近，而在今县界。盖狼山口为瓦刺部自西北入犯必径之隘，其挟英宗西来而暂驻于此，亦为捷径在途，取便于遣归计耳。清一统志载苏武庙于乌拉特部古迹中，诚不为无见。乃张氏绶乘黄附于和林县属什拉乌素濠，谬甚。

### 东 胜 县

战国为诸戎、胡错居地，赵武灵王虽攘地至云中、九原，但又限于河北山南一带，未能并河套而兼之也。魏尝得河西沿岸地，并筑长城自守，然亦只限于近河一线，皆与今县辖地隔截不相属。秦始皇三十二年，始发兵略取河南地，徙民实之，号新秦中。楚汉之际，仍为匈奴所有。汉武帝元朔初，遣将军卫青、李息等复取河南地，置朔方郡，隶并州。今县盖当汉朔方郡东南、云中郡之西南、五原郡之南、亦即上郡之北、而西河郡之西也。是以其四境所接，南有白土县，隶上郡。东有美稷县，隶西河。东北有河南县，隶云中。北有河阴县，隶五原。西北与渠搜县相近，隶朔方。此可见今之一邑，适位于前汉五郡边界交会处。汉末，郡县多

废徙。而河南全境，遂渐为南匈奴苗裔刘氏所分剧。历魏逮晋，殊无建置可述。永嘉乱后，又迭为前后赵、前后秦所有，最后入于赫连氏，乃建都统万，自称夏国。传二十余年，为后魏拓跋氏所灭。先改统万为镇，嗣又改置东西夏州，今县盖在东夏州辖境内。隋初，尝于河套东北置胜州，兼领河东西各地，今县当胜州西南部。隋末，为梁师都所据。唐平师都，仍置胜州。天宝初，析胜州南部置麟州，领以振武节度使，而统隶于关内道。唐末，拓跋思恭镇此。其子孙遂割据，称西夏。自五代历宋辽金，始终为夏人所有。所置诸州，宋史虽存其名，而方望已不可考。元既灭夏，初立西夏、中兴等路，然不久辄废。后遂分属其地于东胜、云内二州，及延安、宁夏等路。明初，城东胜州，並立屯戍，耕牧其内。天顺间，突为蒙古侵入。中叶以后，虽屡议复河套，然自曾铣被谗，而其议顿息。清顺治中，划分鄂尔多斯部蒙古诸旗，封额璘臣为多罗郡王，世袭罔替，並赐复其先代济农之号，以为诸旗长。是为鄂尔多斯右翼中旗，即俗称郡王旗也。今县辖地适为左翼中旗及右翼前末旗牧地各一部。光绪三十年，始以其置东胜厅。民国元年，改县设知事，今仍之。

重修清一统志：白土旧城，在鄂尔多斯左翼中旗南。汉置，属上郡。后汉因之，晋省。水经注：窟水出白土县鬲谷，东迳其县南。括地志：白土故城在盐池东北三百九十里。又代来城在左翼界内。晋书赫连勃勃载记，苻坚以卫辰为单于，督摄河西诸部，屯代来城。通鉴：晋太元十六年，魏主珪自五原金津南济河，径入卫辰国，直抵其所居悦跋城。

胡三省注：悦跋城即代来城也。

案今县虽名东胜，而所治去古东胜州城尚远，盖辽金东胜在河东今托县界，因当时河西为西夏所有，故其领域不能远届今县境。惟逮元灭夏后，尝以河套东部分隶于东胜，此则今县与古东胜曾相联属之一期也。至于隋唐胜州故城，虽位于河西，然亦在套境之东北，即鄂尔多斯左翼前旗界。（一统志作后旗。案后旗已偏西，不与托县连界，惟前旗在东北。）与今县之兼跨郡、札两旗地者，（郡即郡王旗，为左翼中旗。札即札萨克旗，为右翼前末旗。）相距尚数百里。是知今县辖境内，不特无东胜州遗迹，亦且非胜州旧治所寄也，惟去胜州略较去东胜为近耳。大抵唐天宝以前，此地为胜州所领之西南部。因隋唐以来，凡胜州榆林郡属县，皆在套境东北黄河两岸近州处，故其西南部迄今无城邑建设可考。至天宝元年，节度使王忠嗣始割胜州之西南部置麟州。以道理推之，今县于唐，盖先隶胜州而后属麟州也。按寰宇记云：胜州西北至河十里，正东至河四十里。清一统志云：胜州在套内东北，濒黄河屈南流处，此正鄂尔多斯左翼前旗与托县隔河相望处。自此乘马西南行三日余，可至今县城。元和志曰：胜州西南至麟州四百里。以此数与今日行程较，其距离亦正相若。然则今县所在，纵非麟州旧治，计其遗迹，要亦不能更在今县辖境外矣。此诚县疆域惟一可据之史实，较白土、悦跋二城为尤足信焉。白土虽在中旗界，而旗地不尽属于县。悦跋虽在左旗界，而距河远近不可考。

## 安北设治局

战国为九原中部地，秦因之。汉改五原郡，于稍北置五原县，大致与今局治相近。于西南置西安阳县，西安阳之东置成宜县，皆近黄河。后汉郡县並废。后魏于东北塞外置怀朔镇，于西北置沃野镇，不久俱以乱废。隋置大同城于山北，屯兵以护山南。其后退守河南，尽弃山前后地。于是丰州冒五原矣。唐初，隶瀚海都督，嗣屡改制，隶燕然及安北都护府，治中受降城。府旧领阴山一县，后徙治天德军，而军治亦无常。要之视中受降为渐西矣。辽移天德军于丰州后，初隶代北云朔招讨司，后乃以地属云内州。厥云内领县，多在州治东。今局位其西，殆以近塞无建置。金因之，元则更省县司而降云内为下州，隶大同路。明初为蒙古及瓦剌出入之地，后为蒙古独踞。清初封乌拉特三公旗，遂以为三旗蒙众永久驻牧之区。乾隆设归绥道属各厅，乃以垦地农民，划隶萨拉齐同知管轄。光緒二十九年，原拟设五原厅于大余太，即今局治所在地。嗣因西移隆兴长，遂以局治为五原东部轄境。民国元年，五原改县，而隶属如故。迨十四年五月，始析出五原东界地，並益以包头、固阳各地一隅，立安北设治局。盖仍用前清驻治大余太之初议，而实现其计划也。惟设治之明年，即遭兵焚之灾。继以蝗旱頻仍，連岁不已。直至民国二十年，残破流离之农村，始渐获安戢。然甫经设治之地，而骤逢重叠奇惨之灾，犹之乎初茁萌芽，而屡遭蹂躪，其繁荣滋长，自未易以旬日期矣。是以设治已逾十稔，而仍不得正式改县。盖后之五年，仅为前五年将息计

耳。继今以往，苟生齿日繁，草莱日辟，农村裕而元气充，则他年之安北，当不难跻为绥西丰盛之县也。

水经注：河水又东，迳西安阳县故城南，王莽更之曰凉安矣。河水又东，迳田辟城南。地理志曰：故西部都尉治也。河水又东，迳成宜县故城南，王莽更曰艾房也。河水又东，迳原亭城南，魏野十三州志曰：中部都尉治。

重修清一统志：成宜旧城在九原旧城西。汉书地理志：五原郡成宜，中部都尉治。原亭，西部都尉治。田辟，有盐官。后汉书南匈奴传：建武二十六年，遣中郎将段彬、副校尉王郁，使南单于，其庭去五原西部塞八十里。

案安北辖地，介在包头、五原二县之间。其西部与五原分界。自北而南，截然一綫，界划较为整齐，惟东部与包头分界则出入甚巨。缘包头西部辖地，循阴山别支及黄河天然之形势，突向西南，如人坐而斜伸一足，横亘于安北领域之前。依地形求之，汉之宜梁、固阳塞、九原三故城，自西向东。沿黄河北岸，平列于此段地带中。而汉五原县故城，则位于其北，与宜梁、九原成品字形。而今局治所在，适居于斜出地带之北，故知今局治即汉五原县旧治。纵城址不必吻合，要其距离可以断其不甚相远也。（今局治或在汉五原县故城稍北处）考郦氏水经注，河水东迳宜梁县故城南，又引魏野十三州志曰：五原西南六十里。此足为汉宜梁县在汉五原县西南之证。注又云：河水又东，迳九原县故城南。下云西北接对一城，盖五原县之故城也。此又足为汉九原县在汉五原县东南之证。有此二证，则汉宜梁、九原之位定，而汉五原之位，亦随之而定矣。至于局属西南境，为汉置西安阳及成宜二县地。

惟西安阳最偏西而近河，或其旧治在今五原与安北分界处，亦未可知。因汉五原郡属县，在今包头西北两邑境内者，每邑不下三四县。独今五原仅得河目一县，颇疑其不伦。故以为苟非西安阳跨其界，（依水经注西安阳故城在南北二河合流后之下游，先经马阴山，再经西安阳城南，故此城不能任意西移也。）则其他失考之县，如曼柏、莫豎、文国、武都、南兴、蒲泽等，必有一二在今五原界内者。然其详晰之方望，因载籍久湮，学者莫能为之臆断矣。又考唐之安北都护府，唐志谓开元二年治中受降城，十年徙河南，十二年徙天德，皆不出今前后套境。杜氏通典谓东至榆林二百五十里，既似在今归绥属之西部者。既又云南至朔方八百里，此似在高阙、狼山以北，迫近大漠矣。乃下文又云北至回纥界七百里，复似在今安北、包头一带者。以一家之书而不能定一府之所在，又何怪纷纷众说之不相容乎？旧唐志谓北至阴山七十里，至回纥界七百里，此与通典最后一说略相同。即与新唐志开元二年治中受降城之说，亦复相近似。然则唐之安北府，虽迁徙易名至十六次之多，要其大势，仍以中受降城为其领域适中处。果尔，则今之安北，正居其北部近城辖境内，虽城在包西界，固亦无碍于取名耳。

### 沃野设治局

战国为胡、戎杂居地。秦先灭诸戎，以有北地、上郡。继逐匈奴，尽得河南地，以为新秦中。楚汉之际，复没于匈奴。汉武帝元朔初，复大出兵斥匈奴，再取河南地。因于上郡之北，置朔方郡，郡领沃野县，在今局治北

界外。今局虽亦名沃野，但仅与汉县为邻，而非全袭其故地也。今局所辖，其中部实为汉浑怀障，为富平县属境。其南部为汉方渠县属境，皆隶北地郡。汉末县省，而地亦荒落。晋永嘉乱后，迭为苻秦所据。义熙中，赫连勃勃崛起，奄有西河、朔方、上郡及河套以西汉北地之大部，国称大夏。爰于局境河州上置果城，号薄骨律。后魏灭夏，即以其地隶薄骨律镇。太和中，又迁三齐之民于此，置历城。后周尝改历城为郡，隋废为广问县，又于北境置灵武县。唐初省，改于南境筑定远、羊马等城。自唐末历五代至辽金，河套全境久为拓跋夏独踞。夏人于今局界置省崑城。而以南部隶定州，盖沿唐定远之名也。元翦夏，遂以隶宁夏路。明隶宁夏卫。清初名其地曰察罕托辉，因其宿为蒙古驻牧，故以蒙语称之。今谓之陶乐湖滩。雍正五年，尝于南部置新渠县。七年又于中部置宝丰县。乾隆初皆废。民国十九年，始立设治局，名沃野，辖地在鄂尔多斯右翼中旗界。今如故。

水经注：河水又北，迳富平县故城西。秦置北部都尉治县城。王莽名郡为威戎，县曰持武。又北薄骨律镇城，在河渚上，赫连果城也。桑果余林，仍列洲上，但语出戎方，不究城名。访诸耆旧，咸言故老宿彦云赫连之世，有俊马死此，取马色以为邑号，故曰城为白口驩。韵之谬转，遂仍今称，所未详也。河水迳典农城东，世谓之胡城。又北迳上河城东，世谓之汉城。河水又北，迳典农城东，俗名之为吕城。河水又东北，迳廉县故城东。（案此四城並在黄河西，今平罗县辖境内。）又北与枝津合，水受大河，东北迳富平城。所在分裂，以溉田圃。北流入河，今无水。又东北迳浑怀障

西。地理志：浑怀都尉治塞外者也。太和初，三齐平，徙历下民居此，遂有历城之名矣。河水又东北，历石崖山西。

元和志：废灵武城，在怀远县东北，隔河一百里。其城本蒙恬所筑，古谓之浑怀障。

清一统志：灵武故城有三，一为汉县，在宁朔县西北，地理志属北地郡。一为隋县，即汉浑怀障，在今平罗县东北。一为唐县，在灵州西北，即水经注所谓胡城也。又曰：定州故城，在平罗县东南，即唐定远城也。元和志：灵州有定远城，在州东北二百里，汉北地郡方渠县之地。先天二年，郭元振以西城远阔，丰安势孤，故置此城，募兵镇之。其后僖安王祚更筑羊马城，幅员十四里。景福元年，灵武节度使韩遵表为州。寰宇记：今为定远镇，管蕃部四。明统志：定州故城，在宁夏卫东北六十里，本唐定远镇，赵元昊改为定州。元初废。明属宁夏卫。本朝雍正五年，置新渠县。乾隆三年裁。又曰：宝丰故城，在平罗县东北三十五里，汉北地郡浑怀都尉治地。隋书地理志：灵武县，后周置建安县。后又置历城郡。开皇三年，郡废。十八年，改建安为广阔。仁寿元年，改名焉。唐初徙废。宋时属夏国，夏人于此筑省嵬城。在故城东省嵬山下。明属宁夏卫。本朝初名其地曰查汉托护。雍正七年，置宝丰县。乾隆三年裁。又曰：省嵬城，在平罗县东北省嵬山下，去宁夏一百四十里，西夏所筑。宋史夏国传：国語謂僭为嵬，其人多以嵬名。

案方輿紀要：謂后魏灭赫连夏，置统万、沃野二镇，以为魏之沃野，即汉朔方郡之沃野。並謂唐志以魏沃野镇在天德軍北六十里，似誤。实则唐志不誤，顾氏殊自誤耳。顾氏

而于汉朔郡沃野之名，遂有同名同地之成见。殊不知魏之沃野，乃在秦北假、汉五原郡界内，与汉之朔方故地无涉也。考魏书，沃野镇民破六韩拔陵反，为柔然所破，乃奔沃野南徙渡河。假使此镇在朔方，则南已无黄河，安得云奔镇南徙渡河乎？顾氏亦知引魏书此文，而不悟镇在黄河北，则亦智者之一失也。又如郿注述薄骨律，不解其义，而姑随俗以白口驩当之，亦谬。按名起于赫连，而赫连为匈奴裔。依匈奴语，谓河为刚勒，谓在为白。此城名薄骨律，即白刚勒也，华语可译作在河镇。若作白口驩，则失之凿矣。又省崑山，当即局治北界公乌素濠北之山，亦即郿注之石崖山也。董氏校郿注，谓即阿尔布斯山。孙滋如谓山在平罗县东，盖今局治，西去平罗仅三十里云。

——摘自铅印本《绥远通志稿·卷一·中》

## 盟 旗 疆 域 沿 革

綏遠省地方行政制度，大有異于內地各省者，厥為同一地域內有縣局管轄與蒙旗管轄，二重施治權並時存在是。此蓋自遼清以來，循地理歷史自然之勢，而漸進為今日特狀，非一朝一夕所能致，所謂所從來者遠也。溯當明清絕續之交，凡秦晉塞北之地，久為蒙古諸部牧地。迨清初天聰、崇德暨入關以後之順治、康熙諸朝，復先後劃定內外蒙古各部牧地，分封王、公、札薩克、台吉等，以傳其爵而守其土，是為塞北蒙疆改部族而建旗制之肇端，亦即三百年來各安封界，互尊祖業之成規也。惟清自建國後，經順治、康熙歷朝七八十年之怀柔安輯，于前明所創凜不可犯之漢民出塞禁令，已漸由寬緩而日近于廢弛。于是內地人民之經商而往來懋遷者，務農而春出秋歸者，亦皆由流動而漸進于定居，由孤身而漸成為家室。迨乎雍正、乾隆之間，凡綏屬近邊諸旗地，已蔚為農牧並營、蒙漢共居之鄉。故乾隆中設廳置道，皆擇人煙較密、畝畜較多之區。蓋以農商既眾，就國家之政治系統及民事之需要言，誠有不能不設官守，以為撫循約束之資耳。觀乎初設之同知、通判各廳，皆以撫民為職銜，其意若曰地雖蒙旗之地，而民則國家之民也。既有國家之民，則國家即不能不負撫循監護之責。故凡農商租旗地而納租于蒙旗可也，納租以外，而并負人民對國家之一切義務，則不可也。易詞言之，即人民對國家之義務，仍應對國家負之，不能因其居旗境而遂移其義務于蒙旗也。蓋

未行设厅道以前，出塞之民，旧习相沿，皆被治于所在之旗。自抚民有专司，而厅与旗之权限，始判然划分矣。厥后民事日繁，乃更以抚民而兼理事衙，则行政意义之由抚而进为理，其迹尤昭然可睹。此为今日县局创制之嚆矢，亦即县与旗同地共治之所以并存也。总之，设治之初旨，本谓旗以治蒙、厅以治汉。但行之逾百年，更进而成今日省县之制，则县与旗已同处于省治之下。其相须为用，当视时势为愈亟。惟是县之疆域，亦尚有未能悉括旗地者。兹更就绥境盟旗大势，述其疆域沿革可考之迹，以与县局沿革为互相参证之资焉。

### 乌兰察布盟

乌兰察布盟者，六旗合组为盟之总名也。所谓六旗，曰四子王旗、曰喀尔喀右翼旗、曰茂明安旗、曰乌拉特中旗、曰乌拉特前旗、曰乌拉特后旗是也。六旗牧地，大部皆在阴山以北。惟乌拉特前旗俗称西公旗者，稍伸至乌拉山南、黄河北岸，较其他五旗为微南耳。当清初编定内外蒙古各旗时，以此六旗共组一盟，并由清廷指定以乌兰察布为每年会盟之地。盖其地有河，名乌兰察布，因以河名呼其地，更以地名呼其盟。实则河名乌兰察布，而地名乌湖克图也。余盟幅员，东西可千里。南北自阴山以抵戈壁，二三百里或四五百里不等。战国以前，宿为匈奴牧猎之区。自赵武灵王攘地，以有云中九原，筑长城以塞阴山、高阙。遂使今之所谓乌盟全境，益隔绝于秦赵诸国边徼之外。厥后历秦西汉，虽不惜一再以数十万之众，劳师远征。如史所称绝梓

岭、梁北河、逾阴山、度大漠，以斥逐匈奴而略其地。然地则既得而复失，敌则旋去而复来。终秦汉之世，卒不能郡县其土而久有其人。此固因其地邻瀚海，风土荒寒，草菜虽茂，宜于牧者，不必适于农；毡酪虽优，嗜于胡者，不必美于汉也。故由战国以逮汉末，此地仍久为匈奴民族滋生繁息之邦。观史记匈奴传，谓匈奴单于庭，南直代、云中，左直渔阳、上谷，右直北地、上郡。可知当日之匈奴，除左部南直渔阳、上谷者，不属绥境外，其中部之单于庭及右部之南直北地、上郡者，大率皆在今乌兰察布全盟六旗境内也。迨后魏拓跋氏以鲜卑族崛起东北，不数世而兵力西渐，先有汉定襄、云中故地，继复尽服漠南诸部，而奄有其地与人。于是自昔所称为匈奴久踞之邦，至此而悉入于后起鲜卑之手。然其时柔然一族，仍沿其先世牧猎骑射之风，尝出入于大漠南北，以与魏人构衅。此又魏人于今乌盟境内、为备柔然计，所以有怀朔、武川诸镇之肇建也。未几，魏分东西，而高齐与宇文周並起而篡之。虽今之乌盟东部邻于齐，西部邻于周。然两国所争，重在中原，其于边徼之经营，殆皆以国力不遑置之。当是时，分踞北方之匈奴、鲜卑、柔然、敕勒诸部，已由盛而衰，渐成弩末烬余之势。而突厥一族，则又乘其新兴剽悍之气，破竹东来，使今乌盟全境，向为鲜卑取于匈奴者，乃更转为突厥雄踞之地。观隋代至于唐初，正当突厥方盛之时，其可汗之雄黠者，如沙钵略、始毕等，率皆列帐阴山，控制乌盟各地。隋书称沙钵略可汗治都金山，山在今归绥县治东北百余里，俗呼斗金山。盖其地南可以控汉云中、定襄、雁门诸郡，而北亦可以结后魏怀朔、武川、抚冥

諸鎮也。其后启民可汗见迫于雍虞闕，乃分部南迁，展转金河、大利间，而乌盟一带遂尽为别部突厥所据。郑渔仲通志謂隋氏版图，北至五原。实则隋以丰州为五原，仅得汉之朔方，限于套境黄河岸而已。若河外以及阴山以北，仍为别部牧区。唐初所分諸都监府及焉廞州，亦大率以启民、大利旧属为限，未能悉取阴山大漠之间而郡县之也。唐至中叶以后，突厥族之近南者，多同化于唐，而益内徙，近漠者亦因避侵伐而移极北。如开元十三年御赐突厥可汗阙特勒碑。今在庫伦北约千里之乌金斯克地方，则北部突厥之远徙，即此可以为证。而回紇(即回鹘)一族，亦遂乘突厥之或徙或衰，蹈瑕东渐，以占有今乌盟各地。如景龙中朔方总管张仁愿，以朔方旧与突厥以黄河为界，因偵知默啜可汗西出，乃奏請乘机夺取漠南地，此为中叶前突厥尚据乌盟之一期。又元和志称碛北为回鹘本部，又云安北都护府至回紇界七百里，此为中叶后回紇(回鹘)已逐步侵入乌盟之一期。比及唐末，复有契丹族骤起于东，其土地之扩展，随国势兵力之增强，而日迫近于西。观辽史载神册中，太祖所平西北諸国及諸部族表，则五代初期，乌盟境内之回紇(回鹘)与夫弱小各部，或走或降，悉以故地服属于契丹。此又由唐末历五代至北宋，乌盟入于契丹之一期也。其后女真亦起于辽东，承契丹之旧业，以有乌盟。二族规制，大体相似。即皆以其地分隶于丰州、东胜、云内而总隶于西京道与路也。蒙古起漠北，先破塔塔部，以夺塞北之地，于是今之乌盟遂起蒙族游牧之基。元社既屋，明洪武永乐两朝，尝再三北征，冀以驱元裔而定漠南。然扰攘近百年，而終未能各遂其北游南牧、一劳永逸之愿。

迨明中叶后，中朝疆吏自蓟、辽、宣、大、延、绥以往諸督臣总镇，皆划边自守，不复作远征攘地之举。而蒙古各部族更相继推戴小王子、达延汗、谿达諸人为君主，以资号召，而謀自固，于是自漠以南，悉为察罕部蒙古汗所轄，而今之乌盟则又察罕部右翼济农所统之北界游牧地也。及滿洲起于辽东，东部各蒙族渐为所并。至天聪间有呼伦贝尔与喀尔喀数部，各率其属降于清，因並賜牧于阴山大漠之间，是为今乌盟六旗之肇始，亦即全盟疆域沿革最后之一阶段也。今就六旗轄地，依次述之如左。

#### 四 子 王 旗

四子王旗，旧籍亦称四子部落，其牧地在绥远城东北大青山后。战国至秦，历为匈奴所居。汉置沿边各郡，实为雁门、定襄徼外地，亦即匈奴中部单于庭所在处也。后魏置北边六镇，以地隶抚冥。唐隶振武軍兼单于大都护。辽为丰州东北境，隶西京道。金隶西京路。元以旗属西北隅隶净州路，西南隅隶沙井总管府，皆駙馬赵王传世食邑也。明为察罕部蒙古汗右翼属地。清兵既逐察罕部林丹汗，因以此地賜诺延泰之四子为牧所。今仍为其子孙世守云。

重修清一统志：汉雁门及定襄郡北境，晋为拓跋氏地。唐为振武軍地。辽为丰州地，属西京道。金属西京路。元属大同路。明为阿禄喀尔喀所据，后分与諸子，号曰对因駒子，是为四子部落。本朝天聪七年，鄂木布来朝。崇德七年，賜号达尔汉卓哩克图。順治六年，封多罗郡王，世袭掌旗。

蒙古游牧记：元太祖弟哈布图合萨尔十五世孙诺延泰与兄昆都伦岱青，同游牧呼伦贝尔。有四子：长僧格，号墨尔根和硕齐；次索诺木，号达尔汉台吉；次鄂木布，号布库台吉；次伊尔扎布，号墨尔根台吉。四子分牧而处，后遂为所部称。札萨克多罗达尔汗卓里克图郡王游牧。天聪间，四子相继朝贡，从征有功。崇德元年，授鄂木布札萨克，赐号达尔汉卓里克图，俾统所部。顺治六年，封多罗郡王，世袭罔替。牧地有锡喇察汉诺尔，锡喇木伦河流焉。东至什吉冈图山南，南至伊柯塞尔拜山，西至巴颜鄂博，北至沙巴克图，东北至额尔柯图鄂博，西北至查尔山，东南至托克托瓦陀罗海，西南至察罕和硕。札萨克驻乌兰额尔济坡。所部与茂明安、乌拉特、喀尔喀右翼诸部统盟于乌兰察布。

案一统志谓元隶大同路，其意殆以为元承辽金之旧，于两朝遗制，当重因袭而少变革，故漫以隶大同一语了之。其实元于十州北境，另析置二三下路，不隶大同。其详已见省县沿革，兹不更赘。至所谓阿禄喀尔喀，译应作后外蒙，盖阿禄为后之意，而喀尔喀为外蒙古之总称，语亦欠分晓。不知此指达延汗之子孙耶？（达延汗亦起于外蒙。）抑即指呼伦贝尔诺延泰之孙耶？不然，喀尔喀右翼为今达尔汗贝勒旗之正名，似亦不应牵混于四子部内也。

### 喀 尔 喀 右 翼 旗

喀尔喀右翼旗，俗称达尔汗贝勒旗，又讹贝勒为百灵，遂又称百灵旗。清初，此旗之人，来自喀尔喀，遂仍用喀尔喀为名。又因析置两部，东西分牧，此旗为西部，故称右翼旗

也。其牧地直绥远城北、大青山后。战国至秦汉，皆为云中徼外地，匈奴居之。后魏建六镇，以地属武川。唐隶振武军兼单于大都护府。辽为丰州北境，隶西京道。金以旧天山县，升净州，为丰州支郡，隶西京路。盖旗境与四子部之西北隅皆净州辖地也。元以净州为下路，与大同路分立。明为察罕部蒙古汗属地。其漠南各部，悉为清军所并。至顺治间，有喀尔喀中路台吉名本塔尔者，率所属千余户来降，因赐牧于喀尔浑与爱布哈二河交流处，并封本塔尔为札萨克亲王。再传降袭多罗贝勒，故有贝勒旗之称。民国初，以明赞共和功，又晋爵为王。今仍承袭勿替焉。

重修清一统志：汉定襄、云中二郡北境，唐为振武军地。辽为丰州地，属西京道。金属西京路。元属大同路。明为喀尔喀所据。素役属于土谢图汗，后有隙，其台吉本塔尔遂率部落来降。本朝顺治十年，封为和硕达尔汗亲王，世袭掌旗。康熙四十七年，其孙詹达固密降袭多罗达尔汉贝勒。

蒙古游牧记：本塔尔，世为喀尔喀中路台吉。顺治十年，本塔尔以土谢图汗隙，率其弟巴什希、札木素、额璘沁及从弟袞布，携户千余来归。赐牧塔尔浑河，是为喀尔喀右翼札萨克多罗达尔汉贝勒游牧。初本塔尔来归，封札萨克和硕达尔汉亲王，世袭罔替。本塔尔卒，子讷内袭。讷内卒，子詹达固密降袭多罗贝勒。牧地有爱布哈河、塔尔浑河，合流渚为阿勒坦托辉诺尔，东至额古尔图华，南至哈达满勒河源，西至乌兰户特图克，北至岳索山，东南至陀索图鄂博。西南至魏迈乌兰和硕，东北至察尔山，西北至塔起尔克图鄂博。札萨克驻塔尔浑河，隶乌兰察布盟。

案一統志謂漢定襄、云中二郡北境，實則僅位云中北塞外，殊與定襄無涉。良以旗之南界，去云中北徼陰山塞，就二百余里，況定襄又在云中之東南，安得謂旗卽定襄北境乎？又考魏書，當後魏之初，陰山以北，嘗爲高車、賀蘭、柔然諸部所據。靉什翼犍避秦兵，逾陰山，見侮于高車；拓跋珪避內難，逾陰山，托庇于賀蘭；以及後魏諸帝數征柔然、（史作蠕蠕）巡幸漠南；皆足爲匈奴、鮮卑代興時，嘗爲其他部族迭據之証。而旗地當亦爲其紛爭搶攘之處也。又考旗境之塔爾渾河，譯爲肥沃之意，惟愛布哈河無意義可尋。訪諸父老，據云，河名始於元太祖。當其初次南下時，軍行久不得飲馬處。有向导言，前有大河，比驅至卽此河。太祖哂曰：唉巴噶！其意以爲是小流耳，何云大耶？蓋蒙語謂小曰巴噶，其冠以唉者，失聲之嘆詞也。今言愛布哈，遂不可解云。

### 茂 明 安 旗

茂明安旗，一稱茂明安札薩克旗，因其最初以世襲一等台吉授札薩克編旗，故不列于王公，而但稱其職。此與伊盟之札薩克旗，同爲旗制特例也。茂明安旗牧地，在綏遠城西北大青山后，秦漢以前爲匈奴地。漢爲五原塞外地。後魏置六鎮，以地屬懷朔。隋爲北部突厥所據。唐爲振武軍兼單于大都護府轄境。遼屬東勝州，隸西京道。金因之。元隸德寧路。明入于蒙古。清初有車根者，自号所部曰茂明安，率所屬千余人，自呼倫貝爾降清，因賜牧于此。後授其子僧格爲札薩克一等台吉，俾世守其業焉。

蒙古游牧記：元太祖弟哈布圖哈薩爾十四世孫錫喇奇塔

特，号土谢图汗。有三子，游牧呼伦贝尔。其长多尔济，号布颜图汗，子车根嗣，号所部曰茂明安。扎萨克一等台吉游牧。天聪七年，车根率其族千余来归。子僧格，康熙三年，授札萨克一等台吉，世袭罔替。牧地当爱布哈河源，东至黄乌尔，南至固尔班哈喇陀罗海，西至哈喇达噶，西北至土勒札图鄂博。札萨克驻御特塞里，隶乌兰察布盟。

案茂明安旗牧地，自秦汉以前，即为匈奴民族所固有。迨汉末匈奴衰微，其后遂为鲜卑、突厥、回纥、契丹、女真、蒙古诸大部族所递有。而诸小部族如高车、柔然、贺兰、铁勒、涿邪、塔塔等之迭起倏灭、出入于其间者，尤不可胜计。故由战国历经秦汉隋唐以迄于今，其建置之可稽者，仅后魏之怀朔镇、元之德宁路为与其地差近耳。此外若汉之光禄塞，虽在旗南，然亦仅置为防边要隘，非即以此统辖也。乃清一统志述茂明安建置沿革，除后魏系诸怀朔不誤外，于汉系诸五原，已不能无疑，然犹可以邻近为辞。至于隋而系之胜州榆林郡，唐而系之东胜州，则不特隋之州郡远在套境，史无渡黄河逾阴山而统有漠南一带之明文，即唐之建置，又何尝有东胜州之名号乎？考东胜州本始于辽，因当时西夏据河套，辽不能得胜州故地，乃别置于套东，遂以东胜为名。又因辖地未能西展，乃北伸于阴山以北，以统今之旗境。然则旗地之属东胜，仅辽金两朝为然耳。一统志誤于隋，而更誤于无东胜之唐，其遺誤后人為何如耶？是以本条不采其说。张氏游牧记知其然，故于唐则系诸振武军，所见较是矣。然詳考唐制，军民蕃汉皆各有其分管之官，如管民政则归州刺史；管蕃户则归羁縻州及都护、都督；管军马

归节度使；其军民蕃汉兼管者，则有总管、观察等职。故节度使必兼领判史、都尹、观察之一，乃可以循兼职而问政事。观唐书节镇诸传，凡辖地治民之节度使，殆鲜有不兼领他职者。即漠南各地之隶振武军，亦正以振武节度恒兼领单于大都护耳。游牧记只言军前略保护，亦情疏矣。

### 乌 喇 特 三 旗

乌喇特三旗，亦称三公旗。因乌成特为其全部之总名，内分中前后三旗，各以镇国、辅国等公为世爵，故乌拉特三公旗或通称、或分称、皆得为此部统括之名词。其共有牧地，幅员颇广。自阴山西段以北，及后套狼山与乌拉山前后，皆在三旗辖境内。战国以前，本亦匈奴地。其后赵武灵王、秦始皇相继筑长城，并以高阙为要塞，即今旗界之狼山口。故秦时于山南置九原，于山北置北假。汉弃外北假，而改山南九原为五原。汉末边郡既变，北魏乃于东起濡源之六镇，西端置沃野一镇，今乌拉特之西部地，即当时沃野镇所属也。隋尝于旗地筑大同城，屯军驻守。后以突厥侵扰，遂退保五原塞。唐初分隶于瀚海、呼延等都督，嗣改隶天德军兼安北都护。辽属云内州，隶西京道。金因之。元改云内为下州，隶大同路。明初为瓦剌所据。清末入关以前，有部长名布尔海，先游牧于呼伦贝尔，后移于此，名所部曰乌拉特。旋分部为三。天聪间，其子孙率属降于清。顺治五年，以军功封图巴为镇国公，掌中旗。封誇班为镇国公，掌前旗。封巴克巴海为辅国公，掌后旗。即赐牧于河套北阴山狼山乌拉山之间。至今三旗子孙仍能各守其业。计前旗驻牧黄

河北岸最近南，約有乌拉山前后各地。中旗在狼山后，当前旗之西北方。后旗在阴山后，当前旗之东北方。三旗疆域率依习惯以天然之山川为界，殊无特设显明之标識，故三旗往往自称为一家云。

重修清一統志：秦置九原郡，后废。汉元朔二年复置，更名五原，后汉因之。汉末郡废，后魏置怀朔镇。唐景龙二年，张仁愿于河外筑三受降城，此为中受降城地。辽置云内州属西京道。金属西京路。元属大同路。明初废，为斡喇所据，是为乌拉特。本朝天聰七年，其台吉鄂木布、色楞、图巴来归。順治五年，封图巴为镇国公，世袭，掌中旗。至嘉庆七年，以喇特那巴拉袭封，凡十世。封鄂木布子諤班为镇国公，世袭，掌前旗。至乾隆五十六年，以巴图鄂齐尔袭封，凡十三世。封色楞子巴克巴海为辅国公，世袭，掌后旗。至乾隆五十三年，以多尔济帕拉穆袭封，凡八世。

蒙古游牧记：元太祖弟哈布图哈萨尔十五世孙布尔海，游牧呼伦贝尔，号所部曰乌拉特三旗。中旗札萨克镇国公，前旗札萨克镇国公，后旗札萨克辅国公，同游牧。布尔海后分所部为三，长子赖噶、孙鄂木布、幼子巴尔赛、孙图巴、曾孙色楞领其众。天聰七年，率属来归。順治五年，叙从征功，以图巴掌中旗，封镇国公。鄂木布子諤班掌前旗，封镇国公。色楞子巴克巴海掌后旗，封辅国公。各授札萨克，世袭罔替。牧地当河套北岸，噶扎尔山之南。东至黄乌尔，南至黄河，西至拜塞墨突，北至伊克尔德阿济尔噶，东南至黄河，西南至黄河，东北至苏朗，西北至塔起勒克图鄂博。三札萨克同驻哈达玛尔，隶乌兰察布盟。

案明之瓦剌，虽亦蒙古种，而与元裔非一族。故明史于鞑靼传后别立瓦剌传，以叙其世次而辨系统。此即本志疆域沿革总论中，纪春秋时赤狄、白狄之异也。惟明初瓦剌部长妥欢太师，尝娶元皇室公主，是以其子也先为元室甥。因尝扶元裔为蒙古汗，此又瓦剌与鞑靼虽非同族而又有其密切之关系在也。今之乌拉特依清一统志所述，似即明之瓦剌，而又转其音为斡喇者。依张氏游牧记所述，则似元太祖弟哈布图哈萨尔之子孙，自名所部曰乌拉特，初与瓦剌无关者。实则两书之文皆得其半，而昧其中，遂致彼此扞格而不克相通耳。考元初太祖世祖之平诸部，每得一地，辄拔其丁壮及百工技艺之人，以编隶于子弟群从诸将校，俾统率之，而成一族。迨从征既久，则昔之选拔而来者，渐成不可离之部曲。厥后主将受封或食邑某方，或赐牧某地，则昔之部曲相随者，遂变为永世隶属之部民矣。于是此部之称号，即往往以所统种族之名以为名。此犹之清季军制，诸将所统兵士，募自湘者则称湘军，募自淮者则称淮军，而诸将官之本籍，不必其果皆湘与淮也。是故自元明清以来，内外蒙古各盟部旗之称号，骤闻之，颇有不似鞑靼族者。然更进而叩其王公贵族之世系，则又十九皆元之苗裔，或其功臣之子孙，鲜有外有斯二者。于是乃知今世各盟旗所谓元裔也者，惟其王公贵族为然耳。至于部民，非特不限于鞑靼族，亦并不限于瓦剌族。不过元代成功时，概以蒙古一语括之，遂使多数部族人民，悉泯然忘其名称所由来，此皆历史简略与夫语言制度之融化驱策有以使然也。由是观之，则游牧记以乌拉特为哈布图哈萨尔之子孙者，就贵族言之，非謬也。一统志以为即

明之瓦剌者，就部民言之，亦非誤也。

### 伊 克 昭 盟

伊克昭者，鄂尔多斯部左右翼七旗共组为盟之总名也。所谓七旗，曰左翼中旗、曰右翼中旗、曰左翼前旗、曰左翼后旗、曰右翼前旗、曰右翼后旗、曰右翼前末旗是也。七旗牧地皆在绥远城西南河境内，南依长城与陕西省分界，东亦隔黄河与山西省分界，北暨东北皆密速省界，与乌拉特与土默特接壤，仍隔河。故七旗全部大势，以险要言，诚可謂三面拒河，一面当关也。惟左右两后旗属地，颇有逾河向西北伸入后套，与乌拉特大牙相錯者。此盖别有事故，非原制如此。（或謂乌拉特嫁女于两后旗，以羊馬为妆奁，因並牧地贈之云。）而东部与南部毗連晋陕处，则有河曲、神木、府谷等县。农民沿套边开垦，渐成村落。于是县政所及，亦往往与东南数旗生連系焉。願此七旗王公，本为同系之子孙。虽划区分牧，各自成旗，然每年必借公祭成吉思汗日，举行全部会盟一二次，既可以研利弊而决庶政，复可以叙尊卑而联族誼。此种典制，行之殆逾三百年，而盟之意义即此可以概见。至其会盟地址，依清制当在右翼后旗界内一大喇嘛寺，蒙語謂大曰伊克，謂喇嘛寺曰昭，因其会所为一大寺，故即称其盟曰伊克昭也。惟七旗近年会盟，皆于夏历三月就成吉思汗陵园行之，不必再至后旗大寺。此或因其偏处西北，与七旗相远近不均，不若陵园之居中而道略欤？但此改易不知始自何时，而今世俗相传，则以为所謂大寺者，即指成吉思汗陵墓言之也，斯

特就近迹揆度耳。全部幅员广袤可二千里。自战国以来，常为西北諸族与历朝交战之地。秦先驱諸戎，以有南部地，因以为上郡北境。嗣更斥逐匈奴以取河南，遂以为新秦中。汉沿之，置朔方郡。其后历朝或得或失，或置或废。或羈縻以居降户，或割据以异梟雄。凡二千余年间，史载筆舉諸大端，已詳省县疆域沿革中，兹固无须刺刺复述也。唯考套境之入于蒙古，自元亡以后，实始于明之天順间。历更数部颯相攻，展转至正德中，有达延汗之子，以右翼济农击破諸部，居之。並令其众子分牧于套境，是为今日伊盟全部鄂尔多斯七旗开创之肇端。但尔时仅称部落，而未定盟旗之号。直逮清初，始各按原部轄地之广狭、統众之多寡，编定大小各旗，而更划定以数旗为一盟。即鄂尔多斯之七旗，亦皆遵此制而勿替者也，兹依次述之如左。

### 左 翼 中 旗

鄂尔多斯左翼中旗，亦称郡王旗。其牧地居河套正中而稍偏东。秦为新秦中之东南境。汉为西河、朔方、上郡三郡接界地。隋唐为胜州轄境。自唐以后，历代史事，皆詳本志古迹故城及省县疆域沿革中。明中叶，蒙古阿勒绰尔与玛古里海等部始入河套，后复有嘉勒斯賚、滿都尔继至。已而和硕特部亦侵入套境。（和硕，明史、游牧记謂之火篩，今改正。）嘉靖中，察罕部长达延汗之孙号车臣汗者，袭右翼济农职。（案此右翼为察罕全部之右翼，統率察罕以西諸部，非鄂尔多斯之右翼。）乃击破和硕，居之，是为鄂尔多斯。有子九人，分牧而处，服属于察罕部。自车臣汗传至其曾孙博硕克图，察

罕林丹汗恶之，夺其济农职。清天聪九年，察罕部灭，博硕克图子额璘臣来归，赐复济农号。顺治六年来朝，封多罗郡王。此即左翼中旗称郡王旗之由来，亦即当初所以为鄂尔多斯七旗领袖之由来也。

重修清一统志：左翼中旗驻套内南近东敖西喜峰，在扎拉谷西一百六十五里，东西距一百十五里，南北距三百二十里，东至絳额尔吉庙左翼前旗界六十五里，西至插汉额尔吉右翼前旗界五十里，南至神木营与边城界二百里，北至喀赖泉右翼后旗界一百二十里，东南至贺岳尔门绰克边城界一百八十五里，西南至额勒苏忒五蓝拖罗海边城界六十里，东北至噶海拖罗海左翼后旗界九十里，西北至喀喇扎喇右翼后旗界九十里。本隋唐胜州地，明嘉靖间为鄂尔多斯所据。本朝天聪九年，其济农额璘臣来归。顺治六年，封为多罗郡王。世掌左翼中旗。

蒙古游牧记：元太祖十六世孙巴尔苏博罗特，达延汗之第三子也。始命为管领右翼三万人济农。长子衮弼里克图墨尔根，明史谓之吉囊，嗣为济农，号车臣可汗。嘉靖中击破火筛居之，是为鄂尔多斯。有子九，分牧而处，服属察哈尔，今鄂尔多斯七扎萨克皆其裔。又曰：左翼中旗本隋唐胜州地，扎萨克多罗郡王游牧。衮弼里克图墨尔根曾孙博硕克图，林丹汗恶之，夺济农号。天聪九年，察哈尔灭，子额璘臣来归，赐复济农号。顺治六年来朝，封多罗郡王，世袭罔替。牧地有纳玛带泊，东至衮额尔吉庙，南至神木营，西至察汗额尔吉，北至喀赖泉，东南至贺岳尔门绰克，西南至额勒苏特乌兰陀罗海，东北至噶该陀罗海，西北至喀喇扎喇。

扎萨克驻鄂錫喜峰。

案一统志之敖西喜峰，即游牧记之鄂錫喜峰也。

### 右 翼 中 旗

鄂尔多斯右翼中旗，亦称鄂托克旗，其牧地居套境偏西而近南，汉为朔方郡南部。其西南界兼跨北地郡之一隅。自晋末赫連氏置统万城，其后历代遂相沿隶夏州。隋唐为丰、夏二州轄境。元和中，又于其地置宥州。今扎萨克为额璘臣族子善丹之子孙。清初善丹受封为扎萨克多罗贝勒，世袭罔替。子索诺木、孙松喇布，两世以功晋封郡王，后仍袭贝勒。旗南三百六十里有苏海阿鲁山。康熙二十二年，扎萨克松喇布以牧地狭，請移苏海阿鲁。遣侍郎阿喇尼勘奏，距定边兴武营边，或五六十里，或百里，非边内可耕地，应允其移牧。自是旗之南境乃与陕北边界相接，而轄地亦视初封时为加长矣。今其子孙犹世守此界焉。

重修清一统志：右翼中旗驻套内正西近南西喇布哩都池，在鄂尔吉虎泊西南二百六十里，东西距三百二十里，南北距四百八十里。东至插汉扎达海泊右翼后旗界七十里，西至插汉托海喀尔喀界二百五十里，南至贺通图山右翼前旗界三百七十里，北至馬阴山右翼后旗界一百十里，东南至庫克拖罗海右翼前旗界一百里，西南至横城口边城三百三十里，东北至鄂蓝拜右翼后旗界一百二十三里，西北至阿尔布斯山喀尔喀界二百二十里。本汉朔方郡南境，隋唐置丰州。元和中移置宥州于此。明嘉靖间，为鄂尔多斯所据。本朝順治初，其台吉从额璘臣来归，封爵，世掌右翼中旗。

蒙古游牧记：右翼中旗，本汉朔方郡南境，隋唐置丰州。元和中移置宥州于此。札萨克多罗贝勒游牧。额璘臣族于善丹崇德六年来朝，顺治七年封札萨克多罗贝勒，世袭罔替。于索诺木、孙松喇布，俱以经理驿站功，晋封多罗郡王。后仍袭贝勒。牧地当腾格里泊，东至察罕札达海泊，南至贺通图山，西至察罕托辉，北至马阴山，东南至库克陀罗海，西南至横城口，东北鄂兰拜，西北至阿尔布坦山。札萨克驻錫喇布里多诺尔。

案右翼中旗牧地，就鄂尔多斯全部论，为最偏西南之一旗。即以绥远全省疆域论，亦最偏西南之一部也。其地南接陕北，而西连宁夏。南界长城，而西临大河。幅员广阔，形势冲要，虽位亚左中，而富庶为七旗之冠。蒙语谓高原或村镇皆曰鄂托克，今右翼中旗占地高亢，扼黄河东下之冲而注之北，则旗名鄂托克盖亦象其地之形胜而称之也。考史记、汉书，皆言匈奴冒顿单于与东胡争甌脱，注者谓甌脱为弃地，实则甌脱即蒙古语之鄂托克，谓高原也。昔成吉思汗临终，遣命葬于大鄂托克，亦即囑于孙葬彼于大高原耳。可知从来蒙地之以鄂托克为名者，殆不一而足矣。至于旗境历代沿革，已详省县及沃野设治局各疆域沿革条，参阅自明。

### 左 翼 前 旗

鄂尔多斯左翼前旗，亦称准格尔旗，其牧地在河套东北，惟南端斜行向东南。游牧记谓东南为左翼前旗者，微误。此旗北与东皆临黄河，并与绥托县、晋河曲县为邻。清初封额璘臣从子色梭为札萨克固山贝子，世袭罔替，是为此

旗之祖。其旗境沿革，汉则南部属西河，北部属云中。隋唐以来，尝为榆林郡胜州属地。逮五代，河套为拓跋氏所据，地遂入于西夏。夏亡乃归于元。

重修清一统志：左翼前旗，驻套内东南札拉谷，在湖滩河朔西一百四十五里。东西距二百四十五里，南北距二百十里，东至湖滩河朔归化城土默特界一百四十五里，西至鮎额尔吉庙左翼中旗界一百里，南至清水营边城界一百十里，北至贺拖罗海左翼后旗界一百里，东南至黑山边城界八十五里，西南至额勒默图边城界一百里，东北至黄河归化城土默特界一百三十里，西北至可退坡左翼后旗界八十里。本古榆林塞，隋置榆林郡。唐属胜州，置河宾县。宋为西夏所据。明初榆林左卫地，天顺后为蒙古各部所据，嘉靖间地属鄂尔多斯。本朝顺治初，其台吉从额璘臣来归，封爵，世掌左翼前旗。

蒙古游牧记：左翼前旗本古榆林塞，隋置榆林郡。唐属胜州，置河宾县。宋为西夏所据。明初榆林左卫地，札萨克固山贝子游牧。额璘臣从子色梭，顺治六年，封札萨克固山贝子，世袭罔替。康熙十五年卒，十六年追叙复神木城功，子衮布喇什晋多罗贝勒。衮布喇什卒，子根都什轄布仍袭贝子。牧地东至湖滩河朔，南至清水营，西至鮎额尔吉庙，北至贺陀罗海，东南至喀喇和硕，西南至额勒默图，东北至黄河，西北至可退坡。札萨克驻札拉谷。

### 左 翼 后 旗

鄂尔多斯左翼后旗，亦称达拉特旗，其牧地居河套正北，临大河。一统志、游牧记谓在东北者，微误。清初封额

璘臣从弟沙克扎为札萨克固山贝子，世袭罔替，是为此旗之祖。其旗境沿革，汉为朔方郡东北部。隋、唐为丰、胜二州连界处。辽尝于黄河南岸置金肃州，后亦淪于夏。

重修清一统志：左翼后旗驻套内东北巴尔哈逊湖，在黄河帽带津西一百四十里。东西距二百八十五里，南北距一百五十里，东至黄河帽带津归化城土默特界一百五十里，西至插汉额尔吉左翼中旗一百三十五里，南至阿禄德勒苏左翼前旗界一百九十里，北至黑水泊乌喇特界二十里，东南至阿禄德勒苏左翼前旗一百九十里，西南至哈西拉克拖罗海左翼中旗界一百四十里，东北至台石额勒苏归化城土默特界八十五里，西北至绰和尔末里图乌拉特界三百七十五里。本汉沙南县地，隋唐胜州榆林郡所治。明嘉靖间为鄂尔多斯所据。本朝顺治初，其台吉从额璘臣来归，封爵，世掌左翼后旗。

蒙古游牧记：左翼后旗本汉沙南县地，隋唐胜州榆林郡治，札萨克固山贝子游牧。额璘臣从弟沙克扎，崇德六年来朝。顺治七年封札萨克固山贝子，世袭罔替。牧地东至黄河帽带津，南至贺陀罗海，西至察罕额尔吉，北至黑水泊，东南至阿鲁得勒苏，西南至哈锡拉克陀罗海，东北至台硕额勒苏，西北至绰和尔末里图。札萨克驻巴尔哈逊湖。

案汉沙南县故地，依水经注所述河流次序稽之，在沙陵之南、栢陵之西。黄河右岸，即黄河东流南曲处，此正今左翼前旗地也。游牧记沿一统志旧说，識于后旗界，未免稍与汉代郡县地望不符。揆二书致誤之由，虽不敢武断著者于纂书时不考輿图，然核其所记左翼前后旗驻套方望，则确有似乎重师心而昧实况者。大抵著者之意，以为全部既号两翼，势

当就套境中分，而以东半为左翼。左翼既有中前后三旗，则前旗在南，后旗在北，而以中旗位于中。若更合右翼而就全套计之，岂非左翼前旗在东南，而后旗在东北乎？殊不知此就方隅理想推之则然耳，实际情况固未必如是也。乃二书竟依此意，置后旗于东北，而置沙南于后旗，谓其不考舆图。岂苛论哉！盖左翼后旗牧地适居位套境之正北边，东接左翼前旗，而西接右翼后旗。以汉制论，当为朔方郡之东部，而位于五原郡中部之南。其界内应得朔方郡之渠搜及五原郡之河阴两县地。至于沙南则别隶云中郡，其故地应紧附于套境东北，黄河东流南曲之岸湾内。此以古地论，与五原、朔方无涉。以今地论，亦与左翼后旗无涉也。惟昔之志地諸书，即一统志、游牧记以外，亦往往多以左翼后旗置东北，而引用旧说者，遂皆姑沿其谬而莫能改。此殆学者积非成是之习，有以致然欤？今于旧说之后，略辩数语，以俟后之学者益求其是，而更詳考焉。

### 右 翼 前 旗

鄂尔多斯右翼前旗，亦称为乌审旗。其牧地居河套中部稍东而近南，盖名称虽曰前旗，而占地却在右翼中旗之东。再东即与左翼中旗及右翼前末旗毗连，南接陕北长城界。清初封额璘臣从子额琳沁为札萨克固山贝子，世袭罔替，是为此旗之祖。其旗境沿革，汉时北部属朔方，南部属上郡。隋唐以来，南部为夏州东境，北部为胜州西南境。然唐之中叶，尝析胜州之西南地置麟州，则旗之北部，或曾随时制改隶麟州也。唐末拓跋思恭以定难军节度使据有夏、

绥、銀、宥等州，是先得套境西南之大部，而后取其全境。自是至于元初，遂历为拓跋夏所独据云。

重修清一统志：右翼前旗驻套内巴哈池，在敖西喜峰西九十里。东西距一百八十里，南北距二百七十里，东至插汉额尔吉左翼中旗界五十里，西至摩多图插汉泊右翼中旗界一百三十里，南至榆林卫边城界二百三十里，北至五蓝俄博右翼后旗界四十里，东南至插汉俄博边城界二百里，西南至芥喀图虎喇虎边城界三百里，东北至哈达图泊左翼后旗界三十里，西北至插汉札达海右翼中旗界六十五里。隋唐夏、陞二州地。明初榆林右卫地，后为鄂尔多斯所据。本朝顺治初，其台吉从额璘臣来归，封爵，世掌右翼前旗。

蒙古游牧记：右翼前旗，隋唐夏、陞二州地。札萨克固山贝子游牧。额璘臣从子额琳沁顺治六年封札萨克固山贝子，世袭罔替。牧地东至察罕额尔吉，南至榆林卫，西至摩多图察罕泊，东南至察罕鄂博。西南至芥喀图瑚拉琥，东北至哈达图泊。西北至察汗札达海。札萨克驻巴哈诺尔。

案游牧记据清一统志所考，谓汉奢延县故城，在右翼前旗西南界。遂依原文，注于旗界西南至介喀图瑚拉琥句下。盖奢延本汉上郡属邑，今旗南部固兼得汉上郡地，则奢延之在旗界，实可无疑。惟与同条下，又引元和志以唐之新旧两宥州及灵州以南之鲁、丽、含、塞、依、契等六胡州，亦并以入注，一若上述诸州，皆在今右翼前旗界内者。殊不知今旗南部位于夏州之东，而唐新宥州，则在夏州西北三百余里处，又在旧宥州之东北三百里。据此推之，则夏州已在旗地之西，而旧宥州又在夏州之西。此两州居中之正北三百里，乃

为新宥州。顾此三州故地，依套境形势测之，皆在右翼中旗界。因右翼中旗位居全套之西南，又为伊盟牧地最广之一旗，故唐代套境西南诸州，实多括于此旗疆域之内。张氏以夏、宥二州在套境之西南，而遂置于右翼前旗之西南界，与汉上郡奢延县相续成文，此诚不免稍疏耳。至于鲁、丽、合、塞、依、契等六州，更在右翼中旗之西南，与前旗固渺不相涉也。依元和志，灵州在新宥州西南六百五十里，而此六州则又置于灵州之南界。由是揆之，可知六州故地，不特与前旗牧地无关，即就中旗形势论，亦仅在其西南，而不在其界内也。

### 右 翼 后 旗

鄂尔多斯右翼后旗，亦称杭锦旗，其牧地居河套西北部。西北两面皆临大河，东接左翼后旗，南及东南则接右翼中旗与前旗界。其古代沿革，固纯然为汉朔方郡故地也。隋唐置丰州，亦尝标九原、五原之号。五代以后，久为拓跋夏所踞。元初蒙古取之。清初先封额璘臣从子小札木素为札萨克镇国公。传至其孙都梭，于康熙三十七年叙从征噶尔丹督护粮运功，晋固山贝子，仍世袭罔替，是为此旗之祖。

重修清一统志：右翼后旗，驻套内西北鄂尔吉虎泊，在巴尔哈孙泊西一百七十里，东西距一百八十里，南北距一百六十里，东至兔毛河左翼后旗界四十里，南至喀喇扎喇克左翼中旗界一百四十里，西至马阴山右翼中旗界一百四十里，北至色特勒黑冒顿、乌拉特界二十里，东南至巴彦泉左翼后旗界一百五十里，西南至达尔巴哈冈右翼中旗界一百五十里，东

北至拜塞冒頓、烏拉特界四十里，西北至哈祿爾博羅、烏拉特界一百八十里。漢朔方郡地。隋唐為丰州、九原郡治所。明嘉靖間為鄂爾多斯所據。本朝順治初，其台吉從額璘臣來歸，封爵，世掌右翼后旗。

蒙古游牧記：右翼后旗，漢朔方郡地。隋唐為丰州九原郡治，札薩克固山貝子游牧。額璘臣從子小札木素，順治六年，大札木素叛，小札木素不附逆。詔封札薩克鎮國公，世襲罔替。孫都核，康熙三十七年叙從征噶爾丹督護糧運功，晉固山貝子。牧地東自兔毛河至喀喇扎喇克，西至噶札爾山，北至塞特勒赫墨突，東南至巴彥泉，西南至達爾巴哈岡，東北至拜塞冒頓，西北至哈洛爾博羅。札薩克駐鄂爾吉虎諾爾。

案右翼后旗牧地，皆在漢朔方郡轄境內，較他旗之兼跨數郡邊界者微異。故其沿革亦較他旗牧地為特簡。計其界內，朔方郡屬縣之可稽者，依水經注，有臨戎、廣牧、朔方等三縣，此沿黃河南岸自西向東駢列之漢縣形勢也。至于黃河北岸今臨河縣境，亦尚有后旗牧地一小部，而漢朔方郡臨河縣亦在河北。是后旗兼括古臨河故地，惟三封、靈澤、沃野三縣，皆在套境西北黃河外，其故地當屬今阿拉善部，殆与后旗无涉也。自漢以后，仅隋唐于旗境置丰州，五代以下殊少建置。而汉唐史迹，俱詳省县疆域沿革，兹固无须更贅矣。

### 右 翼 前 末 旗

鄂爾多斯右翼前末旗，亦称札薩克旗，其牧地介于左翼中旗与右翼前旗之間。盖鄂爾多斯全部最初只有左翼中、

前、后与右翼中、前、后之六旗，为明中叶以来济农衮弼哩克图墨尔根号车臣可汗者，諸子所传衍。逮清順治中，有乌巴什者，为額璘臣从曾孙，定咱喇什之曾祖，以不附叛逆，始受封为二等台吉。其后相传，屡以功晋为一等台吉。至乾隆初，乃以族繁，别增一旗。其立旗在后，故牧地亦最狭，且未受王、公、贝勒、贝子封爵，仅以兼掌札萨克印，是以人皆称之为札萨克旗焉。其沿革当为汉上郡之北部，晋隶前、后秦，嗣为赫連夏畿内地。北魏隶统万镇，后为夏州东部轄境。唐为銀州边地，五代以后入于拓跋夏。自元历明迄于清，迭为蒙古所据，其史迹与其他六旗略同云。

重修清一统志：添设一旗，游牧六旗界内。定咱拉什本鄂尔多斯三等台吉，以击败准噶尔功，雍正九年授札萨克一等台吉，世袭掌旗。

蒙古游牧记：右翼前末旗，札萨克一等台吉游牧。額璘臣从曾孙定咱什喇曾祖乌巴什，号都噶尔岱青。順治六年，以不从大札木素叛，授二等台吉。康熙十四年从大軍剿平花馬池、定边城諸贼，晋一等台吉，寻卒。子索诺木多尔济，孙桑忠多尔济，皆袭三等台吉。定咱喇什即桑忠多尔济长子，雍正九年，叙屡次从征斩馘功，晋一等台吉。乾隆元年，議旗属繁，增旗一，授札萨克。四十九年，诏世袭罔替，所部七旗同牧，自为一盟，曰伊克昭。貢道由杀虎口。

案右翼前末旗受封之始祖乌巴什，本鄂尔多斯全部领袖济农額璘臣之族弟，原不在六旗札萨克正传系统之内。且当其受封时，六旗牧界早经分划，无隙地可给。故一统志謂其游牧六旗界内者，此指其最初情况言之也。逮乾隆初，借口

族繁，請別立一旗時，實以前此無界之游牧，每為六旗官民所不愜。而烏氏之孫亦以生齒日眾，其屬地又往往為他旗排擠，不能得水草肥沃之地，以資駐牧。故其汲汲于請求增旗者，其本意固側重于請求分地也。嗣清廷鑒其處境之難，又以此旗與右翼前旗為近枝，爰編諸右翼，而以前末名其旗。并令六旗合析邊地一段與之，俾得自立，以世其家。而六旗中有與壤地隔絕，如左前、右中等旗，即不能遙為析贈，則不得不以愿析之地先贈于介居之旗。更由介居者增析一倍，以附益于新設之旗。至今左翼中旗界內，猶有左翼前旗補給之地。右翼前旗界內，亦有右翼中旗補給之地，其人民皆能歷歷言之。然則新旗地獨較狹于同部六旗者，亦其時勢使然耳。

### 土默特特別旗

土默特特別旗，亦稱歸化城土默特。因東蒙卓索圖盟有自此間析出之部眾，別自成旗，亦稱土默特，故此冠歸化城以別之。考歸化城土默特，自前明中葉創立部號以來，即此城為其部長駐治之地。城始由諳達建于嘉靖間，而明史則記在隆慶中，此蓋以其通款受爵之年計之也。史謂此城曰板升，清一統志改作拜牲，皆譯言庭屋。而蒙人自稱則謂之庫克哈騰，譯言青城，至今猶然。且土默特原制，本為一部二旗，分左右翼。今人見其左右翼并歸一長官統轄，遂習焉不察，以為是一旗而分兩翼。殊不知中國北部，內外蒙古各盟旗中，但有一翼分為數旗者，斷无一旗而分兩翼者。此蓋盟部大于翼，而翼常大于旗之定制也。觀于清代編定官書，如

一统志及理藩则例諸典籍，莫不明著归化城土默特左右翼共二旗之条文。此足证土默特于开创之初，其规模制度，固已与其他隶盟諸旗迥然不同矣。按蒙古自成吉思汗一系勃兴漠北以来，虽尝统一諸部族，但仍多用各地族原名，而未尝别立盟旗之号。惟于各部族之人口壮丁，则悉以兵法部勒之，而编为左右翼。近世中西史家紀述元初兵制，往往有所謂左手軍、右手軍之称，此皆未习蒙文惯例者，不解以手代翼之意。故于转譯时，直以左翼为左手，右翼为右手。缘蒙語左翼曰郡格尔，今多譯作准格尔，右翼曰巴楞格尔。若直譯之，则应为东手、西手。然字虽吻合，而語实不典。故明其意义者，仍皆譯为左右翼也。此为元初以部族原名分翼之证。其后成吉思汗之孙悉遵此制，未敢或改。观明史鞑靼传，于蒙古各系只称部落，而蒙古源流于达延汗所属有左右翼济农，则知蒙古明代犹沿斯制。泊乎滿洲族以八旗起建州，先略定内蒙諸部，于是就諸部土地之广狭，人口之众寡，頒以清制，而为之编旗。复参以元制而为之分翼，又就各旗之壤地相接者，或合数旗十数旗，分两翼为一盟，如伊克昭盟之类是；或分二旗为两翼而各隶于一盟，如喀尔喀左翼旗隶昭乌达盟、右翼旗隶乌兰察布盟之类是；或合数旗十数旗分两翼为二盟，如青海左翼盟、右翼盟之类是；或分二旗为两翼，而不隶于盟，如归化城土默特之类是。凡不隶于盟之蒙古部，皆謂之特别旗。归化城土默特以外，在东北者有伊克明安旗，在西北有阿拉善旗，皆其例也。惟伊、阿皆一旗，故不分翼。而翼与盟旗，则固参合元、清两朝规模而成之近代蒙古制度也。至于特别旗之由来，大略言之，不外

三端。或以处境僻远，不能加入山河阻隔之別盟。或以前世地位尊贵，部落强盛，清廷不欲令与他旗联合。或以设旗稍晚，已在各盟划分之后，不便多所紛更。凡如此者，皆令特立自治，而沿为特别旗。如伊克明安属于前一端，阿拉善属于后一端，独归化城土默特順义王諠达旧部改旗制，实符于上述之中一端。当明宏治中，蒙古各部共立小王子近支为达延可汗，驻治察汗，为鞑靼共主。（察罕，旧籍亦作插汉，即今之察哈尔，是为达延汗本部之名。清一统志謂达延汗既立，仍服属于察哈尔者，考之未核也。）达延汗乃分东西各部为左右翼，并以第三子巴尔苏博罗特为右翼济农。巴尔苏博罗特死，其长子衮弼哩克图墨尔根袭济农号，专管河套各地。其次子諠达别管河套以东阴山前后各地，即今土默特与乌盟一带也。彼时衮弼哩克图墨尔根称车臣汗，而諠达则称阿勒腾汗。此为巴尔苏博罗特之二子分管察罕部右翼全境之始。其后衮弼哩克图墨尔根生九子，除以第六，第七两子远封于左翼，今东蒙之浩齐特、科尔沁等处外，其余七子均分牧于河套内。而諠达则以统部既广，享年又永，比其晚岁则河套諸部领袖皆其兄子，故彼能指挥号令之。明史载諠达对宣大总督王崇古使者言：朝廷若能封我为王，我能戒諸部勿任侵边。诚以諠达尔时年尊羣长，强盛冠于諸部，用敢不顾异議，毅然以保边自任。虽至明末，子孙渐弱。然稍后由呼伦贝尔及喀尔喀徙来各部，犹借其山后轄地，俾资驻牧，并伺受諠达子孙之約束。今乌盟喀尔喀右翼旗西北近漠处，有小山，其峭峻之石壁上，犹留人工刻成之野羊形迹，是为土默特当年与漠北蒙部分界之标識，亦即今乌盟各旗最初借地

于土默特之遺証也。且烏盟各旗會盟之地，曰烏蘭察布，其地址至今猶在土默特轄境內。此因當時諳達以順義王爵傳于后，故其子孫世世為陰山前後諸部長，而山后諸部亦遂不得不趨前來集于王之屬境耳。迨清兵既滅察罕而定西蒙，諳達裔孫以被逐削爵。于是改全部兩翼為二旗，而以左右翼世襲兩都統分領之，是為清初土默特特別旗改制之始。蓋彼時清廷既不欲令土默特仍長諸部而居統制之階，亦不肯蔑其地位而使受他部之命。擇于二者之間，爰成特立之制。意彼時清廷于此，殆亦頗費斟酌歟！至于土默特自明以來之歷史事迹，已依類詳著于民族、宗教、人物各門，無待復述。其牧地幅員最初本極廣袤，計南至邊牆，北連瀚海，東接察罕，西抵狼山。迨明末北境各地，既為他部借牧，勢難收回。而清初封建烏盟，遂即劃分各旗固有之地。今土默特所轄者計為河套以東及陰山以北之一大部。界內共設七縣，即歸、薩、包、武、托、和、清等七邑也。其疆域沿革亦與七縣略同，惟旗邊之一二縣轄地，間有跨入他旗界內者。茲就土默特兩翼所屬撮要紀之，庶便與省縣沿革相比而觀焉。

### 土 默 特 左 翼

自歸化城(今歸綏縣)以南，歷和林、清水河至晉北邊牆，又自城東至察哈爾鑲藍旗界。又自城北歷山后武川，與烏盟四子王部、喀爾喀右翼、茂明安、烏喇特東公等四旗接界，是為土默特左翼管轄地。當戰國以前，林胡、匈奴共居之。自趙武靈王循陰山築長城，于是山南為趙界屬云中，山北為秦外屬匈奴。而趙所置原陽驕邑，則在今城東南，別立定襄

郡。而土默特左翼遂兼跨云中、定襄二郡属地之各一部，大抵至今和林县北界以南，至边墙，又东缘归绥县之东南边至镶蓝旗西界，为定襄郡之成乐、进武、定襄、桐过四县与夫骆之北部、武皋之西部各一隅。又自今之归绥县南界直北至阴山以东，为云中郡之北舆、武皋、原阳三县与夫阳寿之东半壁，自阴山以北，则仍为匈奴地。计汉定襄郡属县十二，其在土默特左翼界者，凡四县有余。云中郡属县十一，其在左翼界者，凡三县有半。合而观之，即阴山以南，约可当汉制八县幅员也。北魏初兴，先据汉定襄故地。其首都盛乐，仍沿成乐之旧。后置云州、朔州。隋于稍南置紫河镇。唐置振武军单于大都护府。辽于稍北置丰州天德军，辖富民、振武等县，隶西京道。金因之。元改丰为下州，隶大同路。又于阴山甸城以北，置沙井总管府。明初置玉林、云川等卫，后入于蒙古。清置归化、和林格尔、清水河、武川四厅。民国以来改为县。此皆土默特左翼辖境内自汉迄今之建置沿革大略也。

### 土 默 特 右 翼

自归化城以西，阴山以南，黄河以北，历托克托、萨拉齐二县辖境，至包头县城西门外五里鄂博，与乌拉特后旗接壤。又沿河岸与鄂尔多斯左翼前、后二旗分界，是为土默特右旗管辖地。当战国以前，亦林胡、匈奴居之。自赵武灵王攘地至高阙后，遂为云中、九原属境。秦置边郡，仍用旧名。汉惟改九原为五原，而置县渐繁。今之归绥西部及萨托二县，为云中郡之云中、沙陵、桢陵、咸阳、犢和等五县及阳寿之西半壁。又西至今包头县城西门外之大鄂博，为汉五

原郡之固阳一县。计汉云中、五原二郡属县，其在土默特右翼界者、共约六县有半也。后汉建武中，南匈奴右莫庭日逐王降汉，保光禄、五原、固阳诸塞以南。自是至于汉末，沿边郡县日就湮废。迨晋五胡乱起，苻秦尝击败匈奴刘氏、鲜卑拓跋氏，而略得汉五原、云中之地。苻氏败后，鲜卑复兴，亦击败匈奴刘卫辰、直力鞬父子，而收云中西部及五原故地。隋为突厥所踞。唐置中、东西受降城，以东部隶振武军单于大都护府，以西部隶天德军安北大都护府。唐末置云中守捉使于今萨县境。辽以东部属东胜州，以西部属云内州。金因之。元降东胜、云内为下州，并隶大同路。明初置东胜五卫，有一二卫在右翼界，（案明初设卫处有地名什报齐者，疑即今归绥城西之什报齐村也。）后悉入于蒙古。清置托克托、萨拉齐二厅。民国以来改为县，并增置包头一邑。此皆土默特右翼辖境内自汉迄今之建置沿革大略也。

重修清一统志：归化城土默特左右翼二旗，俱驻归化城，在杀虎口北二百里。东西距四百零三里，南北距三百七十里，汉定襄、云中二郡地。后汉属云中郡。后魏初建都于此，号盛乐城。后置云州，领盛乐、云中等郡。隋复定襄郡。唐置单于大都护府。五代后唐时入辽，置丰州天德军，属西京道。元属大同路。明宣德初，筑玉林、云川等城，设兵戍守，后为蒙古所据。嘉靖间谿达驻牧丰州滩，筑城架屋以居，谓之拜住，是为西土默特。隆庆间，封谿达为顺义王，名其城曰归化。本朝天聪六年，太宗文皇帝亲征察哈尔，驻蹕归化城。土默特部落悉降。九年大军灭察哈尔，命贝勒岳脱驻守归化城。格格汗之

孙俄木布乳母之夫曰茂罕，潜与阿禄哈尔噶通，伪称俄木布为西土根汗，謀叛。事觉，誅茂罕，执俄木布以还。崇德九年，其酋古禄格、杭高、托博克来朝，命偕俄木布返。并还其世所守顺义王印，编为二旗。以古禄格为左翼都统，杭高为右翼都统。寻杭高子巴桑以罪削职。順治四年，授托博克为右翼都统，并世袭，设佐领协领等员，皆驻城中。康熙三十五年，圣祖仁皇帝自白塔驻蹕于此，其官制并同内地。雍正元年，增设同知等官。乾隆四年，于归化城之东北筑绥远城，移镇守将军驻札城中。二十八年，以两翼旗都统事务改归将军管轄。二十九年，分设清水河、萨拉齐、和林格尔、托克托城通判，与归化、绥远二同知共属归绥道，隶山西省。其土默特编分旗地如故。又有辅国公一，乾隆二十一年封，世袭。貢道由杀虎口。

案清一统志载俄木布被执得释，并还其世所守顺义王印，一若俄木布已因还印而复爵者。然未称又有辅国公一，乾隆二十一年封。又似于王爵之外，复增一辅国公者然。实则俄木布世守之印，虽蒙赐还，而世袭之王爵，迄未得复，但免罪废为庶人，在当时固謂已邀宽典矣。康熙三十五年，清帝征噶尔丹，驻蹕归化城。俄木布之孀携孤子叩行在鸣冤，帝許子班师时为案治之。先赏其子一台吉，以示恩慰而已。盖俄木布之失爵，实被诬而非其罪。先是土默特部既降清，而明尚未亡。适有部人杭皋与古禄克者，欲陷其主，以媚清将而希宠荣。乃伪为密函使俄木布乳母之夫茂罕，间道至明边投阿禄哈尔噶，求转达于明廷。茂罕甫行，而杭皋等即赴清驻军贝勒岳脱营告密，追茂罕还杀之。而俄木布亦坐是被

囚革。杭、古二人得以功擢世袭左右翼部统。彼婚孤讼冤，其哀情固指此也。其后清帝返驾，不复经故道，于是班师案治之约，遂因旷日而顿寝。自是俄木布之子孙，只能以闲散台吉，守其山后私业，而不复有昭雪问政之望矣。乾隆中，外蒙青滚杂布作乱，为清军击溃，脱走。清廷悬赏购之。时俄木布裔孙有名喇嘛扎布者，袭台吉职，素与青滚杂布善，青滚往投之，遂被擒。既而奉旨将献俘于京师，不虞青滚中途仰药死，朝议以喇嘛疏忽，薄其赏，仅赐辅国公。虽予世袭，而仍不得预旗政。盖是时旗政归都统管轄已逾百年，清廷以至旗众，俱不欲多所纷更耳。一统志谓又有辅国公一云者，非顺义一系之外，别有一辅国公。实俄木布失爵后，又数代而始得一闲散公爵之谓也。至于土默特名称之由来，或谓土默者，图孟之转音，蒙古语万数之意。因当初以万人成部，故称之为图孟特也。（明史土蛮，即万众之意。）或谓土默特者，惕面之转音，蒙古语骆驼之意。因当初编幅重队为部，而幅重之运输皆用骆驼，故称之为曰惕面特也。或又称土默特者，吐柏塔之转音。而吐柏塔为自唐以来之西北部落，递传至明，遂又讹转为土默特。凡此三说，或出于凿空妄度，或出于望文生义。合而观之，皆无当于析疑辩惑、探本穷源之谬论耳。夫明史虽有土蛮称部之文，但原指察罕部之小王子，非指顺义王也。次如惕面名部，尤属不经，无待深考。而吐柏塔之在中国西北部，自古虽有此称，然彼为吐蕃族之羌人，非匈奴族之鞑靼也。盖吐柏塔为藏族甚古之别名，故古人截其第一字以吐蕃呼之。至今蒙语仍称之为曰突不达，惟藏人不喜闻此称。是以蒙人互语突不达，若对藏人则

稱以湯谷達，(即文言常用唐古特也。)豈可摭拾古今藏族之總名，而謬指為蒙古部落創始之號哉？考成吉思汗之初起，其所并尼倫附近諸部中，有名禿馬惕者，(見多桑蒙古史)牧地在貝加爾湖東北。歸元以後，部眾隨大軍遠征，遂輾轉駐牧于漠南。意元亡或嘗服屬於永謝布台吉。(或作太師)台吉敗走，遂為達延汗所遣右翼濟農屬部。而順義王諳達，本第一世濟農子，第二世濟農弟。則其接統永謝布遺眾，而稱禿馬惕為土默特，實極可信耳。(今土默特蒙眾姓云碩布者逾半數，即永謝部舊部之鐵證。)

### 察 哈 爾 右 翼 四 旗

察哈爾本蒙古語，漢譯為邊界之意。自遼金以來，皆于國境之北界掘濠塹，築邊牆，以為漠南、漠北鴻溝之限。而遼金兩朝且皆擇近北部落之忠誠強悍者，優其禮祿，寄以心腹，俾長司偵候，專任守邊之責。如元初成吉思汗伐金擊敗之塔塔部、汪古部，皆當時守邊之尤著者也。故自元迄今，蒙古各部皆稱此塞北近邊一帶察哈爾。迨明之中葉，元裔達延可汗統制鞑靼部，自號土蠻，駐治察罕，以為居中集權之地。是以明史及諸載籍，記述當時蒙古各部落，率言服屬於察罕部。實則達延可汗所創之察罕部，本為爾時各部鞑靼所公認之共主所在地。擬諸中國，猶之乎古代所謂京兆三輔、直隸畿甸也。察罕或作插汗，皆前代簡語。若蒙語全稱則應作恰哈勒，蒙文則又應譯作甲哈勒，今譯為察哈爾。蓋以喀爾喀語音為準焉。惟此地自達延汗特標此名，厥後子孫相傳，皆沿而不改。至其末世裔孫立格登可

汗，即清史所謂林丹汗，挑衅于滿洲，致被伐亡国，走死青海大草滩。于是察哈尔前段建立部号之史迹，亦随可汗之败灭而告終。洎清初重编察哈尔八旗，虽仍沿用旧号，然其间已非尽属林丹遗众。盖已有喀尔喀、厄鲁特等降部参入矣。且察哈尔旗制之编成，非特与隶盟各旗不同，即与特别旗如土默特、阿拉善等部亦大异其趣。良以蒙古各旗，只有左、右、前、后之分，从无紅、黄、蓝、白之别。其凡以四色分旗者，皆依滿洲八旗定制为法也。考前清滿洲八旗中，虽京师及各省驻防軍亦无不有蒙古旗在内，顾其所异于蒙疆諸旗者，厥惟此紅、黄、蓝、白之称号耳。今察哈尔既分八旗，又标四色，其规模制度，殆全与滿洲相同。若就前清典例论，则察哈尔固隶于滿籍之蒙古旗也。顷年以来，右翼四旗已析隶绥省管轄。

兹择其疆域沿革之较著者，述之如左。

### 右翼正黄旗

察哈尔正黄旗，右翼四旗中最东之一旗也。战国以前，本代子国之西北边地。襄子灭代，地遂入于赵。其后武灵王筑长城，东起自代，傍阴山，（傍，史记作并。注：并讀如傍。）西至高阙。今正黄旗南境諸山，当为长城所经处。汉初尝以雁、代五十余县置代国，今旗南部亦当在代国界内。嗣复称代郡，置且如、延陵等县。北魏置六镇，以地隶柔元。金置抚州宁威县。元立兴和路，领威宁县如故。明为天成卫边外地，即蒙古察罕部所踞也。清编察哈尔八旗，遂为右翼正黄旗驻牧之地。民国因之，至今仍用旧称云。

**重修清一统志：**正黄旗察哈尔，驻木孙忒克山，在张家口西北三百二十里，汉置且如县，属代郡。后汉省。后魏置柔元镇。金为抚州威宁县地。明为天成卫边外。本朝为正黄旗察哈尔驻牧。

案汉代郡所属延陵、且如等县，皆在旗境东南部。金元威宁县，则在旗境西南部。北魏有所谓长川城，则居中而介于二者之间。其柔元镇则又在长川之东，汉县之稍北。总之历代建置，大率皆位于旗境之南半部也。至于旗属北部，本为荒寒僻远之区，地既近漠，建置自稀。非特战国秦汉之世号称徼外，即北魏辽金元以北族建国者，亦尚未能远逾于六镇及抚州之北。虽元之兴和路所领四县，亦俱偏南而近边，其于北部殆未能有加于前此诸朝。则旗属北境之无可逃，亦其地势使然也。

### 右翼正红旗

察哈尔正红旗，右翼四旗中自东迤西之第二旗也。战国至秦，并匈奴居之。汉置雁门郡，以为徼外地。北魏隶抚冥镇。金之抚州，盖犹沿魏镇旧名，领威宁、集宁等县。元初改兴和路，仍领故县。后升集宁为下路，别设总管，领一县，仍称集宁。今绥东之集宁县，则又沿金元县名以为名也。明入于蒙古，号察罕部。清编察哈尔八旗，遂为右翼正红旗牧地。民国因之，迄今未改。

**重修清一统志：**正红旗察哈尔驻古尔板拖罗海山，在张家口西北三百七十里，汉雁门郡北境，明大同府边外，本朝为正红旗察哈尔驻牧。

## 右翼鑲紅旗

察哈尔鑲紅旗，右翼四旗中自西迤东之第二旗也。汉以前为匈奴地，汉置雁门郡以北境。北魏隶抚冥镇，界内有九十九泉，为北魏諸帝常幸之区。北行可通石漠，亦当时出兵要道。辽为丰州东界，（辽志：丰州有九十九泉。）隶西京路。元属集宁，为独立下路。明入于蒙古，号察罕部。清编察哈尔八旗，遂为右翼鑲紅旗牧地。民国沿而未改。

重修清一统志：鑲紅旗察哈尔，驻布林泉。在张家口西北四百二十里。汉雁门郡北境。明大同府边外。本朝为鑲紅旗察哈尔驻牧。

案布林泉譯为温泉，至今此迹犹存。土人筑室于旁，并以砖石甃护之。此方居民患疥癬末疾者，常往就浴。唐诗所咏暖川，在绥西乌拉特境内。蒙語亦謂之布林泉，（蒙語謂泉曰布洛克）此东西两泉，遥遥相对。其于沿革建置并称寥落之蒙疆，不可謂非饒有別趣之名迹云。

## 右翼鑲藍旗

察哈尔鑲藍旗，右翼四旗中自西迤东之第一旗也。汉以前为匈奴地。汉置雁门、定襄二郡，南置沃阳县隶雁门，北置武要隶定襄。北魏置凉城郡，领参合县，在今旗境之中南部。辽以北部为丰州东境。以南部为德州宣德县。隶西京道。金改置宣德为宣宁，隶西京路。元降丰为下州，隶大同路。明入于蒙古，为察罕部之最西界。清编察哈尔八旗，遂为右翼鑲藍旗牧地。民国沿而未改。

重修清一统志：镶蓝旗察哈尔驻阿巴汉喇山，在杀虎口东北九十里，汉雁门郡沃阳县地，后魏梁城郡参合县地，明大同府西北边外，本朝为镶蓝旗察哈尔驻牧。

案察哈尔虽仍沿明达延可汗所创之旧名，并居旧地。清初编旗，虽亦仍有达延可汗裔孙立格登汗之旧部，然既杂以喀尔喀与厄鲁特等众，又依满洲制，标以红、黄、蓝、白等名。（右翼无白旗。）故其旗制不设札萨克及王公世爵，而前代世系亦遂因以湮没不可考，此亦察哈尔历史之一憾也。盖自达延至立格登为六世，自立格登子孔果尔额哲降清，又传至布尔呢兄弟，以谋乱被徙后，其子孙遂不可问。今之察哈尔，固不知孰为嫡嗣矣。

——摘自铅印本《绥远通志稿·卷一·下》

〔标点说明〕以上所引《绥远通志稿》系铅印圈点本。为便于阅读，我们重新作了标点。但对于人名、地名、书名及引文，则姑仍其旧，均未标出。同时，原文有小字夹注，今亦一并以括注代之，至于明显讹字，则径予更正。请读者阅读时注意。

（王志毅选录 明湖标点）

## 《蒙古鉴》选录

### 第三卷实业

#### 甲、农商

(一)盐池。蒙古产盐区域最多，约而言之，计有二处：(一)在乌珠穆沁旗地方，凝结成块，随采随结。闻在地售卖盐斤者，皆为王府中人，出量甚富，多运销东三省京津一带，谓之蒙盐。(二)在伊克昭盟之西，阿拉善旗吉兰泰地方，产盐最富。色泽纯洁，多运销归、包、宁夏一带，谓之吉盐。兹将蒙古两旗收买蒙盐合同及续租吉盐合同，暨南满铁道运盐取缔章程，附录如左，以资参考。

[附]收买蒙盐合同(盐务署与西乌珠穆沁、东浩济特两王府订立收买蒙盐合同。民国五年订，以十年为限。)

第一条 蒙盐出诺，均归口北蒙盐各分局及领有蒙盐局所发采盐执照之各盐坊收买，不得散卖他商。如蒙古人自运食盐，不在此例。

第二条 蒙盐出诺，由西乌珠穆沁、东浩齐特两王府通告蒙众。所有蒙盐运到察哈尔热河地面者，须投蒙盐各分局及领有蒙盐局采盐执照之各盐坊分别售卖。其盐价查照第三条定价，到地发给。惟立盐车驮，特许蒙人到诺拉运，汉人车驮不得到诺拉运。蒙人拉出诺后，亦不得半途与汉人车驮直接散卖。

第三条 收盐地点及盐价(一)经棚好盐，每百斤原价五钱，今加二钱，每百斤盐价七钱。(二)多伦好盐，每百斤原价一两，今加二钱，每百斤盐价一两二钱。(三)岔道

子好盐，每百斤盐价八錢。（四）林西好盐，每百斤盐价六錢。（五）巴彦们都好盐，每百斤盐价八錢。（六）达木诺尔好盐，每百斤盐价一两四錢。

第四条 盐秤以盐务署所定每斤十六两八錢之秤为准。由盐务署发给东西两旗各一杆，以示标准。

第五条 收盐价銀，照各处地面通用之銀给付。如用銀元，应照市价合算。

第六条 应给拉盐车人褚連布、高粱蓆及食物等项。盐车由該地收盐局所，或领有蒙盐局所采盐执照之各盐坊照章发给。

第七条 蒙人拉盐牛车，均由收买蒙盐之蒙盐分局，及领有采盐执照之盐坊，雇人代为牧放。如有遺失，照数赔给。

第八条 蒙盐局已设分局地方，准由东西两旗王府，会同合派妥实蒙官一员，分驻盐視數称。每月薪水銀元十六元，食用銀元十元，由蒙盐总局飭各分局照给。

第九条 蒙盐出诺，蒙众如有违章散卖他人，经蒙盐各局查出，确系何旗蒙众，或被商人告发，即交該管地方官提案罰办。

第十条 合同訂后，东、西两旗王府即通飭各蒙众，拉盐投赴经棚、岔道子、林西、多伦、巴彦们都、达木诺尔各蒙盐分局，或领有采盐执照之盐坊售卖。将来蒙盐分局及盐坊，或有添设之处，收盐地点，亦应增加。届时应再知会东西两旗转飭蒙众拉盐投卖。

第十一条 合同履行后，每年应给东西两旗王府办公经费銀各六千两。定于阳历十二月初旬，由盐务署咨送蒙藏

院，仿其具領。

第十二條 本合同以十年為限。十年之內，不得更易。限期屆滿，再行續訂。

第十三條 本合同寫立五紙。漢文鹽務署書寫，蒙文由蒙藏院譯繕。繕成以後，先向鹽務署蒙藏院各蓋印信，交由來京東西兩旗蒙員帶回，加蓋旗印，並各留存一紙。其餘兩紙，即補文送還蒙藏院，院存一紙，尙余一紙，交鹽務署備案。

西烏珠穆沁旗王印  
財政部鹽務署印  
東浩齊特旗印

〔附〕續租吉鹽合同（晉北樞運局與阿拉善王續租吉蘭泰鹽合同。民國七年續訂，以三年為限）

阿拉善王與晉北樞運局為續租鹽湖議訂合同事。查吉蘭泰大二鹽湖，由晉北樞運局與阿拉善王查照宣統三年舊案，于民國三四年暨五六年兩次續訂議訂合同各在案。現因屆限滿之期，經阿拉善王提議加租。彼此議定加租數目、租期年限、訂立合同。並言明此次租定，三年期滿之後，再續租時，非每年挖運五萬石以外，不得加租。如鹽湖欠產，或應維持而不維持，以所不能足額時，仍可議減。由晉北樞運局試辦二年，應于民國六年底限滿。仍查照前案，接續議訂合同。自民國七年一月一日起，至九年年底止，租于晉北樞運局，再行試辦三年。每年議定，照前合同八千兩。現因蒙民生計艱難，加租銀二千兩。計每年湖租包平斗分銀一

万两，分为三次收使。由晋北榷运局所属包头运销局，就近交付，由阿拉善王处给予收据为凭。租定期内，所有大二两湖之盐，统由晋北榷运局随时自由派员开湖挖收，运往行销区域发售，不准别人私收私内。限内不得加租，亦不准徵税，並不得另立名目，额外勒索。俟租期届满，再议续租合同。但续租时之租价如议加減，应照前续案由核定。

第二款 晋北榷运局派员在磴口设局收盐。公平交易。蒙满驮户，由吉兰泰大湖载至磴口，脚价每斗付銀一錢三分。湖上挖盐人等工价，每驮付銀三分三厘。蒙汉驮户人等不准勒捐。如不挖不驮官员人等不准索分文。如有以上情事，均由本旗承当办理。

第三款 派赴磴口盐湖蒙员二员，每月各支薪水銀八两、工食銀六两，跟役二名，每月各支工食銀三两。管两处盐湖达木尔四名，每月支工食銀一两，共三十八两。比为催蒙汉运交磴口之盐，及帮查私运等事所有薪工飯食銀两，亦自民国七年一月一日号起，支至民国九年年底止，统由磴局按月发给。

第四款 磴局所派挖人等，将驮载两湖之盐，用斗量时，不准勒扣阻滯。运盐脚价，一律付给現銀，不携货物，並不加入铅铜。其各蒙民挖运人等，应先由阿拉善王出示晓諭。嗣后务須较前踊跃，以每年运交磴口足五万石为額，不得再有短少阻滯。倘仍前誤运，应由晋北榷运局查明情形，函請阿拉善王，諭知印房，从严办理，决不宽貸。

第五款 吉兰泰大二两湖，今既租与晋北榷运总局承办，仍照前次合同，统由官局随时自由派员开挖收运。无论

销往何处，统由晋北盐运局之认可。而私自挖运，一经查出，除将盐石及附属之驮隻等物，一律充公外，仍由官局会同印房，将该私贩按照现行私盐法治罪。

第六款 督运督挖，最关紧要。磴口及盐湖设局用人，凡关于盐务。或派人催运，或在沿边稽查，或商派蒙人照料之处，悉由晋北盐运局酌量合宜办理，统由蒙旗保护。倘原派蒙员中，有办事不力或不适用之处，准由驻磴、驻湖委员指名移请阿拉善王，更换另派委员照料，以重运务。至驻磴、驻湖委员，不准由阿拉善王查看优劣。如有不合之处，得移知晋北盐运局酌量撤换。

第七款 本合同系按照前订民国五年、六年合同大旨酌量议定。自民国七年一月一日起，至民国九年年底止，以三年为租定期满之限。

第八款 本合同照缮四分。于印押后，一呈盐务署，一存阿拉善王处，一存晋北盐运局，一存磴口分局。倘以后有疑难辨论之处，彼此就在磴查封合同，以汉文为凭。

〔附〕南满铁道运盐取释章程。

第一条 南满铁道会社于运盐斤时，务必以东三省盐务官署所发之运照为证，如无此项运照，概为拒绝装运。

第二条 运照内所载盐斤数目，或装货地点，或卸货地点，或期限已满，倘有一与实际不符时，均可一律拒绝之。

第三条 运照定式四联单。其甲联单在原发盐务官署存根，乙丙丁三联单给与运盐者。乙丙二联单，由盐斤落地之南满各站截留之。乙联单归会社存查。丙联单交由盐务官署派员随时取回。丁联单仍交商人收执。

第四条 南滿鐵道各站 尚有发现受付詐称品名之私盐时，得依照會計之規定处理。若于南滿鐵道會社營業上之範圍無妨，亦得依取締上有益之方法辦理之。

第五條 吉運煤鹽合同，由推運局與南滿會社另訂之。但推運局于運煤合同有不履行時，本辦法應同時廢止。

(二) 碱廠 查內蒙古哲里木盟地質斥鹵，除賓圖王旗外，大半皆產碱之區。惟蒙情翻覆，商業變遷難定。在圖什業圖王旗者，則以運道不通而廢業；在達爾罕王旗者，則以王府禁阻而中止；在后郭爾羅斯公旗者，則以公府不允設廠而廢置。現在從事采煮者，惟博多勒噶台王旗最多，有碱鍋十餘處。無論冬夏，皆可工作，歲出千餘萬斤。次之則杜爾伯特有二十餘處，夏秋煮碱，冬季停止，歲出五百萬斤。郭爾羅斯前旗有十餘處，歲出百餘萬斤。其餘鎮國公、札薩克圖、扎賚特諸旗，多至四十萬斤，少亦十餘萬斤。制碱之法：于春初未雨之先，視土面浮有白色細末者，即為碱芽。取置高处，善為蓋藏。蓋碱土著雨，則漬入深处不复长芽，虽煮亦不出。所出之碱，分紅白二色。白碱百斤，值錢一兩四錢上下，紅碱倍之。至郭爾羅斯前旗，另有冰碱一種，冬令生于冰上，厚三四寸，越取越生。其銷售之處，辽河以南多在法庫、辽源、奉天、營口、小庫倫一帶，以北多在長春、新城暨黑龍江省一帶。茲將各旗境產碱之區，附識如左：

(甲) 圖什業圖王旗境 香海廟白音珠拉。

(乙) 達爾罕王旗境。驛馬吐乃門塔拉(長十五里寬六七里)、十家子(長五十里寬十餘里)、蘇通(長二十餘里寬十餘里)、波拉嘎叶(長四十餘里寬三十餘里)、毛頭花

庙(宽长各十馀里)、好老堡(长约二十里宽十馀里)、哈拉巴山(宽长各十馀里)

(丙)扎萨克图王旗境。开通县东六十五里。

(丁)博多勒噶台王旗境。姑鲁满罕、鸡儿徒、对旗花户捐、三刀沙里噶、东坑坑布拉呼罕、公爷营子、花登营子、四道壕、狼子洞。

(戊)镇国公旗境。洮儿河南岸。

(己)札赉特贝勒旗境。大赉厅(长约五里宽约三里)。

(庚)杜尔伯特贝子旗境。沿东清铁路以南。

(辛)南部郭尔罗斯公旗境。达玛苏(长三十馀里宽十馀里)岔干捞噜(宽长各二十馀里)胡里波、泡灰落哈嘎、二马哈嘎、达马哈嘎

(壬)北郭尔罗斯公旗境。北部一带。

(五)农产 蒙人逐水草而居,古称行国。其后近边诸旗,渐染汉俗,始从事于耕植。凡设郡县之区,类皆农重于牧,操作亦如汉人,但坚忍耐劳为稍逊耳。所宜农产,有稻麦稷豆高粱胡麻之类,与夫蔬中之菘菠菇茄瓜薯及非蒜菜服,果中之榛栗梨枣桃李及胡桃葡萄。三者之中,以高粱、黄豆、瓜子为输出大宗。蒙境地广人稀,牛溲马勃,腐叶草根,遍地皆是。壅闾既深,遂化瘠土为沃壤。惟纬度偏北,气候较寒,春末始解冻,秋后即雨雪,故农时不能稍促耳。查内蒙古哲里木盟所产药材,以赤芍、黄芪、甘草、防风为多。采馱之流,多来自燕齐,而本旗采用者,尚不及十分之一。盖蒙古之业医者,多属喇嘛,术未精,奏效亦鲜。不得不于方剂之外,兼施针灸符咒,在地销售药品者甚少。至于科珉之法,以刀数计,每

刀一柄繳費若干，然後採取。已設治者，民官徵之。未設治者，蒙旗徵之。（名曰鑛頭根）採藥者作極無定時。徵稅多寡，亦無定額，視人事之轉移而已。據調查所得者，已有四十餘種，附列於后：

甘草 防风 黃連 黃芩 黃芪 桔梗 狼毒 黨參 元參  
麥冬 赤芍 白芍 知母 貝母 苦參 蒼朮 黃精 荊芥  
百合 升麻 遠志 細辛 丁香 大黃 黃柏 紫蘇 蘇葉  
地丁 麻仁 地榆 益母草 蒲公英 車前子 雞爪達  
兔絲子 老鸛筋 透骨草 節股車 血見愁 鬼箭榆 龍膽  
草 枸杞

查關內農事甚簡，僅五六七三個月。四月南風始至，堅冰初解。五月驟暖。六月而花。七月而實。一歲之功，畢于此矣。八月以後，霜霜殺草。九月即有冰雪，直至明春，才能耕作。塞外農工簡於內地，故耕田而外，能兼牧事，則一歲之間，無廢時矣。現在開墾者多晉魯行商，薄各資本，只身運行。刻苦積累。數年之後率族來居，竟成村落。苟得有志之士精心經營，則北美、加奈大之富盛，不難再見於吾蒙矣。

（六）森林 索倫山為內興安嶺東出之支脈，周圍二千餘里。凡札薩克圖鎮國公札賚特、烏珠穆沁、札魯特諸旗，皆共綿亘處也。森林茂密，垂數千年。高十丈松木遍山皆是，而椽木圓木，亦多出其間。入山運木，約分三路行銷。銷于江省者十之三。銷于西人者十之七。銷于江省民蒙兩境者各十之五。銷于科爾沁右翼諸旗亦不少。合中外銷售之款，歲約二三百萬，不可謂無利。乃段人任意采伐，不肖官吏又從中暗為勾結，擅與俄人訂約。甚至我之商民，尚須向俄人領

票，反宾为主，抑制百端。现虽收回旧约，复我利权，徒以索伦遗族栖息其中，非大股商人佐以兵力，未敢深入。自日俄战争后，日人遂占领江右之地，设立采木公司，名曰中日合办鸭绿江木植公司。其采伐区域，原定鸭绿右岸自帽儿山起，至二十四道湾止。各道沟距江河，约六十中里。虽章程规定木把采伐所需款项，得向公司贷借。然其所采木材，除铁路公司所需道木及人民自用木料得向木把直接采买外，其余仍归公司操纵。直以木把为雇工，不啻间接取得浑江、鸭绿江流域之森林权利也。兹将鸭绿江采木公司章程十三条胪列于左。

第一条 划定鸭绿江右岸自帽儿山起，至二十四道沟止，距鸭绿江面干流六十华里内为界。界内木植归中日两国合资经理采伐事业。惟公司创办之始，应由两国派员设局开办。俟一年后一切事务整顿妥协，即由两国招商承办。

第二条 中日合办木植公司，称为鸭绿江采木公司。

第三条 公司资本定为三百万元，由中日两国各出半数。

第四条 公司总局设在安东。如公司视为切要，得呈报督办，在应设各处设立分局。

第五条 公司允保全华人旧业木把事业。除第一条声明划定界内准公司采伐外，其余界外暨浑江之森林，仍归中国旧业木把采伐。所需款项应向公司贷借。其所采木料，除江浙铁路公司所需道木、及沿江人民自用木料，直向木把采买外，其余全归公司收买。公司应按市价收买，不得任意垄断。

第六条 公司所有自伐及收买木把采伐之木料，如中国国家及中国衙署局所需用者，应携有护照向公司采买。应照实在工本计算，不得高抬价值。

第七条 公司营业以二十五年为限。限满时，如中国政府视公司经营事业尚为妥协，该公司可稟请中国政府酌予展限年期。

第八条 公司应设督办一员，由奉天督抚派东边道尹兼理监督公司经营事业。又理事长二员：中国人一员，日本人一员，各由本国派充经理公司一切业务。其余理事、技师等员，由理事长会同选派。所有界内入山伐木人，若需兼用别国人，应由理事长先行商准督办核定。

第九条 公司于每年底，造成该年内一切事业报告书及收支书预算书，呈送两国该营官署查核。

第十条 公司所有进款除一切消耗开支外，以余利百分之五报效中国国家。至提此项报效后所有净利，归中日两国股东均摊。至公司消耗，不得任意开支，应按期先行核算。公司用人薪水及一切经费等支款，开呈督办核准。

第十一条 公司设立一切办法，应候此合同大纲议后一个月内，由奉天官长及日本驻奉天总领事各委一员，商议详细章程。俟该章程商定后，交给公司遵照办理。限于三个月内即行开办，嗣后该公司如有另定规则等项，应由督办核准施行。

第十二条 公司应纳木料税项，俟在奉天商议详细章程时，两国委员查明向章数目，商准地方官酌为减少。惟公司运进口之机器、以及伐木必需之器具，应豁免一厘厘税。

第十三条 公司开办后，日本政府允将现在鸭绿江之木

材厂一概撤去。

(七)工商 蒙人不知懋迁，温饱以外便无余事。器用布帛多运自内地，其交易商人多晋鲁行商。初至时，恒以车载杂货，周游蒙境，蒙人谓之货郎。亦有以布帛交易牛羊，其利最巨。每布一匹，(蒙人以八寸为方，方为托，七托为匹。)值银约一两二钱，易犏一头。蒙古除天然牧畜之外，其寻常多以拾粪为业。查蒙古燃料，多用各种兽粪。其最良者为牛粪，火力甚强，可以熔铁，每车约值铜元二十五枚。次为骆驼粪，因味臭难烧。据土镇守使怀庆谈，去年多伦行军时，多用牛粪。为淀清饮料水之用，利用甚大，蒙人家中所必需之物，故蒙人恒以拾粪为业。至于制造工作一项，蒙人赋性本来颀愚，不足与语高深。然其简易物品，亦有足多者。取诸动物者，为羊毛、牛乳等是也。羊毛之制造，约分毛毡、绒毡二种。毛毡质厚而粗，绒毡则质薄而精，惟价高毛毡一倍。牛乳之制造，约分食品、饮料二种。食品有三：曰奶油，系取乳面之油滤以细布，制造而成者。曰奶豆腐，系取乳底之沉淀，熬煮而成者。曰奶果子，以面和乳，渗以糖奶和糖面，制成饼饵，蒙人视为无上之食品，非贵客不供。饮料亦有三：曰奶茶，系以鲜乳和茶制造而成者。曰酸奶子，系以鲜乳和水，俟其微带酸味者为佳。曰奶酒，系以制奶豆腐余剩之浆，使之醇霉以变其性质。味酸能醉人，即内地亦多购取之。取诸植物者，除杏油为蒙人供佛祭品之外，更属寥寥。至于衣裘华履之类，多由妇女手制，颇坚朴耐久。其余齿、革、草、木之属，亦可为制造之原料。惜蒙人不知制作，诸多废弃耳。

(八) 畜牧 蒙古地方，牧畜最宜。遍野青苍，牛羊散放，生机旣暢，滋殖弥蕃。千匹之羊经岁生雏，明年并计可得二千。子母相权，富可立致。若更就皮、毛、骨、角，加以利用，利更莫伦。蒙古上人不善治生，然而衣食无缺，各能自存者，全赖天然牧畜之利有以导之耳。夫蒙地辽阔而人民生计极简单，但就余调查所至，向不见有沿途乞食之流民，其亦职此之故欤？按蒙古生计专赖牧畜，问其贫富，则牧畜以对。畜有驼、马、牛、羊、骡、驴之属，而马、牛、羊、骆驼。四者为大宗。

(一) 马 蒙古买马多在秋季，因野草繁茂，饱食肥大，故古人有秋高马肥之说。查多伦少山多水，浅草平沙，最宜牧畜，故称多伦为马市，或称庙马。交尾之期在四月至六月之间，一牡马可配合十余头。使用期间，牡马由四岁至十岁，牝马由四岁至二十岁。其生产之数，哲里木盟为四五〇〇〇〇头，卓索图盟为三五〇〇〇〇头，昭乌达盟一四八五〇〇〇头，锡林郭勒盟为三四五〇〇〇〇头，察哈尔为八〇〇〇〇〇头，合计每年生产之数为—〇五八五〇〇〇头。

(二) 牛 蒙古牛有食肉、食乳二种。交尾之期在四月至六月之间，一牡牛可配合十余头。其使用期间，牡牛由三岁至八岁。牝牛由三岁至十岁。其生产之数，哲里木盟为五八五〇〇〇〇头，卓索图盟为五三〇〇〇〇头，昭乌达盟为二七五〇〇〇〇头，锡林郭勒盟为二四五〇〇〇〇头，察哈尔为八〇〇〇〇〇头，合计每年生产之数为—二三八〇〇〇〇头。

(三) 羊 蒙古羊有三种：一曰山羊，其肉可食。一曰青羊，其皮可衣。一曰黄羊，其角可用。交尾之期在十月

至十一月之间，一牝羊可配合牝羊二十余头。其使用期间，牝、牝羊同，由二岁至六岁。其生产之数，哲里木盟为四六五〇〇头，卓索图盟为二五〇〇〇头，昭乌达盟为四五九〇〇〇头。锡林郭勒盟为五四〇〇〇〇头，察哈尔二三〇〇〇〇头。合计每年生产之数为—三〇〇五〇〇头。

(四)骆驼 蒙古骆驼体格强大，适于载重。其驼载方法有三：曰驼轿、曰驼车、曰驼载。其搬运货物，多鱼贯结队而行，故名曰骆驼队。驼善行沙漠，食树叶青草，一饱隔日不食，故称沙漠之舟。发育甚晚，八岁以外始可负重。若节其劳力，以时牧放，其使用之期，可由八岁至五十岁。性温和，行畏暑，故蒙人多夜间牧放驮载。其负重之力以三百五十斤至四百斤为率，亦有用以行军者。其毛绒每年脱落一次。其生产之数，哲里木盟为一〇〇〇头，卓索图盟为五六〇头，昭乌达盟为六四〇头，锡林郭勒盟为六五〇头，察哈尔为五二〇头。合计每年生产之数为三四一〇头。

查哲里木盟马匹素称良莠，蒙伦马头屢奏奇功。其馀牛羊两项。又为自产，为天然利益。近来垦辟渐多，凡属水草利便之区，皆为稼穡丰盈之地。牧场既蹙，畜养又复无方。以牧雄骏之材日就稀少，而坚忍耐劳之性质，亦与以前大相迳庭。自口供战役以后，营运战备，疲弱强取，十去四五。驱黄之迁，几至空群。虽邻旗之乌珠穆沁，浩齐特、扎鲁特均为产马之区，每不吝重价市来，以充国厩。而地势异宜，人为异政，大有江表东移迁地弗良之虞。加之游牧漫无节制，驱群风未讲求，牧孳生未思善循。又不知护惜于乳

种，恣意取求，即乌秣亦毫无豫备，童牛失乳，已不免羸瘠之形。及于隆冬，草为雪压，牛性较拙，又不知拨草觅食，听其冻饿以死。幸而不死，而叠受大创，已难负重。此牧政所以日坏，生计所以日绌。去年调查各旗，畜牧惟达尔罕旗尚盛（马牛羊三种。共约一百四五十万头），博多勒噶台、前郭尔罗斯诸旗次之。（博旗约三十万头。郭旗约二十余万头。）札赉特、镇国公、图什业图诸旗又次之（札旗约八万头。公旗约七万头。图旗约五万头）。最少者杜尔伯特、宾图、扎萨克图、后郭尔罗斯诸旗，（杜、宾二旗三万余头。札、郭二旗二万余头。）盖较之十年以前，尚不逮其半也。

（九）渔业 蒙人迷信宗教，相戒不食鱼鳖。汉民之捕鱼者，往往为其禁阻。其哲里木盟之东西二辽，松、嫩二水，（所产鲑鱼，其皮可制衣鞋。）以及洮尔河、月亮泡、察罕诺尔、陶代屯等处，皆绝好渔业场。其取鱼之法：夏秋则截流，冬令则凿冰。或网或箔，各从其便。渔人栖止，皆在水滨。截茅架屋，布网以代墙垣，俗称网房。郭尔罗斯后旗，沿松嫩二江，网房甚多，水涨之岁约二百处。网房之大者，岁纳税二十七两。次之十余两。或八两公府岁入之税，多至二千余两，少亦千两。月亮泡之渔业，狗獺其胜。网房约百余处，所征之税，有至三五千金者。上游为洮尔河，在札萨克图王、镇国公二旗，鱼鳖之利亦不稍让。其他则察罕诺尔、陶代屯两湖，均博多勒噶台牧境，水涨插箔者约千余。惜水无来源，故质而味不佳。较之大川巨浸，盖相去倍蓰焉。

## 第七卷附录

### 甲、调查自辟西路商埠报告

(一) **赤峰** 旧为赤峰直隶州。民国二年，改为县，属于热河道，为特别区域。承德县东北四百七十里，距京八百六十里，为昭乌达盟翁牛特部地方。原名乌兰哈达，译音红山。因其地东北有山，现赫色，故名。前清为赤峰厅，管轄开鲁、林西二县，为关外隘口、内蒙门户，与奉省毗连。自南满铁道成后，日本势力渐及而西。(最近日本关东都督府出版东蒙古一书，而假定界綫，又举外蒙车臣汗、土谢图汗二部，划归东蒙。其野心诚不可思议。)日本到赤峰调查，自乌聚、龙藏二人始，事在前清光緒三十年前。其时风气未开，巡警未设，外人之游历斯土者，任其自由出入，毫无觉察。乌、龙归国后遍登报纸，极称赤峰繁富甲于他埠，唤起一般日人注意。于是日人调查蒙事者乃接踵而至，其用意从可知矣。按赤峰地土饶腴，四面交通。街道宽敞，一衢七里，商店林立，儼然为天然商埠。然自开鲁、林西、经棚，屡有战事后，商务大受影响。领荒之人不如从前踊跃，议者为交通西路起见，拟筑京热、热赤二路，殊不知热河偏处东南，山岭复杂，又无河流以通舟楫。因其地有避暑山庄为清帝游幸之所，故设都统以镇摄之。即在地所需粮食亦多仰给于赤峰。若就赤峰筑路，经朝阳而达锦州，路程不过五百里，与京奉铁路衔接。交通之便，实莫逾于此。前年政府派队防赤，亦多由京奉铁路运兵至锦，由锦达赤。较之由京遵陆赴赤，远近难易判然。倘赤峰自辟商埠，非筑锦赤铁路不可。匪特于商业有益，并足以利军用。其商埠地点，

现勘定在赤峰县北境之錫伯河，距街子三十里。东界红山，南界县治，西界银河，北界滦河。开垦四畝，土质肥沃，向无水患，虽尚有流沙，不足为虑。面积东西长四百三十里，计二十里。南北长九十里，计二十五里。全面积十六万二千亩，计三百方里。此段地甚大，可先垦南面亩用。北段留备扩充。南有土岭，长约数十里，相传昔时，松林遍山，今全境已无此树。需用木材，多仰给于西辽。气候多风、早寒，农产年收一季。输出之货以小米、高粱、小麦、荞麦、蚕豆、马、骡、牛、羊以及皮革、毛线、烟麻、土碱、等类为大宗。输入之货以粗布匹、茧油、棉花、芦苇、纸、蓝靛、及茶粮、药料、海味、火油、裕速、洋线、胰皂、纸烟为大宗。而洋商在此设庄采办皮革绒毛等货者，不下数十家。闻赤峰西北巴林部、乌珠穆沁旗地方。有盐湖一区，产盐甚旺，既采既结，色味绝美。北销黑龙江、南销内蒙古一带，每年输出之数甚巨。该产向归蒙旗管理，办法未善。若由中央收为国有，派员整顿，除划款津贴蒙旗外，且增固课大宗之收入，故赤峰盐政又不可不注意也。由北京至赤峰路程，共计八百五十五里。第一站由北京至孙河三十里。第二站至牛栏山五十里。第三站至密云县五十里。第四站至石匣六十里。第五站至古北口四十里。第六站至三间房五十里。第七站至三道梁五十里。第八站至滦平县五十里，第九站至热河承德县四十里。第十站至黄土坑四十里。第十一站至岗仔四十里。第十二站至七家仔五十里。第十三站至坝底四十里。第十四站至旺业店五十里。第十五站至下花房七十里。第十六站至公爷府四十里。第十七站至杨家营六十

里。第十八站至赤峰四十五里。共计路程八百五十五里。

〔附〕赤峰县至各处路程表

地 名	里 数	地 名	里 数
乌丹城	北路 一八〇	林西县	北路 四一二
经棚县	北路 四六四	开鲁县	东北路 六五一
塔沟县	东南路 三二〇	朝阳县	东南路 三六〇
锦 县	东南路 五五一	平泉县	南路 四〇〇
承德县	西南路 四七〇	古北口	六六〇
围场县	一八〇	多伦县	六〇〇

(二)多伦 多伦诺尔厅,民国二年改称为多伦县,属于察哈尔兴和道,为特别区域。在张家口东北四百七十里,距北京七百余里,为察哈尔左翼正蓝旗地。多伦诺尔系旧日名称。按多伦二字,即华语七;诺尔二字,即华语水泡。故该地有七水泡:一曰喇干诺尔,二曰依克达汗诺尔,三曰巴汗达汗诺尔,四曰空儿鬼诺尔,五曰巴彦诺尔,六曰科布多诺尔,七曰乌木克诺尔。又名曰七星潭,但迄今水泡已涸其半矣。此处有汇宗、善因二寺,为章嘉佛住锡之地,俗称喇嘛庙。据陆军测量,地势较北京高二百丈有奇。气候寒冷,时有冰雹。夏日午间,华氏表在七十度上下。田苗只收一季。县治西北一带皆山。西有闪电河,即上都河,环绕北境,东流入滦河。东南两面地势洼下,水泡甚多,水盛涨时,北流闪电河。商

埠地点，现在湖定多伦县治西北二里许，与汇宗、善因二寺对峙。东界多伦街市及善因寺西南角，南界张家口，西界大西山，北界乌兰坝。地势高峻，素无水泉。东西长四千三百二十弓，计十二里。南北长二千八百八十弓，计八里。合全面积五万二千亩有奇，计九十六方里。界内之地多属汇宗、善因二寺私产，并无官地，东北有风来山，树木繁茂时，人多往游览。该处杂花高山，与丛林相映，风景绝佳，尽可一并购置改建公园之用。多伦地势冲要，为外蒙南来必经之路。当繁盛时，殷实富户多至三千余家。每年蒙古年班入京，必至章嘉佛前修斋。即以贡茶一项而论，每年销数甚多。粮食亦占贸易大宗。上年蒙匪不靖，多伦街外为战争剧烈之场，各商铺停止交易者不少。将来锦、赤铁路达围场至多伦，接张家口与京绥铁路相连，多伦商务可望起色。其地无山岭阻碍，平沙浅草，一望无际。人多以牧畜为业，散放牛羊驼马，生息蕃庶，经年并计，其数倍之。蒙人不治生活，而衣食无缺者，赖牧畜所获有以致之也。输出之货，以莜麦、小麦、杂豆、菜籽、麻籽、米面、麻蕪、水胶以及牛马、猪羊、皮革、绒毛等类为大宗。输入之货，以棉布、烟酒、干果、铁器、蓝靛以及茶糖、药材、磁器、海味、羊油、褙毯、肥皂等类为大宗。洋商在此设庄采买皮革毛绒者，计有十余家，多系晋、鲁行商。该地产香牛皮甚多，每张值价八元，向由俄商经理人收买，运往哈尔滨制革厂。制成熟皮后，复贩内地，每张增值二十五元。吾国若在該地设厂自制，亦挽回利权之一端也。（一）由多伦至赤峰路程，五百八十里。第一站由多伦至沙坑六十五里。

第二站至桃儿山七十五里。第三站至大河口四十里。第四站至窟窿山七十里。第五站至推子山四十里。第六站至碑子亭四十五里。第七站至围场县六十五里。第八站至五家子四十五里。第九站至猴头沟四十五里。第十站至三岔口四十五里。第十一站至赤峰四十五里。共计路程五百八十里。(二)由多伦至北京路程七百九十里。第一站由多伦至边墙子六十里。第二站至大坝底六十里。第三站至下店六十里。第四站至张蛮子井十里。第五站至二道洼四十里。第六站至白庙摊六十里。第七站至罕诺尔坝七十五里。第八站至张家口四十五里。第九站至北京三百三十里。(乘京绥火车)共计路程七百九十里。

〔附〕多伦县至各处路程表

地 名	里 数	地 名	里 数
察哈尔正蓝旗	北路二〇〇	阿巴噶	北路七〇〇
经棚 克什克 腾 部	东北路三九五	乌珠穆沁旗	东北路八〇〇
围场县	东路四二〇	赤峰县	东路六〇〇
丰宁县	东南路三六〇	古北口	东南路五三五
独口县	西南路三三〇	张家口	西南路四七〇
察哈尔镶白旗	西路二五〇	察哈尔正白旗	西路三五〇
察哈尔正黄旗	西路四二〇	察哈尔正镶旗	西路五二〇

(三) 张家口 张家口厅，民国二年改称为张北县，属于察哈尔兴和道，为特别区域。距北京三百四十里。(以铁路里计数)气候多寒，禾稼收成，年仅一次。距城四百里有小山，名曰赐儿山。山半建有一庙，风景绝佳。境门外有通河一道，直贯街市，南下会于永定河。东西两山对峙，形势险要。北狭南宽，凸凹不平。地较街高六十尺，虽滨大河。不受水患。商埠地点，勘定在张家口通桥东岸，昆连街市。东界东山坡，南界京绥车站，西界通河东岸，北界北山根。南北长一千四百六十弓，计四里许。南横宽五百八十弓，计一里半有奇。北横宽一百四十弓，不及半里。东南尚有余地，可以扩充。北有通桥，但河身甚窄，每易淤塞。当夏日山水涨发时，辄漫过桥身。下游滩栅甚多，前数年曾经冲毁，溺死二百余人。将来应将桥身加宽，多设孔洞，开辟商埠，庶不受其影响。查该处为商货运转总汇之区，北通内外蒙旗及库伦、乌里雅苏台、科布多等处，西通伊犁、新疆、宁夏。每年输出砖茶至数百万箱。输入皮货，亦复不少，是以商贾辐辏。自西伯利亚路成，内外商贾均趋津奉一线。迨来京绥路成，稍资补救。本地粮食多有转运出境者，惟张家口为库伦直接商路，在库设总号者，在张必设分号。刻下店商约三千余家，居民约二万户。自库伦独立，科布多被乱，台站撤毁，由张家口至库伦，共计四十四站。现在张、库汽车通行后，自京至库，不过四日，商旅至称便利。输出之货，以春梦、麦麦、荞麦、胡麻、菜籽、面粉、豆粉、以及马牛骡驴、猪羊、皮革、绒毛等类为大大宗。输入之货，自京绥路通后，南北洋货无一不备。洋商在此，设庄采买胡麻菜籽、

皮革、绒毛者，共有数十家。每年销数，胡麻约二百五十万  
 余斤，菜籽约二百余万斤，羊毛绒、驼绒约三百七十余万斤，  
 皮革约二十九余万张。闾哈，库铁路，俄国正在建筑。将来  
 俄货输入不纳税，而吾国货物运至库伦者，无论粗细，概以  
 市价值百抽五纳税。其运至伊犁新疆者，沿途税捐八道。东  
 有子口洋货充斥，西有免税、俄货灌输，华商几无插足之地，  
 商业不无受其影响也。

〔附〕张家口至各处路程表

地 名	里 数	地 名	里 数
察哈尔镶黄旗	北路 三六〇	察哈尔正白旗	北路 四六〇
察哈尔镶白旗	北路 五五〇	察哈尔正红旗	北路 四二五
察哈尔正黄旗	北路 六七〇	察哈尔镶蓝旗	北路 四七〇
察哈尔正蓝旗	北路 三四六	库伦	北路 二九〇五
察哈尔镶黄旗	北路 四五〇	恰克图	北路 三一二〇
多伦县	东北路 四七〇	经棚县	东北路 八六五

(接上表)

地 名	里 数	地 名	里 数
宣化县 东南路	六〇	兴和县 西路	二〇〇
丰镇县 西路	三八〇	凉城县 西路	五九〇
陶林县 西路	五四五	归绥县 西路	七四〇
阳高县 西南路	二二九	大同县 西南路	三三二
得胜口 西南路	四三二	杀虎口 西南路	八五〇

(四) **归化城** 旧为归化城。民国元年,改为归化、绥远二县。至二年,又将两县改并为归化县属于绥远道特别行政区域。距北京西北一千一百七十二里,为土默特旧址,原名庫伦河屯。明嘉靖间,格根汉筑城于此,曰拜牲。后归明,赐名归化城。清因之。康熙皇帝亲征噶尔丹,驻此受俘犒师。乾隆初年,复建绥远城,迁右卫兵驻防。嗣设归化厅,为口外十二厅之一。民国成立,改为归绥县。都统驻绥远城,县知事驻归化城。地势险要,北障青山,即古阴山,在城西北三十余里,可为屏蔽。南临黑水,即土尔根河,在县治南二十里,西流会于黄河。城方二里,街市多在城外南关一带,尤称繁盛。绥远在其东北五里,城方十二里,茂树浓阴,青葱可爱,气候燠暖,五谷蕃殖,自昔称为产粮之地。地势高峻,永无水患,虽间有浮沙,无甚妨碍。商埠地点,勘定在归化、绥远两城之间。按原拟商埠地点,将归化、绥远二城,划入界内。但将来管理徵稅,恐种种权限不清。

易滋混淆。茲另勘界址，东界绥远城东南角，南界双树村，西界归化城东关外，北界绥远城西北角。面积南界东西长二千二百八十弓，计八里。北界东西长一千八百弓，计五里。东界南北长一千零八十弓，计三里。西里，东北旷地甚多，可备推扩之用。输出之货，以小麦、莜麦、高粱、谷子、葫麻、菜籽、烟叶、甘草、土蓍、枸杞以及牛马、驼、骡、猪、羊、皮革、绒毛等类大宗。输入之货以棉花、粗布、大米、蓝靛、铜铁、洋油、洋线、纸烟以及茶糖、颜料、磁器、纸张等类为大宗。洋商在此设庄采买羊毛绒、牛马皮者，共有十余家。商务发达、货品流行。每年归商贩运砖茶、绸布、棉花、米面、等物，分赴各蒙交易驼、马、牛、羊、皮革、绒毛等物。春夏而去，秋冬而回。从前盛时，每年由归输入羊约七八十万只，马约三万余只，驼牛均以万数。尚有皮革绒毛约值五六百万两。而由新伊一带，运回货物，亦至一二百万两之谱。西路一带，多种胡麻菜籽。胡麻开蓝花，其子扁，菜籽开黄花，其子圆，可以榨油。磨擦机器，不轻不重，较香油豆油为佳。洋商经理人在此收买，输出之数日增。每年以五六七八等月为播种收获之期。又闻英人华而登氏有用葫麻、菜籽之油，熬熟暴露空中，得使天然养化作用后，再调和各种原料，制成一种胶凝而有弹性之物质，可代假橡皮之用，名曰林诺溜姆。饰以颜色，印以文彩，或缘壁为毡，或铺地为毯，销用甚广。就一千九百零七年至一千九百十年计算，欧美各国对于此类之投资者，不下五六十兆。其出口之数，美国约达三五八三九四〇〇方码。据闻美国某公司，每周可制成六十万码。工业发达，销路日增。葫麻菜籽之额

产，更当百倍于斯矣。我中国地大物博，为生产原料之尾閘，惜工业乏人研究，徒供他人之输出。而每年暗中损失者，不知其几千万值，良可叹耳！该地农事正见发达；查归化、包头、萨、托各系，今年储存谷类总数，约在四五百万石。陈陈相因，徒嗟红朽。盖因不能大批转运，致金融为之阻滞。必至京绥铁路告成，始能活动。至于西北一带，地多空旷，牧畜之外，开垦亦为大端。昭谷将军前承办西盟水利局，地属五原系之后套，有河流环其西。当时曾将该地招民领垦，导黄河之水，开渠灌田，分为八大渠，曰长胜渠、曰老郭渠、曰塔布渠、曰刚目渠、曰沙河渠、曰义和渠、曰丰济渠、曰醒金渠。原辟渠，面宽四丈，渠底丈二，可以行舟。统辖十四社，全渠面积约在七八百里。设为东西水利局二处，营理其事，开办费在百万以上。所灌溉之地，约在万顷，出地利无算，而赖此生活者，不知几何。规划宏远，卒以款絀停办，败于垂成，良可惜耳。由京至归约有二路：（一）由北京至归化成一路共计九百八十里。第一站由北京至张家口乘火车，计三百三十里。第二站由张家口至丰镇乘火车计四百三十二里。第三站由丰镇至马王庙四十里。第四站至泉卜子村五十里。第五站至宁远县九十里。第六站至归化城一百四十里。共计九百八十里。（二）由归化城至北京一路共计一千一百十二里。第一站由归化城至麦达七十里。第二站至水磨六十里。第三站至壕塹六十里。第四站至麦河图六十里。第五站至马王庙六十里。第六站至丰镇县四十里。第七站至金钩大坝五十里。第八站至大同五十里。第九站由大同乘火车到张家口计三百三十二里。再由张家口乘火

车到北京计三百三十里。共计一千一百十二里。

〔附〕归化城至各处路程表

地 名	里 数	地 名	里 数
喀尔喀右翼	北路 一三〇	托克托县	西南路 二九〇
武川县	西南路 二三〇	四子部落	西南路 三四〇
凉城县	东路 一四〇	张家口	火车 二〇〇
和林格尔县	东南路 一二〇	杀虎口	东南路 四四〇
得胜口	东南路 三六〇	大同县	东南路 一六五
清水河县	东南路 二四〇	河口	东南路 一六五
萨拉齐县	西路 二四〇	包头镇	西路 三六〇
乌拉特	西路 三四〇	东胜县	西路 五二〇
五原县	西路 六二〇	伊克昭盟	西路 六〇〇
茂明安	西北路 四二〇	乌里雅苏台	西北路 三七〇〇
科布多	西北路 六四四〇		

## 乙、调查白辟东路商埠报告

### (一) 葫芦岛。

在奉天锦县，旧为锦州府，民国二年，改称为锦县。现属奉天辽沈道区域。始见于全辽志：明天启中，鹿忠节继善孙文正承宗军，巡视边海各隘，尝至是岛。盖为明季用武之地也。若以形势论，四面皆山。由西迤东，伸出海滨，如三角形，约有六里之遙。水深可驶轮船，交通之便，莫逾于此。若以气候论，夏令热度率逾八十度，冬令率在零度上下。较秦皇岛为暖，故称为不冻港。

(二) 辽源 旧为辽阳州，民国二年，改称为辽源县。属奉天洮昌道管辖，本名郑家屯，系蒙古达罕王旗及博王旗游牧之地，为蒙汉互市之区。清光绪二十八年，郑家屯设治，并未建筑城垣。西有辽河，距仅二里。水涨时，每溢及市中。境内有东西小辽河各一道。东辽河由东北三百余里吉林界之宽城子而来，直达县属正南之三江河口，汇入大辽河。西辽河自西北三千余里之敖来挠喇嘛庙发源而来，亦至三江口汇入大辽河。商埠地点现在勘定河之西岸，南自黑老爷筑堡船只停泊之处起，至西大爷窝堡止，南北约七八百里。西自县街起，至河沿止，东西横约三百里。地势高爽，交通便利，建设商埠，最为相宜。将来四、洮修筑铁路，经过辽源，必在二河口。由马圈子过东辽河，经倬倬土山，沿西辽河向北直达洮南若夹河为埠。东与车站相连，西与县街相接，如天津等处，形势绝佳。惟辽河未加修浚以前，恐淤沙迁徙无定，河面过宽，修筑桥梁，亦非易易。查该地农产甚富，每年以高粱、大小麦米、稻子、黍米、豆油、麻油、

烧酒、各种面粉为大宗。每季各处贩马而来者以万计，故称辽源为马市。按辽源距奉天不过四百里，惟中间道路崎岖难行，将来修筑马路，采办石子，转运亦属难事。总之辽源应否开辟商埠，必视辽河能否修浚。苟辽河能通小轮，则营口西商，不劝而集，此沟通松、辽之议所由起也。溯自东省丧失路权以来，仅辽河有出口权，而松花、黑龙诸江则无有。前章太炎先生在三省时曾有主张，以为三省交通首推航路。若沟通松、辽，其工费估算，至多不过六七百万。较之修筑锦、瑗铁路，工费可省八分之一。而源远流长，几倍锦、瑗。且辽河屈曲多迂，若失此不治，则营口下流，不久必当枯废，东省将无一完全海口矣。故欲沟通松、嫩巨流，必疏浚辽河为根本办法。查辽河绵亘八千余里，如果沟通，自上游转泛于松、黑两江，二水衔接，长约千余里。则东三省全部转运，血脉灵通，并可夺东清、南满两路之利权矣。由北京至辽源路程共计七百八十二里。第一站由北京乘京奉铁路火车至奉天，计五百二十一里。第二站由奉天搭南满铁路火车至四平街，计七十一里。第三站至八面城五十里。第四站至三江口八十里。第五站至辽源六十里。共计七百八十二里。

(三) **洮南** 旧为洮南府，民国二年改称为洮南县，属于奉天洮昌道管辖。在科尔沁右翼前旗东部，界于奉、吉、黑三省之间。去长春齐齐哈尔，均不过五百里。至奉天乃近千里。地势平衍。北部有洮儿、交流两河，至城东五里许合流，仍名洮儿河。此河发源于索伦山，自东流二百余里，至月亮泡。（按月亮泡之渔业，每年值二十四万元左右。）而入松花江。但水势漫衍，淤泥渐高。流不甚畅。时有泛滥之处，商

埠地点原拟勘定城外东南一带，仍嫌距市太远。议向西北拓展，接至城之南墙根为止。查该地气候寒冷，惟至夏令午间之热，或甚于关内。故其他种熟虽晚，而收获反较关内为早，即其证也。距新城水程约有八百余里，一切转运，多凭陆路，交通不便。倘将来洮、辽汽车通行，则行旅商货均可藉以运输。每年运输入之货，以布匹、梗米、木料、食盐、棉花、茶、蔗、叶糖为大宗。输出之货，以元豆、牛马皮、及羊狗、狐狸、牛马为大宗。行销日本占十分之六，各国占十分之二。土产占十分之二。闻索伦山矿产甚富，木料亦多。若能与蒙王议订开矿采伐章程，妥为保护，亦发达商埠之一助。且该处荒地极多，若寓兵于农，使自为守，则户口自增，商务亦可望发达。现洮南已放荒地，约五十万晌。每晌十亩，已开熟者，不过四万馀晌。前朱启铃先生在东省时，亦以筹蒙设驿为入手办法，曾拟设驿站三路：（一）由奉天经辽、洮至黑龙江省城计一千五百余里，置驿站十二。（二）由法库至新民，以达京奉铁路，计长百余里，置驿站二，惜未见诸实行耳。由辽源至洮南路程（按洮南距北京一千二百九十七里），共计五百五十里。第一站由辽源至卧虎屯五十里。第二站至口袋三十里。第三站至前哈喇毛头四十五里。第四站至哈喇本毛头四十五里。第五站至大瘦子店三十里。第六站至太平川六十里。第七站至碱包儿店二十里。第八站至边昭三十里。第九站至安海二十里。第十站至开源县四十五里。第十一站至王家店二十里。第十二站至兴隆镇五十里。第十三站至义干他拉三十里。第十四站至洮南四十里。共计五百五十里。

〔附〕洮南县至各处里程表

地 名	里 数	地 名	里 数
齐齐哈尔	六〇〇	长 春 县	七〇〇
新 城 县	四〇〇	辽 阳 县	五三〇
扎萨克图王府	一八〇	图什业图王府	二一〇
长 岭 县	三四五	开 通 县	一六〇
突 泉 县	一八〇	洮 安 县	九 〇
镇 东 县	一五〇	安 广 县	一八〇
大 赉 县	二四〇	开 鲁 县	四八〇
四 平 街	七二五		

#### （四）农商部厘订自开辟商埠开办章程

第一条 左列商埠，凡本国及締结条约国人民，依照各设埠施行之各项章程，一律往来居住貿易。归化城。张家口。多伦诺尔。赤峰。洮南。辽源。葫芦島。其奉续命令指定之商埠亦适用本章程规定。但外国商人貿易，以前项规定商埠界内为限，其界址以外，不得租赁房屋、开设行栈。

第二条 前条规定之商埠界内一切行政司法权，统归中国官吏管理执行。其关于外国人诉讼事项，仍依条约规定办理。但外国人因诉讼便利，赴中国审判官厅起诉时，官厅得受理之。

第三条 凡经决定自辟之商埠，应由地方最高级行政长官派员勘定该埠四至之界址，绘具详细图说，咨陈内务部核定公布之。

第四条 决定自辟商埠之界址，经公布后，应由地方最高级行政长官酌夺情形，设置商埠局。

第五条 商埠局置局长一人，由地方最高级行政长官呈请大总统派充。其局内组织及佐理人员，由地方最高级行政长官，掌理界内左列事务：（一）关于建筑工程之规划及核定事项。（二）关于官地民之调查登记及收用事项。（三）关于规定工地之等第事项。（四）关于经理土地及房屋之租赁事项。（五）关于筹办警察事项。（六）关于徵收杂捐事项。

第七条。自辟商埠界内之土地及建筑事项，非经商埠局核定，无论中外人民不得自由处分。

第八条 自辟商埠界内土地之租期，以五十年为限。

第九条 关于租建及警察、又第六条规定各事之详细章程，由商埠局依地方情形拟定，经由地方最高级行政长官咨陈内务部核定。其关于各部主管事项分别咨报各主管官署核定之。

第十条 关于设关征税事宜，由税务处斟酌情形，随时派员办理。其未设税关以前，所有应纳一切税理，仍照向来办法办理。

第十一条 商埠局所掌事项，置有主管官厅时得裁撤之。

第十二条 本章程自奉大总统批准公布日施行

（方晓选录）

[ G e n e r a l I n f o r m a t i o n ]

书名 = 内蒙古史志资料选编 第一辑 (上册)

作者 =

页数 = 1 0 0 0

S S 号 = 0

出版日期 =

封面页  
书名页  
版权页  
前言页  
目录页  
内蒙古各部历史沿革  
内蒙古各部地理  
内蒙古各部王公世系  
省疆域沿革  
《蒙古鉴》选录  
附录页